



唐 張守節 正義 閣 集解漢 司馬遷 撰

中華書局

卷六一至卷

八〇(傳)

史記卷六十

伯夷列傳第一

其文辭不少概見,何哉?[10] 隱。及夏之時,有下隨、務光者。此何以稱焉。「☆」太史公曰:余登箕山,〔艹〕其上蓋有許由 冢云。<u>孔子序列古之仁聖賢人,如吴太伯、伯夷之倫詳矣。 余以所聞由、光〔<〕義至高,〔衰〕</u> 重器、「『」王者大統,傳天下若斯之難也。而説者曰堯讓天下於許由、「『」許由不受,恥之逃 於虞舜,舜禹之閒,岳牧咸薦,乃試之於位,典職數十年,〔三〕功用既興,然後授政。 示天下 夫學者載籍極博,猶考信於六蓺。 詩書雖缺,「己然<u>虞</u>夏之文可知也。「己<u>善</u>將遜位,讓 索隱]列傳者,謂敍列人臣事跡,令可傳於後世,故曰列傳。 [正義] 其人行跡可序列,故云列傳。

一〕[索隱]按:孔子系家稱古詩三千餘篇,孔子删三百五篇爲詩,今亡五篇。 書,迄秦穆公,凡三千三百三十篇,乃删以一百篇爲尚書,十八篇爲中候。今百篇之内見亡四十二篇,是詩書又 又書緯稱孔子求得黄帝玄孫帝魁之

伯夷列傳第

有缺亡者也。

- [二][索隱]按:尚書有堯典、舜典、大禹謨,備言虞夏禪讓之事,故云「虞夏之文可知也」。
- []] [正義] 舜禹皆典職事二十餘年,然後踐帝位。
- 四][索隱]言天下者是王者之重器,故莊子云「天下大器」是也。則大器亦重器也。
- [] [正義] 皇甫謐高士傳云:「許由字武仲。 堯聞致天下而讓焉,乃退而遁於中嶽潁水之陽,箕山之下隱。堯又召爲 九州長,由不欲聞之,洗耳於顯水濱。時有巢父牽犢欲飲之,見由洗耳,問其故。對曰:『堯欲召我爲九州長,惡

牽犢上流飲之。許由殁,葬此山,亦名許由山。」在洛州陽城縣南十三里。

聞其聲,是故洗耳。』巢父曰:『子若處高岸深谷,人道不通,誰能見子?子故浮游,欲聞求其名譽。汚吾犢口。』

- [六][索隱]按:「說者」謂諸子雜記也。然堯讓於許由,及夏時有下隨、務光等,殷湯讓之天下,並不受而逃,事具莊 稱説之也 周讓王篇: [正義] 經史唯稱伯夷、叔齊,不及許由、卞隨、務光者,不少概見,何以哉。故言「何以稱焉」,爲不
- [4] | 索隱| 蓋楊惲、東方朔見其文稱「余」,而加「太史公曰」也。
- [八] 索隱] 謂太史公聞莊周所説許由、務光等。
- [元] [索隱] 謂堯讓天下於許由,由遂逃箕山,洗耳於潁水; 下隨自投於桐水; 務光負石自沈於盧水:是義至高。
- [10] ||索隱||按:概是梗概,謂略也。 者之言或非實也。 正義概,古代反。 蓋以由、光義至高,而詩書之文辭遂不少梗概載見,何以如此哉。是太史公疑説

睹軼詩可異焉。[1]其傳曰: 孔子曰:「伯夷、叔齊,不念舊惡,怨是用希。」「求仁得仁,又何怨乎。」余悲伯夷之意,

衰矣」「『記遂餓死於首陽山。 以暴易暴兮,不知其非矣。「り」神農、虞、夏忽焉没兮,我安適歸矣。「ハ」于嗟徂兮,命之 養老,盍往歸焉。〔』〕及至,西伯卒,武王載木主,號爲文王,東伐尉。 伯夷、叔齊叩馬而 於首陽山、「『」采薇而食之。「『〕及餓且死,作歌。其辭曰:「登彼西山兮,「、、〕采其薇矣。 諫曰:「父死不葬,爰及干戈,可謂孝乎?以臣弑君,可謂仁乎。」左右欲兵之。 太公曰: 命也。」遂逃去。叔齊亦不肯立而逃之。國人立其中子。於是伯夷、叔齊聞西伯昌善 「此義人也。」扶而去之。」武王已平殷亂,天下宗周,而伯夷、叔齊恥之,義不食周粟,隱 伯夷、叔齊,孤竹君之二子也。〔三〕父欲立叔齊,及父卒,叔齊讓伯夷。。伯夷曰:「父

由此觀之,怨邪非邪?[10]

[一] [索隱] 謂悲其兄弟相讓,又義不食周粟而餓死。 睹音覩。 軼音逸。 三百篇,故云逸詩也。可異焉者,按論語云「求仁得仁,又何怨乎」。今其詩云「我安適歸矣,于嗟徂兮,命之衰 謂見逸詩之文,卽下采薇之詩是也。不編入

矣」。是怨詞也,故云可異焉。

[二] [索隱] 按:「其傳」蓋韓詩外傳及吕氏春秋也。其傳云孤竹君,是殷湯三月丙寅日所封。相傳至夷、齊之父,名 初,字子朝。伯夷名允,字公信。叔齊名致,字公達。解者云夷,齊,諡也;伯,仲,又其長少之字。按:她理志 班地志云:「孤竹古城在盧龍縣南十二里,殷時諸侯孤竹國也。」 孤竹城在遼西令支縣。應劭云伯夷之國也。 其君姓墨胎氏。 [正義] 本前注「丙寅」作「殷湯正月三日丙寅」

伯夷列傳第一

[三][索隱]劉氏云:「盍者,疑辭。蓋謂其年老歸就西伯也。」

[四] (樂解] 馬融曰:「首陽山在河東蒲阪華山之北,河曲之中。」 西首。」又戴延之西征記云:「洛陽東北首陽山有夷齊祠。」今在偃師縣西北。又孟子云:「夷、齊避紂,居北海之 [正義] 曹大家注幽通賦云:「夷齊餓於首陽山,在隴

濱。」首陽山,說文云首陽山在遼西。史傳及諸書,夷、齊餓於首陽凡五所,各有案據,先後不詳。莊子云:「伯

並乎周以塗吾身也,不若避之以絜吾行。』二子北至于|首陽之山,遂飢餓而死。]又下詩「登彼西山」,是今清源 夷、叔齊西至岐陽,見周武王伐殷,曰:『吾聞古之士,遭治世不避其任,遇亂世不爲苟存。今天下闇,周德衰,其

縣首陽山,在岐陽西北,明即夷、齊餓死處也。

五〕索隱 薇,蕨也。 爾雅云:「蕨,鼈也。」 [正義] 陸璣毛詩草太疏云:「薇,山菜也。 莖葉皆似小豆,蔓生,其味亦

【六】||索隱||按::西山即首陽山也。

如小豆藿,可作羹,亦可生食也。」

〔ⅳ〕[索隠] 謂以武王之暴臣易殷紂之暴主,而不自知其非矣。

[八] [索隱] 言羲、農、虞、夏敦樸禪讓之道,超忽久矣,終没矣。 今逢此君臣争奪,故我安適歸矣。

[九][索隱]于嗟,嗟嘆之辭也。徂者,往也,死也。言己今日餓死,亦是運命衰薄,不遇大道之時,至幽憂而餓死。

[10] [索隱] 太史公言己觀此詩之情,夷、齊之行似是有所怨邪?又疑其云非是怨邪?

餓死!且七十子之徒,仲尼獨薦顔淵爲好學。然回也屢空,糟糠不厭,气己而卒蚤夭。天之 或曰:「天道無親,常與善人。」若伯夷、叔齊,可謂善人者非邪。「己積仁絜行如此而

非公正不發憤,而遇禍災者,不可勝數也。[三]余甚惑焉,儻所謂天道,是邪非邪。[三] 報施善人,其何如哉?盜蹠日殺不辜,〔『〕肝人之肉,〔『〕暴戾恣睢,〔『〕聚黨數千人横行天 忌諱,而終身逸樂,「也」富厚累世不絶。或擇地而蹈之,「10〕時然後出言,「11〕行不由徑,「111 下,竟以壽終。「к」是遵何德哉?「ヤ」此其尤大彰明較著者也。「ヘ」若至近世,操行不軌,專犯

- [一] [索隱] 又敍論云若夷、齊之行如此,可謂善人者邪,又非善人者邪,亦疑也。
- [三][索隱] 厭者, 飫也, 不厭謂不飽也。糟糠, 貧者之所餐也, 故曰「糟糠之妻」是也。 然顔生簞食瓢飲,亦未見「糟
- [三] [索隱] 「蹠」及注作「跖」,並音之石反。按:盜蹠,柳下惠之弟,亦見莊子,爲篇名。 大盜之名。以柳下惠弟爲天下大盜,故世放古,號之盜蹠。 正義 按: 蹠者,黄帝時
- [四] [索隱] 劉氏云「謂取人肉爲生肝」,非也。按:莊子云「跖方休卒太山之陽,膾人肝而餔之」。
- [五] [索隱] 暴戾謂兇暴而惡戾也。鄒誕生恣音資,睢音千餘反。劉氏恣音如字,睢音休季反。恣睢謂恣行爲睢惡之 貌也。 |正義||睢,仰白目,怒貌也。 言盜蹠兇暴,惡戾,恣性,怒白目也。
- [´ ´ `] 樂解] 皇覽曰:「盜跖冢在河東大陽,臨河曲,直弘農華陰縣潼鄉。」按:盜跖即柳下惠弟也。 字。直者,當也。或音值,非也。潼音同。按:潼,水名,因爲鄉,今之潼津關是,亦爲縣也。 云:「盜跖冢在陝州河北縣西二十里。河北縣本漢大陽縣也。又今齊州平陵縣有盜跖冢,未詳也。」 正義 索隱 一括地志 直音如
- [P] [索隱] 言盜蹠無道,横行天下,竟以壽終,是其人遵行何德而致此哉?

伯夷列傳

二二二六

[八][索隱]按:較,明也。言伯夷有德而餓死,盜蹠暴戾而壽終,是賢不遇而惡道長,尤大著明之證也。

[九][索隱]謂若魯桓、楚靈、晉獻、齊襄之比皆是。

[10] [索隱] 謂不仕暗君,不飲盜泉,裹足高山之頂,竄跡滄海之濱是也。 正義謂北郭駱、鮑焦等是也。

[11][索隱]按:論語「夫子時然後言」。

[三] [索隱] 按:論語濟臺滅明之行也。

[1三] [索隱] 謂人臣之節,非公正之事不感激發憤。或出忠言,或致身命,而卒遇禍災者,不可勝數。謂龍逢、比干、屈

平、伍胥之屬是也。

[12] [索隱] 太史公惑於不軌而逸樂,公正而遇災害,爲天道之非而又是邪?深惑之也。蓋天道玄遠,聰聽暫遺,或窮 通數會,不由行事,所以行善未必福,行惡未必禍,故先達皆猶昧之也。 [正義] 儻音他蕩反。儻,未定之詞也。

爲天道不敢的言是非,故云儻也。

之。〔三〕如不可求,從吾所好」。〔ᠬ〕「歲寒,然後知松柏之後凋」。〔四〕舉世混濁,清士乃見。〔刑〕 子曰「道不同不相爲謀」,亦各從其志也。〔〕故曰「富貴如可求,雖執鞭之士,吾亦爲

豊以其重若彼,其輕若此哉?[六]

[一][正義]太史公引孔子之言證前事也。 言天道人道不同,一任其運遇,亦各從其志意也。

[三] 集解 |鄭玄曰:「富貴不可求而得之,當脩德以得之。 若於道可求而得之者,雖執鞭賤職,我亦爲之。」

[三] 集解] 孔安國曰:「所好者古人之道。」

- [四] [樂解] 何晏曰:「大寒之歲,衆木皆死,然後松柏少凋傷; 平歲衆木亦有不死者,故須歲寒然後别之。 喻凡人處 治世,亦能自脩整,與君子同,在濁世然後知君子之正不苟容也。」
- [五][索隱] 老子曰「國家昏亂,始有忠臣」,是舉代混濁,則士之清絜者乃彰見,故上文「歲寒然後知松柏之後彫」,先 爲此言張本也。 [正義] 言天下泯亂,清絜之士不撓,不苟合於盜跖也。
- 憤而遇禍災,是其輕若此也。 [正義] 重謂盜跖等也。輕謂夷、齊、由、光等也。

庚、叔齊雖賢,得夫子而名益彰。[10]顏淵雖篤學,附驥尾而行益顯。[11]巖穴之士,趣舍有時 庶馮生。」「禹」「同明相照、「太」同類相求。」「も」「雲從龍,風從虎、「云」聖人作而萬物覩。」「云」伯 若此,類名堙滅而不稱,悲夫!〔三〕閭巷之人,欲砥行立名者,〔三非附青雲之士,惡能施于 後世哉? 「君子疾没世而名不稱焉。」〔一〕賈子曰:〔三〕「貪夫徇財,〔三〕烈士徇名,夸者死權,〔四〕衆

- [一] [索隱] 自此已下,雖論伯夷得夫子而名彰,顏回附驥尾而行著,蓋亦欲微見己之著撰不已,亦是疾没世而名不稱 故太史公言己亦是操行廉直而不用於代,卒陷非罪,與伯夷相類,故寄此而發論也。 焉,故引賈子「貪夫徇財,烈士徇名」是也。又引「同明相照,同類相求」、「雲從龍,風從虎」者,言物各以類相求。 名堙滅而不稱,若夷、齊、顔回絜行立名,後代稱述,亦太史公欲漸見己立名著述之美也。 正義。君子疾没世後懼
- [三][索隱] 賈子,賈誼也。誼作鵬鳥賦云然,故太史公引之而稱「賈子」也、

- (三)正義 徇,才迅反。徇,求也。瓚云:「以身從物曰徇。」
- [四] [索隱] 言貪權勢以矜夸者,至死不休,故云「死權」也。
- 五] [索隱] 馮者,恃也,音凭。言衆庶之情,蓋恃矜其生也。 太史公引賈子響作史記,若貪夫徇〔財,烈士徇〕名,夸者死權,衆庶馮生,乃成其史記。 鄒誕本作「每生」。每者,冒也,即貪冒之義。

正義

- [六]|索隱|已下並易繋辭文也。
- [4][正義]天欲雨而柱礎潤,謂同德者相應。
- [八] (集解] 王肅曰:「龍舉而景雲屬,虎嘯而谷風興。」張璠曰:「猶言龍從雲,虎從風也。」
- 樂樂所以立,故長於和。春秋辨是非,故長於治人。是故禮以節人,樂以發和,書以道事,詩以達意,易以道化, 名世,正易傳,繼春秋,本詩書禮樂之際,意在斯乎!』小子何敢讓焉。」作述六經云:「易著天地陰陽四時五行、 記,使萬物見覩之也。太史公序傳云:「先人有言:『自周公卒五百歲而有孔子,孔子卒後至於今五百歲,有能紹 春秋以道義。撥亂世反之正,莫近於春秋。」按:述作而萬物睹見。 故長於變。禮經紀人倫,故長於行。潛記先王之事,故長於政。詩記山川谿谷禽獸草木牝牡雌雄,故長於風。 照」是周易乾象辭也。 書言世情之輕重也。 |馬融日:「作,起也。」 太史公引此等得感者,欲見述作之意,令萬物有睹也。孔子殁後五百歲而己當之,故作史 |正義| 此有識也。聖人有養生之德,萬物有長育之情,故相感應也。此以上至「同明相 [索隱] 按:又引此句者,謂聖人起而居位,則萬物之情皆得覩見,故己今日又得著
- (10) [正義] [索隱] 按:蒼蠅附驥尾而致千里,以譬顏回因孔子而名彰也。 一伯夷、叔齊雖有賢行,得夫子稱揚而名益彰著。 萬物雖有生養之性,得太史公作述而世事益睹見。

[三]正義]趣音趣。 舍音拾。趣,向也。拾,廢也。言隱處之士,時有附驥尾而名曉遠;若堙滅不稱數者,亦可悲

痛。

[1三][正義]砥音旨。礪行脩德在鄉間者,若不託貴大之士,何得封侯爵賞而名留後代也?

【索隱述贊】天道平分,與善徒云。賢而餓死,盜且聚羣。吉凶倚伏,報施糾紛。子罕言命,得自前聞。

嗟彼素士,不附青雲!

記卷六十二

管晏列傳第二

鮑叔終善遇之,不以爲言。已而鮑叔事齊公子小白,管仲事公子糾。及小白立,爲桓公, 公子糾死,管仲囚焉。鮑叔遂進管仲。〔三〕管仲既用,任政於齊,〔四〕齊桓公以霸,九合諸侯, 管仲夷吾者,潁上人也。〔二〕少時常與鮑叔牙游,鮑叔知其賢。管仲貧困,常欺鮑叔,〔三〕

匡天下,管仲之謀也。

[一] [索隱] 顯,水名。 地理志顯水出陽城。 漢有顯陽、臨潁二縣,今亦有潁上縣。 後,管嚴之子敬仲也。」

正義。韋昭云:「夷吾, 姬姓之

〔三〕[正義]齊世家云:「鮑叔牙曰:『君將治齊,則高傒與叔牙足矣。君且欲霸王,非管夷吾不可。 夷吾所居國國重 [三] | 索隱| 吕氏春秋:「管仲與鮑叔同賈南陽,及分財利,而管仲嘗欺鮑叔,多自取。鮑叔知其有母而貧,不以爲貪也。」 不可失也。』於是桓公從つ。」韋昭云:「鮑叔,齊大夫,姒姓之後,鮑叔之子叔牙也。」

[四][正義] 管子云:「相齊以九惠之教,一日老,二日慈,三日孤,四日疾,五日獨,六日病,七日通,八曰脹,九日絶也。」 管仲曰:「吾始困時,嘗與鮑叔賈,〔二〕分財利多自與,鮑叔不以我爲貪,知我貧也。吾

列 傅

第二

嘗爲鮑叔謀事而更窮困,鮑叔不以我爲愚,知時有利不利也。 吾嘗三仕三見逐於君, 鮑叔 不以我爲不肖,知我不遭時也。吾嘗三戰三走,鮑叔不以我爲怯,知我有老母也。 公子糾

敗,召忽死之,吾幽囚受辱,鮑叔不以我爲無恥,知我不羞小節而恥功名不顯于天下也。

我者父母,知我者鮑子也。」

[二] 正義 音古。

|鮑叔既進||管仲,以身下之。子孫世禄於齊,有封邑者十餘世,〔二]常爲名大夫。天下不

多管仲之賢而多鮑叔能知人也。

[一] [索隱] 按:系本云「莊仲山産敬仲夷吾,夷吾産武子鳴,鳴産桓子啓方,啓方産成子孺,孺産莊子盧,盧産悼子其 夷,其夷産襄子武,武産景子耐涉,耐涉産微,凡十代」。 系譜同。

亡。C. E. J. 下令如流水之原,令順民心。」故論卑而易行。C. K. J. 俗之所欲,因而予之,俗之所否, 因而去之。 稱曰:『『「倉廩實而知禮節,衣食足而知樂辱,上服度則六親固。〔『〕四維不張,國乃滅 管仲既任政相齊、「一以區區之齊在海濱」、「一通貨積財,富國彊兵,與俗同好惡。

[一][正義] 國語云:「齊桓公使鮑叔爲相,辭曰:『臣之不若夷吾者五:寬和惠民,不若也;治國家不失其柄,不若也;

忠惠可結於百姓,不若也;制禮義可法於四方,不若也;執枹鼓立於軍門,使百姓皆加勇,不若也。」」

[三] 正義] 齊國東濱海也

[三] [索隱] 是夷吾著書所稱管子者,其書有此言,故略舉其要。

[四][正||義]上之服御物有制度,則六親堅固也。六親謂外祖父母一,父母二,姊妹三,妻兄弟之子四,從母之子五,女

之子六也。王弼云「父、母、兄、弟、妻、子也」。

[五][樂解] 管子曰:「四維,一日禮,二日義,三日廉,四日恥。」

[六][正義] 言爲政令卑下鮮少,而百姓易作行也。

政。於柯之會、「四桓公欲背曹沫之約、「五管仲因而信之、「八」諸侯由是歸齊。 襲蔡,管仲因而伐楚,責包茅不人貢於周室。桓公實北征山戎,而管仲因而令燕修召公之 其爲政也,善因禍而爲福,轉敗而爲功。貴輕重,〔二]慎權衡。〔三]桓公實怒少姬,〔三]南 故曰:「知與

之爲取,政之寶也。」「む」

[一] 索隱 輕重謂錢也。今管子有輕重篇。

〔三〕[索隱]按:謂怒蕩舟之姬,歸而未絶,蔡人嫁之。 [二][正義]輕重謂恥辱也,權衡謂得失也。有恥辱甚貴重之,有得失甚戒慎之。」

[四]正義 今齊州東阿也。

〔五〕[索隱] 沫音昧,亦音末。 左傳作「曹劌」。 正義、沫、莫葛反。

管 晏 列 傅 第二

[六][正義]以劫許之,歸魯侵地。

[十] [索隱] 老子曰「將欲取之,必固與之」,是知此爲政之所實也。

管仲富擬於公室,有三歸、反坫、己齊人不以爲侈。 管仲卒、八三齊國遵其政, 常彊於

諸侯。後百餘年而有晏子焉。

[一][正義]三歸、三姓女也。婦人謂嫁曰歸。

[三] [正義] 括地志云:「管仲冢在青州臨淄縣南二十一里<u>牛山之阿。説苑云『齊桓公使管仲治國,管仲對曰:「賤不能</u> 權者,亦不能使其君南面而稱伯。」」 日:「何故?」對曰:「疏不能制近。」桓公立以爲仲父,齊國大安,而遂霸天下』。 孔子曰:『管仲之賢而不得此三 臨貴。」「桓公以爲上卿,而國不治,曰:「何故?」管仲對曰:「貧不能使富。」「桓公賜之齊市租,而國不治。 桓公

齊,食不重肉,妾不衣帛。其在朝,君語及之,卽危言;[三語不及之,卽危行。[四國有道, 即順命,無道,即衡命。[馬]以此三世顯名於諸侯。 晏平仲嬰者,萊之夷維人也。「己事齊靈公、莊公、景公,「己以節儉力行重於齊。

[一] 集解] 劉向别録曰:「萊者,今東萊地也。」 城三百里有夷安,即晏平仲之邑。漢爲夷安縣,屬高密國。 [索隱] 名嬰,平諡,仲字。父桓子名弱也。 應劭云故萊夷維邑。 正義晏氏齊記云齊

[三][索隱]按:系家及系本靈公名環,莊公名光,景公名杵臼也。

〔三〕[正義] 謂己謙讓,非云功能。

[四][正義] 行,下孟反。謂君不知己,增脩業行,畏責及也。

【五】[正義] 衡, 秤也。謂國無道則制秤量之,可行卽行。

寤而贖我,是知己;知己而無禮,固不如在縲紲之中。」晏子於是延人爲上客。 父請絶。晏子戄然,[三]攝衣冠謝曰:「嬰雖不仁,免子於戹,何子求絶之速也。」石父曰: 「不然。吾聞君子韷於不知己而信於知己者。〔三〕方吾在縲紲中,彼不知我也。夫子既已感 越石父賢,在縲紲中。气」晏子出,遭之塗,解左驂贖之,載歸。弗謝,人閨。久之,越石

[一][正義] 縲音力追反。縲,黑索也。紲,繋也。晏子春秋云:「晏子之晉,至中牟,覩獘冠反裘負薪,息於途側。晏 子問曰:『何者?』對曰:『我石父也。 苟免飢凍,爲人臣僕。』晏子解左驂贖之,載與俱歸。」按:與此文小異也。

[二] 正義] 慢、牀縛反。

〔三〕[索隱] 信讀曰申,古周禮皆然也。申於知己謂以彼知我而我志獲申。

甚自得也。既而歸,其妻請去。 夫問其故。 妻曰:「晏子長不滿六尺,身相齊國,名顯諸侯。 今者妾觀其出,志念深矣,常有**以自下者。今子長八尺,乃爲人僕御,然子之意自以爲足,** 妾是以求去也。」其後夫自抑損。晏子怪而問之,御以實對。晏子薦以爲大夫。「一〕 晏子爲齊相,出,其御之妻從門閒而闚其夫。其夫爲相御,擁大蓋,策駟馬,意氣揚揚,

[一] 集解] 皇覽曰:「晏子冢在臨菑城南淄水南桓公冢西北。」 [正義] 注皇覽云:「晏子冢在臨淄城南菑水南桓公冢

『吾生近市,死豈易吾志』。乃葬故宅後,人名曰清節里。」按:恐皇覽誤,乃管仲冢也。 西北。」括地志云:「齊桓公墓在青州臨淄縣東南二十三里鼎足上。」又云:「齊晏嬰冢在齊子城北門外。

也。 既見其著書,欲觀其行事,故次其傳。至其書,世多有之,是以不論,論其軼事。[1] 太史公曰:吾讀管氏牧民、山高、乘馬、輕重、九府、二及晏子春秋、二一詳哉其言之

[一] [集解] <u>劉向</u>别錄日:「九府書民閒無有。山髙一名形勢。」 [索隱] 皆管氏所著書篇名也。按:九府,蓋錢之府

藏,其書論鑄錢之輕重,故云輕重九府。餘如别錄之說。 [正義] 七略云管子十八篇,在法家。

[三][索隱]按:嬰所著書名晏子春秋。今其書有七篇,故下云「其書世多有」也。 [正義] 七略云晏子春秋七篇,在

儒家

[三][正義] 軼音逸。

管仲,世所謂賢臣,然孔子小之。豈以爲周道衰微,桓公既賢,而不勉之至王,乃稱霸

哉?〔一〕語曰「將順其美,匡救其惡,故上下能相親也」。〔一〕豈管仲之謂乎。

[二] [正義] 言管仲世所謂賢臣,孔子所以小之者,蓋以爲周道衰,桓公賢主,管仲何不勸勉輔弼至於帝王,乃自稱霸 主哉?故孔子小之云。蓋爲前疑夫子小管仲爲此。

〔□〕 [正義] 言管仲相齊,順百姓之美,匡救國家之惡,令君臣百姓相親者,是管之能也。

方晏子伏莊公尸哭之,成禮然後去,〔一〕豈所謂「見義不爲無勇」者邪。至其諫説,犯君

管晏列傳第二

之顔,此所謂「進思盡忠,退思補過」者哉!假令晏子而在,余雖爲之執鞭,所忻慕焉。〔三〕

[一] [索隱] 按: 左傳崔杼弑莊公,晏嬰人,枕莊公尸股而哭之,成禮而出,崔杼欲殺之是也。

[三] | 家隱] 太史公之羡慕仰企平仲之行、假令晏生在世、己雖與之爲僕隸、爲之執鞭、亦所忻慕。其好賢樂善如此。

賢哉良史,可以示人臣之炯戒也。

【索隱述贊】夷吾成霸,平仲稱賢。粟乃實廩,豆不掩肩。轉禍爲福,危言獲全。孔賴左衽,史忻執鞭。

成禮而去,人望存焉。

史記卷六十三

老子韓非列傳第三

老子者、「一」楚苦縣厲鄉曲仁里人也、「一」姓李氏、「一」名耳,字明、「四」周守藏室之史

也。〔三〕

[一][正義] 朱韜玉札及神仙傳云:「老子,楚國苦縣瀨鄉曲仁里人。姓李,名耳,字伯陽,一名重耳,外字耼。 因吞之,卽有娠。」張君相云:「老子者是號,非名。老,考也。子,孳也。考教衆理,達成聖孳,乃孳生萬物,善化 云:「玄妙玉女夢流星人口而有娠,七十二年而生老子。」又上元經云:「李母晝夜見五色珠,大如彈丸,自天下, 把十文。周時人,李母八十一年而生。」又玄妙内篇云:「李母懷胎八十一載,逍遥李樹下,廼割左腋而生。」又 尺八寸,黄色美眉,長耳大目,廣額疏齒,方口厚脣,額有三五達理,日角月懸,鼻有雙柱,耳有三門,足蹈二五,手 身長八

[二][集解] 地理志日苦縣屬陳國。 陳。今檢地理志,苦實屬淮陽郡。苦音怙。 屬楚,故云楚苦縣。至高帝十一年,立淮陽國,陳縣、苦縣皆屬焉。裴氏所引不明,見苦縣在陳縣下,因云苦屬 [索隱] 按:地理志苦縣屬陳國者,誤也。 苦縣本屬陳,春秋時楚滅陳,而苦又 正義」按年表云淮陽國,景帝三年廢。至天漢脩史之時,楚節王

濟物無遺也。」

老

子韓非列傳第三

純都彭城、相近。疑苦此時屬楚國、故太史公書之。括地志云:「苦縣在亳州谷陽縣界。 九井尚存,在今亳州真源縣也。」厲音賴。晉太康地記云:「苦縣城東有瀨鄉祠,老子所生地也。」 有老子宅及廟,廟中有

三] |索隱] 按:葛玄曰「李氏女所生,因母姓也」。又云「生而指李樹,因以爲姓」。

图〕[索隱]按:許慎云「耼,耳曼也」。故名耳,字耼。有本字伯陽,非正也。然老子號伯陽父,此傳不稱也。

正義一冊,耳漫無輪也。神仙傳云:「外字曰冊。」按:字,號也。 疑老子耳漫無輪,故世號曰

開。

三] [索隱] 按:藏室史,周藏書室之史也。又張蒼傳「老子爲柱下史」,蓋卽藏室之柱下,因以爲官名。 正義

在浪反。

龍邪! 游者可以爲綸,飛者可以爲矰。 孔子去,謂弟子曰:「鳥,吾知其能飛;魚,吾知其能游;獸,吾知其能走。 愚。「『」去子之驕氣與多欲,態色與淫志,「图〕是皆無益於子之身。吾所以告子,若是而已。」 且君子得其時則駕,不得其時則蓬累而行。「三吾聞之,良賈深藏若虚,君子盛德,容貌若 孔子適周,將問禮於老子。[二]老子曰:「子所言者,其人與骨皆已朽矣,獨其言在耳。 至於龍吾不能知,其乘風雲而上天。吾今日見老子,其猶 走者可以爲罔,

一〕【索隱】大戴記亦云然。

三] 索隱] 劉氏云:「蓬累猶扶持也。累音六水反。説者云頭戴物,兩手扶之而行,謂之蓬累也。」按:蓬者,蓋也; 累者,隨也。以言若得明君則駕車服冕,不遭時則自覆蓋相攜隨而去耳。 |正義| 蓬,沙磧上轉蓬也。累,轉行

貌也。言君子得明主則駕車而事,不遭時則若蓬轉流移而行,可止則止也。蓬,其狀若皤蒿,細葉,蔓生於沙漠

中,風吹則根斷,隨風轉移也。皤蒿,江東呼爲斜蒿云。

[三][索隱]良賈謂善貨賣之人。賈音古。深藏謂隱其寶貨,不令人見,故云「若虚」。而君子之人,身有盛德,其容貌

[四][正義] 恣態之容色與淫欲之志皆無益於夫子,須去除也。

日:「子將隱矣, 老子脩道德,其學以自隱無名爲務。居周久之,見周之衰,迺遂去。至關,關令尹喜 疆爲我著書。」於是|老子|迺著書上下篇,[二]言道德之意五千餘言而去,莫

知其所終。[三]

[一][索隱] 李尤函谷關銘云「尹喜要老子留作二篇」,而崔浩以尹喜又爲散關令是也。 十二里。函谷關在陝州桃林縣西南十二里。」彊,其兩反。爲,于僞反。 遊,遇關令尹喜於散關,爲喜著道德經一卷,謂之老子。」或以爲函谷關。括地志云:「散關在岐州陳倉縣東南五遊,遇關令尹喜於散關,爲喜著道德經一卷,謂之老子。」或以爲函谷關。括地志云:「散關在岐州陳倉縣東南五 正義抱朴子云:「老子西

[三][集解]列仙傳曰:「關令尹喜者,周大夫也。善內學星宿,服精華,隱德行仁,時人莫知。老子西游,喜先見其氣, 傳「老子西遊,關令尹喜望見有紫氣浮關,而老子果乘青牛而過也」。 亦著書九篇,名關令子。」 [索隱] 列仙傳是劉向所記。物色而迹之,謂視其氣物有異色而尋迹之。又按:列仙 知真人當過,候物色而迹之,果得老子。老子亦知其奇,爲著書。與老子俱之流沙之西,服巨勝實,莫知其所終。

或曰:老萊子亦楚人也,公己著書十五篇,言道家之用,與孔子同時云。

二四二

[一][正義]太史公疑老子或是老萊子,故書之。列仙傳云:「老萊子,楚人。當時世亂,逃世耕於蒙山之陽,莞葭爲 之解毛可績而衣,其遺粒足食也。」」 牆,蓬蒿爲室,杖木爲牀,蓍艾爲席,菹芰爲食,墾山播種五穀。楚王至門迎之,遂去,至於江南而止。曰:『鳥獸

蓋老子百有六十餘歲,或言二百餘歲,八二以其脩道而養壽也。

【二] ||索隱] 此前古好事者據外傳,以老子生年至孔子時,故百六十歲。或言二百餘歲者,即以周太史儋爲老子,故二 孔子世家云孔子問禮於老子在周景王時,孔子蓋年三十也,去平王十二王。此傳云儋即老子也,秦獻公與烈王 同時,去平王二十一王。說者不一,不可知也。故葛仙公序云「老子體于自然,生乎大始之先,起乎無因,經歷天 百餘歲也。 [正義] 蓋,或,皆疑辭也。世不的知,故言「蓋」及「或」也。 玉清云老子以周平王時見衰,於是去。

而離,離七十歲而霸王者出焉。」〔三〕或曰膽卽老子,或曰非也,世莫知其然否。老子,隱君 自孔子死之後百二十九年、了二而史記周太史儋見秦獻公曰:「始秦與周合,合五百歲

地終始,不可稱載」。

ず也で

(一) (樂解) 徐廣曰:「實百一十九年。」

(二)[索隱]按:周秦二本紀並云「始周與秦國合而別,別五百載又合,合七十歲而霸王者出」。然與此傳離合正反,

尋其意義,亦並不相違也。

|老子之子名宗,宗爲魏將,封於段干。[一]宗子注,[三]注子宫, 宫玄孫假,[』]假仕於漢

孝文帝。而假之子解爲膠西王卬太傅,因家于齊焉。

一〕[集解] 此云封於段干,段干應是魏邑名也。而魏世家有段干木、段干子,田完世家有段干朋,疑此三人是姓段干 也。本蓋因邑爲姓,左傳所謂「邑亦如之」是也。風俗通氏姓注云姓段,名干木,恐或失之矣。天下自別有段姓,

何必段干木邪!

[三] 索隱]音鑄。 [正義]之樹反。

〔三〕[索隱] 音古雅反。 [正義] 作「瑕」,音霞。

世之學老子者則絀儒學、仁心儒學亦絀老子。「道不同不相爲謀」,豈謂是邪?李耳無爲

自化,清静自正。〔三〕

[一] [索隱] 按:絀音點。點,退而後之也。

[三] 索陽] 此太史公因其行事,於當篇之末結以此言,亦是贊也。按: 老子曰「我無爲而民自化,我好静而民自 正」,此是昔人所評老耼之德,故太史公於此引以記之。 [正義] 此都結老子之教也。言無所造爲而自化,清淨

不撓而民自歸正也。

闚 然其要本歸於老子之言。 莊子者、蒙人也、「己名周。周嘗爲蒙漆園吏、「己與梁惠王、齊宣王同時。 故其著書十餘萬言,大抵率寓言也。「『』作漁父、 其學無所不 盜跖、胠

老子韓非列傳第三

簽, 「 □ 〕以詆訿孔子之徒, C ℡以明老子之術。 畏累虚、亢桑子之屬,皆空語無事實。 C ※ 〕然善

屬書離辭,てや〕指事類情,用剽剥儒、墨,てく〕雖當世宿學不能自解免也。 其言洸洋自恣以適

己、行动故自王公大人不能器之。

[一]集解]地理志蒙縣屬梁國。 索隱地理志蒙縣屬梁國。 劉向别録云宋之蒙人也。 正義 郭緣生述征記云

蒙縣,莊周之本邑也。

〔三〕[正義] 括地志云:「漆園故城在曹州冤句縣北十七里。」此云莊周爲漆園吏,卽此。按:其城古屬蒙縣。 [三][索隱]大抵猶言大略也。其書十餘萬言,率皆立主客,使之相對語,故云「偶言」。又音寓,寓,寄也。 故别録云

作人姓名,使相與語,是寄辭於其人,故莊子有寓言篇」。 正義

率音律。寓音遇。率猶類也。寓、寄也。

四] |索隱| 胠篋猶言開篋也。胠音袪,亦音去。篋音去劫反。 正義 法音丘魚反。篋音苦頰反。胠,開也。篋,

箱類也。此莊子三篇名,皆誣毀自古聖君、賢臣、孔子之徒,營求名譽,咸以喪身,非抱素任真之道也

[五] [索隱] 詆, 訐也。詆音邸。誠音紫。謂詆訐毀訾孔子也。

☆J[索隱]按:莊子「畏累虚」,篇名也,卽老聃弟子畏累。鄒氏畏音於鬼反,累音壘。劉氏畏音鳥罪反,累路罪反。

郭象云「今東萊也」。亢音庚。亢桑子,王劭本作「庚桑」。司馬彪云「庚桑,楚人姓名也」。 正義一班子云:「庚

若槁木無情,死灰無心,禍福不至,惡有人災。言莊子雜篇庚桑楚已下,皆空設言語,無有實事也。 桑楚者,老子弟子,北居畏累之山。」成璞云:「山在魯,亦云在深州。」此篇寄庚桑楚以明至人之德,衞生之經,

[十][正義] 屬音燭。離辭猶分析其辭句也。

[八][正義] 剽,疋妙反。剽猶攻擊也。

九] [索隱] 洸洋音汪羊二音,又音晃養。 亦有本作「瀁」字。 正義、洋音翔。 己音紀。

所羈,終身不仕,以快吾志焉。」「私」 爲孤豚,豈可得乎?〔三〕子亟去,〔三〕無汚我。〔四〕我寧游戲汚瀆〔五〕之中自快, 相,尊位也。子獨不見郊祭之犧牛乎。養食之數歲,衣以文繡,以入大廟。當是之時,雖欲 楚威王聞莊周賢、「」」使使厚幣迎之、許以爲相。 莊周笑謂楚使者曰:「千金,重利,卿 無爲有國者

[一][正義] 威王當周顯王三十年。

〔三〕[索隱] 孤者,小也,特也。願爲小豚不可得也。 [正義]

[正義] 不羣也。豚,小豬。 臨宰時,顧爲孤小豚不可得也。

(三)索隱]音棘。亟猶急也。

[四] 索隱] 汚音鳥故反。

〔五〕[索隱] 音鳥讀二音。汚瀆,潢汚之小渠瀆也。

六〕[正義] 莊子云:「莊子釣於濮水之上,楚王使大夫往,曰:『願以境内累。』 莊子持竿不顧,曰:『吾聞楚有神龜,死 一千歲矣,巾笥藏之廟堂之上。 此龜寧死爲留骨而貴乎?寧生曳尾泥中乎?』大夫曰:『寧曳尾塗中。』莊子曰:

『往矣,吾將曳尾於塗中。』」與此傳不同也。

申不害者,京人也、「」故鄭之賤臣。學術以干韓昭侯、「三」昭侯用爲相。 内脩政教,外

應諸侯,十五年。終申子之身,國治兵彊,無侵韓者。「則」

[一] 索隱] 申子名不害。 按:别録云「京,今河南京縣是也」。 [正義] 括地志云:「京縣故城在鄭州滎陽縣東南二

十里,鄭之京邑也。」

[三][索隱]按:術卽刑名之法術也。

【三】[索隱] 王劭按::紀年云「韓昭侯之世,兵寇屢交」,異乎此言矣。

申子之學本於廣老而主刑名。著書二篇,號日班子。

[一] [樂解] 劉向別録曰:「今民閒所有上下一篇,中書六篇,皆合二篇,已備,過太史公所記。」 三卷也。 一篇,又有中書六篇,其篇中之言,皆合上下二篇,是書已備,過於太史公所記也。 正義阮孝緒七略云申子 索隱 今人閒有上下

吃,「四一不能道説,而善著書。 韓非者、「「韓之諸公子也。喜刑名法術之學、「「而其歸本於黄老。」「」非爲人口 與李斯俱事荷卿、王斯自以爲不如非。

- [一][正義] 阮孝緒·光略云:「韓子二十卷。」韓世家云:「王安五年,非使凑。 九年,虜王安,韓遂亡。」
- [三] [樂解] 新序曰:「申子之書言人主當執術無刑,因循以督責臣下,其資深刻,故號曰『術』。 商鞅所爲書號曰『法』。

皆曰『刑名』,故號曰『刑名法術之書』。」 [索隱]著書三十餘篇,號曰韓子。

[]] [索隱] 按:劉氏云[黄老之法不尚繁華,清簡無爲,君臣自正。韓非之論詆駮浮淫,法制無私,而名實相稱。 日『歸於黃老』。」斯未爲得其本旨。今按:韓子書有解老、喻老二篇,是大抵亦崇黃老之學耳。

[四] 正義 音訖。

【五】[正義] 孫卿子二十二卷。名況,趙人,楚蘭陵令。避漢宣帝諱,改姓孫也。

林、説難十餘萬言。「も」 非所養。「『」悲廉直不容於邪枉之臣、「『」觀往者得失之變、「『」故作孤憤、五蠹、内外儲、説 亂法,而俠者以武犯禁。 寬則寵名譽之人,急則用介胄之士。〔三〕今者所養非所用,〔三〕所用 勢以御其臣下,富國彊兵而以求人任賢,反舉浮淫之蠹而加之於功實之上。 以爲儒者用文 非見韓之削弱,數以書諫韓王,乙二韓王不能用。於是韓非疾治國不務脩明其法制,執

(一) 索隱 韓王安也。

[二] [正義] 介,甲也。 胄,兜鍪也。

「三」[索隠] 言非疾時君以禄養其臣者,乃皆安禄養交之臣,非勇悍忠鯁及折衝禦侮之人也

[四] [索隱] 又言人主今臨事任用,並非常所禄養之士,故難可盡其死力也。

(五) [索隱] 又悲姦邪諂諛之臣不容廉直之士。

老子韓非列傳第三

[六][正義] 韓非見王安不用忠良,今國消弱,故觀往古有國之君,則得失之變異,而作韓子二十卷。

〔4〕[索隱] 此皆非所著書篇名也。孤憤,憤孤直不容於時也。五蠹,蠹政之事有五也。 內外儲,按韓子有內儲、外儲 難者,説前人行事與己不同而詰難之,故其書有説難篇 日「外」也。儲畜二事,所謂明君也。説林者,廣説諸事,其多若林,故曰「説林」也。今韓子有説林上下二篇。説 **漁:內儲言明君執術以制臣下,制之在己,故曰「內」也;,外儲言明君觀聽臣下之言行,以斷其賞罰,賞罰在彼,故**

然韓非知説之難,爲說難書甚具,終死於秦,不能自脱。

説難曰:二

【一】索隱 説音税。 省小大不同。劉伯莊亦申其意,粗釋其微文幽旨,故有劉説也。 難音奴干反。言游説之道爲難,故曰説難。其書詞甚高,故特載之。然此篇亦與韓子微異,煩

非吾敢横失能盡之難也。〔一〕凡説之難,在知所説之心,可以吾説當之。〔四〕 凡説之難,非吾知之有以説之難也、「一」又非吾辯之難能明吾意之難也、「一」又

〔一〕[正義] 凡説難識情理,不當人主之心,恐犯逆鱗。 説之難知,故言非吾知之有以説之乃爲難

[三][正義]能分明吾意以說之,亦又未爲難也,尚非甚難。

【『】 [索隱] 按:韓子「横失」作「横佚」。 劉氏云:「吾之所言,無横無失,陳辭發策,能盡説情,此雖是難,尚非難也。」 正義]横,擴孟反。又非吾敢有横失,詞理能盡説己之情,此雖是難,尚非極難。

[8] 家屬] 劉氏云:「開說之難,正在於此也。」按:所說之心者,謂人君之心也。言以人臣疏末射尊重之意,貴賤隔

也。 絶,旨趣難知,自非高識,莫近幾會,故曰「説之難」也。 乃須審明人主之意, 必以我説合其情,故云「吾説當之」 正義]前者三説並未爲難,凡説之難者,正在於此。言深辨知前人意,可以吾説當之,闍與前人心會,説

則行,乃是難矣。

顯爲名高者也,「四」而説之以名高,則陽收其身而實疏之;若説之以厚利,則陰用其言 說出於厚利者也,而說之以名高,則見無心而遠事情,必不收矣。

「

司所說實爲厚利而 所説出於爲名高者也、[1]而説之以厚利,則見下節而遇卑賤,必弃遠矣。[1]所

而顯弃其身。「馬」此之不可不知也。

[一][索隱]按:謂所說之主,中心本出欲立高名者也。故劉氏云「稽古羲黄,祖述堯舜」是也。

〔二〕 [索隱] 謂人主欲立高名,説臣乃陳厚利,是其見下節也。 既不會高情,故遇卑賤必被遠斥矣。

故

劉氏云「若秦孝公志於彊國,而商鞅説以帝王,故怒而不用」。

[B][索隱]按·韓子「實」字作「隱」。按·顯者,陽也。謂其君實爲厚利,而詳作欲爲名高之節也。 欲厚利,詐慕名高,則陽收其說,實疏遠之。 正義 前人必

[五] [索隱] 謂若下文云鄭武公陰欲伐胡,而關其思極論深計,雖知説當,終遭顯戮是也。 名高、説之以厚利,則陰用説者之言而顯不收其身。説士不可不察。 正義前人好利厚,詐慕

夫事以密成,語以**泄敗。未必其身泄之也,而語及其所匿之事,**气 己如是者身危。

有功則德亡、「『」説不行而有敗則見疑,如是者身危。「『」夫貴人得計而欲自以爲功, 貴人有過端,而說者明言善議以推其惡者,則身危。〔三〕周澤未渥也而語極知,說行而

說者與知焉,則身危。[析]彼顯有所出事,迺自以爲也故,説者與知焉,則身危。[卷]彊

嘗己。自己徑省其辭,則不知而屈之,自己汎濫博文,則多而久之。自己順事陳意,則曰怯 之以其所必不爲、[マ〕止之以其所不能已者,身危。[<〕故曰:與之論大人,則以爲閒 己元為與之論細人,則以爲粥權。[10]論其所愛,則以爲借資元三論其所憎,則以爲

[一][正義]事多相類,語言或説其相類之事,前人覺悟,便成漏泄,故身危也。

懦而不盡;[三]慮事廣肆,則日草野而倨侮。[15]此説之難,不可不知也。

[二][正義]人主有過失之端緒,而引美善之議以推人主之惡,則身危。

功,君不以爲恩德,故德亡。 子作「則見忘」,然「見忘」勝於「德亡」也。 [索隱]按:謂人臣事上,其道未合,至周之恩未霑渥於下,而輒吐誠極言,其説有功則其德亦亡。 亡,無也。 韓 [正義] 渥,霑濡也。 人臣事君未滿周至之恩澤,而説事當理,事行有

B][索隱]又若說不行而有敗則見疑,如是者身危。是恩意未深,輒評時政,不爲所信,更致嫌疑,若下文所云鄰父 以牆壞有盜,卻爲見疑,即其類也。 [正義] 説事不行,或行有敗壞,則必致危殆,若此者身危也。

【】】[正義] 與音預。人主先得其計己功,說者知前發其蹤跡,身必危亡。

[*][索隱] 謂人主明有所出事乃自以爲功,而説者與知,是則以爲閒,故身危也。 正義 人主明所出事,乃以有所

營爲,說者預知其計,而說者身亡危。

[中][索隱]劉氏云:「若項羽必欲衣錦東歸,而說者彊述關中,違旨忤情,自招誅滅也。」 正義 彊,其兩反。 人主必

不欲有爲,而說者彊令爲之。

[八] 索隱] 劉氏云:「若漢景帝決廢栗太子,而周亞夫強欲止之,竟不從其言,後遂下獄是也。」 正義 人主已營爲

而説者彊止之者,身危。

[九][正義] 閒音紀萈反。説彼大人之短,以爲竊己之事情,乃爲刺譏閒也。

[10] [索隱] 按:韓非子「粥權」作「賣重」。謂薦彼細微之人,言堪大用,則疑其挾詐而賣我之權也。

正義 粥音

劉伯莊云:「論則疑其挾詐賣己之權。」

[二] [正義] 説人主愛行,人主以爲借己之資籍也。

[三] [正義] 論説人主所憎惡,人主則以爲嘗試於己也。

[18] [索隱]按:謂人主志在簡要,而說者務於浮辭汎濫,博涉文華,則君上嫌其多迂誕,文而無當者也。 正義汎 [一三] [索隱] 按:謂人主意在文華,而説者但徑捷省略其辭,則以説者爲無知而見屈辱也。

正義省,山景反。

濫,浮辭也。博文,廣言句也。言浮説廣陳,必多詞理,時乃永久,人主疲倦。

說者陳言順人主之意,則或怯懦而不盡事情也。

[1六][正義]草野猶鄙陋也。 廣陳言詞,多有鄙陋,乃成倨傲侮慢。 (三) 正義 儒音乃亂反。

凡説之務,在知飾所説之所敬、「二」而滅其所醜。〔三〕彼自知其計,則毋以其失窮

老子韓非列傳第三

功,直指是非以飾其身,以此相持,此説之成也。[18] 也。自己得曠日彌久,自己而周澤既渥,自己深計而不疑,交争而不罪,迺明計利害以致其 計,譽異人與同行者,則以飾之無傷也。[к]有與同失者,則明飾其無失也。[サ] 之、「一」自勇其斷,則毋以其敵怒之、「一旦自多其力,則毋以其難概之。「一」規異事與同 無所拂悟,〔<〕辭言無所擊排,〔衰〕迺後申其辯知焉。此所以親近不疑,〔10〕知盡之難

[一] [索隱] 按:所說謂所說之主也。飾其所敬者,說士當知人主之所敬,而時以言辭文飾之。

〔三〕[正義] 前人自知其失誤,説士無以失誤窮極之,乃爲訕上也。〔三〕[索隱] 醜謂人主若有所避諱而醜之,遊説者當滅其事端而不言也。

〔四〕[索隱] 按:謂人主自勇其斷,説士無以己意而攻閒之,是以卑下之謀自敵於上,以致譴怒也。

正義

斷音端

亂反。

正義

[至][索隱]按:概猶格也。 劉氏云:「秦昭王決欲攻趙,白起苦説其難,遂己之心,拒格君上,故致杜郵之僇也。」

劉伯莊云:「貴人斷甲爲是,説者以乙破之,乙之理難同,怒以下敵上也。」

「六」正義 劉伯莊云:「貴人與甲同計,與乙同行者,説士陳言無傷甲乙也。」

[f] [索隱] 按:上文言人主規事譽人,與某人同計同行,今説者之詞不得傷於同計同行之人,仍可文飾其類也。 若人主與同失者,而説者則可以明飾其無失也。 [正義] 人主與甲同失,說者文飾甲之無失。

[八] 索隱 拂音佛。 言大忠之人,志在匡君於善,君初不從,則且退止,待君之説而又幾諫,即不拂悟於君也。

[正義] 拂悟當爲「咈忤」,古字假借耳。咈,違也。忤,逆也。

- [元][索隱] 謂大忠説諫之辭,本欲歸於安人興化,而無别有所擊射排擯。 按:韓子作「擊摩」也。
- [10] [正義] 言大忠之事,擬安民興化,事在匡弼。 君初亦不擊排,乃後周澤霑濡,君臣道合,乃敢辯智説焉。 此所以

親近而不見疑,是知盡之難。

[二][集解]徐廣曰:「知,一作『得』。難,一作『辭』。」 難,一作『辭』」。今按韓子作「得盡之辭」也。 [正義] 言説士知談説之難也,爲能盡此談説之道,得當人主之心, **[索隱] 謂人臣盡知事上之道難也。按:徐廣曰「知,一作『得』,**

君臣相合,乃是知盡之難也。

〔三〕 [索隱] 謂君臣道合,曠日已久,是誠著於君也。

[一] [索隱] 謂君之渥澤周浹於臣,魚水相須,鹽梅相和也。

[1四][正義] 夫知盡之難,則君臣道合,故得曠日彌久。 而周澤既渥,深計而君不疑,與君交争而不罪,而得明計國之 利害以致其功,直指是非,任爵禄於身,以此君臣相執持,此説之成也。

能無役身而涉世如此其汙也、「」則非能仕之所設也。「图」 伊尹爲庖、「二百里奚爲虜、「三」皆所由干其上也。 故此二子者, 皆聖人也, 猶不

[一][正義] 殷本紀云「乃爲有莘氏媵臣、負鼎俎、以滋味説湯致王道」是也。

[三][正義] 晉世家云襲滅虞公,及大夫百里以媵秦穆姬也。

□□Ⅲ義 汙音鳥故反。庖虜是汙。

老子韓非列傳第三

[四][索隱]按:韓子作「非能士之所恥也」。

子言伐之,何也。」問君聞之,以鄭爲親己而不備鄭。鄭人襲問,取之。此二説者,其 其家甚知其子而疑鄰人之父。[1〕昔者鄭武公欲伐胡,[1] 迺以其子妻之。因問羣臣 知皆當矣,「」」然而甚者爲戮,薄者見疑。非知之難也,處知則難矣。 曰:「吾欲用兵、誰可伐者。」關其思曰:「胡可伐。」迺戮關其思,曰:「胡,兄弟之國也, |宋有富人,天雨牆壞。 其子曰「不築且有盜」,其鄰人之父亦云,暮而果大亡其財,

[一][正義] 其子鄰父説皆當矣,而切見疑,非處知則難乎一

[二][正義]世本云:「胡,歸姓也。」括地志云:「胡城在豫州郾城縣界。」

[三]正義當,當浪反。

聞,往夜告之,彌子矯駕君車而出。君聞之而賢之曰:「孝哉,爲母之故而**犯**刖罪!」 主,則罪當而加疏。故諫説之士不可不察愛憎之主而後説之矣。 變於初也,前見賢而後獲罪者,愛憎之至變也。故有愛於主,則知當而加親;見憎於 色衰而愛弛,得罪於君。君曰:「是嘗嬌駕吾車,又嘗食我以其餘桃。」故彌子之行未 與君游果園,彌子食桃而甘,不盡而奉君。君曰:「愛我哉,忘其口而念我」」及彌子 昔者彌子瑕見愛於衞君。衞國之法,竊駕君車者罪至別。 既而彌子之母病,人

夫龍之爲蟲也、自己可擾狎而騎也。然其喉下有逆鱗徑尺,人有嬰之,則必殺人。

人主亦有逆鱗,説之者能無嬰人主之逆鱗,則幾矣。〔三〕

[一][正義] 龍,蟲類也。 故言「龍之爲蟲」。

[二] 索隱] 按:幾,庶也。謂庶幾於善諫説也。

正義一説者能不犯人主逆鱗,則庶幾矣。

非已死矣。

ここ 然,下吏治非。李斯使人遺非藥,使自殺。韓非欲自陳,不得見。秦王後悔之,使人赦之, |韓不爲|秦,此人之情也。今王不用,久留而歸之,此自遺患也,不如以過法誅之。」|秦王以爲 王悦之,未信用。李斯、姚賈害之,毁之曰:「韓非,韓之諸公子也。今王欲并諸侯,非終爲 矣」。李斯曰:「此韓非之所著書也。」秦因急攻韓。韓王始不用非,及急,廼遣非使溱。溱 人或傳其書至秦。秦王見孤憤、五蠹之書,曰:「嗟乎,寡人得見此人與之游,死不恨

][集解] 戰國策曰:「秦王封姚賈千户,以爲上卿。 韓非短之曰:『賈,梁監門子,盜於梁, 臣於趙而逐。 取世監門 子梁大盜趙逐臣與同社稷之計,非所以勵羣臣也。』王召賈問之,賈答云云,廼誅韓非也。」

申子、韓子皆著書,傳於後世,學者多有。余獨悲韓子爲說難而不能自脱耳。

太史公曰:老子所貴道,虚無,因應變化於無爲,故著書辭稱微妙難識。莊子散道德,

磤[三]少恩。 皆原於道德之意,而老子深遠矣。 放論,要亦歸之自然。申子卑卑,自己施之於名實。韓子引繩墨,切事情,明是非,其極慘

[一][樂解]自勉勵之意也。 [索隱]劉氏云:「卑卑,自勉勵之意也。」

[三] (集解) 磁,胡革反。用法慘急而鞠磁深刻。 [索隱] 慘,七感反。礉,胡革反。按:謂用法慘急而鞠礉深刻

也

【索隱述贊】伯陽立教,清淨無爲。 道尊東魯,迹竄西垂。莊蒙栩栩,申害卑卑。刑名有術,説難極知。

悲彼周防,終亡李斯。

史記卷六十四

司馬穰苴列傳第四

國深侵,邦内騷動,士卒暴露於境,君寢不安席,食不甘味,百姓之命皆懸於君,何謂相送 留。」穰苴曰:「將受命之日則忘其家,臨軍約束則忘其親,援枹「亞」鼓之急則忘其身。今敵 束。約束既定,夕時,莊賈乃至。穰苴曰:「何後期爲。」 賈謝曰:「不佞大夫親戚送之,故 急流,到親戚左右送之,留飲。日中而賈不至。穰苴則仆表決漏,「八人」人,行軍勒兵,申明約 之所尊,以監軍,乃可。」於是景公許之,使莊賈往。穰苴既辭,與莊賈約曰:「旦日日中會 試之。」景公召穰苴,與語兵事,大説之,以爲將軍,C ® 別將兵扞瀌晉之師。 穰苴曰:「臣素 於軍門。」「禹」穰苴先馳至軍,立表下漏「宀」待賈。賈素驕貴,以爲將己之軍而己爲監,不甚 卑賤,君擢之閭伍之中,加之大夫之上,士卒未附,百姓不信,人微權輕,願得君之寵臣,國 景公患之。晏嬰乃薦田穰苴曰:「穰苴雖田氏庶孼,然其人文能附衆,武能威敵,願君 司馬穰苴者、「二田完之苗裔也。齊景公時、晉伐阿、甄、「二」而應侵河上、「二」齊師敗

賈,馳入軍中。穰苴曰:「將在軍,君令有所不受。」〔10〕 問軍正曰:「馳三軍法何?」 正曰: 乎!」召軍正問曰:「軍法期而後至者云何?」對曰:「當斬。」 莊賈懼,使人馳報景公,請 而引兵歸。 爲之赴戰。晉師聞之,爲罷去。燕師聞之,度水而解。〔18〕於是追擊之,遂取所亡封內故境 資糧享士卒,身與士卒平分糧食,最比自己其羸弱者。 三日而後勒兵。 病者皆求行,争奮出 徇三軍。[三]遣使者還報,然後行。 士卒次舍井竈飲食問疾醫藥,身自拊循之。 悉取將軍之 「當斬。」使者大懼。穰苴曰:「君之使不可殺之。」乃斬其僕,車之左駙,馬之左驂,「三以 反歸寢。既見穰苴,尊爲大司馬。田氏日以益尊於齊。 既往,未及反,於是遂斬莊賈以徇三軍。三軍之士皆振慄。久之,景公遣使者持節赦 未至國,釋兵旅,解約束,誓盟而後人邑。景公與諸大夫郊迎,勞師成禮,然後

[一] [索隱] 按:穰苴,名,田氏之族,爲大司馬,故曰司馬穰苴。 [正義] 穣音若羊反。苴音子徐反。 田穰苴爲司馬

[二] [索隱] 按"阿、甄皆齊邑。晉太康地記曰「阿即東阿也」。地理志云甄城縣屬濟陰也。

[1] [正義] 河上,黄河南岸地,即滄德二州北界。

[四] [索隱] 謂命之爲將,以將軍也。將音卽匠反。遂以將軍爲官名。故尸子曰「十萬之師,無將軍則亂」。 六國時有

1

[五][索隱]按:旦日謂明日。日中時期會於軍門也。

[六] 索隱] 按"立表謂立木爲表以視日景,下漏謂下漏水以知刻數也。

〔七〕[正義] 己音紀。監,甲暫反。

〔<、〕[索隱] 仆音赴。按:仆者,卧其表也。決漏謂決去壺中漏水。以賈失期,過日中故也。

[九][索隱]上音袁,下音孚。 [正義]援,作「操」。 枹音孚,謂鼓挺也。

[10] 樂解] 魏武帝曰:「苟便於事,不拘君命。」

〔一〕[索隱] 按:謂斬其使者之僕,及車之左駙。駙,當作「軵」,並音附,謂車循外立木,承重較之材。 驂,以御者在左故也。 [正義] 軵音附。劉伯莊云:「駙者,箱外之立木,承重校者。」 又斬其馬之左

[三]正義] 徇,行示也。

[三][正義]比音(卑)必耳反。

[四][正義] 度黄河水北去而解。

徒门出此怨高、國等。其後及田常殺簡公,盡滅高子、國子之族。至常曾孫和,因自立,爲 已而大夫鮑氏、高、國之屬害之,譖於景公。景公退穰苴,苴發疾而死。 田乞、田豹之

齊威王、「三用兵行威,大放穰苴之法、「三」而諸侯朝齊。

[一] 索隱] 田乞,田僖子也。 剥亦僖子之族。

[三][索隱]按:此文誤也,當云田和自立,至其孫,因號爲齊威王。 故系家云田和自立,號太公,其孫因齊,號爲威

馬

司馬穰苴列傳第四

1 -- 4

[]] 正義 放,方往反。

齊威王使大夫追論古者司馬兵法而附穰苴於其中,因號曰司馬穰苴兵法。

矣。「」若夫穰苴,區區爲小國行師,何暇及司馬兵法之揖讓乎?世既多司馬兵法,以故不 太史公曰:余讀司馬兵法, 関廓深遠, 雖三代征伐, 未能竟其義, 如其文也,亦少亵

論,著穰苴之列傳焉。

[一] [索隱] 按:謂司馬法説行兵,揖讓有三代之法,而齊區區小國,又當戰國之時,故云「亦少褒矣」。

【索隱述贊】燕侵河上,齊師敗績。嬰薦穰苴,武能威敵。斬賈以徇,三軍驚惕。我卒既彊,彼寇退壁。

法行司馬,實賴宗戚。

史記卷六十五

孫子吳起列傳第五

受。」遂斬隊長二人以徇。用其次爲隊長,於是復鼓之。婦人左右前後跪起皆中規矩繩墨, 寡人非此二姬,食不甘味,願勿斬也。」孫子曰:「臣既已受命爲將,將在軍,君命有所不 右手;後,即視背。」婦人曰:「諾。」約束既布,乃設鈇鉞,即三令五申之。於是鼓之右,婦 隊長。吴王從臺上觀,見且斬愛姬,大駭。趣使使「鬥下令曰:「寡人已知將軍能用兵矣。 <u>孫子曰:「約束不明,申令不熟,將之罪也;既已明而不如法者,吏士之罪也。」</u>乃欲斬左右 人大笑。孫子曰:「約束不明,申令不熟,將之罪也。」復三令五申而鼓之左,婦人復大笑。 「汝知而心與左右手背乎。」婦人曰:「知之。」孫子曰:「前,則視心;左,視左手;右,視 中美女,得百八十人。孫子分爲二隊,以王之寵姬二人各爲隊長,「司皆令持戟。令之曰: 可以小試勒兵乎。」對曰:「可。」 闔廬曰:「可試以婦人乎。」曰:「可。」 於是許之,出官 孫子武者,齊人也。「己以兵法見於吴王闔廬。 闔廬曰:「子之十三篇,「己吾盡觀之矣,

孫子吳起列傳第五

也。」吴王曰:「將軍罷休就舍,寡人不願下觀。」孫子曰:「王徒好其言,不能用其實。」於是 無敢出聲。於是孫子使使報王曰:「兵既整齊,王可試下觀之,唯王所欲用之,雖赴水火猶可

<u>闔廬知孫子能用兵,卒以爲將。西破彊楚,人郢,北威齊晉,顯名諸侯,孫子與有力焉。</u>

[一] 正義]魏武帝云:「孫子者,齊人。事於吴王闔閭,爲吴將,作兵法十三篇。」

[三]正義]七録云孫子兵法三卷。案:十三篇爲上卷。又有中下二卷。

〔三〕 | 索隱 | 上音徒對反。下音竹兩反。

[四][索隱] 趣音促,謂急也。 下「使」音色吏反。

龐涓气,具學兵法。龐涓既事魏,得爲惠王將軍,而自以爲能不及孫臏,乃陰使召孫臏。 孫武既死,仁己後百餘歲有孫臏。 臏生阿郠之閒, 臏亦孫武之後世子孫也。 孫臏嘗與

至,龐涓恐其賢於己,疾之,則以法刑斷其兩足而黥之,欲隱勿見。

[一][樂解]越絕書曰:「吳縣巫門外大冢,孫武冢也,去縣十里。」 [索隱]按:越絕書云是子貢所著,恐非也。 多記吳越亡後土地,或後人所録。 [正義] 七錄云越絶十六卷,或云伍子胥撰。

[三][索隱] 臏,頻忍反。龐,皮江反。涓,古玄反。

客待之。忌數與齊諸公子馳逐重射。孫子見其馬足不甚相遠,馬有上、中、下輩。於是孫 齊使者如梁,「「孫臏以刑徒陰見,說齊使。齊使以爲奇,竊載與之齊。齊將田忌善而

質、[四]孫子曰:「今以君之下駟與彼上駟,取君上駟與彼中駟,取君中駟與彼下駟。」 子謂田忌曰:「君弟重射、「三」臣能令君勝。」田忌信然之,與王及諸公子逐射千金。「『〕 三輩畢,而田忌一不勝而再勝,卒得王千金。於是忌進孫子於威王。 威王問兵法, 遂以爲 及臨 既馳

[二] 正義 今汴州。

師。

[三][索隱]弟,但也。重射謂好射也。

(三)[正義]射音石。隨逐而射賭千金。

[四][索隱]按::質猶對也。將欲對射之時也。一云質謂堋、非也。

趙而自救。是我一舉解趙之圍而收獘於魏也。」「於〕田忌從之,魏果去邯鄲,與齊戰於桂陵, 者[]]不控捲,[]]敦鬭者不搏撠,[]]批亢擣虚,[]]]形格勢禁,則自爲解耳。[]]] 今梁趙相 以田忌爲將,而孫子爲師,居輜車中,坐爲計謀。田忌欲引兵之趙,孫子曰:「夫解雜亂紛糾 攻,輕兵鋭卒必竭於外,老弱罷於内。 君不若引兵疾走大梁,據其街路, 衡其方虚, 彼必釋 其後魏伐趙,趙急,請救於齊。齊威王欲將孫臏,臏辭謝曰:「刑餘之人不可。」於是乃

一] [索隱] 按:謂事之雜亂紛糾擊挐也。

孫子

吴起列傳

第五

大破梁軍。

- [三] 索隱 · 謂解雜亂紛糾者,當善以手解之,不可控捲而擊之。 捲卽拳也。 劉氏云「控,綜;捲,縮」,非
- 三] [索隱] 博戟二音。按:謂救鬭者當善撝解之,無以手助相搏撠,則其怒益熾矣。按:撠,以手撠刺人。
- 四] [索隱] 批音白結反。亢音苦浪反。按:批者,相排批也。音白滅反。亢者,敵人相亢拒也。擣者,擊也,衡也。 虚者,空也。按:謂前人相亢,必須批之。 彼兵若虚,則衡擣之。 欲令擊梁之虚也。 此當是古語,故孫子以言之

[五] [索隱] 謂若批其相亢,擊擣彼虚,則是事形相格而其勢自禁止,則彼自爲解兵也。

六〕[索隱] 謂齊今引兵據大梁之銜,是銜其方虚之時,梁必釋趙而自救,是一舉釋趙而斃魏。

後十三歲,八二魏與趙攻韓,韓告急於齊。齊使田忌將而往,直走大梁。魏將龐涓聞

是令齊軍善射者萬弩,夾道而伏,期曰「暮見火舉而俱發」。 龐涓果夜至斫木下,見白書,乃 當至馬陵。馬陵道陝,而旁多阻隘,可伏兵,乃斫大樹白而書之曰「龐涓死于此樹之下」。於 怯,人吾地三日,士卒亡者過半矣。」乃弃其步軍,與其輕鋭倍日并行逐之。 孫子度其行,暮 軍人魏地爲十萬竈,明日爲五萬竈,又明日爲三萬竈。」.龐涓行三日,大喜,曰:「我固知齊軍 善戰者因其勢而利導之。兵法,百里而趣利者蹶上將,〔三〕五十里而趣利者軍半至。使齊 之,去韓而歸,齊軍既已過而西矣。孫子謂田忌曰:「彼三晉之兵素悍勇而輕齊,齊號爲怯, 鑽火燭之。 讀其書未畢,齊軍萬弩俱發,魏軍大亂相失。 「遂成豎子之名!」「『齊因乘勝盡破其軍,虜魏太子申以歸。 龐涓自知智窮兵敗,乃自剄,曰: 孫臏以此名顯天下,世傳其

[索隱] 王劭〔按〕:紀年云「梁惠王十七年,齊田忌敗梁于桂陵,至二十七年十二月,齊田朌敗梁於馬陵」,計相去

[二] 樂解 魏武帝曰:「鐝猶挫也。」 |索隱| 蹶音巨月反。劉氏云:「蹶猶斃也。」

〔三〕索隱 豎子謂孫臏。

爲妻,而魯疑之。吳起於是欲就名,遂殺其妻,以明不與齊也。 吴起者,衞人也,好用兵。嘗學於曾子,事魯君。齊人攻魯,魯欲將吳起, 魯卒以爲將。 將而攻齊,大 吴起取齊女

破之。

魯衞兄弟之國也,而君用起,則是弃衞。」魯君疑之,謝吳起。 不復入衞。』遂事曾子。居頃之,其母死,起終不歸。曾子薄之,而與起絶。 黨笑之,吳起殺其謗己者三十餘人,而東出衞郭門。 兵法以事魯君。魯君疑之,起殺妻以求將。夫魯小國,而有戰勝之名,則諸侯圖魯矣。 魯人或惡吳起曰:「起之爲人,猜忍人也。其少時,家累千金,游仕不遂,遂破其家。 與其母訣,齧臂而盟曰:『起不爲卿相, 起乃之魯,

好色、「一」然用兵司馬穰苴不能過也。」於是魏文侯以爲將,擊秦,拔五城。 吴起於是聞魏文侯賢,欲事之。文侯問李克曰:「吴起何如人哉。」李克曰:「起貪而

[一] [索隱] 按:王劭云:「此李克言吳起貪。下文云『魏文侯知起廉,盡能得士心』,又公叔之僕稱起『爲人節廉』, 名耳,故母死不赴,殺妻將魯是也。或者起未委質於魏,猶有貪迹,及其見用,則盡廉能,亦何異乎陳平之爲人 豈前貪而後廉,何言之相反也?」今按:李克言起貪者,起本家累千金,破産求仕,非實貪也;蓋言貪者,是貪榮

所矣。是以哭之。」 曰:「非然也。往年吴公吮其父,其父戰不旋踵,遂死於敵。吴公今又吮其子,妾不知其死 有病疽者,起爲吮之。〔〕卒母聞而哭之。人曰:「子卒也,而將軍自吮其疽,何哭爲。」母 起之爲將,與士卒最下者同衣食。卧不設席,行不騎乘,親裹贏糧,與士卒分勞苦。卒

[一] 索隱 吮,鄒氏音弋軟反,又才軟反。

固,此魏國之寶也」起對曰:「在德不在險。昔三苗氏左洞庭,右彭蠡,德義不修,禹滅 |魏文侯既卒,起事其子||武侯。||武侯浮||西河而下,中流,顧而謂||吴起曰:「美哉乎山河之 文侯以吴起善用兵,廉平,盡能得士心,乃以爲西河守,以拒秦、韓。

之。夏桀之居,左河濟,右泰華,伊闕在其南,羊腸在其北,「己修政不仁,湯放之。殷紂之

國,左孟門,行司右太行,常山在其北,大河經其南,修政不德,武王殺之。由此觀之,在德不

在險。若君不修德,舟中之人盡爲敵國也。」〔三〕武侯曰:「善。」

[一] [樂解] 瓚曰:「今河南城爲直之。」皇甫謐曰:「壺關有羊腸阪,在太原晉陽西北九十里。」

〔三〕 [索隠] 劉氏按:紂都朝歌,今孟山在其西。 今言左,則東邊別有孟門也。

[『] [樂解] 楊子法言曰:「美哉言乎!使起之用兵每若斯,則太公何以加諸」」

之於我乎。」起默然良久,曰:「屬之子矣。」 | 文曰:「此乃吾所以居子之上也。」 | 吴起乃自 功,可乎。]田文曰:「可。」起曰:「將三軍,使士卒樂死,敵國不敢謀,子孰與起。」 | | | | | | | | 而位加吾上,何也。」、文曰:「主少國疑,大臣未附,百姓不信,方是之時,屬之於子乎?屬 而屪兵不敢東鄉,韓趙賓從,子孰與起。」文曰:「不如子。」起曰:「此三者,子皆出吾下, 「不如子。」起曰:「治百官,親萬民,實府庫,子孰與起。」|文曰:「不如子。」|起曰:「守西河 知弗如田文。 (卽封) 吳起爲西河守,甚有聲名。 魏置相,相田文。〔二吴起不悦,謂田文曰:「請與子論

[一][索隱]按:吕氏春秋作「商文」。

何。」其僕曰:「吳起爲人節廉而自喜名也。君因先與武侯言曰:『夫吳起賢人也,而侯之 田文既死,公叔爲相,「一〕尚魏公主,而害吴起。公叔之僕曰:「起易去也。」公叔曰:「柰

诼

而輕君。吴起見公主之賤君也,則必辭。」於是吳起見公主之賤魏相,果辭魏武侯。武侯 公主,起有留心則必受之,無留心則必辭矣。以此卜之。』君因召吳起而與歸,卽令公主怒 國小,又與彊秦壤界,臣竊恐起之無留心也。』武侯卽曰:『柰何?』 君因謂武侯曰:『試延以

[一] 索隱 韓之公族。

疑之而弗信也。吳起懼得罪,遂去,卽之楚。

之。擊起之徒因射刺吳起,并中悼王。〔〕悼王既葬,太子立,〔〕乃使令尹盡誅射吳起而并 中王尸者。坐射起而夷宗死者七十餘家。 楚之彊。故楚之貴戚盡欲害吴起。及悼王死,宗室大臣作亂而攻吴起,吴起走之王尸而伏 要在彊兵,破馳說之言從横者。於是南平百越,北并陳蔡,卻三晉,西伐秦。諸侯患

[一] 索隱] 楚系家悼王名疑也。

[三] 索隱 肅王臧也。

設者。 太史公曰:世俗所稱師旅,皆道孫子十三篇,吴起兵法,世多有,故弗論,論其行事所施 語曰:「能行之者未必能言,能言之者未必能行。」孫子籌策龐涓明矣,然不能蚤救

患於被刑。吴起説武侯以形勢不如德,然行之於楚,以刻暴少恩亡其軀。悲夫!

慘礉事楚,死後留權。

【索隱述贊】孫子兵法,一十三篇。美人既斬,良將得焉。其孫臏脚,籌策龐涓。吳起相魏,西河稱賢,

史記卷六十六

伍子胥列傳第六

伍子胥者,楚人也,名員。員父曰伍奢。員兄曰伍尚。 其先日伍舉,以直諫事楚莊

王,C 己有顯,故其後世有名於楚。

[一] [索隱] 按:舉直諫,見左氏、楚系家。

使無忌爲太子取婦於秦,秦女好,無忌馳歸報平王曰:「秦女絶美,王可自取,而更爲太子取 楚平王有太子名曰建,使伍奢爲太傅,費無忌[1]爲少傅。 無忌不忠於太子建。

婦。」平王遂自取秦女而絶愛幸之,生子軫。 更爲太子取婦。

[一] 索隱] 按"左傳作「費無極」。

無忌既以秦女自媚於平王,因去太子而事平王。恐一旦平王卒而太子立,殺己,乃因

讒太子建。 建母,蔡女也,無竈於平王。平王稍益疏建,使建守城父、行己備邊兵。

地理志潁川有城父縣。 索隱]本陳邑,楚伐陳而有之。 地理志潁川有城父縣

伍子

胥列

傳第六

成矣。王且見禽。」於是平王怒,囚伍奢,而使城父司馬奮揚口〕往殺太子。行未至,奮揚 使人先告太子:「太子急去,不然將誅。」太子建亡奔宋。 |忌讒太子於||平||一||,因曰:「王獨柰何以讒賊小臣疏骨肉之親乎。]|無||忌曰:「王今不制,其事 自太子居城父,將兵,外交諸侯,且欲人爲亂矣。」平王乃召其太傅伍奢考問之。伍奢知無 頃之,無忌又日夜言太子短於王曰:「太子以|秦女之故,不能無怨望,願王少自備也。

[一] 索隱 城父司馬之姓名也。

吾生汝父,不來,今殺屠也。」伍尚欲往,員曰:「楚之召我兄弟,非欲以生我父也,恐有脱 |太子建之在||宋,往從之。||奢聞||子胥之亡也,曰:「楚國君臣且苦兵矣。」|伍尚至楚,楚并殺||奢 將歸死。」尚既就執,使者捕伍胥。伍胥貫弓〔三〕執矢嚮使者,使者不敢進,伍胥遂亡。聞 父召我以求生而不往,後不能雪恥,終爲天下笑耳。」謂員:「可去矣!汝能報殺父之讎,我 耳。不如奔他國,借力以雪父之恥,俱滅,無爲也。」伍尚曰:「我知往終不能全父命。然恨 者後生患,故以父爲質,詐召二子。二子到,則父子俱死。何益父之死?往而令讎不得報 爲人剛戾忍詢、「二能成大事,彼見來之并禽,其勢必不來。」王不聽,使人召二子曰:「來, |楚患。」王使使謂伍奢曰:「能致汝二子則生,不能則死。」伍奢曰:「尚爲人仁,呼必來。員 |無忌言於||平王日:「伍濬有二子,皆賢,不誅且爲楚憂。 可以其父質而召之, 不然且爲

與尚也。

集解 音火候反。

[二] 樂解] 貫,烏還反。

[索隱] 劉氏音貫爲彎,又音古患反。 貫謂滿張弓。

事,公子光爲將。伍胥乃因公子光以求見吴王。 執珪,豈徒百金劍邪!不受。

伍胥未至

吳而疾,止中道,乞食。

『『五至於

吳,

吴王僚方用 伍胥既渡,解其劍曰:「此劍直百金,以與父。」父曰:「楚國之法,得伍胥者賜粟五萬石,爵 與勝獨身步走,幾不得脱。追者在後。至江,江上有一漁父乘船,知伍胥之急,乃渡伍胥。 庭誅殺太子建。建有子名勝。

伍胥懼,乃與勝俱奔吳。到昭關,

「

三昭關欲執之。

伍胥遂 太子。」太子乃還鄭。事未會,會自私欲殺其從者,從者知其謀,乃告之於鄭。鄭定公與子 |晉頃公曰:「太子既善鄭,鄭信太子。 太子能爲我内應,而我攻其外,滅鄭必矣。滅鄭而封 伍胥既至宋,宋有華氏之亂,自己乃與太子建俱奔於鄭。鄭人甚善之。太子建又適晉,

[一] 索隱] 春秋昭二十年,宋華亥、向寧、華定與君争而出奔是也。

「三」「索隱」其關在江西、乃吴楚之境也。

伍子胥列

傳第六

[三] 集解] 張勃曰:「子胥乞食處在丹陽溧陽縣。」 [索隱] 按:張勃,晉人,吳鴻臚嚴之子也,作吳録,裴氏注引之是

也。溧音栗,水名也。

伐楚未可破也。」伍胥知公子光有内志,欲殺王而自立,未可説以外事,乃進專諸「一〕於公 子光,退而與太子建之子勝耕於野。 復遣公子光。」公子光謂吳王曰:「彼伍胥父兄爲戮於楚,而勸王伐楚者,欲以自報其讎耳。 舉兵相伐。吳使公子光伐楚,拔其鍾離、居巢而歸。〔〕伍子胥説吴王僚曰:「楚可破也。 久之,

楚平王以其邊邑

鍾離與吴邊邑

卑梁氏俱蠶,兩女子争桑相攻,乃大怒,至於兩國 願

[一] 索隱] 二邑, 楚縣也。按: 鍾離縣在六安, 古鍾離子之國, 系本謂之「終犂」, 嬴姓之國。 巢,其國蓋遠。 尚書序「巢伯來朝」、蓋因居之於淮南楚地也。 居巢亦國也。桀奔南

[二] [索隱] 左傳謂之「專設諸」。

子光乃令專諸襲刺吳王僚而自立,是爲吳王闔廬。 吴王僚因楚喪,使二公子將兵往襲楚。 五年而楚平王卒。初,平王所奪太子建秦女生子軫,及平王卒,軫竟立爲後, |楚發兵絶||吴兵之後,不得歸。 闔廬既立,得志,乃召伍員以爲行人,而 吴國内空, 是爲昭 而

與謀國事。

楚誅其大臣卻宛、伯州犂,伯州犂之孫伯嚭亡奔吴,「己吴亦以嚭爲大夫。 前王僚所遣

闔廬立三年,乃興師與伍胥、伯嚭伐楚,拔舒,遂禽故吳反二將軍。因欲至郢,將軍孫武曰: 二公子將兵 [三] 伐|楚者,道絶不得歸。後聞|闔|盧弑|王僚自立,遂以其兵降|楚,|楚封之於)舒。

「民勞,未可,且待之。」乃歸。

[一][集解]徐廣曰:「伯州犂者,晉伯宗之子也。伯州犂之子曰邵宛,郤宛之子曰伯嚭。宛亦姓伯,又别氏郤。楚世 宛,州犂子。伯噽,郄宛子。噽音喜。伯氏别姓郄。 家云殺郤宛,宛之宗姓伯氏子曰嚭。吴世家云楚誅伯州犂,其孫伯嚭奔吴也。」 索隱按:州犂,伯宗子也。郄

[三] | 索隱 | 公子燭庸及蓋餘也。

四年,吴伐楚,取六與濡。「己五年,伐越,敗之。六年,楚昭王使公子囊瓦「己將兵伐

。吴使伍員迎擊,大破楚軍於豫章、「『取楚之居巢。

[一] (集解) 六,古國,皋陶之後所封。 灊縣有天柱山。 索隱一六,古國也,皋陶之後所封。 濡縣有天柱山。

[三] [集解] 案: 左傳楚公子貞字子囊,其孫名瓦,字子常。 此言公子,又兼稱囊瓦,誤也。 貞字子囊,其孫名瓦,字子常。此言公子,又兼稱囊瓦,蓋誤。 索隱 按: 左氏楚公子

(三)集解]豫章在江南。 [索隱] 按:杜預云「昔豫章在江北,蓋分後徙之於江南也」。

瓦貪,而唐、蔡皆怨之。王必欲大伐之,必先得唐、蔡乃可。」闔廬聽之,悉興師與唐、蔡伐 九年, 吴王闔廬謂子胥、孫武曰:「始子言野未可人,今果何如?」二子對曰:「楚將囊

伍子胥列傳第六

記 卷 六 十 六 二一七六

常。气气子常敗走,奔鄭。 與楚夾漢水而陳。 吴王之弟夫概□□將兵請從,王不聽,遂以其屬五千人擊楚將子 於是吳乘勝而前,五戰,遂至郢。[『〕己卯,楚昭王出奔。 庚辰,吴

王人野。

[一] 索隱] 古賚反。

[三] 集解] 子常,公孫瓦。

索隱公孫瓦也。

[] 集解 郢,楚都。 [索隱] 郢,楚都也。 音以正反,又一音以井反。

之。」隨人欲殺王,王子綦匿王,己自爲王以當之。隨人卜與王於吳,不吉,乃謝吳不與王。 乎」鄖公恐其弟殺王,與王奔隨。[三]吴兵圍隨,謂隨人曰:「周之子孫在漢川者, 昭王出亡,人雲夢,盗擊王,王走鄖。[二]鄖公弟懷曰:「平王殺我父,我殺其子,不亦可 楚盡滅

〔一〕[樂解] 音云,國名。 [索隱] 奏雲二音。走,向也。鄖,國名。

[三][正義] 今有楚昭王故城,昭王奔隨之處,宫之北城卽是。

故平王之臣,親北面而事之,今至於僇死人,此豈其無天道之極乎!近子胥曰:「爲我謝 山中,使人謂子胥曰:「子之報讎,其以甚乎!吾聞之,人衆者勝天,天定亦能破人。〔〕今子 兵入郢,伍子胥求昭王。既不得,乃掘楚平王墓,出其尸,鞭之三百,然後已。申包胥亡於 始伍員與申包胥爲交,員之亡也,謂包胥曰:「我必覆楚。」包胥曰:「我必存之。」及吴

申包胥曰,吾日莫途遠,吾故倒行而逆施之。」〔三〕於是申包胥走秦告急,求救於秦。秦不 廬弟夫概乃亡歸,自立爲王。 昭王見吴有内亂,乃復人郢。封夫概於堂谿,て以爲堂谿氏。 可無存乎!乃遣車五百乘救楚擊吳。六月,敗吳兵於稷。「三會吳王久留楚求昭王,而闔 包胥立於秦廷,晝夜哭,七日七夜不絶其聲。秦哀公憐之,曰:「楚雖無道,有臣若是, 闔廬聞之,乃釋楚而歸,擊其弟夫概。夫概敗走,遂奔楚。 楚復與吳戰,敗吳,吳王乃歸。

[一][正義] 中包胥言聞人衆者雖一時凶暴勝天,及天降其凶,亦破於彊暴之人。

〔三〕[索隱]按"倒音丁老反。施音如字。子胥言志在復讎,常恐且死,不遂本心,今幸而報,豈論理乎!譬如人行, 前途尚遠,而日勢已莫,其在顛倒疾行,逆理施事,何得責吾順理乎!

〔三〕 集解 稷丘,地名,在郊外。 [索隱]按::左傳作「稷丘」。杜預云「稷丘,地名,在郊外」。

[四] [集解] 徐廣曰:「在慎縣。」 | 駰案: 地理志汝南有吴房縣。 應劭曰 「夫概奔楚,封於堂谿,本房子國,以封吴,故曰 吴房」,然則不得在慎縣也。 正義 案:今豫州吴房縣在州西北九十里。

時,吳以伍子胥、孫武之謀,西破彊楚,北威齊晉,南服越人。 後二歲,闔廬使太子夫差將兵伐楚,取番。〔二〕楚懼吳復大來,乃去郢,徙於鄀。〔三〕當是

[一][集解]音普寒反,又音婆。 [索隱]音普寒反,又音婆。蓋鄱陽也。

〔二〕[集解] 楚地,音若。 [索隱] 音若。郡,楚地,今闕。

伍子胥列傳第六

其後四年,孔子相魯。

諫曰:「越王爲人能辛苦。今王不滅,後必悔之。」吴王不聽,用太宰嚭計,與越平。 會稽之上,「『」使大夫種「『」厚幣遺吳太宰嚭以請和,求委國爲臣妾。吴王將許之。 謂太子夫差日:「爾忘句踐殺爾父乎。」夫差對日:「不敢忘。」是夕, 王,以伯嚭爲太宰,習戰射。 二年後伐越,敗越於夫湫。〔『〕越王句踐乃以餘兵五千人棲於 後五年,伐越。越王句踐迎擊,敗吳於姑蘇,傷闔廬指,仁二軍卻。 闔廬死。 闔廬病創「二」 夫差既立爲 伍子胥 將死,

[一][正義] 姑蘇當作「檇李」,乃文誤也。 左傳云「戰橋李,傷將指,卒於脛」是也。 解在吴世家。

(三) 集解] 楚良反。 索隱音瘡。

三] 集解 音椒。 索隱音椒,又如字。

[正義] 太湖中椒山也。解在吴世家。

四][正義]土地名,在越州會稽縣東南十二里。

33.] [索隱] 劉氏云「大夫姓,種名」,非也。按:今吴南有文種埭,則種姓文,爲大夫官也。 正義 高誘云:「大夫

種,姓文氏,字子禽,楚之郢人。」

其後五年,而吴王聞齊景公死而大臣争寵,新君弱,乃興師北伐齊。伍子胥諫曰:「向

心 疾也。 而王不先越而 ·乃務齊,不亦謬乎!吴王不聽, 伐齊, 大敗齊師於艾陵、二一遂威

|鄒魯之君以歸。[三益疏]子胥之謀。

[] [正義] 括地志云:「艾山在兗州博城縣南百六十里,本齊博邑。」

[三][正義]鄒君居兗州鄒縣。魯,曲阜縣。

|越; 王,王不用,吾今見吳之亡矣。汝與吳俱亡,無益也。」乃屬其子於齊鮑牧,而還報吴。 日:『有顛越不恭,劓殄滅之,俾無遺育,無使易種于兹邑。』此商之所以興。 曰:「夫越,腹心之病,今信其浮辭詐僞而貪齊。 若不然,後將悔之無及。」而吳王不聽,使子胥於齊。 太宰嚭既數受越賂,其愛信越殊甚, 其後四年,吳王將北伐齊,越王句踐用子貢之謀,乃率其衆以助吳,而重寶以獻遺太宰 日夜爲言於吳王。 破齊, 譬猶石田, 子胥臨行, 吴王信用嚭之計。 無所用之。 謂其 子曰:「吾數諫 願王釋齊而 且盤庚之誥 伍子胥 諫

伺之,其使於齊也,乃屬其子於齊之鮑氏。 中武力以伐齊,而子胥諫不用,因輟謝,詳病不行。王不可不備,此起禍不難。 又復伐齊,子胥專愎自己疆諫,沮自己毁用事,徒幸吳之敗以自勝其計謀耳。 日 主 一欲伐齊,子胥以爲不可,王卒伐之而有大功。 吴太宰嚭既與子胥有隙,因讒曰:「子胥爲人剛暴,少恩,猜賊,其怨望恐爲深禍也。 夫爲人臣,内不得意,外倚諸侯,自以爲 子胥恥其計謀不用, 乃反怨望。 今王自行,悉國 且嚭使 而 今王 微 前

伍

剄死。 墓上以梓,令可以爲器,マヒョॊ而抉「メコ吾眼縣|吴東門之上フヒャコ以觀|越寇之人滅|吴也。」乃自 立,欲分吴國予我,我顧不敢望也。然今若聽諛臣言以殺長者。」乃告其舍人曰:「必樹吾 誅我。我令若父霸。自若未立時,諸公子争立,我以死争之於先王,幾不得立。〔四〕若既得 伍子胥屬鏤 [1] 之劍,曰:「子以此死。」伍子胥仰天歎曰:「嗟乎!讒臣嚭爲亂矣,王乃反 謀臣,今不見用,常鞅鞅怨望。 吴王聞之大怒,乃取子胥尸盛以鴟夷革、「〈〕浮之江中。「礻〕吴人憐之,爲立祠於江 願王早圖之。」吴王曰:「微子之言,吾亦疑之。」乃使使賜

[一]索隱 皮逼反。

上,[10]因命曰胥山。[1]

[二] 集解] 自吕反。

三」集解録于反。

、四」正義 幾音祈。

[吾] [正義] 器謂棺也,以吴必亡也。 左傳云:「樹吾墓檟,檟可材也,吴其亡乎」

六] 索隱] 烏穴反。抉亦決也。

[正義] 東門、鱛門、謂鯙門也,今名葑門。 鳍音普姑反。 蜉音覆浮反。 越軍開示浦,子胥濤盪羅城,開此門,有鳍 蜉隨濤人,故以名門。 顧野王云「鱔魚一名江豚,欲風則涌」也。

[八] 樂解] 應劭曰:「取馬革爲鴟夷。鴟夷,榼形。」 正義盛音成。 榼,古曷反。

- [九] 樂解 徐廣曰:「魯哀公十一年。」 [正義] 案: 年表云吴王夫差十一年也。
- [10] [正義] 吴地記曰:「越軍於蘇州東南三十里三江口,又向下三里,臨江北岸立壇,殺白馬祭子胥,杯動酒盡,後因 立廟於此江上。今其側有浦名上壇浦。至晉會稽太守麋豹,移廟吳郭東門内道南,今廟見在。」
- [11] [集解] 張晏曰:「胥山在太湖邊,去江不遠百里,故云江上。」 胥湖,山有古丞胥二王廟。」按:其廟不干子胥事,太史誤矣,張注又非。 [正義] 吴地記云:「胥山,太湖邊胥湖東岸山,西臨

滅吳,殺王夫差,而誅太宰嚭,以不忠於其君,而外受重賂,與己比「鬥周也。 其後二年,吴王召魯衞之君會之橐皋。〔〕其明年,因北大會諸侯於黃池,〔三〕以令周室。 王句踐襲殺吴太子、「司破吴兵。吴王聞之,乃歸,使使厚幣與越平。後九年, 吴王既誅伍子胥,遂伐齊。齊鮑氏殺其君悼公而立陽生。吴王欲討其賊,不勝而去。 越王句踐遂 越

[一][索隱]音拓皋二音。|杜預云:「地名,在淮南逡道縣東南。」 [正義] 豪皋故縣在廬州巢縣西北五十六里。

〔三〕[正義] 在汴州封丘縣南七里。

三 | 索隱 | 左傳太子名友。

[四] 正義] 紀鼻二音。

伍子胥初所與俱亡故楚太子建之子勝者,在於吴。 吳王夫差之時,楚惠王欲召勝歸

鄢、[三號爲白公。[三白公歸楚三年而吴誅子胥。 葉公门諫曰:「勝好勇而陰求死士,殆有私乎」惠王不聽。 遂召勝,使居楚之邊邑

[一][正義]上式涉反。杜預云:「子高,沈諸梁。」

[二] <u>樂解] 徐廣日:「潁川鄢陵是。」 [正義] 鄢音偃。括地志云:「故郾城在豫州郾城縣南五里,與褒信白亭相近。」</u>

三] 集解]徐廣日:「汝南褒信縣有白亭。」 [正義] 括地志云:「白亭在豫州褒信縣南四十二里,又有白公故城。又

許州扶溝縣北四十五里北又有白亭也。」

乃子西也。」勝自礪劍, 之。兵未發而晉伐鄭,鄭請救於楚。 「勝如卵耳,何能爲也。」 白公勝既歸楚,怨鄭之殺其父,乃陰養死士求報鄭。歸楚五年,請伐鄭,楚令尹子西許 人問曰:「「「何以爲。」勝曰:「欲以殺子西。」子西聞之,笑曰: 楚使子西往救,與盟而還。白公勝怒曰:「非鄭之仇,

[一] [索隱] 左傳作「子期之子平見曰『王孫何自礪也』」。

將亨。石乞曰:「事成爲卿,不成而亨,固其職也。」終不肯告其尸處。遂亨石乞,而求惠王 爲亂,率其國人攻白公。白公之徒敗,亡走山中,自殺。「馬」而虜石乞,而問白公尸處,不言 可。」乃劫(之)王如高府。[三] 石乞從者屈固[三]負楚惠王亡走昭夫人之宫。[四] 葉公聞白公 其後四歲,白公勝與石乞襲殺楚令尹子西、司馬子綦「一」於朝。石乞曰:「不殺王,不

[一] 家隱] 左傳作「子期」也

[三][索隱] 杜預云:「楚之别府也。」

此本爲得。 而左傳云「石乞尹門,圉公陽穴宫,負王以如昭夫人之宫」,則公陽是楚之大夫,王之從者也。

|索隱|按:徐廣日一作「惠王從者屈固」,

蓋

[五][正義] 左傳云白公奔而縊。 [四][索隱] 昭王夫人卽惠王母,越女也。

嘗須臾忘郢邪。故隱忍就功名,非烈丈夫孰能致此哉。白公如不自立爲君者,其功謀亦不 俱死,何異螻蟻。 弃小義,雪大恥,名垂於後世,悲夫!方子胥窘於江上,〔1〕道乞食,志豈 太史公曰:怨毒之於人甚矣哉!王者尚不能行之於臣下,況同列乎!向令伍子胥從屠

可勝道者哉!

[一] 索隱] 窘音求殞反。

【索隱述贊】讒人罔極,交亂四國。 嗟彼伍氏,被兹凶慝! 員獨忍詬,志復冤毒。霸吴起師,伐楚逐北。

鞭尸雪恥,抉眼弃德。

伍 子

史記卷六十七

仲尼弟子列傳第七

弓。政事:||||有,季路。言語:宰我,子貢。〔三〕文學:子游,子夏。師也辟,〔≡〕參也魯,〔□〕柴 也愚、「用〕由也喭、「尽」回也屢空。賜不受命而貨殖焉,億則屢中。「り」 孔子曰「受業身通者七十有七人」、〔二皆異能之士也。 德行:顔淵,閔子騫,冄伯牛,仲

- [一][索隱]孔子家語亦有七十七人,唯文翁孔廟圖作七十二人。
- []] (集解] 馬融曰: 「子張才過人,失於邪辟文過。」 [三][索陽]論語一曰德行,二曰言語,三曰政事,四曰文學。今此文政事在言語上,是其記有異也。 正義音癖
- [四][集解] 孔安國曰:「魯,鈍也。曾子遲鈍。」
- [五] 集解] 何晏曰:「愚直之愚。」
- [K] [集解] 鄭玄曰:「子路之行,失於昄喭。」 得輒言其誤也 正義。吸音畔。 够音岸。 [索隱] 論語先言柴,次參,次師,次由。 今此傳序之亦與論語 不同,不
- [中][集解]何晏曰:「言回庶幾於聖道,雖數空匱而樂在其中。 賜不受教命,唯財貨是殖,億度是非。 蓋美回所以勵 仲 尼弟子列傳第七

偶富,亦所以不虚心也。」

賜也。 每能虚中者唯回,懷道深遠。 一日屡猶每也,空猶虚中也。以聖人之善道,教數子之庶幾,猶不至於知道者,各內有此害也。其於庶幾 不虚心不能知道。子貢無數子之病,然亦不知道者,雖不窮理而幸中,雖非天命而

子皆後之,不並世。(1) 子;[三]於鄭,子産;於魯,孟公綽。 孔子之所嚴事:於周則老子,於衞,蘧伯玉;〔一〕於齊,晏平仲;〔三〕於楚,老萊 數稱臧文仲、柳下惠、〔四〕銅鞮〔五〕伯華、介山子然,孔

[一] (樂解) 外寬而內直,自設於隱括之中,直己而不直人,汲汲於仁,以善自終,蓋蘧伯玉之行。 禮又云「外寬而内直,自娱於隱括之中,直己而不直人,汲汲于仁,以善存亡,蓋蘧伯玉之行也」。 索隱 按: 大戴

(三) (集解) 君擇臣而使之、臣擇君而事之、有道順命、無道衡命、蓋晏平仲之行也。 之,臣擇君而事之,有道順命,無道衡命,蓋晏平仲之行也。」 [索隱] 大戴記曰:「君擇臣而使

【二] [索隱] 大戴記又云:「德恭而行信,終日言不在悔尤之内,貧而樂也,蓋老萊子之行也。」

四][集解] 孝恭慈仁,允德圖義,約貨去怨,蓋柳下惠之行。 [索隱] 大戴記又云:「孝恭慈仁,允德圖義,約貨亡怨,

(五) | 索隱| 地理志縣名,屬上黨。 正義一鞮,丁奚反。按:銅鞮,潞州縣。

蓋柳下惠之行也。」

【六〕[集解] 大戴禮曰:「孔子云『國家有道,其言足以與,國家無道,其默足以容,蓋銅鞮伯華之所行。 忘其親,茍思其親,不盡其樂,蓋介山子然之行也』。」説苑曰:「孔子歎曰『銅鞮伯華無死,天下有定矣』。」晉太 觀於四方,不

「不克不忌,不念舊怨,蓋伯夷、叔齊之行。思天而敬人,服義而行信,蓋趙文子之行。事君不愛其死,謀身不遺 康地記云:「銅鞮,晉大夫羊舌赤之邑,世號赤日銅鞮伯華。」 存者有三十八篇。今裴氏所引在衞將軍篇。孔子稱祁奚對晉平公之辭,唯舉銅鞮、介山二人行耳。家語又云: 其所嚴事,自老子及公綽已上,皆孔子同時人也。按:戴德撰禮,號曰大戴禮,合八十五篇,其四十七篇亡,見今 |索隱||按:自臧文仲已下,孔子皆後之,不並代。

顏回者,魯人也,字子淵。 少孔子三十歲。 [二]

其友,蓋隨武子之行。」

[二]正義]少,成妙反。

顔淵問仁,孔子曰:「克己復禮,天下歸仁焉。」〔二〕

[一] [集解] 馬融曰:「克己,約身也。」孔安國曰:「復,反也。 身能反禮,則爲仁矣。」

樂。」「則」「回也如愚,「即退而省其私,亦足以發,回也不愚。」「用」「用之則行, 孔子曰:「賢哉回也!〔一〕一簞食,一瓢飲、〔一〕在陋巷,人不堪其憂,回也不改其 捨之則藏,唯

我與爾有是夫!」「於」

集解 衛瓘曰:「非大賢樂道,不能若此,故以稱之。」 [索隱] 衛瓘字伯玉,晉太保,亦注論語,故裴引之。

[二] 集解] 孔安國曰:「簞,笥也。」

[1] [樂解] 孔安國曰:「顔回樂道,雖簞食在陋巷,不改其所樂也。」

仲尼弟子列傳第七

[四] 集解] 孔安國曰:「於孔子之言,默而識之,如愚也。」

[集解] 孔安國曰:「察其退還與二三子說釋道義,發明大體,知其不愚。」

五 六〕[樂解] 孔安國曰:「言可行則行,可止則止,唯我與顔回同也。」樂肇曰:「用己而後行,不假隱以自高,不屈道以

要名,時人無知其實者,唯我與爾有是行。」 [正義] 肇字永初,高平人,晉尚書郎,作論語疑釋十卷,論語駁二

回年二十九,髮盡白,蚤死。〔〕孔子哭之慟,曰:「自吾有回,門人益親。」〔三]魯哀公問:

「弟子孰爲好學。」孔子對曰:「有顏回者好學,不遷怒,不貳過。不幸短命死矣,今也則

[京隱]按:家語亦云「年二十九而髮白、三十二而死」。王肅云「此久遠之書、年數錯誤、未可詳也。校其年、則 死,顔路請子之車,孔子日『鯉也死,有棺而無槨』,或爲設事之辭」。按:顔回死在伯魚之前,故以論語爲設詞。 顔回死時,孔子年六十一。然則伯魚年五十先孔子卒時,孔子且七十也。今此爲顔回先伯魚死,而論語曰顔回

[三][集解]王肅曰:「顔回爲孔子胥附之友,能使門人日親孔子。」

三][集解] 何晏曰:「凡人任情,喜怒違理。 顔回任道,怒不過分。 遷者移也,怒當其理,不移易也。 不貮過者,有不

善未嘗復行。」

閔損字子騫。二少孔子十五歲。

[二] 集解] 鄭玄曰:「孔子弟子目録云魯人。」 [索隱] 家語亦云「魯人。少孔子十五歲」。

孔子曰:「孝哉閔子騫!人不閒於其父母昆弟之言。」「「一不仕大夫,不食汙君之禄。〔三〕

「如有復我者、「」」必在汶上矣。」「图」

[一] <u>操解] 陳翠日:「言子騫上事父母,下順兄弟,動静盡善,故人不得有非閒之言。</u>」

[三] [索隱] 論語季氏使閔子騫爲費宰,子騫曰「善爲我辭焉」,是不仕大夫,不食汙君之禄也。

[三]集解]孔安國日:「復我者,重來召我。」

「四」集解 孔安國日:「去之汶水上,欲北如齊。」

[二] (集解) 鄭玄曰魯人。 [索隱] 按:家語云魯人。

伯牛有惡疾, 孔子往問之,自牖執其手、门 曰:「命也夫!斯人也而有斯疾, 命也

夫![三]

[一] 樂解] 包氏曰:「牛有惡疾,不欲見人,孔子從牖執其手。」

[三] 集解 包氏曰:「再言之者,痛之甚也。」

仲尼弟子列傳第七

[一] 集解 鄭玄曰:「魯人。」 [索隱] 家語云···「伯牛之宗族,少孔子二十九歲。」

仲弓問政,孔子曰:「出門如見大賓,使民如承大祭。「二在邦無怨,在家無怨。」「三

[一] [集解] 孔安國曰:「莫尚乎敬。」

[三][集解]包氏曰:「在邦爲諸侯,在家爲卿大夫。」

孔子以仲弓爲有德行,曰:「雍也可使南面。」「一」

(一) (集解) 包氏日:「可使南面,言任諸侯之治。」

|仲弓父,賤人。 孔子曰:「犂牛之子騂且角,雖欲勿用,山川其舍諸。」〔一〕

[一] [樂解] 何晏曰:「犂,雜文。騂,赤色也,角者,角周正,中犧牲,雖欲以其所生犂而不用,山川寧肯舍之乎。 言父

雖不善,不害於子之美。」

「二」(集解) 鄭玄曰:「魯人。」

則吾不知也。」「三」復問:「子路仁乎。」孔子對曰:「如」求。」

[一] (集解) 孔安國曰:「千室、卿大夫之邑。卿大夫稱家。諸侯千乘、大夫故曰百乘。」

[二][集解]孔安國曰:「賦、兵賦也。仁道至大、不可全名也。」

之何其聞斯行之一」「三子華怪之,「敢問問同而答異。」孔子曰:「求也退,故進之。 |求問曰:「聞斯行諸。」「己子曰:「行之。」子路問:「聞斯行諸。」子曰:「有父兄在,如 油也

兼人,故退之。」「引〕

[一] 樂解 包氏日:「赈窮救乏之事也。」

[三] (樂解) 孔安國曰:「當白父兄,不可自專。」

[三] [集解] 鄭玄曰:「言冄有性謙退,子路務在勝尚人,各因其人之失而正之。」

仲由字子路,下人也。二二少孔子九歲。

[一][集解]徐廣曰:「尸子曰子路,下之野人。」 [索隱]家語一字季路,亦云是下人也。

子路性鄙,好勇力,志伉直,冠雄雞,佩豭豚,气以陵暴孔子。孔子設禮稍誘子路,

後儒服委質,气三因門人請爲弟子。

[一] (集解) 冠以雄雞,佩以豭豚。二物皆勇,子路好勇,故冠帶之。

[二] [索隱] 按:服虔注左氏云「古者始仕,必先書其名於策,委死之質於君,然後爲臣,示必死節於其君也」。

子路問政,孔子曰:「允之,勞之。」「二請益。曰:「無倦。」「三」

[一] [集解] 孔安國曰:「先導之以德,使民信之,然後勞之。 易曰『悦以使民,民忘其勞』。」

〔三〕[樂解] 孔安國曰:「子路嫌其少,故請益。 曰『無倦』者,行此上事無倦則可。」

仲

尼弟子列傳第七

二九九

子路問:「君子尚勇乎。」 孔子曰:「義之爲上。 君子好勇而無義則亂,二小人好勇而

無義則盗。」

亂而受不義之責也。」 [樂解] 李充曰:「既稱君子,不職爲亂階也。若君親失道,國家昏亂,其於赴惠致命而不知正顧義者,則亦陷乎爲 |索隱||按:充字弘度,晉中書侍郎,亦作論語解

子路有聞,未之能行,唯恐有聞。「」

[一] [集解] 孔安國曰:「前所聞未及行,故恐復有聞不得並行。」

不得其死然。」「¶」「衣敝緼袍「凰」與衣狐貉者立而不恥者,其由也與」」「由也升堂矣,未入 孔子曰:「片言可以折獄者,其由也與」」「一」「由也好勇過我, 無所取材。」「三」「若由也,

於室也。」「哥」

[一] (樂解) 孔安國曰:「片猶偏也。 聽訟必須兩辭以定是非,偏信一言折獄者,唯子路可也。」

[三] (集解) · 樂肇曰:「適用日材,好勇過我用,故云『無所取』。」 [索隱] 按:肇字永初,晉尚書郎,作論語義也。

[三][集解]孔安國日:「不得以壽終也。」

[8][樂解]孔安國曰:「緼,枲著也。」

[m] [集解] 馬融曰:「升我堂矣,未入於室耳。」

季康子問:「仲由仁乎。」孔子曰:「千乘之國可使治其賦,不知其仁。」

子路喜從游,遇長沮、桀溺、荷藤丈人。

子路爲季氏宰,季孫問曰:「子路可謂大臣與?」孔子曰:「可謂具臣矣。」〔1〕

[一][集解]孔安國曰:「言備臣數而已。」

勇,气 〕寬以正,可以比衆;气 心恭正以静,可以報上。」 子路爲蒲大夫,气己辭孔子。 孔子曰:「蒲多壯士,又難治。 然吾語汝:恭以敬,可以執

[一] 索隱 蒲,衞邑,子路爲之宰也

[三][纂解] 言恭謹謙敬,勇猛不能害,故曰「執」也。

[三](樂解)音鼻。言寬大清正,衆必歸近之。

懼,乃下石乞、壺魘攻子路,擊斷子路之纓。子路曰:「君子死而冠不免。」遂結纓而死。 路曰:「食其食者不避其難。」子羔卒去。有使者入城,城門開,子路隨而入。造費聵,費聵 遂與其徒襲攻出公。出公奔魯,而蕢聵入立,是爲莊公。方孔悝作亂,行己子路在外,聞之 其父蕢聵居外,不得人。子路爲衞大夫孔悝之邑宰。〔〕蕢聵乃與孔悝作亂,謀入孔悝家, 與孔悝登臺。 |公子郢。||郢不肯,曰:「亡人太子之子||輒在。」於是|衞立||輒爲君,是爲||出公。||出公立十二年, 馳往。 初,衞靈公有寵姬曰南子。靈公太子費聵得過南子,懼誅出奔。及靈公卒而夫人欲立 遇子羔出衞城門,謂子路曰:「出公去矣,而門已閉,子可還矣,毋空受其禍。」子 子路曰:「君焉用孔悝?請得而殺之。」 蕢聵弗聽。於是子路欲燔臺, 蕢聵

而

[一] 索隱 按:服虔云「爲孔悝之邑宰」。

[三][索隱]按"左傳蒯聵人孔悝家,悝母伯姬劫悝於廁,強與之盟而立蒯聵,非悝本心自作亂也。

孔子聞衞亂,曰:「嗟乎,由死矣」」已而果死。故孔子曰:「自吾得由,惡言不聞於

耳。」「一是時子買爲魯使於齊。「一」

〔一〕[集解] 王肅曰:「子路爲孔子侍衞,故侮慢之人不敢有惡言,是以惡言不聞於孔子耳。」

〔三〕[索隱]按:左傳子貢爲魯使齊在哀十五年,蓋此文誤也。

曰:「予之不仁也!子生三年然後免於父母之懷。CBJ夫三年之喪,天下之通義也。」CBJ 乎。」曰:「安。」「汝安則爲之。君子居喪,食旨不甘,聞樂不樂,故弗爲也。」〔1〕字我出,子 壞,三年不爲樂,樂必崩。舊穀既没,新穀既升,鑽燧改火,期可已矣。」〔三〕子曰:「於汝安 宰予字子我。[1]利口辯辭。既受業,問:「三年之喪不已久乎。君子三年不爲禮,禮必

[一] 樂解] 鄭玄曰魯人。 [索隱] 家語亦云魯人。

[三] 樂解 馬融曰:「周書月令有更火之文。春取榆柳之火,夏取棗杏之火,季夏取桑柘之火,秋取柞楢之火,冬取槐 檀之火。 一年之中,鑽火各異木,故曰『改火』。」

〔三〕[樂解] 孔安國曰:「旨,美也。 責其無仁於親,故言『汝安則爲之』。」

[四] [集解] 馬融曰:「生未三歲,爲父母所懷抱也。」

「五」[集解] 孔安國曰:「自天子達於庶人。」

宰予畫寢。子曰:「朽木不可雕也,(二糞土之牆不可圬也。」(三)

[一][樂解] 包氏曰:「朽,腐也。雕,雕琢刻畫。」

[三][集解] 王肅曰:「圬、墁也。 二者喻雕施功猶不成也。」

宰我問五帝之德,子曰:「予非其人也。」「こ

[一] (樂解] 王肅曰:「言不足以明五帝之德也。」

宰我爲臨菑大夫,「二與田常作亂,以夷其族,孔子恥之。「三」

[一] [索隱] 按:謂仕齊。齊都臨淄,故云「爲臨淄大夫」也。

[三] [索隱] 按: 左氏傳無宰我與田常作亂之文,然有關止字子我,而因争寵,遂爲陳恆所殺。 恐字與宰予相涉,因誤

云然

端沐「」賜,衞人,字子貢。少孔子三十一歲。

[一] 索隱 家語作「木」。

回也聞一以知十,賜也聞一以知二。」 子貢利口巧辭,孔子常黜其辯。問曰:「汝與回也孰愈?」「一」對曰:賜也何敢望回!

[一] 樂解] 孔安國曰:「愈猶勝也。」

子貢既已受業,問曰:「賜何人也。」孔子曰:「汝器也。」「一〕曰:「何器也。」曰:「瑚璉

也。」「三」

[一][集解]孔安國曰:「言汝器用之人。」

[二] [集解] 包氏曰:「瑚璉,黍稷器。 夏日瑚,殷日璉,周日簠簋,宗廟之貴器。」

不賢者識其小者,莫不有文武之道。夫子焉不學,「一一而亦何常師之有」「一一又問日:「孔 子適是國必聞其政。求之與?抑與之與。[[]] 子貢曰:「夫子温良恭儉讓以得之。夫子之 陳子禽問子貢曰:「仲尼焉學。」子貢曰: 「文武之道未墜於地,在人,賢者識其大者,

求之也,其諸異乎人之求之也。」「图」

[一] [集解] 孔安國曰:「文武之道未墜落於地,賢與不賢各有所識,夫子無所不從學。」

[三] [集解] 孔安國曰:「無所不從學,故無常師。」

|鄭玄曰:「怪孔子所至之邦必與聞國政,求而得之邪。 抑人君自願與之爲治者。]

[四] [樂解] 鄭玄曰:「言夫子行此五德而得之,與人求之異,明人君自與之。」

子貢問曰:「富而無驕, 貧而無諂,何如。]孔子曰:「可也:八二不如貧而樂道, 富而好

禮。」[三]

[一][樂解] 孔安國曰:「未足多也。」

[三] 樂解] 鄭玄曰:「樂謂志於道,不以貧爲憂苦也。」

魯,墳墓所處,父母之國,國危如此,二三子何爲莫出。」子路請出,孔子止之。子張、子 田常欲作亂於齊,憚高、國、鮑、晏,故移其兵欲以伐魯。孔子聞之,謂門弟子曰:「夫

石(二)請行,孔子弗許。子貢請行,孔子許之。

[一] 索隱 公孫龍也。

大臣内空,是君上無彊臣之敵,下無民人之過,孤主制齊者唯君也。」田常曰:「善。雖然, 有卻,下與大臣交争也。如此,則君之立於齊危矣。故曰不如伐吴。伐吴不勝,民人外死, 於主。是君上驕主心,下恣羣臣,求以成大事,難矣。夫上驕則恣,臣驕則争,是君上與主 高以厚,地廣以深,甲堅以新,士選以飽,重器精兵盡在其中,又使明大夫守之,此易伐也。」 其君愚而不仁,大臣僞而無用,其士民又惡甲兵之事,此不可與戰。君不如伐吳。夫吳,城 吾兵業已加魯矣,去而之吳,大臣疑我,柰何。]子貢曰:「君按兵無伐,臣請往使吳王,令 有不聽者也。今君破魯以廣齊,戰勝以驕主,破國以尊臣,[三]而君之功不與焉,則交日疏 |田常念然作色日:「子之所難,人之所易,子之所易,人之所難。而以教常,何也?|子貢 曰:「臣聞之,憂在内者攻彊,憂在外者攻弱。今君憂在内。吾聞君三封而三不成者,大臣 遂行,至齊,説田常曰:「君之伐魯過矣。夫魯,難伐之國,其城薄以卑,其地狹以泄,「」

之救魯而伐齊,君因以兵迎之。」田常許之,使子貢南見吴王。

【一】[索隱] 按:越絶書其「泄」字作「淺」。

[一] [樂解] 王肅曰:「鮑、晏等帥師,若破國則臣尊矣。」

畏彊齊,非勇也。夫勇者不避難,仁者不窮約,智者不失時,王者不絶世,以立其義。今存 暴齊以服彊晉,利莫大焉。名存亡魯,實困彊齊,智者不疑也。」吴王曰:「善。雖然,吾嘗 過魯,吳之彊不過齊,王置齊而伐越,則齊已平魯矣。且王方以存亡繼絶爲名,夫伐小越而 與越戰,棲之會稽。越王苦身養士,有報我心。子待我伐越而聽子。」子貢曰:「越之勁不 東見越王,令出兵以從,此實空越,名從諸侯以伐也。」吳王大説,乃使子貢之越。 |越示諸侯以仁,救||魯伐齊,威加||晉國,諸侯必相率而朝|吳,霸業成矣。 且王必惡||越,气]|臣請 千乘之魯,與吳争彊,竊爲王危之。且夫救魯,顯名也;伐齊,大利也。以撫泗上諸侯,誅 説曰:「臣聞之,王者不絶世,霸者無彊敵,千鈞之重加銖兩而移。今以萬乘之齊而私

[一] 索隱 惡猶畏惡也。

無報人之志而令人疑之,拙也,有報人之志,使人知之,殆也,事未發而先聞,危也。 一个者吾説吴王以救魯伐齊,其志欲之而畏越,曰『待我伐越乃可』。如此,破越必矣。 越王除道郊迎,身御至舍而問曰:「此蠻夷之國,大夫何以儼然辱而臨之。」子貢曰: 且夫

之,弱吳必矣。其鋭兵盡於齊,重甲困於晉,而王制其敝,此滅吳必矣。」越王大說,許諾。 以尊其禮,其伐齊必也。彼戰不勝,王之福矣。戰勝,必以兵臨晉,臣請北見晉君,令共攻 之過以安其私:是殘國之治也。今王誠發士卒佐之以徼气以其志,气心重寶以說其心, 堪;國家敝以數戰,士卒弗忍;百姓怨上,大臣内變,子胥以諫死,自己太宰嚭用事, 舉事之大患。」句踐頓首再拜曰:「孤嘗不料力,乃與吴戰,困於會稽, 痛人於骨髓, 日夜焦 送子貢金百鎰,劍一,良矛二。子貢不受,遂行。 脣乾舌,徒欲與吴王接踵而死,孤之願也。」遂問子貢。子貢曰:「吴王爲人猛暴, 羣臣不 順 卑辭

[一][索隱] 王劭按:家語、越絶並無此五字。是時子胥未死。

[三] 集解] 結堯反。

[三][樂解]王肅曰:「激射其志。」

下吏問於左右。今竊聞大王將興大義,誅彊救弱,困暴齊而撫周室,請悉起境内士卒三千 罪於吴,軍敗身辱,棲于會稽,國爲虚莽,仁己賴大王之賜,使得奉俎豆而修祭祀,死不敢忘, 何謀之敢慮!』」後五日,越使大夫種頓首言於吳王曰:「東海役臣孤句踐使者臣種,敢修 人,孤請自被堅執鋭,以先受矢石。 報吴王曰:「臣敬以大王之言告越王,越王大恐,曰:『孤不幸,少失先人,内不自量,抵 因越賤臣種奉先人藏器,甲二十領,鈇屈盧之矛,「三步

光之劍,以賀軍吏。」吴王大説,以告子貢曰:「越王欲身從寡人伐齊,可乎。」子貢曰:「不 可。夫空人之國,悉人之衆,又從其君,不義。君受其幣,許其師,而辭其君。」吳王許諾,

乃謝越王。於是吴王乃遂發九郡兵伐齊。

[一][樂解]虚音墟。莽,莫朗反。 [索隱]有本作「棘」,恐誤也。

[二] |索隱] 鉄音膚,斧也。劉氏云一本無此字。屈盧,矛名。

今夫齊與吳將戰,彼戰而不勝,越亂之必矣,與齊戰而勝,必以其兵臨晉。」晉君大恐,曰: 子貢因去之晉,謂晉君曰:「臣聞之,慮不先定不可以應卒,〔一〕兵不先辨不可以勝敵。

「爲之柰何?」子貢曰:「修兵休卒以待之。」晉君許諾。

[一] [索隱] 按: 卒謂急卒也。言計慮不先定,不可以應卒有非常之事。

臨晉,與晉人相遇黃池与之上。吳晉争彊。晉人擊之,大敗吳師。越王聞之,涉江襲吳, 去城七里而軍。吴王聞之,去晉而歸,與越戰於五湖。三戰不勝,城門不守,越遂圍王宫, 子貢去而之魯。吴王果與齊人戰於艾陵、己大破齊師,獲七將軍之兵而不歸,果以兵

[一] 索閱按: 左傳在哀十一年。

殺夫差而戮其相。〔』〕破吴三年,東向而霸。

[三] 索隱] 左傳黄池之會在哀十三年。越入吴,吴與越平也。

[3][索隱]按:左傳越滅吳在哀二十二年,則事並懸隔數年。蓋此文欲終説其事,故其辭相連。

故子貢一出,存魯,亂齊,破吳,彊晉而霸越。 子貢一使,使勢相破,十年之中,五國各

有變。[一]

[一] [索隱] 按: 左傳謂魯、齊、晉、吴、越也,故云「子貢出,存魯,亂齊,破吳,彊晉而霸越」。

子貢好廢舉,與時轉貨貲。日日喜揚人之美,不能匿人之過。 常相魯衞,家累千金,

終于齊。

」集解 廢舉謂停貯也。與時謂逐時也。 物賤而收買之,轉貨謂轉貴收賤也。」 語「貨」作「化」。 |王肅云:「廢舉謂買賤賣貴也,轉化謂隨時轉貨以殖其資也。」 |劉氏云:「廢謂物貴而寶之,舉謂 夫物賤則買而停貯,值貴卽逐時轉易,貨賣取資利也。 索隱

言偃,吴人,[]字子游。少孔子四十五歲。

[一] [索隱] 家語云魯人。按:偃仕魯爲武城宰耳。今吳郡有言偃冢,蓋吳郡人爲是也。

牛刀?」〔1〕子游曰:「昔者偃聞諸夫子曰, 子游既已受業,爲武城宰。[二]孔子過,聞弦歌之聲。孔子莞爾而笑[三]曰:「割雞焉用 君子學道則愛人,小人學道則易使。」「四」孔子

曰:「二三子、「三偃之言是也。前言戲之耳。」「八八子以爲子游習於文學。

- [一][正義]括地志云:「在兗州,即南城也。輿地志云南武城縣,魯武城邑,子游爲宰者也,在泰山郡。」
- [三] 集解] 何晏曰:「莞爾,小笑貌。」
- [] [集解]孔安國曰:「言治小何須用大道。」
- 〔□〕[樂]解] 孔安國曰:「道謂禮樂也。樂以和人,人和則易使。」
- [吾][集解]孔安國曰:「從行者。」
- [K] [集解] 孔安國曰:「戲以治小而用大。」

<u>卜商口字子夏。少孔子四十四歲。</u>

[二] 集解] 家語云衞人。 鄭玄曰温國卜商。 [索隱] 按:家語云衞人,鄭玄云温國人,不同者,温國今河内温縣,元

屬衛故。

子夏問:「『巧笑倩兮,美目盼兮,素以爲絢兮』, 何謂也?」「二子曰:「繪事後素。」「二」

- 日:「禮後乎。」「一一孔子日:「商始可與言詩已矣。」「四
- [一] [樂解] 馬融曰:「倩,笑貌。盼,動目貌。絢,文貌。此上二句在衞風碩人之二章,其下一句逸詩。」
- [三][樂解]鄭玄曰:「繪,畫文也。凡畫繪先布衆色,然後以素分布其閒以成其文,喻美女雖有倩盼美質,亦須禮以成

[三][樂解]何晏曰:「孔言續事後素,子夏聞而解知以素喻禮,故曰『禮後乎』。」

[四] 集解] 包氏日:「能發明我意,可與言詩矣。」

子貢問::「師與商孰賢?」子曰::「師也過,商也不及。」〔1]「然則師愈與?」曰::「過猶不

及。

[一] 樂解] 孔安國曰:「言俱不得中。」

子謂子夏曰:「汝爲君子儒,無爲小人儒。」〔二〕

[一][樂解] 何晏曰:「君子之儒將以明道,小人爲儒則矜其名。」

孔子既没,子夏居西河气己教授,爲魏文侯師。气己其子死,哭之失明。

[一] [索隱] 在河東郡之西界,蓋近龍門。 劉氏云:「今同州河西縣有子夏石室學堂也。」 [旺義] 西河郡,今汾州也。 五十丈,頂上平地十許頃。隨國集記云此爲子夏石室,退老西河居此』。有卜商神祠,今見在。」 所教處。括地志云:「謁泉山一名隱泉山,在汾州隰城縣北四十里。注水經云『其山崖壁五,崖半有一石室,去地 爾雅云:「兩河閒日冀州。」禮記云:「自東河至於西河。」河東故號龍門河爲西河,漢因爲西河郡,汾州也,子夏

[三][索隱]按:子夏文學著於四科,序詩,傳易。又孔子以春秋屬商。又傳禮,著在禮志。而此史並不論,空記論語 小事,亦其疏也。 [正義] 文侯都安邑。孔子卒後,子夏教於西河之上,文侯師事之,咨問國政焉。

顓孫師,陳人,

了一字子張。少孔子四十八歲。

[一] 索隱] 鄭玄目録陽城人。陽城,縣名,屬陳郡。

子張問干禄、「□孔子曰:「多聞闕疑,慎言其餘,則寡尤、「□」多見闕殆, 慎行其餘, 則

寡悔。「『」言寡尤,行寡悔,禄在其中矣。」「『」

[一] 集解] 鄭玄曰:「干,求也。禄,禄位也。」

[三][樂解]包氏曰:「尤,過也。疑則闕之;其餘不疑,猶慎言之,則少過。」

[『] [集解] 包氏曰:「殆,危也。 所見危者,闕而不行,則少悔。」

[四] 集解] 鄭玄曰:「言行如此、雖不得禄、得禄之道。」

他日從在陳蔡閒,困,問行。孔子曰:「言忠信,行篤敬,雖蠻貊之國行也,言不忠信,

行不篤敬,雖州里行乎哉!〔一〕立則見其參於前也,在輿則見其倚於衡,夫然後行。」〔一〕子

張書諸紳。〔三〕

[一] [集解] 鄭玄曰:「二千五百家爲州,五家爲鄰,五鄰爲里。 行乎哉,言不可行。」

[三] [集解] 包氏曰:「衡,軶也。言思念忠信,立則常想見,參然在前;在興則若倚於車軶。」

[三]集解]孔安國曰:「紳,大帶也。」

必聞,在家必聞。」〔1〕孔子曰:「是聞也,非達也。夫達者,質直而好義,察言而觀色,慮以 下人,行己在國及家必達。任司夫聞也者,色取仁而行違,居之不疑,任司在國及家必聞。」「明 子張問: 「士何如斯可謂之達矣。」孔子曰: 「何哉,爾所謂達者。」子張對曰: 「在國

- [一] 集解]鄭玄曰:「言士之所在,皆能有名譽。」
- 馬融曰:「常有謙退之志,察言語,觀顔色,知其所欲,其念慮常欲下於人。」
- 〔三〕[集解] 馬融曰:「謙尊而光,卑而不可踰。」
- 〔五〕(集解) 馬融曰:「佞人黨多。」

曾參,南武城人、江三字子輿。少孔子四十六歲。

[一] [索隱] 按:武城屬魯。當時魯更有北武城,故言南也。 志云定襄有武城,清河有武城,故此云南武城也。」 [正義] 括地志云:「南武城在兗州、子游爲宰者。

地理

孔子以爲能通孝道、乙一故授之業。作孝經。死於魯。

【一口[正義] 韓詩外傳云:「曾子曰:『吾嘗仕爲吏,禄不過鍾釜,尚猶欣欣而喜者,非以爲多也,樂道養親也。 後,吾嘗南游於越,得尊官,堂高九仞,榱提三尺,娘毅百乘,然猶北向而泣者,非爲賤也,悲不見吾親也。』」

澹臺滅明、「
 「武城人、「
 「三字子羽。
 少孔子三十九歲。

一][樂解]包氏曰:「澹臺,姓;滅明,名。」 [正義] 括地志云:「延津在滑州靈昌縣東七里。 注水經云:『黄河水至此 爲之延津。昔澹臺子羽齎千金之璧渡河,陽侯波起,兩蛟夾舟。子羽曰:「吾可以義求,不可以威劫。」操劍斬

蛟。 蛟死,乃投璧於河,三投而輒躍出,乃毁璧而去,亦無怪意。』卽此津也。」

[三][正義] 括地志云亦在兗州。

狀貌甚惡。欲事孔子,孔子以爲材薄。既已受業,退而修行,行不由徑,非公事不見卿

大夫。二二

(二) 樂解 包氏日:「言其公且方。」

南游至江,行己從弟子三百人,設取予去就,名施乎諸侯。孔子聞之,曰:「吾以言取人,

失之宰予,以貌取人,失之子羽。」「三」

〔一〕 [索隱] 按:今吴國東南有澹臺湖,即其遺迹所在。

〔三〕[索隱]按:家語「子羽有君子之容,而行不勝其貌」。而上文云「滅明狀貌甚惡」,則以子羽形陋也。 今此孔子云 「以貌取人,失之子羽」,與家語正相反。 正義 按: 澹子羽墓在兗州鄒城縣。

宓不齊字子賤。<a>只<a>只可少孔子三十歲。<a>只

(二) 集解 孔安國日魯人。 濟南伏生卽子賤之後,是『處』之與『伏』古來通,字誤爲『宓』,較可明矣。處字從『虍』,音呼;宓從『宀』。音縣。下 [正義] 顔氏家訓云:「兗州永昌郡城,舊單父縣地也。東門有子賤碑,漢世所立,乃云

俱爲『必』,世傳寫誤也。」

[三][索隱] 家語云「魯人,字子賤,少孔子四十九歲」。 此云「三十」,不同。

孔子謂「子賤君子哉!魯無君子,斯焉取斯。」「」」

[一][樂解] 包氏曰:「如魯無君子,子賤安得此行而學?」

子賤爲單父宰,(二)反命於孔子, 曰:「此國有賢不齊者五人,(三)教不齊所以治者。」孔

子曰:「惜哉不齊所治者小,所治者大則庶幾矣。」

[一] [正義] 宋州縣也。説苑云:「宓子賤理單父,彈琴,身不下堂,單父理。 巫馬期以星出,以星人,而單父亦理。

巫

[三][索隱]按:家語云「不齊所父事者三人,所兄事者五人,所友者十一人」,不同也。

馬期問其故。 宓子賤曰:『我之謂任人,子之謂任力。 任力者勞,任人者逸。』」

原憲「二字子思。

(二) 集解 鄭玄日魯人。 [索隱] 鄭玄云魯人。家語云:「宋人。少孔子三十六歲。」

子思問恥。孔子曰:「國有道、穀。〔二國無道、穀、恥也。」〔二〕

[一] 集解] 孔安國曰:「穀、禄也。邦有道、當食禄。」

[三] [集解] 孔安國曰:「君無道而在其朝,食其禄,是恥辱也。」

子思曰:「克伐怨欲不行焉,可以爲仁乎。」〔一〕孔子曰:「可以爲難矣, 仁則吾弗知

也。」〔三〕

[一] [集解] 馬融曰:「克,好勝人也。伐,自伐其功。怨,忌也。欲,貪欲也。」

[三] (集解) 包氏曰:「四者行之難、未足以爲仁。」

攝敝衣冠見子貢。子貢恥之,曰:「夫子豈病乎。」原憲曰:「吾聞之,無財者謂之貧, 而不能行者謂之病。若憲,貧也,非病也。」子貢慙,不懌而去,終身恥其言之過也。 孔子卒,原憲遂亡在草澤中。自己子貢相衞,而結駟連騎,排藜藿入窮閻,過謝原憲。 學道

[一][索隱]家語云:「隱居衞。」

公冶長,齊人,字子長。「二

[一] [索隱] 家語云:「魯人,名萇,字子長。」 范甯云:「字子芝。」

孔子曰:「長可妻也,雖在累紲之中,、「二非其罪也。」以其子妻之。(三

[一][集解]孔安國曰:「累,黑索也。 紲,孿也。 所以拘罪人。」

[三] (樂解) 張華曰:「公冶長墓在城陽姑幕城東南五里所,墓極高。」

南宫括字子容。「二

[一] 集解] 孔安國曰:「容,魯人」。 [索隱] 家語作「南宫縚」。按:其人是孟僖子之子仲孫閱也,蓋居南宫因姓焉。

容出,孔子曰:「君子哉若人!上德哉若人!」「圓」「國有道,不廢;「圓」國無道,免於刑戮。」 問孔子曰:「羿善射,奡盪舟、、二人俱不得其死然;禹稷躬稼而有天下。」孔子弗答。〔三〕

三復「白珪之玷」,「吾以其兄之子妻之。

[一] 樂解] 孔安國曰:「羿,有窮之君,篡夏后位,其徒寒浞殺之,因其室而生界。界多力,能陸地行舟,爲夏后少康所

殺。」 [正義] 羿音詣。盪,大浪反。

[二] [樂解] 馬融曰:「禹盡力於溝洫,稷播百穀,故曰『躬稼』也。禹及其身,稷及後世,皆王。括意欲以禹稷比孔子, 孔子謙,故不答。」

[] [與 解] 孔安國日:「賤不義而貴有德,故日君子。」

[四] 集解] 孔安國曰:「不廢,言見用。」

丢 集解]孔安國曰:「詩云『白珪之玷,尚可磨也;斯言之玷,不可爲也』。 南容讀詩至此,三反之,是其心敬慎於

言

公皙哀字季次。「二

〔一〕[樂解] 孔子家語云齊人。 [索隱] 家語作「公晳克」。

孔子曰:「天下無行,多爲家臣,仕於都;唯季次未嘗仕。」〔1〕

[一][索隱] 家語云:「未嘗屈節爲人臣,故子特賞歎之。」亦見游俠傳也。

曾蔵二字督。二

【一】【集解】音點。 【索隱】音點,又音其炎反。

[三] 樂解] 孔安國曰:「皙,曾參父。」 [索隱] 家語云:「曾點字子皙,曾參之父。」

侍孔子,孔子曰:「言爾志。」 蔵曰:「春服既成,冠者五六人,童子六七人,浴乎沂,風乎

舞雩,詠而歸。」〔一〕孔子喟爾歎曰:「吾與蔵也」」〔二〕

[一] (集解) 徐廣曰:「一作『饋』。」 駰案: 包氏曰「暮春者,季春三月也。 春服既成,衣單袷之時,我欲得冠者五六人, 童子六七人,浴於|沂水之上,風涼於舞雩之下,歌詠先王之道,歸於夫子之門」。

〔三〕[集解] 周氏曰:「善蔵之獨知時也。」

顏無繇[一]字路。路者,顏回父,[二]父子嘗各異時事孔子。

(二) 樂解] 音遥。 [正義] 繇音由。

[三] [索隱] 家語云「顔由字路,回之父也。孔子始教於闕里而受學焉。少孔子六歲」,故此傳云「父子異時事孔子」,

故湯稱「顔氏之子」者,是父子俱學孔門也。

無椁,吾不徒行以爲之椁,以吾從大夫之後,不可以徒行。」〔三〕 顔回死,顔路貧,請孔子車以葬。[二]孔子曰:「材不材,亦各言其子也。 鯉也死,有棺而

[一] 集解] 孔安國曰:「賣以作椁。」

孔安國曰:「鯉,孔子子伯魚。 孔子時爲大夫,言從大夫之後,不可徒行,謙辭也。」

商瞿、江魯人,字子木。江三少孔子二十九歲。

[二]正義] 具俱反。

[三][索隱]家語云:「瞿年三十八無子,母欲更娶室。 孔子曰『瞿過四十當有五丈夫子』,果然。 瞿謂梁鱣勿娶,『吾

恐子或晚生,非妻之過也』。」

孔子傳易於瞿, 瞿傳楚人野「一」臂子弘、「一」弘傳江東人矯「一」子庸疵、「四」疵傳燕人

周子家豎了門邊傳淳于人光子乘羽了な」羽傳齊人田子莊何了とり一何傳東武人「な」王子中

同、「允」同傳盛川人楊何。「10]何元朔中以治揚爲漢中大夫。

[一] 集解]徐廣曰:「音寒。」

[二][索隱] 馯,徐廣音韓,鄒誕生音汗。按:儒林傳、荀卿子及漢書皆云馯臂字子弓,今此獨作「弘」,蓋誤耳。

云子弓是子夏門人。 [正義] 馯音汗。顏師古云:「馯,姓也。」漢書及荀卿子皆云字子弓,此作「弘」,蓋誤也。應劭

云:「子弓,子夏門人。」

[三]集解]音橋。

]集解]自移反。 索隱 儒林傳及系本皆作「蟜」。 疵音自移反。 疵字或作「疵」。 蟠是姓, 舵, 名也, 字子肩。 然

仲尼弟子列傅第七

<u>蟠姓,魯莊公族也,禮記「蟠固見季武子」。蓋魯人,史儒林傳皆云魯人,獨此云江東人,蓋亦誤耳。</u> 儒林傅云野

臂,江東人;橋疵,楚人也。 [正義] 漢書作「橋庇」、云魯人。 顔師古云橋庇字子庸。

[五] 索隱 周豎字子家,有本作「林」。 [正義] 豎音時與反。 周豎字子家,漢書作「周醜」也。

於] 索隱 淳于,縣名,在北海。 光羽字子乘。 正義光乘字羽。 括地志云:「淳于,國〔名〕,在密州安丘縣東三十

里,古之州國,周武王封淳于國。」

[4][索隱]田何字子莊。 [正義]儒林傳云:[田何字子莊。]

[八]集解]徐廣曰:「屬琅邪。」

[九]索隱]王同字子中。 [正義] 括地志云:「東武縣今密州諸城縣是也。」漢「書」作「王同字子仲」。

[10] [索隱] 自商瞿傳易至楊何,凡八代相傳。 儒林傳何字叔元。 正義 漢書云字叔元。按:商瞿至楊何凡八代。

高柴字子羔。口少孔子三十歲。

一」集解 |鄭玄曰衞人。 索隱鄭玄云衛人。 家語「齊人、高氏之别族。長不盈六尺、狀貌甚惡」。此傳作「五尺」,

誤也。 [正義] 家語云齊人。

子羔長不盈五尺,受業孔子,孔子以爲愚。

子路使子羔爲費郈宰,(二)孔子曰:「賊夫人之子!」(三)子路曰:「有民人焉, 有社稷

焉,何必讀書然後爲學![『]孔子曰:「是故惡夫佞者。」[8]

- [一][正義] 括地志云:『鄆州宿縣二十三里邸亭。」
- [二] [集解] 包氏曰:「子羔學未孰習而使爲政,所以賊害人。」
- [三] 集解] 孔安國曰:「言治人事神、於是而習、亦學也。」
- 「四」[集解] 孔安國日:「疾其以給應,遂己非而不知窮也。」

漆彫開字子開。[二]

[一] 集解 鄭玄曰魯人也。 云:「蔡人,字子若,少孔子十一歲。習尚書,不樂仕。」 孔子曰:"「可以仕矣。』對曰:"「吾斯之未能信。」」王肅云:「未得用斯書之意,故曰『未能信』也。」 [索隱] 鄭玄云魯人。家語云:「蔡人,字子若,少孔子十一歲。」又曰:「習尚書,不樂仕。 正義家語

孔子使開仕,對曰:「吾斯之未能信。」〔一]孔子説。〔一〕

- [一] 集解] 孔安國曰:「仕進之道。未能信者,未能究習。」
- [二] 集解 鄭玄曰:「善其志道深。」

公伯鐐字子周。[二]

[一] 集解 馬融日魯人。 |子不責,而云『其如命何』,非弟子之流也」。 今亦列比在七十二賢之數,蓋太史公誤。 且「鐐」亦作「遼」也。 索隱馬融云魯人。 家語無公伯綠而有申錄子周。 而譙周云「疑公伯繚是讒愬之人,孔

[正義] 家語有申錄子周。 古史考云:「疑公伯僚是讒愬之人,孔子不責,而云命。非弟子之流也。」

朝。」「三孔子曰:「道之將行,命也;道之將廢,命也。」公伯繚其如命何!」 周愬子路於季孫,子服景伯以告孔子,曰:「夫子固有惑志,〔二〕繚也吾力猶能肆諸市

[一] 樂解 孔安國曰:「季孫信譖,惠子路也。」

[三] (集解) 鄭玄曰:「吾勢猶能辨子路之無罪於季孫,使人誅僚而肆之也。有罪既刑,陳其尸曰肆。」

司馬耕字子牛。[一]

[一] 樂解 孔安國日宋人。 弟,以魋爲宋司馬,故牛遂以司馬爲氏也。 [索隱] 家語云「宋人,字子牛」,孔安國亦云「宋人,弟安子曰司馬犂」也。 牛是桓魋之

乎。]子曰:「爲之難,言之得無訒乎!」[二] 件多言而躁。問仁於孔子,孔子曰:「仁者其言也訒。」〔1〕曰:「其言也訒,斯可謂之仁

【一] 集解 孔安國曰:「訒,難也。」

[三][集解] 孔安國曰:「行仁難,言仁亦不得不訒也。」

問君子,子曰:「君子不憂不懼。」〔1〕曰:「不憂不懼,斯可謂之君子乎。」子曰:「内省不

疾,夫何憂何懼!」[二]

- [一] [樂解] 孔安國曰:「牛兄桓魋將爲亂,牛自宋來學,常憂懼,故孔子解之也。」
- [二][集解]包氏曰:「疚,病。自省無罪惡,無可憂懼。」

樊須字子遲。□少孔子三十六歲。

[二] 集解 鄭玄曰齊人。 索隱家語云魯人也。 正義家語云魯人。

「小人哉樊須也!上好禮,則民莫敢不敬,上好義,則民莫敢不服,上好信,則民莫敢不用 樊遲請學稼,孔子曰:「吾不如老農。」請學圃,曰:「吾不如老圃。」〔1〕樊遲出,孔子曰:

情。「三夫如是,則四方之民襁負其子而至矣,焉用稼!」「॥」

[一] 集解] 馬融曰:「樹五穀曰稼,樹菜蔬曰圃。」

[三] (集解) 孔安國曰:「情,實也。言民化上各以實應。」

[||] <u>[樂解]</u>包氏曰:「禮義與信足以成德,何用學稼以教民乎, 負子之器曰襁。」

樊遲問仁,子曰:「愛人。」問智,曰:「知人。」

有若〔〕少孔子四十三歲。〔三〕有若曰:「禮之用,和爲貴,先王之道斯爲美。 小大由

之,有所不行,知和而和,不以禮節之,亦不可行也。」「闖」「信近於義,言可復也」、「閻」恭近

於禮,遠恥辱也;「馬」因不失其親,亦可宗也。」「於」

[一] 集解] 鄭玄日魯人。

[三][索隱]家語云:「魯人,字子有,少孔子三十三歲。」今此傳云「四十二歲」,不知傳誤,又所見不同也? 正義

家語云「魯人,字有,少孔子三十三歲」,不同。

[四][集解] 何晏曰:「復猶覆也。義不必信,信非義也。以其言可覆,故曰近義。」

□] [集解] 馬融曰:「人知禮貴和,而每事從和,不以禮爲節,亦不可以行也。」

至一集解 何晏曰:「恭不合禮、非禮也。 以其能遠恥辱,故曰近禮。」

《二集解]孔安國曰:「因,親也。言所親不失其親,亦可宗敬。」

商瞿年長無子,其母爲取室。〔三〕孔子使之齊,瞿母請之。 子進問曰:「昔夫子當行, 五丈夫子。』「『 曰:『詩不云乎。「月離于畢,俾滂沱矣。」〔二〕 昨暮月不宿畢乎。』 他日,月宿畢,竟不雨。 孔子既没,弟子思慕,有若狀似孔子,弟子相與共立爲師,師之如夫子時也。他日,弟 已而果然。 使弟子持雨具,已而果雨。 敢問夫子何以知此。」 有若默然無以應。弟子起曰:「有子避 弟子問曰:『夫子何以知之~』 夫子 孔子曰:『無憂,瞿年四十後當有

[一][集解] 毛傳曰:「畢,噣也。月離陰星則雨。」

之,此非子之座也!

之粟五秉。〔刑〕孔子曰:「赤之適齊也,乘肥馬,衣輕裘。吾聞君子周急不繼富。」〔四〕 [二] 樂解 包氏曰:「十六斗日庚。」 [一][集解] 馬融日:「六斗四升日釜。」 [四] 集解 鄭玄曰:「非冄有與之太多。」 [一] 集解] 鄭玄曰魯人。 [二][正義]家語云:「瞿年三十八無子、母欲更娶室。孔子曰:「瞿年過四十當有五丈夫子。」果然。」中備云:「魯人 **三** 集解 五男也。 子華使於齊,丹有爲其母請粟。孔子曰:「與之釜。」「□請益,曰:「與之庾。」「□]丹子與 公西赤字子華。「二少孔子四十二歲。 子短命。』『何以知短命?』『他以故也。』」 象,艮别子,應有五子,一子短命。』顏回云:『何以知之?』『内象是本子,一艮變爲二醜三陽爻五,於是五子,一 曰:『何以知?』子曰:『卦遇大畜,艮之二世。九二甲寅木爲世,六五景子水爲應。世生外象生象來爻生互内 商瞿使向齊國,瞿年四十,今後使行遠路,畏慮,恐絕無子。夫子正月與瞿母筮,告曰:『後有五丈夫子。』子貢 馬融曰:「十六斛曰秉,五秉合八十斛。」 索隱謂五男也。

仲尼

弟子列傳第七

巫馬施字子旗。「一少孔子三十歲。

[一] 樂解 鄭玄日魯人。 [索隱] 鄭玄云魯人。 家語云:「陳人,字子期。」 正義音其

君子不黨,君子亦黨乎。魯君娶吳女爲夫人,命之爲孟子。孟子姓姬,諱稱同姓,故謂之 陳司敗「一司問孔子曰:「魯昭公知禮乎?」孔子曰:「知禮。」退而揖巫馬旗曰:「吾聞

魯君而知禮,孰不知禮「[三] 施以告孔子,孔子曰:「丘也幸,苟有過,人必知之。 臣

不可言君親之惡,爲諱者,禮也。」「叫」

[一] 集解 孔安國曰:「司敗,官名。 陳大夫也。」

[三][集解]孔安國曰:「相助匿非曰黨。禮同姓不婚,而君娶之。當稱『吴姬』,諱曰『孟子』。」

〔三〕[樂解] 孔安國曰:「以司敗之言告也。諱國惡,禮也。聖人之道弘,故受之爲過也。」

梁鱣[二字叔魚。[三少孔子二十九歲。

[一] 集解一作「鯉」。

[三][樂解]孔子家語日齊人。 [索隱]家語云齊人,字叔魚也。

顔幸字子柳。[二少孔子四十六歲。[三]

- [二] 集解 鄭玄曰魯人。 [索隱] 家語云:「顔幸,字柳。」按:禮記有顔柳,或此人。
- [二] [索隱] 家語云「少三十六歲」,與鄭玄同。

月孺字子魯、こ少孔子五十歲。

[二] 集解]一作「曾」。 [索隱]家語字子魯,魯人。作「冄儒」。

曹卹字子循。少孔子五十歲。〔二〕

[一][索隱]曹卹少孔子五十歲。家語同。

伯虔字子析,二少孔子五十歲。

[一] [索隱] 伯虔字子折。家語作「伯處字子晳」,皆轉寫字誤,未知適從。 正義家語云「子哲」。

公孫龍字子石。「二少孔子五十三歲。

(二) 集解 鄭玄曰楚人。 玄云楚人,家語衞人。然莊子所云「堅白之談」,則其人也。 [索屬] 家語或作「龍」,又云「碧」,七十子圖非「碧」也。按"字子石"則「碧」或非認。鄭 [正義] 家語云衛人,孟子云趙人,莊子云「堅白

仲尼弟子

列傳第

七

自子石已右三十五人,顯有年名及受業聞見于書傳。 其四十有二人,無年及不見書傳

者紀于左"[]]

[一] [索隱] 按:家語此例唯有三十七人。其公良孺、秦商、顏亥、叔仲會四人,家語有事迹,史記闕。然自公伯遼、 秦冄、鄡單三人,家語不載,而别有琴牢、陳亢、縣亶當此三人數,皆互有也。如文翁圖所記,又有林放、蘧伯玉、

申棖、申堂,俱是後人以所見增益,於今殆不可考。

丹季字子産。C こ

[一] 集解 鄭玄日魯人。 索隱家語丹季字産。 正義家語云丹季字子産。

公祖句兹字子之。「二

[一] 索隱 句音鉤。

正義 句音鉤。

秦祖字子南。二

[二] 集解] 鄭玄日秦人。 索隱家語字子南。

漆雕哆[二字子斂。[二]

[一] 集解] 音赤者反。 [索隱] 赤者反。家語字子斂。

(三) 集解 鄭玄曰魯人。

顔高字子驕。[1]

[一] |索隱| 家語名産。 孔子在衞,南子招夫子爲次過市,時產爲御也。 正義

孔子在衛,南子招夫子爲次乘過市,

顔高爲御。

漆雕徒父。[一]

[二] 索隱] 家語字固也。

壤<u>駟</u>赤字子徒。(二)

〔一〕[集解] 鄭玄日秦人。 [索隠] 家語字子徒者。

商澤。二二

[一] 樂解] 家語日字子季。 [索隱] 家語字季。

石作蜀字子明。二

[一] | 索隱| 家語同。

任不齊字選。二二

[一] [集解] 鄭玄日楚人。 [索隱] 家語字子選也。

公良孺字子正。二

[一][樂解]鄭玄曰:「陳人,賢而有勇。」 五乘從孔子遊。 家語在三十五人之中。亦見系家,在三十二人不見,蓋傳之數亦誤也。 鄒誕本作「公襄儒」。 [索隱] 家語作「良儒」。陳人,字子正,賢而有勇。孔子周遊,常以家車

史記卷六十七

正義孔子周游,常以家車五乘從孔子。 孔子世家亦云語在三十五人中,今在四十二人數,恐太史公誤也。

后處字子里。「二

[一] 集解] 鄭玄日齊人。 [索隱] 家語同也。

秦冄字開。口口

[一][正義] 家語無此人。 王肅家語此等惟三十七人,其公良孺、秦商、顏亥、仲叔會四人, 家語有事迹,而史記闕。

公伯寮、秦冄、鄭單、家語不載,而别有琴牢、陳亢、縣壇三人。

公夏首字乘。[1]

[二] [樂解] 鄭玄曰魯人。 [索隱] 家語同也。

奚容箴字子哲。二

[一] [索隱] 家語同也。 [正義] 衞人。

公肩定字子中。八二

[二] [樂解] 鄭玄日魯人。或日晉人。 [索隱] 家語同也。

顔祖字襄。「」

[二][索隱] 家語無此人也。 [正義] 魯人。

颗[1]單[三]字子家。[三]

[一] 樂解] 苦堯反。

[三]集解]音善。

[]] [樂解]徐廣曰:「一云『鄔單』。 鉅應有鄵縣,太原有鄥縣。」 [索隱] 鄭音苦堯反,單音善,則單名。 徐廣云「一作

『鄔單』,鉅應有鄛縣,太原有鄎縣」。 家語無此人也。

句井疆。[二]

[一][集解]鄭玄曰衞人。 [正義] 句作「鉤」。

罕父黑字子索。「二

□ [集解] 家語曰:「罕父黑字索。」 [索隱] 家語作「罕父黑字索」。

秦商字子丕。二二

[一]集解]鄭玄日楚人。 [索隱] 家語:「魯人,字丕慈。少孔子四歲。其父堇,與孔子父紇俱以力聞也。」

正義」家語云:「魯人,字丕兹。」

申黨字周。[1]

[一] [索隱] 家語有申錄,字周。論語有申棖。鄭玄云「申棖,魯人,弟子也」。蓋申堂是棖不疑, 又有公伯鐐,亦字周。 家語則無伯繳,是史記述伯繳一人者也。 正義魯人。 以根堂聲相近。上

顏之僕字叔。[1]

[二] 集解] 鄭玄曰魯人。 [索隱] 家語並同。

榮旂字子祈。[二]

[一] 索隱] 家語榮祈字子顔也。

縣成字子祺。「二

[二][集解]鄭玄日魯人。

[索隱] 家語作「子謀」也。 [正義] 縣音玄。

左人野字行。二二

[一] (集解) 鄭玄日魯人。 [索隱] 家語同也。

燕伋字思。[1]

平型字子走。 二 索屬家語同也。

鄭國字子徒。二二

一][索隱]家語薩邦字徒,史記作「國」而家語稱「邦」者,蓋避漢祖諱而改。「鄭」與「薛」,字誤也。 云薛邦字徒,史記作「國」者,避高祖諱。「薛」字與「鄭」字誤耳。

秦非字子之。二二

【二〕集解]鄭玄日魯人。

施之常字子恆。

顔噲字子聲。二

[一] 集解 鄭玄日魯人。

步叔乘字子車。「」

正義家語

[一] 集解 鄭玄日齊人。

原亢籍。二

[一] (樂解) 家語日:「名亢,字籍。」 索隱家語名亢字籍。 |正義| 亢,作「亢」,仁勇反。

樂欬字子聲。「二

正義魯人。

廉絜字庸。二二

(二) 集解 鄭玄日衞人。 索隱家語同也。

(二) 集解 鄭玄日晉人。 叔仲會字子期。「二」

於夫子,孟武伯見而放之」是也。

[索隱]鄭玄云晉人。家語「魯人。少孔子五十四歲。與孔璇年相比,二孺子俱執筆迭侍

顔何字母。「こ

[一] 集解 鄭玄日魯人。

索隱家語字稱。

狄黑字皙。[1]

[二] 索隱|家語同。

(二) 集解 鄭玄日魯人。 邦巽字子斂。[二]

仲尼

弟子

列 傳

第七

[索隱] 家語「巽」作「選」,字子斂。 文翁圖作「國選」,蓋亦避漢諱改之。 劉氏作「邽巽」,

二三五

音圭,所見各異。

孔忠。[二]

[一][樂解]家語日:「忠字子薦,孔子兄之子。」 [索隱] 家語云「忠字子蔑,孔子兄之子」也。

公西與如字子上。二

〔一〕 索隱 家語同。

公西蔵字子上。〔〕

(二) 集解 鄭玄日魯人。 [索隱] 公西箴字子上,家語子上作「子尚」也。

則論言弟子籍,出孔氏古文近是。余以弟子名姓文字悉取論語弟子問并次爲篇,疑者闕 太史公曰:學者多稱七十子之徒,譽者或過其實,毀者或損其真,鈞之未覩厥容貌,

焉。

【索隱述贊】教興闕里,道在郮鄉。異能就列,秀士升堂。依仁遊藝,合志同方。 將師宫尹,俎豆琳瑯。

惜哉不霸,空臣素王!

史記卷六十八

商君列傳第八

寡人以國聽公孫鞅也,豈不悖哉!」「私」 任臣,又安能用君之言殺臣乎?」卒不去。 臣,因謂王卽弗用鞅,當殺之。王許我。汝可疾去矣,且見禽。」鞅曰:「彼王不能用君之言 許諾而去。公叔座召鞅謝曰:「今者王問可以爲相者,我言若,王色不許我。我方先君後 魏相公叔座[三]爲中庶子。[三]公叔座知其賢,未及進。會座病,魏惠王親往問病,[四]曰: 王舉國而聽之。」王嘿然。王且去,座屏人言曰:「王卽不聽用鞅,必殺之,無令出境。」王 「公叔病有如不可諱,將柰社稷何?」公叔曰:「座之中庶子「己公孫鞅,年雖少,有奇才,願 商君者,「己衞之諸庶孽公子也,名鞅,姓公孫氏,其祖本姬姓也。鞅少好刑名之學,事 惠王既去,而謂左右曰:「公叔病甚,悲乎,欲令

[一] [正義] 秦封於商,故號商君。

[三] 索隱] 公叔,氏;座,名也。座音在戈反。

商君列傳第八

三 索隱 官名也。 魏已置之,非自秦也。周禮夏官謂之「諸子」,禮記文王世子謂之「庶子」,掌公族也。

【□】|索隱] 卽魏侯之子,名罄,後徙大梁而稱梁也。

[五][索隱] 戰國策云衞庶子也。

[K][索隱]疾重而悖亂也。 [正義] 悖音背。

『久遠,吾不能待。且賢君者,各及其身顯名天下,安能邑邑待數十百年以成帝王乎?』故 吾以彊國之術説君,君大説「鬥之耳。然亦難以比德於殷周矣。」 復見我,我知之矣。」衞鞅復見孝公。公與語,不自知黎之前於席也。語數日不厭。景監 開悟矣。」後五日,復求見鞅。鞅復見孝公,益愈,然而未中旨。罷而孝公復讓景監,景監 怒景監曰:「子之客妄人耳,安足用邪!」景監以讓衞鞅。衞鞅曰:「吾説公以帝道,其志不 因孝公寵臣景監「」以求見孝公。孝公既見衞鞅,語事良久,孝公時時睡,弗聽。罷而孝公 曰:「子何以中吾君。吾君之驩甚也。」 鞅曰:「吾説君〔〕以帝王之道比三代、〔1〕而君曰: 罷而去。 亦讓鞅。鞅曰:「吾説公以王道而未入也。請復見鞅。」鞅復見孝公,孝公善之而未用也。 公叔既死,公孫鞅聞秦孝公下令國中求賢者,將修繆公之業,東復侵地,迺遂西人秦, 孝公謂景監曰:「汝客善,可與語矣。」鞅曰:「吾説公以霸道,其意欲用之矣。誠

【二〕[索隱] 景姓,楚之族也。監音去聲平聲並通。

[三][索隱]音税,下同。

〔三〕[索隱] 比三。比者,頻也。謂頻三見孝公,言帝王之道也。比音必耳反。 王之事比至孝公,以三代帝王之道方興。孝公曰「太久遠,吾不能」。 |正義| 比,必寐反。説者以五帝|

[四]|索隱|音悦。

禮,不肖者拘焉。」「禹」杜擊曰:「利不百,不變法,功不十,不易器。法古無過,循禮無邪。」 衛鞅曰:「治世不一道,便國不法古。故湯武不循古而王,C * 〕夏殷不易禮而亡。C * 〕反古者 所與論於法之外也。 三代不同禮而王,五伯不同法而霸。智者作法,愚者制焉,賢者更 曰:「龍之所言,世俗之言也。常人安於故俗,學者溺於所聞。以此兩者居官守法可也,非 民而教,知者不變法而治。因民而教,不勞而成功,緣法而治者,吏習而民安之。」衞鞅 國,不法其故,、「己苟可以利民,不循其禮。」|孝公曰:「善。」|甘龍曰:「閏〕「不然。聖人不易 民不可與慮始而可與樂成。論至德者不和於俗,成大功者不謀於衆。是以聖人苟可以彊 之行者,固見非於世、乙一有獨知之慮者,必見敖於民。乙一愚者闇於成事,知者見於未萌。 不可非,而循禮者不足多。」孝公曰:「善。」以衞鞅爲左庶長,卒定變法之令。 孝公既用衞鞅,鞅欲變法,恐天下議己。衞鞅曰:「疑行無名,疑事無功。且夫有高人

[一][索隱]商君書「非」作「負」。

[三] | 索隱 | 商君書作「必見鰲於人」也。 [正義] 敖,五到反。

[三] [索隱] 言教獎爲政之術,所爲苟可以彊國,則不必要須法於故事也。

[四] | 索隱] 孝公之臣,甘姓,龍名也。 甘氏出春秋時甘昭公王子帶後。

〔五〕 [索隱] 言賢智之人作法更禮,而愚不肖者不明變通,而輒拘制不使之行,斯亦信然矣。

「六」「索隱」商君書作「脩古」。

[七] | 索隱] 指殷紂、夏桀也。

服以家次。「宀」有功者顯樂,無功者雖富無所芬華。 爲收孥。[サ]宗室非有軍功論,不得爲屬籍。[<]明尊卑爵秩等級,各以差次名田宅,臣妾衣 鬭者,各以輕重被刑大小。僇力本業,耕織致粟帛多者復其身。 與降敵同罰。「鬥」民有二男以上不分異者,倍其賦。「鬥有軍功者,各以率「鬥受上爵, 令民爲什伍,[l]而相牧司連坐。[l]不告姦者腰斬,告姦者與斬敵首同賞,[l]匿姦者 事末利及怠而貧者, 爲私 舉以

[一] [索隱] 劉氏云:「五家爲保,十保相連。」 [正義] 或爲十保,或爲五保。

[三][索曆] 牧司謂相糾發也。一家有罪而九家連舉發,若不糾舉,則十家連坐。 恐變令不行,故設重禁。

[三] [索隱] 案:謂告姦一人則得爵一級,故云「與斬敵首同賞」也

[四][索隱] 案律,降敵者誅其身,没其家,今匿姦者,言當與之同罰也。

[五][正義] 民有二男不别爲活者,一人出兩課。

[六]集解]音律。

[屮][索隱]末謂工商也。蓋農桑爲本,故上云「本業耕織」也。怠者,懈也。 周禮謂之「疲民」。以言懈怠不事事之人

而貧者,則糾舉而收録其妻子,没爲官奴婢,蓋其法特重於古也。

[宀][索隱] 謂宗室若無軍功,則不得人屬籍。 謂除其籍,則雖無功不及爵秩也。

[九][索隱] 謂各隨其家爵秩之班次,亦不使僭侈踰等也。

金。 民怪之,莫敢徙。復曰「能徙者予五十金」。有一人徙之,輒予五十金,以明不欺。卒 令既具,未布,恐民之不信,已乃立三丈之木於國都市南門,募民有能徙置北門者予十

之不行,自上犯之。」將法太子。太子,君嗣也,不可施刑,刑其傅公子虔,黥其師公孫賈。 之於邊城。其後民莫敢議令。 怯於私鬭,鄉邑大治。。秦民初言令不便者有來言令便者,衞鞅曰「此皆亂化之民也」,盡遷 明日,秦人皆趨令。〔三〕行之十年,秦民大説,道不拾遺,山無盗賊,家給人足。民勇於公戰, 令行於民朞年,秦民之國都言初令「己之不便者以千數。於是太子犯法。 衛鞅曰:「法

[一] [索隱] 謂鞅新變之法令爲「初令」。

[三][索隱] 趨音七踰反。趨者,向也,附也。

商君列傅第八

自瘫徙都之。而令民父子兄弟同室内息者爲禁。而集小(都)鄉邑聚爲縣,置令、丞,凡三十 於是以鞅爲大良造。「己將兵圍魏安邑,降之。居三年,作爲築冀闕「己宫庭於咸陽,秦 爲田開阡陌封疆,至三而賦稅平。平斗桶至三權衡丈尺。行之四年,公子虔復犯約,

劓之。 居五年,秦人富彊,天子致胙「馬」於孝公,諸侯畢賀。

索隱 即大上造也,秦之第十六爵名也。 今云「良造」者,或後變其名耳。

〔三〕 [索隱] 冀闕即魏闕也。冀,記也。出列教令,當記於此門闕。

〔三〕[正義] 南北曰阡,東西曰陌。按:謂驛塍也。 疆音疆。封,聚土也; 疆,界也:謂界上封記也。

[四][樂解]鄭玄曰:「音勇,今之斛也。」 [索隱]音統,量器名。

〔五〕[正義] 音左故反。

魏將公子卬書曰:「吾始與公子驩,今俱爲兩國將,不忍相攻,可與公子面相見,盟,樂飲而 齊,諸侯畔之,可因此時伐魏。 帝王之業也。」孝公以爲然,使衞鞅將而伐魏。魏使公子卬將而擊之。軍既相距,衞鞅遺 魏,譬若人之有腹心疾,非魏并秦,秦卽并魏。 而獨擅山東之利。利則西侵秦,病則東收地。 其明年,齊敗魏兵於馬陵,虜其太子申,殺將軍龐涓。 其明年,衞鞅説孝公曰:「秦之與 |魏不支秦,必東徙。 東徙,秦據河山之固,東鄉以制諸侯,此 今以君之賢聖,國賴以盛。而魏往年大破於 何者。魏居領阨之西、二都安邑,與秦界河

以和。 軍,盡破之以歸秦。 罷兵,以安秦魏。」魏公子卬以爲然。 而魏遂去安邑,徙都大梁。〔三〕梁惠王曰:「寡人恨不用公叔座之言也。」衞鞅既破魏 魏惠王兵數破於齊秦,國内空,日以削,恐,乃使使割河西之地獻 會盟已,飲,而衞鞅伏甲士而襲虜魏公子卬,因攻其 於秦

還,秦封之於、商「一」十五邑,號爲商君。

[一] [索隱] 蓋卽安邑之東,山領險阨之地,卽今蒲州之中條已東,連汾、晉之嶮嶝也。

[三][索隱]紀年日「梁惠王二十九年,秦衛鞅伐梁西鄙」,則徙大梁在惠王之二十九年也。 正義 一從蒲州安邑徙汴

州浚儀也。

樂解 徐廣曰:「弘農商縣也。」 正義一於、商在鄧州内鄉縣東七里,古於邑也。 索隱於、商,二縣名,在弘農。 商洛縣在商州東八十九里,本商邑,周之商國。案:十五邑近此 紀年云秦封商鞅在惠王三十年,與此文合。

息,

(三)今鞅請得交,可乎。 趙良日、「反聽之謂聰, 而王者退。』僕不肖,故不敢受命。 商君相秦十年了二宗室貴戚多怨望者。 僕聽君之義, 則恐僕貪位貪名也。 内視之謂明, 」趙良曰:「僕弗敢願也。 僕聞之曰:『非其位而居之曰貪位, 自勝之謂彊。「『」虞舜有言曰:『自卑也尚矣。』君不若 故不敢聞命。」 趙良見商君。 孔丘有言曰:『推賢而戴者進, 商君曰:「子不説吾治秦與? 商君曰:「鞅之得見也, 非其名而有之曰貪 從孟蘭 聚不肖

監以爲主,非所以爲名也。 相凑不以百姓爲事,而大築冀闕, 非所以爲功也。 刑黥太子之 康六七年,而東伐鄭,三置晉國之君,[+]一救<u>荆國之禍。[<]發教封内,而</u>巴人致貢,施 又左建外易,非所以爲教也。〔三]君又南面而稱寡人,日繩秦之貴公子。詩曰:『相鼠有體, 師傅,殘傷民以駿刑,是積怨畜禍也。 教之化民也深於命,自三民之效上也捷於令。自三今君 流涕,[10]童子不歌謡,春者不相杵。[11]此|五羖大夫之德也。今君之見秦王也,因嬖人景 德諸侯,而八戌來服。由余聞之,款關請見。「五段大夫之相秦也,勞不坐乘,暑不張蓋, 秦客,被褐食牛。期年,繆公知之,舉之牛口之下,而加之百姓之上,秦國莫敢望焉。相 焉!」趙良曰:「夫五羖大夫,荆之鄙人也。[k] 聞秦繆公之賢而願望見,行而無資,自粥於 以亡。「鬥君若不非武王乎,則僕請終日正言而無誅,可乎?」商君曰:「語有之矣,貌言華 教,而爲其男女之别,大築冀闕,營如魯衞矣。子觀我治秦也,孰與五羖大夫賢?」趙良 道虞舜之道,無爲問僕矣。」商君曰:「始秦戎翟之教,父子無别,同室而居。今我更制其 行於國中,不從車乘,不操干戈,功名藏於府庫,德行施於後世。五羖大夫死,秦國男女 也,至言實也,苦言藥也,甘言疾也。夫子果肯終日正言,鞅之藥也。鞅將事子,子又何辭 曰:「千羊之皮,不如一狐之掖,千人之諾諾,不如一士之諤諤。」武王諤諤以昌,殷紂墨墨 人而無禮;人而無禮,何不遄死。』以詩觀之,非所以爲壽也。 公子虔杜門不出已八年矣,

之所以收君者,豈其微哉?「己亡可翹足而待。」商君弗從。 物不具,君固不出。 出也,後車十數,從車載甲,多力而駢脅者爲驂乘,持矛而操關口司载者口引旁車而趨。 可以少安。君尚將貪商於之富,寵秦國之教,畜百姓之怨,秦王一旦捐賓客而不立朝,秦國 則何不歸十五都,自己灌園於鄙,勸秦王顯巖穴之士,養老存孤,敬父兄,序有功,尊有德, 君又殺祝懽而黥公孫賈。 書曰:『恃德者昌,恃力者亡。』〔〕非〕君之危若朝露,尚將欲延年益壽乎? 詩曰:『得人者興,失人者崩。』此數事者,非所以得人也。 此一

一〕[索隱] 戰國策云孝公行商君法十八年而死,與此文不同者,案此直云相秦十年耳,而戰國策乃云行商君法十八 年,蓋連其未作相之年耳。

[三] | 索隱 | 孟蘭皋,人姓名也。 言鞅前因蘭皋得與趙良相見也。

〔三〕[索隱] 説音悦。與音予。

四][索隱] 謂守謙敬之人是爲自勝,若是者乃爲强。 若争名得勝,此非强之道。

[三]正義]以殷紂比商君。

六][正義] 百里奚,南陽宛人。屬楚,故云荆。

[十] | 索隱] 謂立晉惠公、懷公、文公也。

(人)[索隱] 案(六國)[十二諸侯]年表,穆公二十八年會晉,救楚,朝周是也。

九〕集解一章昭曰:「款,叩也。」

商君列傳第八

[10] 正義 音體。

[二] [樂解] 鄭玄曰:「相謂送杵聲,以聲音自勸也。」

[三] [索隱] 劉氏云:「教謂商鞅之令也,命謂秦君之命也。 言人畏鞅甚於秦君。」

[三] 索隱] 上謂鞅之處分。令謂秦君之令。

[一] [索隱] 左建謂以左道建立威權也。外易謂在外革易君命也。

[三]集解]所及反。

[] | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | 音遼。屈音九勿反。按:屈盧、干將並古良匠造矛戟者名。 [索隱] 閣,亦作「鈒」,同所及反。 鄒誕音吐臈反。 尞 [正義] 顧野王云:「鋋也。」方言云:「矛,吴、揚、

江、淮、南楚、五湖之閒謂之鋋。其柄謂之矜。」釋名云:「戟,格也。旁有格。」

[1七] [索隱] 此是周書之言,孔子所删之餘。

[一八] [索隱] 衞鞅所封商於二縣以爲國,其中凡有十五都,故趙良勸令歸之。 [正義] 公孫鞅封商於十五邑,故云

「十五都」。

[一立] [索隱] 謂鞅於秦無仁恩,故秦國之所以將收録鞅者其效甚明,故云「豈其微哉」。

欲舍客舍。客人不知其是商君也,曰:「商君之法,舍人無驗者坐之。」商君喟然歎曰:「嗟 後五月而秦孝公卒,太子立。公子虔之徒告商君欲反,發吏捕商君。商君亡至關下,

邑、「」與其徒屬發邑兵北出擊鄭。「三秦發兵攻商君,殺之於鄭黽池。「m〕秦惠王車裂商君 乎,爲法之敝一至此哉!」去之魏。魏人怨其欺公子卬而破魏師,弗受。商君欲之他國 以徇,日:「莫如商鞅反者!」遂滅商君之家。 魏人曰:「商君,秦之賊。秦彊而賊入魏,弗歸,不可。」遂内秦。商君既復入秦,走商

[一][索隱] 走音奏。走,向也。

[二] 集解]徐廣曰:「京兆鄭縣也。」 索隱地理志京兆有鄭縣。 秦本紀云「初縣杜、鄭」,按其地是鄭桓公友之所

圭

君困於彭池」故也。黽音亡忍反。 徐廣曰:「黽,或作『彭』。」 索隱 正義 鄭黽池者,時黽池屬鄭故也。而徐廣云「黽或作彭」者,按鹽鐵論云「商

矣。余嘗讀商君開塞耕戰書,與其人行事相類。「『〕卒受惡名於秦,有以也夫!〔四〕 矣。〔三〕且所因由嬖臣,及得用,刑公子虔,欺魏將卬,不師趙良之言,亦足發明商君之少恩 太史公曰:商君,其天資刻薄人也。〔〕跡其欲干孝公以帝王術,挾持浮説,非其質

[一] [索隱] 謂天資其人爲刻薄之行。刻謂用刑深刻;薄謂弃仁義,不悃誠也。

|説音如字。浮説即虚説也。謂||映得用,刑政深刻,又欺||魏將,是其天資自有狙詐,則初爲|孝公論帝王之

商君

術,是浮説耳,非本性也。

賜爵,是耕戰書也

三] [索隱] 按商君書,開謂刑嚴峻則政化開,塞謂布恩賞則政化塞,其意本於嚴刑少恩。又爲田開阡陌,及言斬敵首

[四] [集解] 新序論曰:「秦孝公保崤函之固,以廣雍州之地,東并河西,北收上郡,國富兵彊,長雄諸侯,周室歸籍,四 也。 周召施善政,及其死也,後世思之,『蔽芾甘棠』之詩是也。嘗舍於樹下,後世思其德不忍伐其樹,況害其身乎!管 本紀「周歸文武胙於孝公者」是也。説苑云「秦法,弃灰於道者刑」,是其事也。 幾霸者之佐哉!」「索隱」新序是劉歆所撰,其中論商君,故裴氏引之。藉音胙,字合作「胙」,誤爲「藉」耳。按: 族無姓,其去霸王之佐亦遠矣。 潤而論囚七百餘人,潤水盡赤,號哭之聲動於天地,畜怨積讎比於丘山,所逃莫之隱,所歸莫之容,身死車裂,滅 仲奪伯氏邑三百户,無怨言。今衞鞅内刻刀鋸之刑,外深鈇鉞之誅,步過六尺者有罰,弃灰於道者被刑,一日臨 魏之明信,詐取三軍之衆,故諸侯畏其彊而不親信也。藉使孝公遇齊桓、晉文,得諸侯之統將,合諸侯之君,驅天 織之業以富國,外重戰伐之賞以勸戎士,法令必行,內不阿貴寵,外不偏疏遠,是以令行而禁止,法出而姦息。故 下之兵以伐秦,秦則亡矣。天下無恒文之君,故秦得以兼諸侯。衞鞅始自以爲知霸王之德,原其事不諭也。 不負原之期,而諸侯畏其彊而親信之,存亡繼絶,四方歸之,此管仲、舅犯之謀也。今商君倍公子卬之舊恩,弃交 雖書云『無偏無黨』,詩云『周道如砥,其直如矢』,司馬法之勵戎士,周后稷之勸農業,無以易此。此所以并諸侯 方來賀,爲戰國霸君,秦遂以彊,六世而并諸侯,亦皆商君之謀也。夫商君極身無二慮,盡公不顧私,使民内急耕 故孫卿曰:『四世有勝,非幸也,數也。』然無信,諸侯畏而不親。夫霸君若齊桓、晉文者,桓不倍柯之盟,文 然惠王殺之亦非也,可輔而用也。使衝鞅施寬平之法,加之以恩,申之以信,庶

史記卷六十九

蘇秦列傳第九

蘇秦者,東周維陽人也。〔一〕東事師於齊,而習之於鬼谷先生。〔三〕

[一] [索隱] 蘇秦字季子,蓋蘇忿生之後,已姓也。 譙周云:「秦兄弟五人,秦最少。兄代,代弟厲及辟、鵠,並爲游説之 横流。敬王以子朝之亂從王城東遷雒陽故城,乃號東周,以王城爲西周。 士。」此下云「秦弟代,代弟厲」也。 [正義] 戰國策云:「蘇秦,維陽乘軒里人也。」 藝文志云蘇子三十一篇,在縱

[三][集解]徐廣曰:「潁川陽城有鬼谷,蓋是其人所居,因爲號。」駰案:風俗通義曰「鬼谷先生,六國時從横家」。 秦欲神祕其道,故假名鬼谷」。 索隱」按:鬼谷,地名也。扶風池陽、潁川陽城並有鬼谷墟,蓋是其人所居,因爲號。又樂壹注鬼谷子書云「蘇

什二以爲務。今子釋本而事口舌,困,不亦宜乎!」蘇秦聞之而慙,自傷,乃閉室不出,出 其書徧觀[三]之。曰:「夫士業已屈首受書,[三]而不能以取尊榮,雖多亦奚以爲!」於是得 出游數歲,大困而歸。日己兄弟嫂妹妻妾竊皆笑之,曰:「周人之俗,治産業,力工商,逐

秦列

周書陰符,伏而讀之。期年,以出揣摩,「四日:「此可以説當世之君矣。」求説周顯王。 灦

[一] [索隱] 按:戰國策此語在説秦王之後。

王左右素習知蘇秦,皆少之。「馬」弗信。

(二) [索隱] 音遍官二音。按:謂盡觀覽其書也。

三] 索隱] 按:謂士之立操。 業者,素也,本也。言本已屈首低頭,受書於師也。

戰國策云「得太公陰符之謀」,則陰符是太公之兵符也。揣音初委反,摩音姥何反。鄒誕本作「揣靡」,靡讀亦爲 流至踵。曰:『安有説人主不能出其金玉錦繡,取卿相之尊者乎?』期年,揣摩成。」鬼谷子有揣摩篇也。 索隱

[樂解] 戰國策曰:「乃發書,陳篋數十,得太公陰符之謀,伏而誦之,簡練以爲揣摩。讀書欲睡,引錐自刺其股,血

摩。王劭云「揣情、摩意是鬼谷之二章名,非爲一篇也」。高誘曰「揣,定也。摩,合也。定諸侯使讎其術,以成

六國之從也」。江邃曰「揣人主之情,摩而近之」,其意當矣。

[至] | 索陽| 謂王之左右素慣習知秦浮説,多不中當世,而以爲蘇秦智識淺,故云「少之」。劉氏云:「少謂輕之也。」

南有巴蜀,北有代馬,气己此天府也。气见以秦士民之衆,兵法之教,可以吞天下,稱帝而治。」 乃西至秦。秦孝公卒。説惠王曰:「秦四塞之國,被山帶渭,東有關河,こ己西有漢中,

秦王曰:「毛羽未成,不可以高蜚,文理未明,不可以并兼。」方誅商鞅,疾辯士,弗用。

[一] 正義] 東有黄河,有函谷、蒲津、龍門、合河等關;南山及武關、嶢關;西有大隴山及隴山關、大震、烏蘭等關; 北有黄河南塞:是四塞之國,被山帶渭(又)[以]爲界。 地里。江(渭)[謂]岷江,[西從]渭州隴山之西南流人蜀,

東至荆陽人海也。河謂黃河,從同州小積石山東北流,至勝州即南流,至華州又東北流,經魏、滄等州人海。各

是萬里已下。

[三]索隱]按:謂代郡馬邑也。地理志代郡又有馬城縣。一云代馬,謂代郡兼有胡馬之利。

[]] [索隱] 按:周禮春官有天府。鄭玄曰:「府、物所藏。言天,尊此所藏若天府然。」

乃東之趙。趙肅侯令其弟成爲相、號奉陽君。奉陽君弗説之。

去游燕,歲餘而後得見。說燕文侯「〕曰:「燕東有朝鮮、〔三〕遼東,北有林胡、樓煩,〔三〕

西有雲中、九原,「即」南有噂沱、易水,「馬」地方二千餘里,帶甲數十萬,車六百乘,騎六千匹,

栗支數年。「宀」南有碣石、「宀」鴈門之饒,「宀」北有棗栗之利,民雖不佃作而足於棗栗矣。此

所謂天府者也。

[一][索隱] 説音税,下並同。
燕文侯,史失名。

[二] 索隱] 潮仙二音,水名。

三」「索隱」地理志樓煩屬鴈門郡。 正義二胡國名,朔、嵐已北

[索隱] 按: 地理志雲中、九原二郡名。 秦日九原,漢武帝改日五原郡。 正義二郡並在勝州也。

雲中郡城在

榆林縣東北四十里。九原郡城在榆林縣西界。

[集解] 周禮曰:「正北曰并州,其川嘑沱。」鄭玄曰:「嘑沱出鹵城。」 又地理志鹵城,縣名,屬代郡。 滹沲河自縣東至參合,又東至文安人海也。 索隱 按:滹沲,水名,并州之川也,音呼 正義。喙陀出代州繁畤縣,東

蘇 列 第 九

南流經五臺山北,東南流過定州,流入海。 易水出易州易縣,東流過幽州歸義縣,東與呼沱河合也。

[六] 索隱]按:戰國策「車七百乘,栗支十年」。

[中][索隱](戰國策)碣石山在常山九門縣。地理志大碣石山在右北平驪城縣西南。

[八][正義] [四十五代,燕西門。

是故願大王與趙從親,天下爲一,則燕國必無患矣。 萬之軍軍於東垣矣。「二渡嘑沱,涉易水,不至四五日而距國都矣。故曰秦之攻燕也,戰於 城,秦計固不能守也。秦之不能害臙亦明矣。今趙之攻臙也,發號出令,不至十日而數十 甲兵者,以趙之爲蔽其南也。〉秦趙五戰,秦再勝而趙三勝。〉秦趙相斃,而王以全燕制其後, 千里之外;趙之攻燕也,戰於百里之内。夫不憂百里之患而重千里之外,計無過於此者。 此燕之所以不犯寇也。且夫秦之攻燕也,踰雲中、九原,過代、上谷,彌地數千里,雖得燕 「夫安樂無事,不見覆軍殺將,無過|燕者。 大王知其所以然乎。 夫|燕之所以不犯寇被

二 索隱 地理志高帝改日真定也。 正義」趙之東邑,在恆州真定縣南八里,故常山城是也。

文侯曰:「子言則可,然吾國小,西迫彊趙,〔二南近濟,〔三濟、趙彊國也。子必欲合從

以安濕,寡人請以國從。」

〔一〕[正義] 貝、冀、深、趙四州、七國時屬趙、卽燕西界。

[三][正義]河北博、滄、德三州、齊地北境、與燕相接、隔黃河。

慮。 是以賓客游士莫敢自盡於前者。今奉陽君捐館舍,君乃今復與士民相親也,臣故敢進其愚 布衣之士,皆高賢君之行義,皆願奉教陳忠於前之日久矣。〔三〕雖然,奉陽君妬而君不任事, 於是資蘇秦車馬金帛以至趙。 而奉陽君已死,即因說趙肅侯[二]曰:「天下卿相人臣及

[一] 索隱] 按:世本云肅侯名言。

八二]正義]奉,符用反。

割地包利, 鹽之海,楚必致橘柚之園,韓、魏、中山皆可使致湯沐之奉,而貴戚父兄皆可以受封侯。 安,倚齊攻索而民不得安。故夫謀人之主,伐人之國,常苦出辭斷絶人之交也。願君慎 而 出於口。請別白黑,所以異陰陽而已矣。〔〕君誠能聽臣,燕必致旃裘狗馬之地,齊必致魚 民安,擇交而不得則民終身不安。請言外患:齊秦爲兩敵而民不得安,倚秦攻齊而民不得 兩有之,此臣之所以爲君願也。 「竊爲君計者,莫若安民無事,且無庸有事於民也。安民之本,在於擇交,擇交而得 五伯之所以覆軍禽將而求也; 封侯貴戚,湯武之所以放弑而争也。今君高拱 夫 勿 則

按:戰國策云「請屏左右,白言所以異陰陽」,其説異此。 然言别白黑者,蘇秦言己今論趙國之利,必使分

明,有如白黑分别,陰陽殊異也。

宜陽,宜陽效則上郡絶,至三河外割則道不通,至三楚弱則無援。 「今大王與秦,則秦必弱韓、魏;與齊, 則齊必弱楚、 魏。〔一〕魏弱則割河外, 此三策者,不可不孰計也。 韓弱則效

[一][正義] 楚東淮泗之上,與齊接境。

[三][正義]宜陽卽韓城也,在洛州西,韓大郡也。 上郡在同州西北。

[][正義]河外,同、華等地也。言魏弱,與秦河外地,則道路不通上郡矣。 華山記云:「此山分秦晉之境,晉之西鄙

言韓弱,與秦宜陽城,則上郡路絶矣。

則日陰晉,秦之東邑則日寧秦。」

齊必入朝秦。秦欲已得乎山東,則必舉兵而響趙矣。 於邯鄲之下矣。此臣之所爲君患也。 「夫秦下軹道、「一則南陽危、「二劫韓包周、「一則趙氏自操兵、「四」據衞取卷、「一則 秦甲渡河踰漳,據番吾、[於]則兵必戰

[一] [正義] 軹音止。故亭在雍州萬年縣東北十六里苑中。

〔三〕[正義] 南陽,懷州河南也,七國時屬韓。 言秦兵下职道,從東渭橋歷北道過蒲津攻韓,即南陽危矣。

正義 周都洛陽,秦若劫取韓南陽,是包裹周都也。 趙邯鄲危,故須起兵自守。

[四][索隱] 戰國策作「自銷鑠」。

縣西北七里。言秦守衞得卷,則齊必來朝秦。 丘權反。 [索隱] 地理志卷縣屬河南。 按:戰國策云「取淇」。 正義衛地濮陽也。 卷城在鄭州武原

[六]集解]徐廣曰:「常山有蒲吾縣。」 索隱按:徐氏所引,據地理志云然也。 [正義] 番音婆,又音蒲,又音盤。

疑古番吾公邑也。 括地志云:「蒲吾故城在鎮州常山縣東二十里。」漳水在潞州。 言秦兵渡河,歷南陽,入羊腸,

經澤、潞,渡漳水,守蒲吾城,則與趙戰於都城下矣。

秦之所害於天下者莫如趙,然而秦不敢舉兵伐趙者,何也。畏韓、魏之議其後也。然則韓、 支數年。西有常山、(二)南有河漳、(三)東有清河、(三)北有燕國。(四)燕固弱國,不足畏也。 不能支凑,必人臣於凑。。秦無韓、魏之規,則禍必中於趙矣。此臣之所爲君患也。 魏,趙之南蔽也。秦之攻韓、魏也,無有名山大川之限,稍蠶食之,傅[E]國都而止。 「當今之時,山東之建國莫彊於趙。趙地方二千餘里,帶甲數十萬,車千乘,騎萬匹,栗

[二]正義]在鎮州西。

[三][正義]「河」字一作「清」,卽漳河也,在潞州。 地理志濁漳出長子鹿谷山,東至鄴,入清漳。

[三] 正義 清河,今貝州也。

[四][正義] 然三家分晉,趙得晉陽,襄子又伐戎取代。既云「西有常山者」,趙都邯鄲近北燕也。

〔至〕(集解) 音附。

彊弱,内度其士卒賢不肖,不待兩軍相當而勝敗存亡之機固已形於胸中矣,豈揜於衆人之 士不過三千, 車不過三百乘, 卒不過三萬, 立爲天子: 誠得其道也。是故明主外料其敵之 「臣聞堯無三夫之分,舜無咫尺之地,以有天下,禹無百人之聚,以王諸侯;湯武之

言而以冥冥決事哉!

力西鄉而攻秦,秦必破矣。今西面而事之,見臣於秦。夫破人之與破於人也,八二臣人之與 「臣竊以天下之地圖案之,諸侯之地五倍於秦,料度諸侯之卒十倍於秦,六國爲一,并

臣於人也,己豈可同日而論哉!

[一][正義] 破人謂破前敵也。破於人,爲被前敵破。

〔三〕|索隱] 按:臣人謂己爲彼臣也。臣於人者,謂我爲主,使彼臣己也。 正義 臣人謂己得人爲臣。臣於人謂

己事他人。

樓闕軒轅,〔三〕後有長姣〔三〕美人,國被秦患而不與其憂。是故夫衡人日夜務以秦權恐惕諸

侯四以求割地,故願大王孰計之也。

[二][索隱]按:衡人卽游說從横之士也。東西爲横,南北爲從。秦地形東西横長,故張儀相秦,爲秦連横。 **衡音横。謂爲秦人。**

正義

[三] | 索屬 | 戰國策云「前有軒轅」。又史記俗本亦有作「軒冕」者,非本文也。

「三」[索隱] 音交。説文云:「姣,美也。」

[四] 集解 愒音呼曷反。 「臣聞明主絶疑去讒,屏流言之迹,塞朋黨之門,故尊主廣地彊兵之計臣得陳忠於前 | 索隱| 恐,起拱反。惕,許曷反。 謂相恐脅也。 鄒氏惕音憩,其意疏。

趙, 此,則霸王之業成矣。」 約者,以五國之兵共伐之。』六國從親以賓秦,自司則秦甲必不敢出於函谷以害山東矣。 師以佐之。 燕守雲中。 趙涉河漳、「『」燕守常山之北。秦攻韓魏、「『〕則楚絶其後、「《〕齊出鋭師而佐之,趙涉河漳, 之上,行己通質,行己刳白馬而盟。要約曰:『秦攻楚,齊、魏各出鋭師以佐之,韓絶其糧道,气』〕 則韓軍宜陽,楚軍武關,魏軍河外,公三齊涉清河,公三燕出鋭師以佐之。 故竊爲大王計,莫如一韓、魏、齊、楚、燕、趙以從親,以畔秦。令天下之將相會於洹水 秦攻燕,則趙守常山,楚軍武關,齊涉勃海,C10J韓、魏皆出鋭師以佐之。 秦攻齊,則楚絕其後,韓守城皋,〔申〕魏塞其道,〔〔〕趙涉河漳、博關,〔五〕燕出鋭 諸侯有不如 秦攻

【一】[樂解]徐廣曰:「洹水出汲郡林慮縣。」

[三][索隱]音如字,又音躓。以言通其交質之情。

一][索隱] 謂擁兵於蟯關之外,又守宜陽也。

四]【索隱] 謂趙亦涉河漳而西,欲與韓作援,以阻秦軍

/ 豆」[正義] 謂道蒲津之東攻之。

[六] | 索隱] 謂出兵武關,以絶秦兵之後。

[中] [正義] 在洛州氾水縣。

. (人) [索隱] 按"其道即河内之道。戰國策「其」作「午」。

蘇案列傳第九

三三五〇

「九」[集解] 徐廣日:「齊威王六年、晉伐齊到博陵。 東郡有博平縣。

[10] [正義] 齊從滄州渡河至瀛州。

[三][正義]齊從貝州過河而西。

[三] 索隱] 謂六國之軍共爲合從相親,獨以秦爲賓而共伐之。

趙王曰:「寡人年少,立國日淺,未嘗得聞社稷之長計也。今上客有意存天下,安諸侯,

寡人敬以國從。」乃飾車百乘,黄金千溢,「一」白璧百雙,錦繡千純,「一」以約諸侯。 [三][樂解] 純,匹端名。周禮曰:「純帛不過五兩。」 [索隱] 音淳。裴氏云「純,端疋名」。 高誘注戰國策音屯。 屯, [一] 索隱] 戰國策作「萬溢」。一溢爲一金、則二十兩曰一溢、爲米二升。鄭玄以一溢爲二十四分之一,其說異也。

東也。又禮鄉射云「某賢於某若干純」。純,數也,音旋。

東兵。蘇秦恐秦兵之至趙也,乃激怒張儀,人之于秦。 是時周天子致文武之胙於秦惠王。惠王使犀首攻魏,禽將龍賈,取魏之雕陰,「」且欲

於是説韓宣王「己曰:「韓北有鞏、成皋「己之固,西有宜陽、商阪之塞,「一」東有宛、

[一] 索隱] 魏地也。劉氏曰「在龍門河之西北」。按"地理志雕陰屬上郡。

[正義] 在鄜州洛交縣北三十四里。

子、『『少府時力、距來者、『〈』皆射六百步之外。韓卒超足而射、『『、百發不暇止,遠者括蔽 [穣、[8]洧水、[4]南有|陘山、[4]地方九百餘里,帶甲數十萬,天下之彊弓勁弩皆從|韓出。 谿

之賢,乃西面事奏,交臂而服,羞社稷而爲天下笑,無大於此者矣。是故願大王孰計之。 洞胸,近者鏑弇心。韓卒之劍戟皆出於冥山、[10]棠谿、[1]墨陽、[1]合賻、[1]鄧師、[1]]宛 無不畢具。以韓卒之勇,被堅甲,蹠勁弩,帶利劍,一人當百,不足言也。 夫以韓之勁與大王 馮、江三龍淵、太阿、江三皆陸斷牛馬,水截鵠鴈,當敵則斬,堅甲鐵幕,江三華抉江三坡芮,江云

- 二 索隱 按:世本韓宣王,昭侯之子也。
- [二] [索隱] 二邑本屬東周,後爲韓邑。 地理志二縣並屬河南。
- 〔三〕[集解]徐廣曰:「商,一作『常』。」 昌縣東十四里。 商阪即商山也,在商洛縣南一里,亦曰楚山,武關在焉。 [索隱] 劉氏云「蓋在商洛之閒,適秦楚之險塞」是也。 正義」宜陽在洛州福
- [四] [集解] 宛,於袁反。 [索隱] 地理志宛、穰二縣名,並屬南陽。
- 五〕集解消,于鬼反。 [索隱] 音于軌反,水名,出南方。 [正義] 在新鄭東南,流入題。
- 集解 徐廣曰:「召陵有陘亭。 密縣有陘山。」 正義。在新鄭西南三十里。
- しずし [集解] 許慎云:「南方谿子蠻夷柘弩,皆善材。」 [索隱] 按:許慎注淮南子,以爲南方谿子蠻出柘弩及竹弩。
- [八][樂解] 韓有谿子弩,又有少府所造二種之弩。案:時力者,謂作之得時,力倍於常,故名時力也。距來者,謂弩 故有時力也。 埶勁利,足以距來敵也。 距來者,謂以弩埶勁利,足以距於來敵也。其名並見淮南子。 [索隱] 韓又有少府所造時力、距來二種之弩。 按:時力者,謂作之得時則力倍於常,
- [索隱] 按:超足謂超騰用埶,蓋起足蹋之而射也,故下云「蹠勁弩」是也。 正義 超足,齊足也。 夫欲放弩,皆

蘇

坐,舉足踏弩,兩手引揍機,然始發之。

【10] [樂解] 徐廣曰:「莊子云南行至郢,北面而不見冥山。」 駟案: 司馬彪曰 「冥山在朔州北。」 至野,北面而不見冥山」。司馬彪云「冥山在朔州北」。郭象云「冥山在乎太極」。李軌云「在韓國」。 索隱莊子云「南行

〔二〕 集解]徐廣曰:「汝南吴房有棠谿亭。」 [索隱] 地理志棠谿亭在汝南吴房縣。 正義 故城在豫州偃城縣西八

鹽鐵論云「有棠谿之劍」是。

淮南子日:「墨陽之莫邪也。」 索隱

|淮南子云「服劍者貴於剡利,而不期於墨陽莫邪」,則墨陽匠名也。

[索隱] 按:戰國策作「合伯」,春秋後語作「合相」。

[四] [索隱] 鄧國有工鑄劍,而師名焉。

[]] (集解) 音附。徐廣曰:「一作『伯』。」

[三] 集解]徐廣曰:「滎陽有馮池。」 [索隱] 徐廣云「滎陽有馮池」,謂宛人於馮池鑄劍,故號宛馮。

[1六] [集解] 吴越春秋日:「楚王召風胡子而告之曰:『寡人聞吳有干將,越有歐冶,寡人欲因子請此二人作劍,可乎? 也。 日太阿,八日莫邪,九日干將也」。然干將、莫邪匠名也,其劍皆出西平縣,今有鐵官令一,别領户,是古鑄劍之地 黄,所以爲不利也。』故天下之寶劍韓爲衆,一日棠谿,二曰墨陽,三曰合伯,四曰鄧師,五曰宛馮,六曰龍泉,七 |楚之寶劍也。以特堅利,故有堅白之論云:""黄,所以爲堅也;白,所以爲利也。』齊辨之曰:""白,所以爲不堅; 歐治作劍二,其一日龍泉,二日太阿。又太康地記曰「汝南西平有龍泉水,可以淬刀劍,特堅利,故有龍泉之劍 風胡子曰:『可。』乃往見二人,作劍,一曰龍淵,二曰太阿。」 |索陽||按:吴越春秋楚王令風胡子請吳干將、越

(1十)[集解]徐廣曰:「陽城出鐵。」 [索隱]按: 戰國策云「當敵則斬甲盾鞮鍪鐵幕」也。 鄒誕幕一作「陌」。劉云:

「謂以鐵爲臂脛之衣。言其劍利,能斬之也。」

[二公] 集解]徐廣曰:「一作『決』。」 [索隱] 音決。謂以革爲射決。決、射轉也。

二 魚解 吠音伐。 [索隱] 咙與「瞂」同,音伐,謂楯也。 芮音如字,謂繁楯之綬也。

謂之瞂,關西謂之盾。」

正義 方言云:「盾,自關東

與則弃前功而受後禍。且大王之地有盡而凑之求無已,以有盡之地而逆無已之求,此所謂 「大王事〉宗必求宜陽、成皋。今兹效之、「」明年又復求割地。與則無地以給之,不

臣事凑,何異於牛後乎。夫以大王之賢,挾彊韓之兵,而有牛後之名,臣竊爲大王羞之。」 市怨結禍者也,不戰而地已削矣。臣聞鄙諺曰:『寧爲雞口,無爲牛後。』「三今西面交臂而

〔一〕 [索隱] 按:鄭玄注禮云「效猶呈也,見也」。

之從後也」。 [正義]雞口雖小,猶進食;牛後雖大,乃出粪也。

於是韓王勃然作色,攘臂瞋目,按劍仰天太息「己曰:「寡人雖不肖,必不能事凑。

君气ご韶以趙王之教,敬奉社稷以從。」

[一] [索隱] 太息謂久蓄氣而大吁也。

[二][索隱]指蘇泰也。禮,卿大夫稱主。今嘉蘇子合從諸侯,褒而美之,故稱日主。

又說魏襄王「己日:「大王之地,南有鴻溝、「三」陳、汝南、許、鄽、「三」昆陽、召陵、舞陽、新

天下之彊國也;王,天下之賢王也。今乃有意西面而事秦,稱東藩,築帝宫,三三受冠帶,三四 狼之
秦以侵天下,卒有
秦患,
三不顧其禍。
夫挾彊
秦之勢以内劫其主, 夜行不絶, 輷輷殷殷, [10]若有三軍之衆。臣竊量大王之國不下楚。然衡人忧王[1]交彊虎 康,[f.]地方千里。地名雖小,然而田舍廬廡之數,曾無所芻牧。人民之衆,車馬之多,日 都、新郪、「□」東有淮、潁、「□〕煑棗、「宀」無胥,〔宀」西有長城之界,北有河外、「宀」卷、裄、 祠春秋,自己臣竊爲大王恥之。 罪無過此者。魏, 酸

[一] 索隱] 世本惠王子名嗣。

[二][集解]徐廣曰:「在滎陽。」

三] 集解] 徐廣曰:「在潁川。於幰切。」 索隱]音偃,又於建反。 戰國策作「鄢」。按:地理志潁川有許、郾二縣,

又有傿陵縣,故所稱惑也。傿音焉。 [正義] 陳、汝南,今汝州、豫州縣也。

图〕[集解] 地理志潁川有昆陽、舞陽縣,汝南有新郪縣,南陽有新都縣。 數屬汝南。按:新郪即郪丘,章帝以封殷後於宋。新都屬南陽。 按:戰國策直云新郪,無「新都」二字。 索隱 一地理志昆陽、舞陽屬潁川 ,召陵、新 正義

召陵在豫州,舞陽在許州。

(五)[正義] 淮陽、潁川二郡。

[K] 樂解 徐廣曰:「在宛句。」 [正義] 在宛朐。按:宛朐,曹州縣也。

[中][索隱]按:其地闕。

[八]正義]謂河南地。

[九] 集解] 徐廣曰:「榮陽卷縣有長城,經陽武到密。 衙,地名。 心 [正義] 卷在鄭州原武縣北七里。酸棗在滑州。衙、徐云地名。 [索隱] 徐廣云「榮陽卷縣有長城」,蓋據地險爲說

[10][正義] 翰, 麾宏反。殷音隱。

[二][正義] 衡音横。 保音卹。

[三]正義] 卒音悤忽反。

[一三] [索隱] 謂爲秦築宫,備其巡狩而舍之,故謂之「帝宫」。

[四] [索隱] 謂冠帶制度皆受素法。

[三] [索隱] 言春秋貢奉,以助秦祭祀。

後,破公家而成私門,外挾彊秦之勢以内劫其主,以求割地,願大王孰察之。 言事秦者,皆姦人,非忠臣也。夫爲人臣,割其主之地以求外交,偷取一時之功而不顧其 乃聽於羣臣之説而欲臣事凑。夫事凑必割地以效實、「私」故兵未用而國已虧矣。凡羣臣之 萬、『『雪擊二十萬,廝徒十萬、『『事六百乘,騎五千匹。此其過越王句踐、武王遠矣,今 於牧野、「」」豈其士卒衆哉,誠能奮其威也。今竊聞大王之卒,武士二十萬、「」」蒼頭二十 「臣聞越王句踐戰敝卒三千人,禽夫差於干遂;「己武王卒三千人,革車三百乘,制紂

[一]索隱按:干遂, 地名,不知所在。然按干是水旁之高地,故有「江干」「河干」是也。又左思吴都賦云「長干延

蘇秦列傳第九

里

屬」,是干爲江旁之地。 遂者,道也。 於干有道,因爲地名。 [正義] 在蘇州吳縣西北四十餘里萬安山西南

太湖。夫差敗於姑蘇,禽於干遂,相去四十餘里。

[三] 正義] 今衞州城是也。周武王伐紂於牧野,築之。

三」【樂解】漢書刑法志曰:「魏氏武卒衣三屬之甲,操十二石之弩,負矢五十,置戈其上,冠胄帶劍,嬴三日之糧,日中 音福。 也;脛衣、三也。甲之有裳、見左傳也。嬴音盈。謂蘅糗糧。中音竹仲反。謂其筋力能負重,所以得中試也。復 而趨百里,中試則復其户,利其田宅。」 [索隱] 衣音意。屬音燭。按:三屬謂甲衣也。覆膊,一也;甲裳,二 謂中試之人,國家當優復,賜之上田宅,故云「利其田宅」也。

[四][索隱]謂以青巾裹頭,以異於衆。 荀卿「魏有蒼頭二十萬」是也。

[至][索隱] 厥音斯。謂厮養之卒。斯,養馬之賤者,今起爲之卒。 [正義] 厮音斯。謂炊烹供養雜役。

[六][索隱] 謂割地獻]素,以效己之誠實。

計、「二奉明約,在大王之韶韶之。」 之何。大王誠能聽臣,六國從親,專心并力壹意,則必無彊秦之患。故敝邑趙王使臣效愚 「周書曰:『縣縣不絶,蔓蔓柰何?豪氂不伐,將用斧柯。』前慮不定,後有大患,將柰

【二】[索隱] 此「效」猶呈也,見也。

魏王曰:「寡人不肖,未嘗得聞明教。今主君以趙王之韶韶之,敬以國從。」

因東説齊宣王「己曰:「齊南有泰山、東有琅邪、西有清河、「己北有勃海、此所謂四塞

彊,天下莫能當。今乃西面而事凑,臣竊爲大王羞之。 **轂擊,人肩摩,連衽成帷,舉袂成幕,揮汗成雨,家殷人足,志高氣揚。 夫以大王之賢與齊之** 甚富而實,其民無不吹竽鼓瑟,彈琴擊筑,「к」鬭雞走狗,六博「艹」蹋鞠「へ」者。臨菑之塗,車 竊度之,不下户三男子,三七二十一萬,不待發於遠縣,而臨菑之卒固已二十一萬矣。臨菑 戰如雷霆,解如風雨。即有軍役,未嘗倍泰山,絕清河,涉勃海也。「馬」臨菑之中七萬户,臣 之國也。齊地方二千餘里,帶甲數十萬,栗如丘山。三軍之良,五家之兵,「三進如鋒矢」「四」

[一] 索隱] 世本名辟疆,威王之子也。

(三)正義 即具州

〔二〕[索隱] 按:高誘注戰國策云「五家卽五國也」。

图] [索隱] 按:戰國策作「疾如錐矢」。 高誘曰「錐矢,小矢,喻徑疾也」。 吕氏春秋曰「所貴錐矢者,爲應聲而至」。

正義」齊軍之進,若鋒芒之刀,良弓之矢,用之有進而無退。

[五][正義] 言臨淄自足也。絶、涉、皆度也。勃海、滄州也。齊有軍役、不用度河取二部。

「六」[正義] 筑似琴而大,頭圓,五弦,擊之不鼓。

[中][索隱]按:王逸注楚詞云「博,著也。行六綦,故曰六博」。

[八] [集解] 劉向別録曰:「整鞠者,傳言黃帝所作,或曰起戰國之時。蹋鞠,兵勢也,所以練武士,知有材也,皆因嬉戲 而講練之。」蹋,徒獵反。鞠,求六反。 [索隱] 上徒臘反,下居六反。 别録注云:「蹴踘,促六反。 蹴亦蹋也。」

崔豹云:「起黄帝時,習兵之埶。」

深入,則狼顧、四恐韓、魏之議其後也。 道,气己徑乎亢父之險,气己車不得方軌,气心騎不得比行,百人守險,千人不敢過也。 不能害濟亦明矣。 **韓、魏之所以重與溱戰,而輕爲之臣也。** 之機決矣。 「且夫韓、魏之所以重畏秦者,爲與秦接境壤界也。 韓、魏戰而勝秦, 則兵半折,四境不守;戰而不勝,則國已危亡隨其後。 。今秦之攻齊則不然。倍韓、 是故恫疑「三」虚獨」「、三驕矜而不敢進」「も」則秦之 兵出而相當,不出十日而戰勝存亡 魏之地, 過衞陽晉之 秦雖欲 是故

而與齊戰。 拔魏蒲阪、陽晉、封陵」是也。 (集解)徐廣曰:「魏哀王十六年,秦拔魏蒲坂、陽晉、封陵。」 徐説陽晉非也,乃是晉陽耳。衛地曹、濮等州也。 劉氏云「陽晉,地名,蓋適齊之道,衞國之西南也」。 |索隱||按:陽晉,魏邑也。 杜預云「曹,衞下邑也」。 [正義] 言秦伐齊,背韓、魏地 陽晉故城在曹州乘氏縣 魏系家「哀王十六年,秦

|索隱|| 亢音剛,又苦浪反。 地理志縣名,屬梁國也。 正義故縣在兗州任城縣南五十一

[三][正義] 言不得兩車並行。

西北三十七里。

四][正義] 狼性怯,走常還顧。

豆] [索隱] 上音通,一音洞。 恐懼也。

集解呼葛反。 |索隱| 獨,本一作「喝」,並呼葛反。 高誘曰:「虚獨,喘息懼貌也。」劉氏云:「奏自疑懼, 不敢

進兵,虚作恐怯之詞,以脅韓、魏也。」

[中] 正義] 言秦雖至亢父,猶恐懼狼顧,虚作喝罵,驕溢矜誇,不敢進伐齊明矣。

「夫不深料|秦之無柰|齊何,而欲西面而事之,是羣臣之計過也。 今無臣事秦之名而有

彊國之實,臣是故願大王少留意計之。」

齊王曰:「寡人不敏,僻遠守海,窮道東境之國也,未嘗得聞餘教。今足下以趙王韶韶

之,敬以國從。」

也。今乃欲西面而事凑,則諸侯莫不西面而朝於章臺之下矣。 帶甲百萬,車千乘,騎萬匹,粟支十年。此霸王之資也。夫以憷之彊與王之賢,天下莫能當 郡、「三東有夏州、「四海陽、「三南有洞庭、「八道悟」「十〕北有陘塞、郇陽、「八」地方五千餘里, 乃西南説楚威王「コヨ「楚,天下之彊國也,王,天下之賢王也。西有黔中、コ」巫

[二] 索隱] 威王名商,宣王之子。

[三] 集解]徐廣日:「今之武陵也。」 [正義] 今朗州,楚黔中郡,其故城在辰州西二十里,皆盤瓠後也。

| 三] (集解||徐廣曰:「巫郡者,南郡之西界。」 [正義] 巫郡,夔州巫山縣是。

[四] [集解] 徐廣日:「楚考烈王元年,秦取夏州。」翢案;左傳「楚莊王伐陳,鄉取一人焉以歸,謂之夏州」。 而注者不 胤説夏州,其文甚明,而劉伯莊以爲夏州侯之本國,亦未爲得也。 説夏州所在。 車胤撰桓温集云:「夏口城上數里有洲,名夏州。」「東有夏州」謂此也。 正義一大江中州也。夏水口在荆州江陵縣 索隱。裴駰據左氏及車

二二五九

東南二十五里。

「豆」|索隠| 按:地理志無海陽。劉氏云「楚之東境」。

[六] 索隱] 今之青草湖是也,在岳州界也。

[七][索隱]地名。地理志有蒼梧郡。 [正義]蒼梧山在道州南。

[八][樂解]徐廣曰:「春秋日『遂伐楚,次于脛』。楚威王十一年,魏敗楚脛山。析縣有鈎水,或者郇陽今之順陽乎? 本『北有汾、脛之塞』也。」 「索隱」脛山在楚北境,威王十一年,魏敗楚脛山是也。 郇音荀。北有郇陽,其地當

耳。汝南有新陽縣,應劭云「在新水之陽」,猶豳邑變爲栒,亦當然也。徐氏云「郇陽當是慎陽」,蓋其疏也。 在汝南、潁川之界。檢地理志及太康地記,北境並無郇邑。郇邑在河東、晉地。計郇陽當是新陽,聲相近字變

[正義] 陘山在鄭州新鄭縣西南三十里。順陽故城在鄭州穣縣西百四十里。

孤凑。大王不從〔親〕,秦必起兩軍,一軍出武關,一軍下黔中,則鄢郢動矣。〔1〕 秦之所害莫如楚,楚彊則秦弱,秦彊則楚弱,其勢不兩立。故爲大王計,莫如從親以

[一] [集解] 徐廣曰:「今南郡宜城。」 [正義] 鄢鄉故城在襄州率道縣南九里。 安郢城在荆州江陵縣東北六里。 秦兵 出武關,則臨鄢矣;兵下黔中,則臨郢矣。

厲兵,在大王之所用之。大王誠能用臣之愚計,則韓、魏、齊、燕、趙、衞之妙音美人必充後 「大王誠能聽臣,臣請令山東之國奉四時之獻,以承大王之明韶,委社稷,奉宗廟,練士 「臣聞治之其未亂也,爲之其未有也。患至而后憂之,則無及已。故願大王蚤孰計之。

宫,燕、代橐駝良馬必實外廄。 故從合則楚王,衡成則秦帝。今釋霸王之業,而有事人之

名,臣竊爲大王不取也。

侯割地以事楚,衡合則楚割地以事秦,此兩策者相去遠矣,二者大王何居焉。故敝邑趙王 患,不顧其禍。夫外挾彊秦之威以内劫其主,以求割地,大逆不忠,無過此者。故從親則諸 **溱,此所謂養仇而奉讎者也。 夫爲人臣,割其主之地以外交彊虎狼之溱,以侵天下,卒有溱** 使臣效愚計,奉明約,在大王韶之。」 「夫|秦,虎狼之國也,有吞天下之心。 |秦,天下之仇讎也。 衡人皆欲割諸侯之地以事

以楚當秦,不見勝也;內與羣臣謀,不足恃也。寡人卧不安席,食不甘味,心摇摇然如縣旌 而無所終薄。〔一〕今主君欲一天下,收諸侯,存危國,寡人謹奉社稷以從。」 而韓、魏迫於秦患,不可與深謀,與深謀恐反人以入於秦,故謀未發而國已危矣。 寡人自料 楚王曰:「寡人之國西與秦接境,秦有舉巴蜀并漢中之心。秦,虎狼之國,不可親也。

[二] 集解] 白洛反。

於是六國從合而并力焉。蘇秦爲從約長,并相六國。

北報趙王,乃行過雒陽,車騎輜重,諸侯各發使送之甚衆,疑於王者。「己周顯王聞之恐

蘇

|蘇秦曰:「我非忘子。子之與我至燕,再三欲去我易水之上,方是時,我困,故望子深,是以 爲資,及得富貴,以百金償之。 田二頃、「馬」吾豈能佩六國相印乎」」於是散千金以賜宗族朋友。 然歎曰:「此一人之身,富貴則親戚畏懼之,貧賤則輕易之,況衆人乎!且使我有雒陽負郭 懼,除道,使人郊勞。[三]蘇秦之昆弟妻嫂側目不敢仰視,俯伏侍取食。 「何前倨而後恭也。」嫂委虵蒲服,〔罒〕以面掩地而謝曰:「見季子位高金多也。」 〔罒〕 蘇秦喟 **编報諸所嘗見德者**。 其從者有一人獨未得報,乃前自言。 初, 蘇秦之燕,貸人百錢 蘇秦笑謂其嫂曰:

【二】|索陽||疑作||擬」讀。

後子。子今亦得矣。」

(三) 集解 儀禮曰:「賓至近郊,君使卿朝服用束帛勞。」

(三) | 索隱 | 委虵謂以面掩地而進,若虵行也。 蒲服即匍匐,並音蒲仆。

譙周日·「蘇秦字季子。」 [索隱] 按:其嫂呼小叔爲季子耳,未必即其字。 允南即以爲字,未之得也。

五一索隱 一負者,背也,枕也。近城之地,沃潤流澤,最爲膏腴,故曰「負郭」也。

蘇秦既約六國從親,歸趙,趙肅侯封爲武安君,乃投從約書於秦。「己秦兵不敢闚函谷

關十五年。

二 索隱 乃設從約書。 案:諸本作「投」。言設者,謂宣布其從約六國之事以告於康。若作「投」,亦爲易解。

其後秦使犀首欺齊、魏,與共伐趙,欲敗從約。齊、魏伐趙,趙王讓蘇秦。 蘇秦恐,請使

燕,必報齊。蘇秦去趙二二而從約皆解。

[一] <u>樂</u>解 徐廣曰:「自初説燕至此三年。」

齊先伐趙,次至燕, 以先生之故爲天下笑, 先生能爲 燕得侵地乎。」蘇 秦大慙,曰:「請爲王 燕喪伐燕,取十城。易王謂蘇秦曰:「往日先生至燕,而先王資先生見趙,遂約六國從。今 秦惠王以其女爲燕太子婦。是歲,文侯卒,太子立,是爲燕易王。易王初立,齊宣王因

兵,是食鳥喙之類也。」齊王愀然變色「四」曰:「然則柰何。」蘇秦曰:「臣聞古之善制事者, 聞飢人所以飢而不食鳥喙者、气三爲其愈充腹而與餓死同患也。〔三〕今燕雖弱小,卽秦王之 號令天下,莫敢不聽。是王以虚辭附熹,以十城取天下。此霸王之業也。」王曰:「善。」於 以己之故而歸應之十城,亦必喜。此所謂弃仇讎而得石交者也。 轉禍爲福,因敗爲功。大王誠能聽臣計,卽歸燕之十城。瀌無故而得十城,必喜;秦王知 少壻也。大王利其十城而長與彊秦爲仇。今使弱燕爲鴈行而彊秦敝其後,以招天下之精 蘇秦見齊王,再拜,俯而慶,仰而弔。〔〕齊王曰:「是何慶弔相隨之速也。」蘇秦曰:「臣 ` 夫燕、秦俱事齊,則大王

秦

是乃歸燕之十城。

[一] [索隱] 劉氏云:「當時慶弔應有其詞,但史家不錄耳。」

[三][集解]本草經曰:「島頭,一名鳥喙。」 奚,毒附子也。一歲爲鳥啄,三歲爲附子,四歲爲鳥頭,五歲爲天雄。」 [索隱] 烏啄,音卓,又音許穢反。 今之毒藥烏頭是。 正義廣雅云:「顏

三] [索隱] 劉氏以愈猶暫,非也。謂食烏頭爲其暫愈飢而充腹,少時毒發而死,亦與飢死同患也。

「四」「索隱」愀音自酋反,又七小反。

臣,不受封侯而餓死首陽山下。有廉如此,王又安能使之步行千里而行進取於齊哉?信如 得此三人者以事大王,何若。]王曰:「足矣。」[蘇秦曰:「孝如曾參,義不離其親一宿於外, 非欺之也。臣弃老母於東周,固去自爲而行進取也。今有孝如曾參,廉如伯夷,信如尾生。 之不信,王之福也。臣聞忠信者,所以自爲也,進取者,所以爲人也。且臣之説齊王,曾 蘇秦見燕王曰:「臣,東周之鄙人也,無有分寸之功,而王親拜之於廟而禮之於廷。今臣爲 王又安能使之步行千里而事弱燕之危王哉。廉如伯夷,義不爲孤竹君之嗣,不肯爲武王 王卻齊之兵而(亥)得十城,宜以益親。今來而王不官臣者,人必有以不信傷臣於王者。臣 人有毁蘇秦者曰:「左右賣國反覆之臣也,將作亂。」蘇秦恐得罪,歸,而燕王不復官也。

則恐其逐主母也,欲勿言乎,則恐其殺主父也。於是乎詳僵而弃酒。〔〕主父大怒,答之五 罪者乎。」蘇秦曰:「不然。 過,不幸而類是乎!」燕王曰:「先生復就故官。」益厚遇之。 里卻齊之彊兵哉?臣所謂以忠信得罪於上者也。」燕王曰:「若不忠信耳, 曰『勿憂,吾已作藥酒待之矣』。居三日,其夫果至,妻使妾舉藥酒進之。 尾生,與女子期於梁下,女子不來,水至不去,抱柱而死。 故妾一僵而覆酒,上存主父,下存主母,然而不免於笞,惡在乎忠信之無罪也夫。臣之 臣聞客有遠爲吏而其妻私於人者,其夫將來, 有信如此,王又安能使之步行千 妾欲言酒之有藥, 其私者憂之, 豈有以忠信而 得

.〔一〕[索隱] 詳音羊。詳,詐也。匱,仆也,音茲。

燕而亡走齊,齊宣王以爲客卿。(二) 「臣居燕不能使燕重,而在齊則燕必重。」 易王母,文侯夫人也,與蘇秦私通。 |燕王曰:「唯先生之所爲。」於是|蘇秦詳爲得罪於 燕王知之,而事之加厚。 蘇秦恐誅,乃説燕王曰:

[一] 集解 徐廣曰:「燕易王之十年時。」

燕易王卒、「二燕噲立爲王。其後齊大夫多與蘇秦争寵者,而使人刺蘇秦,不死,殊而走。「三」 齊王使人求賊,不得。 齊宣王卒,湣王卽位,説湣王厚葬以明孝,高宫室大苑囿以明得意,欲破敝齊而爲燕。 蘇秦且死,乃謂齊王曰:「臣卽死,車裂臣於徇於市,曰『蘇秦爲燕作

蘇

之曰:「甚矣,齊之爲蘇生、『〕報仇也」 亂於齊』,如此則臣之賊必得矣。」於是如其言, 而殺蘇秦者果自出,齊王因而誅之。 滅聞

「一」 集解 徐廣日 『 易王十二年卒。」

二][樂解] 風俗通義稱漢令「蠻夷戎狄有罪當殊」。殊者,死也,與誅同指。而此云「不死,殊而走」者,蘇秦時雖不即

死,然是死創,故云「殊」。

子。」對曰:「凡天下戰國七,燕處弱焉。 也。 明王務聞其過,不欲聞其善,臣請謁王之過。 廷, 高,鄙人不敏,釋鉏耨而干大王。至於邯鄲,所見者絀於所聞於東周,臣竊負其志。 遂,亦皆學。 王曰:「夫齊者固寡人之讎,所欲伐也,直患國敝力不足也。 觀王之羣臣下吏,王,天下之明王也。」燕王曰:"子所謂明王者何如也。」對曰:"臣聞 今王奉仇讎以伐援國,非所以利燕也。 蘇秦既死,其事大泄。 及蘇秦死,代乃求見燕王,欲襲故事。 齊後聞之,乃恨怒燕。 獨戰則不能,有所附則無不重。 王自慮之,此則計過, 夫齊、趙者,燕之仇讎也, 臙甚恐。 曰:「臣,東周之鄙人也。 蘇秦之弟曰代,代弟蘇厲,見兄 子能以燕伐齊,則寡人舉國委 無以聞者, 楚、魏者,燕之援國 南附楚, 竊聞大王義甚 非忠臣也。」 楚重; 西 及至燕

附秦,秦重;中附韓、魏,韓、魏重。且苟所附之國重,此必使王重矣。〔一〕今夫齊,長主〔三〕 齊王。齊王怨蘇秦,欲囚蘇厲。燕質子爲謝,已遂委質爲齊臣。曰己 可亡已。」燕王曰:「吾終以子受命於天矣。」 燕乃使一子質於齊。 而蘇厲因燕質子而求見 財。王誠能無羞從子母弟「ペ以爲質、「「ロコ寶珠玉帛以事左右、彼將有德|燕而輕亡|宋,則齊 師,「八一所以備」燕也。今濟西河北盡已役矣,封内敝矣。夫驕君必好利,而亡國之臣必貪於 固!民力罷敝,雖有長城、鉅防,惡足以爲塞!且異日濟西不師,[t]所以備趙也,河北不 爲固,長城、鉅防〔к〕足以爲塞,誠有之乎。」對曰:「天時不與,雖有清濟、濁河,惡足以爲 足取乎!且臣聞之,數戰則民勞,人師則兵敝矣。」燕王曰:「吾聞齊有清濟、濁河「禹〕可以 將。「一」然而以其餘兵南面舉五千乘之大宗,「四」而包十二諸侯。此其君欲得,其民力竭,惡 而自用也。 南攻楚五年,畜聚竭,西困秦三年,士卒罷敝,北與燕人戰,覆三軍,得二

[一][正義]言附諸國、諸國重燕而燕尊重。

〔三〕 索圖 按:謂齊王年長也。或作「齊彊,故言長主」。

[1] 集解 徐廣曰:「齊覆三軍而燕失二將。」 亦謂燕之二將,是燕之失也。 [索隱]按:徐廣云「齊覆三軍而燕失二將」。又戰國策云「獲二將」

四][正義]齊表云「齊湣王三十八年滅宋」,乃當赧王二十九年。此説乃燕噲之時,當周慎王之時,齊〔滅〕宋在前三

十餘年,恐文誤矣。

[五][正義]濟、漯二水上承黄河,並淄、青之北流入海。 黄河又一源從洛、魏二州界北流入海,亦齊西北界。

[六][集解]徐廣曰:「濟北盧縣有防門,又有長城東至海。 一十年,齊閔王築防以爲長城。」太山記云:「太山西有長城,緣河經太山,餘一千里,至琅邪臺入海。」 [正義] 長城西頭在濟州平陰縣界。竹書紀年云:「梁惠王

[十] 正義 濟州已西也。

[八][正義] 謂滄、博等州,在漯河之北。

索隱 戰國策「從」作「寵」。

[10] [正義] 音致。

[]]正義質,真栗反。

「齊王其霸乎。」曰:「不能。」曰:「何也。」曰:「不信其臣。」於是燕王專任子之,已而讓 燕相子之與蘇代婚,而欲得燕權,乃使蘇代侍質子於齊。齊使代報燕,燕王噲問曰:

位,燕大亂。 齊伐燕,殺王噲、子之。「二燕立昭王,而蘇代、蘇厲遂不敢人燕,皆終歸齊,齊

善待之。

[一] 樂解 徐廣日:「是周赧王之元年時也。」

蘇代過魏,魏爲燕執代。 齊使人謂魏王曰:「齊請以宋地封涇陽君、二秦必不受。 秦

信齊,齊凑合,涇陽君有宋地,非魏之利也。故王不如東蘇子,秦必疑齊而不信蘇子矣。 非不利有齊而得宋地也,自己不信齊王與蘇子也。今齊魏不和如此其甚,則齊不欺秦。

|秦不合,天下無變,伐齊之形成矣。| 於是出蘇代。 代之宋,宋善待之。

[一][正義] 涇陽君,秦王弟,名悝也。 涇陽,雍州縣也。齊蘇子告秦共伐宋以封涇陽君,然齊假設此策以救蘇代。 [二][正義]齊言秦相親共伐宋,秦得宋地,又得齊事秦,不信齊及蘇代,恐爲不成也。

齊伐宋,宋急,蘇代乃遺燕昭王書曰:「」

[一][正義] 此書爲宋説燕,令莫助齊、梁。

并之,是益二齊也。夫一齊之彊,燕猶狼顧而不能支,今以三齊臨燕,其禍必大矣。 也,而齊并之,是益一齊也。〔三〕北夷方七百里,〔三〕加之以魯、衞,彊萬乘之國也,而齊 於齊也。齊加不信於王,而忌濕愈甚,是王之計過矣。夫以宋加之淮北,强萬乘之國 宋,殘楚淮北,肥大齊,讎彊而國害:此三者皆國之大敗也。 然且王行之者,將以取信 夫列在萬乘而寄質於齊、「一」名卑而權輕,奉萬乘助齊伐宋,民勢而實費,夫破

一][正義] 燕前有一子質於齊。

[二] [正義] 更以淮北之地加於齊都,是強萬乘之國而齊總并之,是益一齊。

謂山戎、北狄附齊者。 [正義] 齊桓公伐山戎、令支,斬孤竹而南歸海濱,諸侯莫不來服。

蘇秦列傳第九

| 踐棲於會稽,復殘彊吳而霸天下:此皆因禍爲福,轉敗爲功者也。 雖然,智者舉事,因禍爲福,轉敗爲功。齊紫,敗素也,自己而賈十倍,自己越王句

【一〕[集解]徐廣曰:「取敗素染以爲紫。」 [正義]齊君好紫,故齊俗尚之。 取惡素帛染爲紫,其價十倍貴於餘。喻齊 止之,何不試勿衣也?』公謂左右曰:『惡紫薨。』公語三日,境内莫有衣紫者。」 雖有大名,而國中以困弊也。韓子云:「齊桓公好服紫,一國盡服紫,當時十素不得一紫,公患之。管仲曰:『君欲

[二] [索隱] 按:謂紫色價貴於帛十倍,而本是敗素。 以喻齊雖有大名,而其國中困斃也。

信秦王也。然則王何不使可信者接收燕、趙,令涇陽君、高陵君〔□〕先於燕、趙。秦有 諸侯,今爲齊下,秦王之志苟得窮齊,不憚以國爲功。然則王何不使辯士以此言説秦 之所願也。夫實得所利,尊得所願,燕、趙弃齊如脱躥矣。今不收燕、趙,齊霸必成。 齊,曰『必反宋地,歸楚淮北』。反宋地,歸楚淮北,燕、趙之所利也,並立三帝,燕、趙 韓、魏不聽則秦伐之,齊不聽則燕、趙伐之,天下孰敢不聽。 天下服聽,因驅諱、魏以伐 變,因以爲質,則燕、趙信溱。、秦爲西帝,、燕爲北帝,趙爲中帝,立三帝以令於天下。 |王曰:「燕、趙破|宋肥齊,尊之爲之下者,燕、趙非利之也。 |燕、趙不利而勢爲之者,以不 曰「三」「其大上計,破秦;其次,必長賓之」。「三」秦挾賓以待破,秦王必患之。秦五世伐 今王若欲因禍爲福,轉敗爲功,則莫若挑霸齊而尊之,「己使使盟於周室,焚秦符,

尊,不收燕、趙,國危而名卑。夫去尊安而取危卑,智者不爲也。」秦王聞若説,必若 刺心然。則王何不使辯士以此若言説素?秦必取,齊必伐矣。 諸侯贊齊而王不從,是國伐也,諸侯贊齊而王從之,是名卑也。今收燕、趙,國安而名

[一] 正義 挑,田鳥反,執持也。

[二] 正義 符, 徵兆也。

[三][索隱]長音如字。賓爲「擯」。

[正義] 大好上計策,破秦;次計,長擯弃關西。

第一条解 徐廣日馮翊高陵縣。 [索隱] 二人,秦王母弟也。 高陵君名顯。 涇陽君名悝。

夫取凑,厚交也;代齊,正利也。尊厚交,務正利,聖王之事也。

莫可。」乃召蘇代,復善待之,與謀伐齊。竟破齊,湣王出走。 燕昭王善其書,曰:「先人嘗有德蘇氏,子之之亂而蘇氏去燕。」燕欲報仇於齊,非蘇氏

久之,秦召燕王,燕王欲往,蘇代約燕王曰:「楚得枳二〕而國亡,こ三齊得宋而國亡,ここ

齊、楚不得以有枳、宋而事奏者,何也?則有功者,秦之深讎也。 秦取天下,非行義也,暴

也。秦之行暴,正告天下。[四]

[一] 集解 徐廣曰:「巴郡有枳縣。」 [正義] 枳,支是反,今涪州城。在秦,枳縣在江南。

蘇 秦 列 傳 第 九

[二] 集解]徐廣曰:「燕昭王三十三年、秦拔楚鄢、西陵。」 正義 按:西陵在黄州。

[三][正義]年表云齊湣王三十八年,滅宋。四十年,五國共擊湣王,王走莒。

[四] | 索隱 | 正告謂顯然而告天下也。

船出於巴,公司乘夏水而下漢,四日而至五渚。公司寡人積甲宛東下隨,公司智者不及謀,勇士 不及怒,寡人如射隼矣。[к]王乃欲待天下之攻函谷,不亦遠乎!』楚王爲是故,十七年事 「告楚曰:『蜀地之甲,乘船浮於汶,〔一〕乘夏水〔三〕而下江,五日而至郢。 漢中之甲,乘

〔一〕[樂解] 眉貧反。 [潔隱] 音旻。即江所出之岷山也。

〔三〕[索隱]夏音暇。謂夏潦之水盛長時也。

〔三〕|索隱||巴,水名,與漢水近。 [正義] 巴嶺山在梁州南一百九十里。周地志云:「南渡老子水、登巴嶺山。南回

(記) 大江。此南是古巴國,因以名山。」

[四] (集解) 戰國策曰「秦與荆人戰,大破荆,襲郢,取洞庭、五渚」。 然則五渚在洞庭。 也。劉氏以爲宛鄧之閒,臨漢水,不得在洞庭。或說五渚即五湖,益與劉説不同也。 |索隱||按:五渚,五處洲渚

(至)||索隱||宛縣之東而下隨邑。

[六] [索] 按: 易日「射隼于高墉之上,獲之,無不利」。 秦王言我今伐楚,必當捷獲也。 正義 隼若今之鶻。

「秦正告韓曰:『我起乎少曲、「一日而斷大行。「一我起乎宜陽而觸平陽、「一一日而

莫不盡繇。[四]我離兩周而觸鄭,五日而國舉。』[四]韓氏以爲然,故事秦。

- [一][索隱]地名,近宜陽也。 [正義]在懷州河陽縣西北,解在范睢傳。
- [三] 正義] 太行山羊腸阪道,北過韓上黨也。
- [三][正義]宜陽、平陽皆韓大都也,隔河也。
- [四] 索隱] 音摇。摇,動也。
- 五] [索隱] 離,如字。謂屯兵以罹二周也,而乃觸擊于鄭,故五日國舉。 舉猶拔也。 正義 離,歷也。歷二周而東

觸新鄭州,韓國都拔矣。

周。〔四〕乘夏水,浮輕舟,彊弩在前,錟〔四〕戈在後,決滎口,魏無大梁,〔六〕決白馬之口, 秦正告魏曰:『我舉安邑,塞女戟,〈二〕韓氏太原卷。〈三〕我下軹,道南陽,封冀,〈『〕包兩 魏無

外黄、濟陽、ても〕決宿胥之口、てく〕魏無虚、頓丘。ても〕陸攻則擊河内,水攻則滅大梁。』魏氏

以爲然,故事秦。

[一] 索隱] 女戟, 地名, 蓋在太行山之西。

[三][潔隱]劉氏卷音軌免反也。按:「舉安邑,塞女戟,及至韓氏之韓國宜陽也。太原者,魏地不至太原,亦無别名太

廣云「霸陵有軹道亭」,非魏之境,其疏謬如此。 原者,蓋「太」衍字也。原當爲「京」。原及卷皆屬榮陽,是魏境。又下軹道是河内軹縣,言「道」者,亦衍字。徐 正義]卷, 軌免反。劉伯莊云:「太原當爲太行。卷猶斷絕。」

[]] (集解] 徐廣曰:「霸陵有軹道亭,河東皮氏有冀亭也。」 |索隱||按:魏之南陽即河内也。 封、封陵也。冀,冀邑。

蘇秦列傳第九

皆在魏境,故徐廣云「河東皮氏縣有冀亭」。

[四] [集解] 徐廣曰:「張儀曰『下河東,取成皋』也。」 正義一兩周,王城及鞏。

[至] (集解)徐廣曰:「由冄反。」 [正義] 劉伯莊云:「音四廉反、利也。」

[中][索隱]白馬河津在東郡,決其流以灌外黄及濟陽。 「六」「索隱」榮澤之口與今汴河口通,其水深,可以灌大梁,故云「無大梁」也。 正義一故黄城在曹州考城縣東二十四里。濟陽故城在曹

州宽朐縣西南三十五里。

[八][集解]徐廣日:「紀年云魏救山塞集胥口。」 [索隱] 按:紀年作「胥」,蓋亦津之名,今其地不知所在也。 正義

洪水出衞州洪縣界之洪口,東至黎陽人河。魏志云:「武帝於清洪口東因宿胥故濱開白溝,道清淇二水人焉。」

[九] 樂解] 徐廣曰:「秦始皇五年,取魏酸棗,燕虚、長平。」 [索隱] 虚,邑名,地與酸棗相近。 正義虚謂殷墟,今

相州所理是。 頓丘故城在魏州頓丘縣東北二十里。括地志云:「二國地時屬魏。」

面。寡人地絶兵遠,不能攻也。王苟能破宋有之,寡人如自得之。』已得安邑,塞女戟,因 「秦欲攻安邑,恐齊救之,則以宋委於齊。 曰:『宋王無道,爲木人以(寫)[象]寡人,射其

以破宋爲齊罪。「二

[一] 索隱] 秦令齊滅宋,仍以破宋爲齊之罪名。

下以攻寡人者三。有齊無秦,有秦無齊,必伐之,必亡之。』已得宜陽、少曲,致藺、〔離〕石, 「溱欲攻韓,恐天下救之,則以齊委於天下。曰:『齊王四與寡人約,四欺寡人,必率天

因以破齊爲天下罪。

「秦欲攻魏重楚,「一」 則以南陽委於楚。 曰:「三」『寡人固與韓且絶矣。 殘均陵, 塞剛

- [一] 索隱] 重猶附也,尊也。 正義畏楚救魏。
- (三)正義]南陽鄧州地,本韓地也。 韓先事秦,今楚取南陽,故言「與韓且絶矣」。
- 江夏。 鄳音宣。 正義 均州故城在隨州西南五十里,蓋均陵也。 徐廣曰:「鄳,江夏鄳縣。均,一作『灼』。」 又申州羅山縣本漢鄳縣。申州有平清關,蓋古鄳縣之 索隱均陵在南陽,蓋今之均州。 **黽音盲,縣名,在**

阸塞。

「兵困於林中、二」重燕、趙, 以膠東委於燕, 以濟西委於趙。 已得講於魏了三至公子

延八三因犀首屬行四二而攻趙。

[一] 集解]徐廣曰:「河南苑陵有林鄉。」

索隱 講,和也,解也。 秦與魏和也。

|索隱||至當爲「質」,謂以公子延爲質也。

索隱 犀首、公孫衍本魏將,因之以屬軍行。 行音胡郎反,謂連兵相續也。

「兵傷於譙石,而遇敗於陽馬,「二而重魏, 則以葉、蒸委於魏。 已得講於趙, 則劫魏,

、魏」不爲割。 困則使太后弟穰侯爲和,嬴則兼欺舅與母。「三」

蘇 秦

【二】|索隱]按:譙石、陽馬並趙地名,非縣邑也。

[二] ||索隱] 按: 嬴猶勝也。 舅,穰侯魏冄也。母,太后也。

院』,適齊者曰『以宋』。 此必令言如循環,用兵如刺蜚,母不能制,舅不能約。 「適燕者「「〕日『以膠東』,適趙者日『以濟西』,適魏者曰『以葉、蔡』, 適楚者曰『以塞鄳

〔一〕[索隱] 適音宅。適者,責也。下同。

晉之民數百萬,今其生者皆死秦之孤也。 西河之外,上雒之地,三川晉國之禍, 三晉之半, 「龍賈之戰、「二岸門之戰、「三封陵之戰、「三高商之戰、「四趙莊之戰、「五」秦之所殺三

|秦禍如此其大也。C k J而臙、趙之|秦者,C ヤ J皆以争事|秦説其主,此臣之所大患也。 J

(一) 集解]魏襄王五年,秦敗我龍賈軍。

[三] [樂解] 韓宣惠王十九年,秦大破我岸門。

[三] [集解] 魏哀王十六年,秦敗我封陵。

[四] 集解] 此戰事不見。

[三] [集解] 趙肅侯二十二年,趙莊與秦戰敗,秦殺趙莊河西。

《] 索隱] 以言西河之外,上雒之地及三川晉國,皆是秦與魏戰之處,秦兵禍敗我三晉之半,是秦禍如此其大者乎。

[中][索隱] 燕、趙之人往秦者、謂游説之士也。

燕昭王不行。蘇代復重於燕。

|燕使約諸侯從親如蘇秦時,或從或不,而天下由此宗蘇氏之從約。 代、厲皆以壽死,名

顯諸侯。

死,天下共笑之,諱學其術。然世言蘇秦多異, 異時事有類之者皆附之蘇秦。 |太史公曰:|蘇秦兄弟三人、气]皆游説諸侯以顯名,其術長於權變。 而蘇秦被反閒以 夫蘇秦起閭

閻,連六國從親,此其智有過人者。吾故列其行事,次其時序,毋令獨蒙惡聲焉。

【索隱述贊】季子周人,師事鬼谷。 [一] [索隱] 按: 識允南以爲蘇氏兄弟五人,更有蘇辟、蘇鵠,典略亦同其說。 按:蘇氏譜云然。 揣摩既就,陰符伏讀。合從離衡,佩印者六。天王除道,家人扶服。

賢哉代、厲,繼樂黨族。

史記卷七十

張儀列傳第十

張儀者,魏人也。「」始嘗與蘇秦俱事鬼谷先生,學術,蘇秦自以不及張儀。

|] [集解] | 吕氏春秋曰:「儀,魏氏餘子。」 [索隱] 按: 晉有大夫張老,又河東有張城,張氏爲魏人必也。 而吕覽以 卿之嫡爲公族大夫。餘子,嫡子之母弟也。公行,庶子掌公戎行也。」藝文志云張子十篇,在縱横流。 爲魏氏餘子,則蓋魏之支庶也。又書略說餘子謂庶子也。 正義」左傳晉有公族、餘子、公行。杜預云:「皆官

必此盜相君之壁。」共執張儀,掠笞數百,不服,醳气之之。其妻曰:「嘻!〔三〕子毋讀書游説, 安得此辱乎。〕張儀謂其妻曰:「視吾舌尚在不。」其妻笑曰:「舌在也。」儀曰:「足矣。」

張儀已學而游説□」諸侯。嘗從楚相飲,已而楚相亡璧,門下意張儀,曰:「儀貧無行,

[一] |索隱| 音税。

[二] 集解] 音釋。 [索隱] 古釋字。

[三] | 家際 | 音僖。 鄭玄日:「嘻, 悲恨之聲。」

張儀

列傅

第十

不足收也。」謝去之。張儀之來也,自以爲故人,求益,反見辱,怒,念諸侯莫可事,獨秦能 僕妾之食。因而數讓之[三]曰:「以子之材能,乃自令困辱至此。吾寧不能言而富貴子,子 趙,上謁求見蘇秦。蘇秦乃誡門下人不爲通,又使不得去者數日。已而見之,坐之堂下,賜 使人微感張儀曰:「子始與蘇秦善,今秦已當路,子何不往游,以求通子之願。」張儀於是之 蘇秦已說趙王而得相約從親、自己然恐秦之攻諸侯,敗約後負,念莫可使用於秦者,乃

[一] 索隱] 從音足容反。

苦趙,乃遂入秦。

[三][索隱]按:謂數設詞而讓之。讓亦責也。數音朔。

取給,而弗告。張儀遂得以見秦惠王。惠王以爲客卿,與謀伐諸侯。 乃言趙王,發金幣車馬,使人微隨張儀,與同宿舍,稍稍近就之,奉以車馬金錢,所欲用,爲 張儀可耳。然貧,無因以進。吾恐其樂小利而不遂,故召辱之,以激其意。子爲我陰奉之。」 蘇秦已而告其舍人曰:「張儀,天下賢士,吾殆弗如也。今吾幸先用,而能用案柄者,獨

資,盡蘇君之計謀。 今君已用,請歸報。」張儀曰:「嗟乎,此在吾術中而不悟,吾不及蘇君 君,知君乃蘇君。蘇君憂秦伐趙敗從約,以爲非君莫能得秦柄,故感怒君,使臣陰奉給君 蘇秦之舍人乃辭去。張儀曰:「賴子得顯,方且報德,何故去也?」舍人曰:「臣非知

明矣!吾又新用,安能謀趙乎。爲吾謝蘇君,蘇君之時,儀何敢言。且蘇君在,儀寧渠能 乎」「一」張儀既相凑,爲文檄「三」告憷相曰:「始吾從若飲、「三」我不盜而壁,若笞我。若善

守汝國,我顧且盜而城」

(二) 集解 渠音詎。 索隱 渠音詎,古字少,假借耳。

【三〕[集解]徐廣日:「一作『尺一之檄』。」 [索隱] 按:徐廣云一作「丈二檄」。 王劭按春秋後語云「丈二尺檄」。 許慎

云「檄,二尺書」。

[1][索隱] 若者,汝也。下文而亦訓汝。

秦,秦惠王欲先伐韓,後伐蜀,恐不利,欲先伐蜀,恐韓襲秦之敝,猶豫未能決。司馬錯〔三〕與 張儀争論於惠王之前,司馬錯欲伐蜀,張儀曰:「不如伐韓。」 王曰:「請聞其説。」 苴蜀相攻擊、二人各來告急於秦。 秦惠王欲發兵以伐蜀,以爲道險狹難至,而韓又來侵

[一] 集解] 徐廣曰:「譙周曰益州『天苴』讀爲『包黎』之『包』,音與『巴』相近,以爲今之巴郡。」 [索隱] 苴音巴。謂 中,號日苴侯,因命之邑日葭萌。苴侯與巴王爲好,巴與蜀爲讎,故蜀王怒,伐苴。苴奔巴,求救於秦。秦遣張儀 之「芭」。按:芭黎即織木葺爲葦籬也,今江南亦謂葦籬曰芭籬也。 巴、蜀之夷自相攻擊也。 今字作「苴」者,按巴苴是草名,今論巴,遂誤作「苴」也。或巴人、巴郡本因芭苴得名,所 以其字遂以「苴」爲「巴」也。注「益州天苴讀爲芭黎」,天苴卽巴苴也。譙周,蜀人也,知「天苴」之音讀爲「芭黎」 [正義] 華陽國志云:「昔蜀王封其弟于漢

張

列傳

第十

二二八二

從子午道伐蜀。〔蜀〕王自葭萌禦之,敗鐀,走至武陽,爲秦軍所害。秦遂滅蜀,因取苴與巴焉。」抵地志云:「苴 侯都葭萌,今利州益昌縣五十里葭萌故城是。蜀侯都益州巴子城,在合州石鏡縣南五里,故墊江縣也。巴子都

[三] | 索隱 七各反,又七故反,二音。

江州,在都之北,又峽州界也。」

鄭、『『秦攻新城、「『『宜陽,「よ』以臨二周之郊,誅周王之罪,侵楚、魏之地。周自知不能救, 利者於市。今三川、周室,天下之朝市也,而王不争焉,顧争於戎翟,去王業遠矣。」「や」 西僻之國而戎翟之倫也,敝兵勞衆不足以成名,得其地不足以爲利。臣聞争名者於朝,争 九鼎寶器必出。據九鼎,案圖籍,挾天子以令於天下,天下莫敢不聽,此王業也。今夫閩, 儀曰:「親魏善楚,下兵三川,塞什谷之口,<一」當屯留之道,<< 三魏絕南陽,< 三)整臨南

一][樂解]徐廣曰:「一作『尋』,成皋鞏縣有尋口。」 [索隱]一本作「尋谷」,尋什聲相近,故其名惑也。戰國策云「懷 出北山鄢溪。又有故鄩城,在鞏縣西南五十八里。」按:洛州綠氏縣東南四十里,與鄢溪相近之地。 轅、緱氏之口」,亦其地相近也。 [正義] 括地志云:「温泉水即尋,源出洛州鞏縣西南四十里。注水經云鄩城水

【三][正義] 屯留,潞州縣也。 道即太行羊腸阪道也

[三][正義]南陽,懷州也。是當屯留之道,令魏絕斷壞羊腸、韓上黨之路也。

[正義] 是塞什谷之口也。令楚兵臨鄭南,塞轘轅鄂口,斷韓南陽之兵也。

(五) 索隱 此新城當在河南伊闕之左右。

[六][正義] 洛州福昌縣也。

[4] | 索陽 | 去王遠矣。王音于放反。

之名,而攻天下所不欲,危矣。臣請謁其故:「禹〕周,天下之宗室也,齊,韓之與國也。 地與魏,王弗能止也。 知失九鼎,韓自知亡三川,「私」將二國并力合謀,以因乎濟、趙而求解乎楚、魏,以鼎與楚,以 舉而名實附也,□□而又有禁暴止亂之名。今攻韓,劫天子,惡名也,而未必利也,又有不義 兵,不傷衆而彼已服焉。〔三〕拔一國而天下不以爲暴,利盡西海〔三〕而天下不以爲貪,是我一 也,有樂紂之亂。 三資者備而王隨之矣。今王地小民貧,故臣願先從事於易。夫圖,西僻之國也,而戎翟之長 司馬錯曰:「不然。 以秦攻之,譬如使豺狼逐羣羊。得其地足以廣國,取其財足以富民气〕繕 此臣之所謂危也。 臣聞之,欲富國者務廣其地,欲彊兵者務富其民,欲王者務博其德, 不如伐蜀完。」 周自

[一][索隱]遇其財。戰國策「遇」作「得」。

[三][正義] 繕音膳、同「饍」、具食也。

三] |索隱| 西海謂蜀川也。 夷晦昧無知,故言海也。 海者珍藏所聚生,猶謂秦中爲「陸海」然也。 言利盡西方羌戎。 其實西亦有海也。 正義海之言晦也,西

四] |索陽] 按:名謂傳其德也,實謂土地財寶。

〔五〕[索隱] 謁者,告也,陳也。 故,謂陳不宜伐之端由也。

[<] | 正義 | 韓自知亡三川,故與周并力合謀也。

惠王曰:「善,寡人請聽子。」卒起兵伐蜀,十月,取之,仁己遂定蜀,仁己貶蜀王更號爲

侯,而使陳莊相蜀。 蜀既屬秦,秦以益彊,富厚,輕諸侯。

〔一〕[索隱] 六國年表在惠王二十二年十月也。

[二][正義]表云秦惠王後元年十月,擊滅之。

於魏。 惠王乃以張儀爲相,更名少梁日夏陽。「三」 秦惠王十年,使公子華「」與張儀圍蒲陽、「三降之。儀因言秦復與魏,而使公子繇質 儀因説魏王曰:「秦王之遇魏甚厚, 魏不可以無禮。」魏因人上郡、少梁, 謝秦惠王。

ハーコ(繁解) 徐廣日:「一作『革』。」

[三][索隱]魏邑名也。 [正義]在隰州隰川縣,蒲邑故城是也。

〔三〕[樂解]徐廣曰:「夏陽在梁山龍門。」 城縣南二十三里。夏陽城在縣南二十里。梁山在縣東南十九里。龍門山在縣北五十里。 |索陽| 音下。夏,山名也,亦曰大夏,是蜀所都。 正義少梁城,同州韓

儀相奏四歲,立惠王爲王。〔〕居一歲,爲秦將,取陝。 築上郡塞。

【二】正義表云惠王之十三年、周顯王之三十四年也。

其後二年,使與齊、楚之相會齧桑。 東還而免相,相魏以爲秦,欲令魏先事秦而諸侯效

之。 留魏四歲而魏襄王卒,哀王立。張儀復説哀王,哀王不聽。 魏王不肯聽儀。 秦王怒,伐取魏之曲沃、平周, 復陰厚張儀益甚。 於是張儀陰令秦伐魏。 張儀慙,無以歸報。 魏與秦

戰,敗。

謂四分五裂之道也。 東,東與齊而不與趙,則趙攻其北,不合於韓,則韓攻其西,不親於楚,則楚攻其南: 齊境,卒戍四方,守亭鄣者不下十萬。 限。 |儀復説魏王曰:「魏地方不至千里,卒不過三十萬。 從鄭至梁二百餘里,車馳人走,不待力而至。 明年,齊又來敗魏於觀津。日上秦復欲攻魏,先敗韓申差軍,斬首八萬,諸侯震恐。 梁之地勢,固戰場也。 地四平,諸侯四通輻凑,無名山大川之 梁南與楚境,西與韓境,北與趙境,東與 梁南與楚而不與齊,則齊攻其 而張

[二] 集解 觀音貫。

以盟洹水之上,自己以相堅也。而親昆弟同父母,尚有争錢財,而欲恃詐僞反覆蘇秦之餘 「且夫諸侯之爲從者,將以安社稷尊主彊兵顯名也。今從者一天下,約爲昆弟,刑白馬

(二) 集解 洹音桓。

謀,其不可成亦明矣。

「大王不事秦,秦下兵攻河外,「□據卷、衍、〔燕〕、、酸棗,〔三〕劫衞取陽晉,〔三〕則趙不

梁¸< β〕韓怯於溱¸溱韓爲一,梁之亡可立而須也。此臣之所爲大王患也。 南,趙不南而梁不北,梁不北則從道絶,從道絶則大王之國欲毋危不可得也。 秦折韓而攻

正義一河外即卷,衍、燕、酸棗。

「三」「集解」巻、丘權反。行、以善反。 索隱卷縣在河南。 衍,地名。 [正義] 卷、衍屬鄭州;燕,

滑州胙城縣;

三] 正義 故城在曹州乘氏縣西北三十七里。 酸聚屬滑州:皆黄河南岸地。

四」「索隱」戰國策「折」作「挾」也。

「爲大王計,莫如事凑。 事秦則楚、韓必不敢動;無楚、 韓之患,則大王高枕而卧,(二)

國必無憂矣。

二]正義 枕,針鴆反。

多,然而輕走易北,不能堅戰。悉梁之兵南面而伐楚,勝之必矣。割楚而益梁,虧楚而適 |秦,嫁禍安國,此善事也。 大王不聽臣,|秦下甲士而東伐,雖欲事|秦,不可得矣。 「且夫〉人所欲弱者莫如楚,而能弱楚者莫如梁。 楚雖有富大之名而實空虚, 其卒雖

目切齒以言從之便,以説人主。人主賢其辯而牽其説,豈得無眩哉。 「且夫從人多奮辭而少可信,說一諸侯而成封侯,是故天下之游談士莫不日夜搤腕瞋

臣聞之,積羽沈舟,羣輕折軸,衆口鑠金,積毁銷骨,故願大王審定計議,且賜骸骨辟

魏。

哀王於是乃倍從約而因儀請成於秦。 張儀歸, 復相秦。 三歲而魏復背秦爲從。 秦攻

魏,取曲沃。 明年,魏復事溱。

閉 絶於齊,使人隨張儀。 秦,必負王 也, 其有齊也。 而 兵得六 六百里,气〕使秦女得爲大王箕帚之妾,秦楚娶婦嫁女,長爲兄弟之國。 僻陋 口毋 齊秦 計無便此者。」楚王大説而許之。 之國, 秦欲伐齊,齊楚從親,於是張儀往相楚。 《復言,以 百里 合, 了。 是北絶齊交,西生患於 秦也, 而 齊秦合則患必至矣。」 子何以教之。」儀說楚王曰:「大王誠能聽臣, 今閉關 地,羣臣皆賀, 待寡 絶約於齊, 人得地。」乃以相印授張儀,厚賂之。 苟與吾地,絕齊未晚也,不與吾地, 子獨弔, 則楚孤。 楚王曰:「有説乎?」 何也。」陳軫對日:「不然,以臣觀之, 羣臣皆賀, 秦奚貪夫孤國, 兩國之兵必俱至。 楚懷王聞張儀來, 陳軫獨弔之。 陳軫對日:「夫秦之所以 而與之商於之地六百里。張儀 閉關絶約於齊,臣請獻商 於是遂閉關絶約於齊, 陰合謀計也。」 善爲王計者,不若陰 楚王怒曰:「寡 虚上舍而自館之。 此北弱 楚王日:「 商於 之地 齊而 人不 重楚者, 使 於之地 輿 曰:「此 願 合而陽 不可得 西 陳子 師 益 至 以 發 秦

張

隨張儀。

[一] [索隱] 劉氏云:「商卽今之商州,有古商城;其西二百餘里有古於城。」

以賂秦,與之并兵而攻齊,是我出地於秦,取償於齊也,王國尚可存。」楚王不聽,卒發兵而 聞六里。」還報楚王,楚王大怒,發兵而攻秦。陳軫曰:「軫可發口言乎?攻之不如割地反 者曰:「臣有奉邑六里,願以獻大王左右。」楚使者曰:「臣受令於王,以商於之地六百里,不 勇士至宋,借宋之符,北駡齊王。齊王大怒,折節而下秦。秦齊之交合,張儀乃朝,謂楚使 發兵而襲秦,至藍田,大戰,楚大敗,於是楚割兩城以與秦平。 使將軍屈匄擊秦。秦齊共攻楚,斬首八萬,殺屈匄,遂取丹陽、〔三漢中之地。〔三楚又復益 張儀至秦,詳失綏墮車,二二不朝三月。楚王聞之,曰:「儀以寡人絶齊未甚邪。」乃使

[二][集解]徐廣曰:「在枝江。」

三] 正義] 今梁州也,在漢水北。

地。」秦王欲遣之,口弗忍言。張儀乃請行。惠王曰:「彼楚王怒子之負以商於之地,是且甘 心於子。」張儀曰:「秦彊楚弱,臣善斯尚,尚得事楚夫人鄭袖,袖所言皆從。且臣奉王之節 秦要楚口一欲得黔中地,欲以武關外口一易之。楚王曰:「不願易地,願得張儀而獻黔中

媵。 甚愛張儀而不欲出之,「『」今將以上庸之地六縣「『〕賂楚,以美人聘楚,以宫中善歌謳者爲 使煙,煙何敢加誅。 「人臣各爲其主用。 將殺之。 妾請子母俱遷江南,毋爲秦所魚肉也。」懷王後悔,赦張儀,厚禮之如故。 楚王重地尊崇, 秦女必貴而夫人斥矣。 不若爲言而出之。」 於是鄭袖日夜言懷王曰: 斯尚謂鄭袖曰:「子亦知子之賤於王乎。」 今地未入秦,秦使張儀來,至重王。王未有禮而殺張儀, 假令誅臣而爲秦得黔中之地,臣之上願。」 鄭袖曰:「何也。」」斯尚曰:「秦王 遂使楚。 楚懷王至則囚張 秦必大怒攻

[二]正義] 要音腰也。

[三][正義] 即商於之地。

[三][索隱]按:「不」字當作「必」。 時張儀爲楚所囚,故必欲出之也。 [正義] 秦王不欲出張儀使楚,若欲自行,今

|秦欲以上庸地及美人贖儀。

[四][正義] 今房州也。

以嚴,將智以武,雖無出甲,席卷常山之險,必折天下之脊,〔三〕天下有後服者先亡。且夫爲 以爲固。 從者,無以異於驅羣羊而攻猛虎,虎之與羊不格明矣。今王不與猛虎而與羣羊,臣竊以爲 張儀既出,未去,聞蘇秦死,仁己乃説楚王曰:「秦地半天下,兵敵四國,被險帶河,四塞 虎賁之士百餘萬,車千乘,騎萬匹,積粟如丘山。法令既明,士卒安難樂死,主明

大王之計過也。

[一] [索隱] 按:此時當秦惠王之後元十四年。

〔三〕[索隱] 按:常山於天下在北,有若人之背脊也。 [正義] 古之帝王多都河北、河東故也。

陽,韓之上地不通。下河東,取成皋,韓必人臣,梁則從風而動。秦攻楚之西,韓、梁攻其 「凡天下彊國,非豦而憷,非憷而孱,兩國交争,其勢不兩立。大王不與孱,秦下甲據宜

北、社稷安得毋危?

卒有凑禍,气 三無及爲已。是故願大王之孰計之。 不如者勿與挑戰,自己栗不如者勿與持久。夫從人飾辯虚辭,高主之節,言其利不言其害, 「且夫從者聚羣弱而攻至彊,不料敵而輕戰,國貧而數舉兵,危亡之術也。臣聞之,兵

[一]正義挑,田鳥反。

[三][正義] 卒, 悤勿反。

十日而距扞關。〔三〕扞關驚,則從境以東盡城守矣,黔中、巫郡非王之有。 舫載五十人與三月之食,下水而浮,一日行三百餘里,里數雖多,然而不費牛馬之力,不至 面而伐,則北地絶。「即」秦兵之攻楚也,危難在三月之内,而楚待諸侯之救,在半歲之外,此 秦舉甲出武關,南

其勢不相及也。 夫(待)[恃]弱國之救,忘彊秦之禍,此臣所以爲大王患也。

[一] 正義] 汶音泯。

[三][索隱] 枋船。枋音方,謂並兩船也。亦音舫。

三] 集解 徐廣日:「巴郡魚復縣有扞水關。」 [索隱] 扞關在楚之西界。復音伏。按:地理志巴郡有魚復縣。

正義。在硤州巴山縣界。

[四]正義] 楚之北境斷絶。

「大王嘗與吳人戰,五戰而三勝,陣卒盡矣;偏守新城,「己存民苦矣。 臣聞功大者易

危,而民敝者怨上。夫守易危之功而逆彊凑之心,臣竊爲大王危之。

正義一新攻得之城,未詳所在。

「且夫」秦之所以不出兵函谷十五年以攻齊、趙者,陰謀有合「〕天下之心。 楚嘗與秦構

難,戰於漢中,行司楚人不勝,列侯執珪死者七十餘人,遂亡漢中。 於藍田。 此所謂兩虎相搏「三者也。 夫秦楚相做而韓魏以全制其後,計無危於此者矣。 楚王大怒,興兵襲秦, 戰

大王孰計之。

[一] 集解 徐廣曰:「一作『吞』。」

〔三〕 [索隱] 其地在秦南山之南,楚之西北,漢水之北,名曰漢中。

[三]集解]徐廣日:「或音『戟』。」

張儀列傳第十

「秦下甲攻衞陽晉,必大關天下之匈。「□大王悉起兵以攻宋,不至數月而宋可舉,舉宋

而東指,則泗上十二諸侯「三盡王之有也。

[一][集解]徐廣曰:「關,一作『開』。」 蓋其地是秦、晉、齊、楚之交道也。以言秦兵據陽晉,是大關天下胷,則他國不得動也。 [索隱] 攻衞陽晉,大關天下胷。夫以常山爲天下脊,則此衞及陽晉當天下胷,

[三][索隱] 謂邊近泗水之側,當戰國之時有十二諸侯,宋、魯、邾、莒之比也。

僞之<u>蘇秦,而欲經營天下,混一諸侯,〔〕其不可成亦明矣</u>。 乃詳有罪出走入齊,齊王因受而相之,居二年而覺,齊王大怒,車裂蘇秦於市。夫以一詐 「凡天下而以信約從親相堅者蘇秦、封武安君,相燕,即陰與燕王謀伐破齊而分其地,

[一] [索隱] 混,本作「棍」,同胡本反。

攻伐。臣以爲計無便於此者。」 人質於秦,請以秦女爲大王箕帚之妾,效萬室之都以爲湯沐之邑,長爲昆弟之國,終身無相 「今〉秦與楚接境壤界,固形親之國也。大王誠能聽臣,臣請使〉秦太子入質於楚,楚太子

也。 至,臣以爲大王烹之,今縱弗忍殺之,又聽其邪説,不可。」懷王曰:「許儀而得黔中, 後而倍之,不可。」故卒許張儀,與秦親。 於是楚王已得張儀而重出黔中地與秦,欲許之。屈原曰:「前大王見欺於張儀,

良,戎兵之衆,探前跌後「馬」蹄閒三尋「к」騰者,不可勝數。山東之士被甲蒙胄以會戰,秦人 捐甲徒裼「ヤ」以趨敵,左挈人頭,右挾生虜。夫秦卒與山東之卒,猶孟賁之與怯夫,以重力 百餘萬,車千乘,騎萬匹,虎賁之士跿跔科頭「三」貫頤「三」奮戟者,「四」至不可勝計。 |秦馬之 不過三十萬,而廝徒負養自己在其中矣。除守徼亭鄣塞,見卒不過二十萬而已矣。|秦帶甲 相壓,猶鳥獲之與嬰兒。夫戰孟賁、鳥獲之士以攻不服之弱國,無異垂千鈞之重於鳥卵之 (飯)菽[飯]藿羹。一歲不收,民不饜糟糠。地不過九百里,無二歲之食。料大王之卒,悉之 張儀去楚,因遂之韓,說韓王曰:「韓地險惡山居,五穀所生,非菽而麥,民之食大抵

〔三〕[集解] 跿跔音徒俱,跳躍也。又云偏舉一足曰跿跔。科頭謂不著兜鍪人敵。 [一] [索隱] 厮音斯,謂襍役之賤者。 負養謂負擔以給養公家,亦賤人也。 上,必無幸矣。

劉氏云「謂跳躍也」。又韻集云「偏舉一足曰跿跔」。戰國策曰「虎擊之士跿跔」。 科頭謂不著兜鍪。

跔又

[三][索隱]謂兩手捧頤而直人敵,言其勇也。

[四][集解]言執载奮怒而人陳也。 [索隱] 謂又有執戟者奮怒而趨人陣。

〔五〕[索隱] 謂馬前足探向前,後足趹於後。 趹音烏穴反。 趹謂後足抉地,言馬之走執疾也。

[K] [索隱] 按: 七尺日尋。言馬走之疾,前後蹄閒一擲過三尋也。

[中][索隱]徒者、徒跣也。裼,袒也、謂袒而見肉也。

「夫羣臣諸侯不料地之寡,而聽從人之甘言好辭,比周以相飾也,皆奮曰『聽吾計可以

彊霸天下』。 夫不顧社稷之長利而聽須臾之説,詿誤人主,無過此者。

成C \ \ 非王之有也。夫塞成皋,絶上地,則王之國分矣。先事 |秦則安,不事 |秦則危。 而求其福報,計淺而怨深,逆奏而順楚,雖欲毋亡,不可得也。 「大王不事秦,秦下甲據宜陽,斷韓之上地,東取成皋、滎陽,則鴻臺之宫、 桑林之

一][集解]徐廣曰:「桑,一作『栗』。」 [索隱]按:此皆韓之宫苑,亦見戰國策。

|楚也,其地勢然也。今王西面而事|秦以攻楚,秦王必喜。 夫攻楚以利其地,轉禍而説 |秦,計 無便於此者。」 「故爲大王計,莫如爲凑。「己秦之所欲莫如弱楚,而能弱楚者莫如韓。非以韓能彊於

[一] 集解] 爲,于僞反。

彊國無過齊者,大臣父兄殷衆富樂。 然而爲大王計者,皆爲一時之説,不顧百世之利。 從 百崇,將無柰齊何』。大王賢其説而不計其實。夫從人朋黨比周,莫不以從爲可。臣聞之, 人説大王者,必曰『齊西有彊趙,南有韓與梁。齊,負海之國也,地廣民衆,兵彊士勇,雖有 韓王聽儀計。 張儀歸報,秦惠王封儀五邑,號曰武信君。 使張儀東説齊湣王曰:「天下

齊與魯三戰而魯三勝,國以危亡隨其後,雖有戰勝之名,而有亡國之實。 |吾「 | 〕之下,再戰又勝|秦。四戰之後,趙之亡卒數十萬,|邯鄲|僅存,雖有戰勝之名而國已破 魯小也。今秦之與齊也, 矣。是何也?秦彊而趙弱。 猶齊之與魯也。秦趙戰於河漳之上,再戰而趙再勝秦, 是何也?齊大而 戦於番

[一] | 索隱] 上音盤,又音婆,趙之邑也。

閒气以事奏。大王不事奏,秦驅韓梁攻齊之南地,悉趙兵渡清河,指博關、四路菑、即墨 非王之有也。國一日見攻,雖欲事秦,不可得也。是故願大王孰計之也。」 「今秦楚嫁女娶婦,爲昆弟之國。韓獻宜陽,梁效河外、江」趙入朝澠江」池,

[二] 索隱] 按"河外,河之南邑,若曲沃、平周等也。 正義謂同、華州地也。

[二] 集解 縣善反。

三] | 索隱] 謂河漳之閒邑,暫割以事秦耳。 | 正義] 河閒,瀛州縣。

图][正義] 博關在博州。趙兵從貝州度黃河,指博關,則漯河南臨淄、即墨危矣。

齊王曰:「齊僻陋,隱居東海之上,未嘗聞社稷之長利也。」乃許張儀。

敢出函谷關十五年。大王之威行於山東,敝邑恐懼懾伏,繕甲厲兵,飾車騎、二習馳射,力 張儀去,西説趙王曰:「敝邑秦王使使臣效愚計於大王。 大王收率天下以賓秦,秦兵不

張儀列傳第十

田積栗,守四封之内,愁居懾處,不敢動摇,唯大王有意督過之也。〔三〕

[二]正義]飾音勑。

「二」[索隱] 督者,正其事而責之,督過,是深責其過也。

合戰,以正殷紂之事,敬使使臣先聞左右。 含怒之日久矣。今秦有敝甲凋兵,軍於澠池,願渡河踰漳,據番吾,會邯鄲之下, 「今以大王之力,舉巴蜀,并漢中,包兩周,遷九鼎,守白馬之津。秦雖僻遠,然而心忿 願以甲子

魚鹽之地,此斷趙之右臂也。 夫斷右臂而與人鬭,失其黨而孤居,求欲毋危,豈可得乎? 令車裂於市。夫天下之不可一亦明矣。今楚與崇爲昆弟之國,而韓梁稱爲東藩之臣,齊獻 「凡大王之所信爲從者恃蘇秦。蘇秦熒惑諸侯,以是爲非,以非爲是,欲反齊國,而自

驅韓梁軍於河外、「二」一軍軍於澠池。約四國爲一以攻趙,趙(服)〔破〕,必四分其地。 不敢匿意隱情,先以聞於左右。 「今秦發三將軍:其一軍塞午道,〔一〕告齊使興師渡清河,軍於邯鄲之東,一軍軍成皋, 臣竊爲大王計,莫如與秦王遇於澠池,面相見而口相結,請

[三][正義]河外謂鄭、滑州、北臨河。 · [索隱] 此午道當在趙之東,齊之西也。 午道,地名也。 鄭玄云「一縱一横爲午」,謂交道也。 案兵無攻。願大王之定計。」

乃且願變心易慮,割地謝前過以事素。方將約車趨行了「適聞使者之明韶。」趙王許張 先王弃羣臣,寡人年幼,奉祀之日新,心固竊疑焉,以爲一從不事奏,非國之長利也。 趙王曰:「先王之時,奉陽君專權擅勢,蔽欺先王,獨擅綰事,寡人居屬師傅,不與國謀

[一]正義 趨音趣。

儀,張儀乃去。

下莫不聞。 擊代王,殺之,王腦塗地。 人曰:『卽酒酣樂,進熱啜,〔』〕反斗以擊之。』〔『〕於是酒酣樂,進熱啜,廚人進斟,因反斗以 與代王遇於向注之塞。「一〕乃令工人作爲金斗,長其尾,「三」令可以擊人。與代王飲,陰告廚 北之燕,説燕昭王曰:大王之所親莫如趙。 其姊聞之,因摩笄以自刺,故至今有摩笄之山。「馬」代王之亡,天 普趙襄子嘗以其姊爲代王妻,欲并代,約

[一][正義] 句注山在代州也。上音勾。

〔三〕[潔隱] 斗音主。凡方者爲斗,若安長柄,則名爲枓,音主。尾卽斗之柄,其形若刀也。

[]] [索隱] 音昌悦反。按:謂熱而啜之,是羹也。於下云「廚人進斟」,斟謂羹勺,故因名羹曰斟。 左氏「羊羹不斟」

是也。

四][正義] 反即倒斗柄擊也。

張儀列傳第十

〔五〕[集解] 笄,婦人之首飾,如今象牙擿。 [正

如今象牙擿。 [正義] 笄,今簪也。摩笄山在蔚州飛狐縣東北百五十里。

|九原,驅趙而攻燕,則易水、長城5二非大王之有也。 大王,大王割十城以謝。今趙王已入朝澠池,效河閒以事秦。今大王不事秦,秦下甲雲中、 「夫趙王之很戾無親,大王之所明見,且以趙王爲可親乎?趙興兵攻燕,再圍燕都而劫

[一] 正義 並在易州界。

是西有彊燨之援,而南無齊趙之患,是故願大王孰計之。」 「且今時趙之於秦猶郡縣也,不敢妄舉師以攻伐。今王事秦,秦王必喜,趙不敢妄動,

之,恐爲天下笑。」諸侯聞張儀有卻武王,皆畔衡,復合從。 武王自爲太子時不説張儀,及卽位,羣臣多讒張儀曰:「無信,左右賣國以取容。秦必復用 西面而事凑,獻恆山之尾〔三〕五城。」燕王聽儀。 |燕||| 日:「寡人蠻夷僻處,雖大男子裁「」如嬰兒,言不足以采正計。今上客幸教之,請 **儀歸報,未至咸陽而秦惠王卒,武王立。**

[三][索隱]尾猶末也。謂獻恆山城以與秦。

張儀列傳第十

器必出。〔〕挾天子,按圖籍,此王業也。」秦王以爲然,乃具革車三十乘,入儀之梁。齊果 興師伐之。梁哀王恐。張儀曰:「王勿患也,請令罷齊兵。」乃使其舍人馮喜曰之楚,借使 梁。梁齊之兵連於城下而不能相去,王以其閒伐韓,入三川,出兵函谷而毋伐,以臨周,祭 愚計,願效之。」王曰:「柰何?」對曰:「爲|秦社稷計者,東方有大變,然後王可以多割得地 今聞齊王甚憎儀,儀之所在,必興師伐之。故儀願乞其不肖之身之梁,齊必興師而伐 秦武王元年,羣臣日夜惡張儀未已,而齊讓又至。張儀懼誅,乃因謂秦武王曰:「儀有

之齊,謂齊王曰:「王甚憎張儀;雖然,亦厚矣王之託儀於秦也!」齊王曰:「寡人憎儀,儀

『爲王計者,東方有大變,然後王可以多割得地。今齊王甚憎儀,儀之所在,必興師伐之。故 内自臨,而信儀於秦王也。此臣之所謂『託儀』也。」齊王曰:「善。」乃使解兵。 故具革車三十乘而入之梁也。今儀入梁,王果伐之,是王内罷國而外伐與國,「『」廣鄰敵以 |儀願乞其不肖之身之梁,齊必興師伐之。||齊梁之兵連於城下而不能相去,王以其閒伐韓, 之所在,必興師伐之,何以託儀。」對曰:「是乃王之託儀也。 夫儀之出也,固與秦王約曰: 人三川,出兵函谷而無伐,以臨周,祭器必出。 挾天子,案圖籍, 此王業也。』 秦王以爲然,

【二】[索隱] 凡王者大祭祀必陳設文物軒車彝器等,因謂此等爲祭器也。

[二] 索隱] 此與戰國策同。 舊本作「憙」者,誤也。

〔三〕[索隱] 謂齊之伐梁也。 梁之與齊,先相許與約從爲鄰,故云與國也。

張儀相魏一歲,卒〔〕於魏也。

[二][索隱]年表張儀以安僖王十年卒。紀年云梁安僖王九年五月卒。

嫁於鄉曲者,良婦也。今軫不忠其君,楚亦何以軫爲忠乎。忠且見弃,軫不之楚何歸乎。」 下争以爲臣,曾參孝於其親而天下願以爲子。故賣僕妾不出閭巷而售者,良僕妾也;出婦 王曰:「儀之言果信矣。」|軫曰:「非獨儀知之也,行道之士盡知之矣。昔子胥忠於其君而天 欲去凑而之楚,王胡不聽乎。」 王謂陳軫曰:「吾聞子欲去凑之楚,有之乎。」 軫曰:「然。」 王以其言爲然,遂善待之。 重幣輕使寮憷之閒,將爲國交也。今憷不加善於豦而善軫者,軫自爲厚而爲王薄也。且軫 陳軫者,游説之士。與張儀俱事秦惠王,皆貴重,争寵。張儀惡陳軫於秦王曰:「軫

犀首。犀首謝弗見。軫曰:「吾爲事來、「」公不見軫,軫將行,不得待異日。」犀首見之。 居秦期年,秦惠王終相張儀,而陳軫奔楚。楚未之重也,而使陳軫使於秦。 過梁,欲見

行,三國相事皆斷於犀首。擊遂至秦。 約,而犀首之燕、趙,是欺我也。」怒而不聽其事。齊聞犀首之北,使人以事委焉。犀首遂 明言之燕、趙。」燕、趙客聞之,馳車告其王,使人迎犀首。楚王聞之大怒,曰:「田需與寡人 來,曰「無事何不相見」,願謁行於王。』王雖許公,公請毋多車,以車三十乘,可陳之於庭, 陳軫曰:「公何好飲也?」犀首曰:「無事也。」曰:「吾請令公厭事与〕可乎?」曰:「柰何?」 曰:「田需〔〕約諸侯從親,楚王疑之,未信也。公謂於王曰:『臣與燕、趙之王有故,數使人

【一〕 [索隱] 軫語犀首,言我故來,欲有教汝之事,何不相見。

[二] [索隱] 上一豔反。厭者,飽也,謂欲令其多事也。

〔三〕索隱 需時爲魏相也。

哉」惠王曰:「善。今韓魏相攻,期年不解,或謂寡人救之便,或曰勿救便,〔三〕寡人不能 思越則越聲,不思越則楚聲。』使人往聽之,猶尚越聲也。今臣雖弃逐之楚,豈能無秦聲 鄙細人也,今仕陸執珪,貴富矣,亦思越不?』中謝「一」對曰:『凡人之思故,在其病也。彼 夫越人莊鳥乎。」王曰:「不聞。」曰:「越人莊鳥仕楚執珪,有頃而病。楚王曰:『鳥故越之 王未能爲之決。陳軫適至秦,惠王曰:「子去寡人之楚,亦思寡人不。」 陳軫對 曰: 「王聞 韓魏相攻,期年不解。 秦惠王欲救之,問於左右。 左右或曰救之便,或曰勿救便, 惠

張

傷,小國亡,從傷而伐之,一舉必有兩實。此猶莊子刺虎之類也。臣主與王何異也。」「禹」惠 傷,小者死。莊子從傷者而刺之,一舉果有雙虎之功。今韓魏相攻,期年不解,是必大國 者死,從傷而刺之,一舉必有雙虎之名。』下莊子以爲然,立須之。有頃,兩虎果鬭,大者 者乎。莊子欲刺虎,館豎子止之,曰:『兩虎方且食牛,食甘必争,争則必鬭,鬭則大者傷,小 |圧日:「善。」卒弗救。 大國果傷,小國亡,秦興兵而伐,大剋之。 此|陳軫之計也。 決,願子爲子主計「引〕之餘,爲寡人計之。」陳軫對日:「亦嘗有以夫下莊子[日] 刺虎聞於王

[一] [索隱] 蓋謂侍御之官。

〔三〕[索隱] 此蓋張儀等之計策。

[三][索隱]子指陳軫也。子主謂楚王。

.四][索隱]館莊子。謂逆旅舍其人字莊子者,或作「卞莊子」也。

| 五] [索隱] 臣主,爲軫之主楚王也。王,秦惠王。以言我主與王俱宜待諱、魏之斃而擊之,亦無異也。

犀首者,魏之陰晉人也、「二名衍,姓公孫氏。與張儀不善。

(一) 樂解 司馬彪曰:「犀首,魏官名,若今虎牙將軍。」

不少委焉以爲衍功,則秦魏之交可錯矣。[二]然則魏必圖|秦而弃儀, 收韓而相衍。」 公叔以 日[1]『魏攻南陽,秦攻三川』。 魏王所以貴張子者,欲得韓地也。 張儀爲秦之魏,魏王相張儀。犀首弗利,故令人謂韓公叔曰:「張儀已合秦魏矣,其言 且韓之南陽已舉矣,子何

[一][正義] 此張儀合秦魏之辭也。

爲便,因委之犀首以爲功。

果相魏。

張儀去。〔三〕

[三][索隱] 錯音措。按:錯,停止也。

(三][樂解]徐廣曰:「復相秦。」

其志。」秦王曰:「善。」 乃以文繡千純、「〈 〕婦女百人遺義渠君。 |義渠君致羣臣而謀曰:「此 之國。」「於〕其後五國伐秦。〔中〕會陳軫謂秦王曰:「義渠君者,蠻夷之賢君也,不如賂之以撫 請謁事情。」〔三〕曰:「中國無事,〔三〕秦得燒掇焚杅〔四〕君之國;有事,〔五〕秦將輕使重幣事君 公孫衍所謂邪。」「よ」乃起兵襲秦,大敗秦人李伯之下。〔10〕 義渠君朝於魏。 犀首聞張儀復相秦,害之。犀首乃謂義渠君曰:「道遠不得復過,「二

[一][索隱]音戈。言義渠道遠,今日已後,不復得更過相見。

[三] [索隱] 謂欲以秦之緩急告語之也。

三][索隱]按:謂山東諸侯齊、魏之大國等。 [正義] 中國謂關東六國。無事,不共攻秦。

張儀列傳第十

[B] 樂解 徐廣日:「一孤切。」 策云「秦且燒焫君之國」,是説其事也。 |索隱| 掇音都活反,謂焚燒而侵掠。 焚杆音煩烏二音。按: 焚揉而牽制也。 戦國

〔五〕[索隱] 謂山東諸國共伐秦也。

[六][索隱] 謂秦求親義渠君也。 正義」有事謂六國攻秦。 凑若被攻伐,則必輕使重幣,事義渠之國,欲令相助。

犀首此言,令義渠君勿援秦也。

[中] [索隱] 按:表秦惠王後元七年,楚、魏、齊、韓、趙五國共攻秦,是其事也。

[八][索隱] 凡絲縣布帛等一段爲一純。純音屯。

[九][索隱]按:謂上文犀首云「(君之國)有事,秦將輕使重幣事君之國」,故云「衙之所謂」,因起兵襲秦以傷張儀也。

[10] [索隱] 入李伯之下。謂義渠破秦而收軍,而入於李伯之下,則李伯人名或邑號。戰國策「伯」作「帛」。

張儀己卒之後,犀首人相凑。嘗佩五國之相印,爲約長。〔一〕

[一] 索隱] 佩五國之印,爲約長。 犀首後相五國,或從或横,常爲約長。

蘇秦,然世惡蘇秦者,以其先死,而儀振暴气〕其短以扶其説,气己成其衡道。〔』〕要之,此兩 |太史公日:三晉多權變之士,夫言從衡彊秦者大抵皆三晉之人也。 夫張儀之行事甚於

人真傾危之士哉!

[一] 索隱] 下音步卜反。振謂振揚而暴露其短。

[三][索隱]按:扶謂說彼之非,成我之是,扶會己之說辭。

[三] 索隱] 張儀說六國,使連衡而事奏,故云「成其衡道」。然山東地形從長,蘇秦相六國,令從親而賓秦也。 關西地

形衡長,張儀相六國,令破其從而連秦之衡,故謂張儀爲連横矣。

如何三晉,繼有斯德。

【索隱述贊】儀未遭時,頻被困辱。及相秦惠,先韓後蜀。連衡齊魏,傾危誑惑。陳軫挾權,犀首騁欲。

記卷七十

樗里子甘茂列傳第十一

樗里子者,名疾,秦惠王之弟也,乙二與惠王異母。 母,韓女也。樗里子滑稽多智、「三」

秦人號曰「智囊」。

[一] [索隱] 按:樗,木名也,音攄。 高誘曰「其里有大樗樹,故曰樗里」。 然疾居渭南陰鄉之樗里,故號曰樗里子。 又 按:紀年則謂之「楮里疾」也。

[三][索隱]滑音骨。稽音雞。鄉誕解云「滑,亂也。稽,同也。謂辨捷之人,言非若是,言是若非,謂能亂同異也」。一 淈,水流自出。 稽,計也。 言其智計宣吐如泉,流出無盡,故楊雄酒賦云「鴟夷滑稽,腹大如壺」是也。顔師古云· 云滑稽,酒器,可轉注吐酒不已。以言俳優之人出口成章,詞不窮竭,如滑稽之吐酒不已也。 滑,亂也。稽,礙也。其變無留也。」一說稽,考也,言其滑亂不可考較。 正義滑讀爲

惠王二十五年,使樗里子爲將伐趙,虜趙將軍莊豹,拔藺。〔8〕明年,助魏章攻楚,敗楚將屈 秦惠王八年,爵樗里子右更,《二〕使將而伐曲沃,《三〕盡出其人,《三〕取其城,地入秦。

「滑稽,轉利之稱也。

丐,取漢中地。 秦封樗里子,號爲嚴君。至

[一] ||索隱] 按::右更,秦之第十四爵名也。

[二][正義] 故城在陜州[陜]縣西南三十二里也。

八萬。十一年,樗里疾攻魏焦,降之。則焦與曲沃同在十一年明矣。而傳云「八年拔之」,不同。王劭按:本紀、 [索隱] 按: 年表云十一年拔魏曲沃,歸其人。又秦本紀惠文王後元八年,五國共圍秦,使庶長疾與戰脩魚,斬首

年表及此傳,三處記案伐國並不同,又與紀年不合,今亦殆不可考。

[四]正義] 藺縣在石州。

[五][索隱]按:嚴君是爵邑之號,當是封之嚴道。

秦惠王卒,太子武王立,逐張儀、魏章,而以樗里子、甘茂爲左右丞相。 秦使甘茂攻韓,

以其重秦客。

游

騰〔〕爲周説楚王曰:「知伯之伐仇猶,遺之廣車,〔〕因隨之以兵,仇猶遂亡。 周以卒迎之,意甚敬。 楚王怒,讓周, 何則?無備

齊桓公伐蔡,號日誅楚,其實襲蔡。今秦,虎狼之國,使樗里子以車百乘人周,

周以

<u>仇猶、</u>察觀焉,故使長戟居前,彊弩在後,名曰衞疾,〔1〕而實囚之。 且夫周豈能無憂其社稷

哉?恐一旦亡國以憂大王。」楚王乃悦。

故也。

拔宜陽。

使樗里子以車百乘人周。

[一] | 索隱 游,姓;騰,名也。

[三] [集解] 許慎曰:「仇猶,夷狄之國。」戰國策曰:「智伯欲伐仇猶,遺之大鍾,載以廣車。」 周禮曰:「廣車之萃。」 鄭

韓子云『智伯欲伐仇猶國,道險難不通,乃鑄大鐘遺之,載以廣車。仇猶大悦,除塗内之。赤章曼支諫曰:「不可, 作「仇由」。 |玄曰:「廣車,横陳之車。] 此小所以事大,而今大以遺小,卒必隨,不可。」不聽,遂内之。 曼支因斷轂而馳。 至十九日而仇猶亡也』。」 地理志臨淮有办猶縣也。 ||索隱|||戦國策云「智伯欲伐仇猶,遺之大鍾,載以廣車」。以「仇猶」爲「厹由」。 [正義] 括地志云:「并州盂縣外城俗名原仇山,亦名仇猶,夷狄之國也。

[三]正義]防衞樗里子。

秦武王卒,昭王立,樗里子又益尊重。

於庸以自貴於衞。於是遂解庸而去。還擊皮氏、[廿]皮氏未降,又去。 蒲人於魏,衞必折而從之。[H] 魏亡西河之外 [K] 而無以取者,兵弱也。 今并衞於魏,魏必 彊。 魏彊之日,西河之外必危矣。 且秦王將觀公之事, 害秦而利魏, 王必罪公。」 樗里子 爲秦乎。爲魏乎。爲魏則善矣,爲秦則不爲賴矣。〔爲〕夫衞之所以爲衞者,以庸也。〔四〕今伐 曰:「願以請。」因效金三百斤,曰:「秦兵苟退,請必言子於衞君,使子爲南面。」故胡衍受金 人瀟,謂其守曰:「樗里子知瀟之病矣,其言曰必拔瀟。 | 衔能令釋瀟勿攻。」 潚守恐,因再拜 日:「柰何。」胡衍日:「公釋滿勿攻,臣試爲公人言之,以德衞君。」樗里子曰:「善。」胡衍 昭王元年,樗里子將伐蒲。二清守恐,請胡衍。二胡衍爲庸謂樗里子曰:「公之攻庸,

[索隱]按:紀年云「楮里疾圍滯不克,而秦惠王薨」,事與此合。 [正義] 蒲故城在滑州匡城縣北十五里,卽子

路作宰地。

[三] 索隱 人姓名也。

[三]集解賴,利也。

「四」正義」蒲是衞國之鄣衞。

[五][索隱] 戰國策云「今滿人於秦,衞必折而人於魏」,與此文梠反。

[八][正義]謂同、華等州。

[七][正義] 故城在絳州龍門縣西百四十步,魏邑。

官在其西,Cluscape,可其墓。Cluscape,人能曰:「力則任鄙,智則樗里。」 樗里子疾室在於昭王廟西渭南陰鄉樗里,故俗謂之樗里子。 昭王七年,樗里子卒,葬于渭南章臺之東。「一日:「後百歲,是當有天子之宫夾我墓。」 至漢興,長樂宮在其東,未央

[一][索隱]按黄圖,在漢長安故城西。

[三][正義] 漢長樂宫在長安縣西北十五里,未央在縣西北十四里,皆在長安故城中也。

[三][索隱] 直如字讀,直猶當也。

甘茂者,下蔡人也。「二事下蔡史舉先生,「三學百家之術。因張儀、樗里子而求見秦惠

圧。王見而説之,使將,而佐魏章略定漢中地。

[二] [索隱] 地理志下蔡縣屬汝南也。 [正義] 今潁州縣,即州來國。

〔三〕[索隱] 戰國策及韓子皆云史舉,上蔡監門。

惠王卒、武王立。張儀、魏章去、東之魏。蜀侯煇、相壯反、「二秦使甘茂定蜀。還,而

以甘茂爲左丞相,以樗里子爲右丞相。

矣,然願王勿伐』。事成,盡以爲子功。」向壽歸,以告王,王迎甘茂於息壤。〔〕〕甘茂至,王 大王之投杼也。始張儀西并巴蜀之地,北開西河之外,南取上庸, 天下不以多張子而以賢 母懼焉。今臣之賢不若曾參,王之信臣又不如曾參之母信曾參也,疑臣者非特三人,臣恐 告之曰『曾參殺人』,其母投杼下機,踰牆而走。夫以曾參之賢與其母信之也,三人疑之,其 |參殺人』,其母織自若也。 頃之,一人又告之曰『曾參殺人』,其母尚織自若也。 頃又一人 問其故。對曰:「宜陽,大縣也,上黨、南陽積之久矣。「三」名曰縣,其實郡也。今王倍數 「請之魏,約以伐韓,而令向壽〔□輔行。」甘茂至,謂向壽曰:「子歸,言之於王曰『魏聽臣 [一][索隱] 煇音暉,又音胡昆反。 綦之公子,封蜀也。華陽國志作「暉」。 壯音側狀反。 姓陳也。 秦武王三年,謂甘茂曰:「寡人欲容車通三川,以窺周室,而寡人死不朽矣。」甘茂曰:

拔宜陽。 先王。 欲罷兵。 與子盟。」卒使丞相甘茂將兵伐宜陽。五月而不拔,樗里子、公孫奭果争之。 者挾韓而議之,王必聽之,是王欺魏王而臣受公仲修 [サ]之怨也。」 王曰:「寡人不聽也,請 再拜稽首曰:『此非臣之功也,主君之力也。』今臣,羈旅之臣也。樗里子、公孫奭〔失〕二人 魏文侯令樂羊將而攻中山,三年而拔之。 韓襄王使公仲侈人謝,與秦平。 甘茂曰:「息壤在彼。」「<>〕王曰:「有之。」因大悉起兵,使甘茂擊之。 斬首六萬,遂 樂羊返而論功,文侯示之謗書一篋。 武王召甘茂,

[一][正義] 餉受二音,人姓名。

[三] [索隱] 按:山海經、啓筮云「昔伯鮌竊帝之息壤以堙洪水」,或是此也。 正義泰邑。

(三][索隱]謂上黨、南陽並積貯日久矣。 [正義] 韓之北三郡積貯在河南宜陽縣之日久矣。

[四] [索隱] 數音率腴反。 [正義] 謂函谷及三崤、五谷。

[五] 集解] 音祕。

「六」「索隱」按:戰國策作「公孫行」。 [正義] 音釋。

〔七〕 集解 徐廣日:「一作『馮』。」

[八][正義] 甘茂歸至息壤,與秦王盟,恐後樗里子、公孫奭伐韓,今二子果争之。 武王召茂欲罷兵,故甘茂云息壤在

彼邑也。

樗里子甘茂列傳第十一

兵去。 伐秦之形成矣。 楚於丹陽 不肯救。 武王 一竟至周,而卒於周。 公仲因甘茂,茂爲韓言於秦昭王曰:「公仲方有得秦教, 而韓不救,乃以兵圍韓雍氏。〔三〕韓使公仲侈告急於秦。 不識坐而待伐孰與伐人之利。」秦王曰:「善。」乃下師於嚴以救韓。 其弟立,爲昭王。5二王母宣太后, 楚、韓爲一,魏氏不敢不聽, 楚女也。 故敢扞楚也。 秦昭王新立, 楚懷王怨前秦敗 今雍氏圍, 太后楚人, 然則

「二」[索隱] 按:趙系家昭王名稷。 系本云名側也。

(三) [索隱] 按: 秦惠王二十六年,楚圍雍氏,至昭王七年,又圍雍氏, 氏,當赧王之三年」。、戰國策及紀年與此並不同。 [正義] 故城在洛州洛陽縣東北二十里。 韓求救於秦, 是再圍也。 劉氏云「此是前圍雍

封。[1]今公與楚解口 躬率其私徒以閼 韓公仲使蘇代謂向壽曰:「禽困覆車。〔三〕公破韓,辱公仲,公仲收國復事秦, 長,故任用。 秦使向壽平宜陽,而使樗里子、甘茂伐魏皮氏。 向壽如楚,二一楚聞秦之貴向壽, [*]於秦。[+]願公孰慮之也。」向壽曰:「吾合秦楚非以當韓也, .地、「E]封小令尹以杜陽。「E]秦|楚合,復攻韓,韓必亡。 而厚事向壽。 向壽者,宣太后外族也,而與昭王少相 向壽爲秦守宜陽, 韓亡, 自以爲必可以 將以伐韓。 子爲壽謁 公仲且

收楚韓以安之,而誅齊魏之罪,至己是以公孫奭、甘茂無事也。」 之怨不解 [15] 而交走凑也。[110]秦楚争彊,而公徐過楚 [11] 以收韓,此利於秦。」 [11]向壽曰: 楚?[云] 此韓之寄地也。公求而得之,是令行於楚而以其地德韓也。公求而不得,是韓楚 甚難。」[11] 向壽曰: 壽曰:「然,吾甚欲韓合。」對曰:「甘茂許公仲以武遂,〔三〕 反宜陽之民,〔云〕今公徒收之, 國從公孫奭而後委國於甘茂。韓,公之讎也。自己今公言善韓以備楚,是外舉不僻讎也。」向 亡之,是自爲責也。〔三〕公不如與王謀其變也,善韓以備楚,〔三〕如此則無患矣。 韓氏必先以 争彊而公黨於楚,是與公孫奭、甘茂同道也,公何以異之?〔三〕人皆言楚之善變也,而公必 之愛習公也,不如公孫奭;其智能公也,不如甘茂。今二人者皆不得親於秦事,而公獨與 之公仲八八日 王主斷於國者何?彼有以失之也。[10]公孫奭黨於韓,而甘茂黨於魏,故王不信也。 「柰何?」對曰:「此善事也。甘茂欲以魏取齊,公孫奭欲以韓取齊。今公取宜陽以爲功, 日秦韓之交可合也。」 「然則柰何?」武遂終不可得也。」對曰:「公奚不以秦爲韓求潁川於 蘇代對曰:「願有謁於公。「九〕人曰貴其所以貴者貴。 今秦楚 王

一〕(集解)徐廣曰:「如,一作『和』。」

[二] (集解) 譬禽獸得困急,猶能抵觸傾覆人車。

(三][正義]公仲自以爲必可得凑封。

[四] 索隱 解口,秦地名,近韓,今將與楚也。 正義上紀買反。公,向壽也。 解口猶開口得言。 向壽於秦開口,則

楚人必得封地也。

「吾」「索隱」又封楚之小令尹以杜陽。 杜陽亦奏地,今以封楚令尹,是秦楚合也。

[六]集解]音鳥曷反。

[十][正義]公仲恐韓亡,欲將私徒往宜陽閼向壽也。

「ハン|正義]子,蘇代也。向壽恐,令蘇代謁報公仲,云「秦韓交可合」。

[五][正義] 公,向壽也。 言向壽亦黨於楚,與公孫奭、甘茂黨韓、魏同也。

[10] [索隱] 彼,公孫奭及甘茂也。 有以失之,謂不見委任,情有所失。 親委者,爲黨韓、魏也。今國事獨與向壽主斷者,不知壽黨於楚以事秦王者,以失之也。 [正義] 言秦王雖愛習公孫奭、甘茂,秦事不

[三] 正義] 楚善變改,不可信。若變改,向壽必亡敗,是自爲責。

「二] [正義] 蘇氏云:「向壽與公孫奭、甘茂皆有黨,言無異也。」又一云改異黨楚之意。

□□□正義] 令秦親韓而備楚之變改,則向壽無患矣。

[18][正義] 韓氏必先委二人,故韓爲向壽之讎。

[三] 樂解] 徐廣日:「秦昭王元年予韓武遂。」

□☆□[正義] 武遂,宜陽,本韓邑也,秦伐取之。 今欲還韓,令其民得反歸居之。

[1十][正義]蘇代言甘茂許公仲以武遂,又歸宜陽之民,今向壽徒擬收之,甚難事也。

(二二)[正義] 潁川,許州也。 楚侵韓潁川,蘇代令向壽以秦威重爲韓就楚求索潁川,是親向壽。

(元) 集解 已買反。

[三0][索隱] 韓楚怨不解,二國交走向秦也。

[三] 集解 徐廣曰:「過,一作『適』。」

[三] [正義] 若二國皆事凑,公則漸說楚之過失以收韓,此利於秦也。

[三] [正義] 言公孫奭、甘茂皆欲以秦挾韓魏而取齊,今向壽取宜陽爲功,收楚韓安以事秦,而責齊魏之罪,是公孫奭、

甘茂不得同合韓魏於秦以伐齊也。

怨,讒甘茂 甘茂竟言秦昭王,以武遂復歸之韓。〔〕向壽、公孫奭争之,不能得。 茂懼,輟伐魏蒲阪,亡去。〔三〕樗里子與魏講,罷兵。〔三〕 向壽、公孫奭由此

[一][正義] 年表云秦昭王元年予韓武遂也。

〔三〕[索隱] 鄒氏云:「講讀日媾。媾猶和也。」〔三〕[集解] 徐廣曰:「昭王元年,擊魏皮氏,未拔,去。」

臣聞貧人女與富人女會績,貧人女曰:『我無以買燭,而子之燭光幸有餘,子可分我餘 甘茂之亡秦奔齊,逢蘇代。代爲齊使於秦。甘茂曰:「臣得罪於秦,懼而遯逃,無所容

光,無損子明而得一斯便焉。』今臣困而君方使溱而當路矣。|茂之妻子在焉, 振之。」蘇代許諾。遂致使於秦。已,因説秦王曰:「甘茂,非常士也。其居於秦,累世重 矣。自殽塞〔一〕及至鬼谷、〔一〕其地形險易皆明知之。彼以齊約韓魏反以圖案,非秦之利 願君以餘光

|湣王曰:「夫|||茂,賢人也。 今||秦賜之上卿,以相印迎之。 |||茂德王之賜,好爲王臣,故辭而 谷、『〕終身勿出。」秦王曰:「善。」即賜之上卿,以相印迎之於齊。 甘茂不往。 蘇代謂齊 也。」秦王曰:「然則柰何。」蘇代曰:「王不若重其贄,厚其禄以迎之,使彼來則置之鬼 不往。今王何以禮之。]齊王曰:「善。」即位之上卿而處之。[8] 秦因復甘茂之家 [8]以市

[一][正義] 三般在洛州永寧縣西北。

[三] 集解]徐廣曰:在陽城。」

「三」[索隱]案:徐廣云在陽城。 者也。」案:陽城鬼谷時屬韓,秦不得言置之。 劉氏云此鬼谷在關内雲陽, 是矣。 正義劉伯莊云:此鬼谷,關内雲陽,非陽城

[四][索隱]案:處猶留也。

[五]正義 復音福。

|茂於||秦。||楚王問於||范蜎[三] 曰:「寡人欲置相於||秦,孰可。]|| 對曰:「臣不足以識之。」||楚王 室,以苟賤不廉聞於世,甘茂事之順焉。故惠王之明,武王之察,張儀之辯,而甘茂事之,取 曰:「寡人欲相甘茂,可乎。」對曰:「不可。 夫史舉, 下蔡之監門也,大不爲事君,小不爲家 齊使甘茂於楚,楚懷王新與秦合婚而驩。「二而秦聞甘茂在楚,使人謂楚王曰:「願送甘

樗

滑於越云見而内行章義之難云恩越國亂,故楚南塞厲門四五而郡江東。云之計王之功所以能 十官而無罪。 入秦,卒於魏。 相向壽於秦,則楚國之利也。」於是使使請秦相向壽於秦。秦卒相向壽。 於秦,則莫若向壽者可。夫向壽之於秦王,親也,少與之同衣,長與之同車,以聽事。 如此者,越國亂而楚治也。今王知用諸越而忘用諸秦,臣以王爲鉅過矣。然則王若欲置相 |茂誠賢者也,然不可相於秦。 夫秦之有賢相,非楚國之利也。 且王前嘗用召 而甘茂竟不得復 王必

[一] [樂解] 徐廣曰:「昭王二年時迎婦於楚。」

〔三〕[集解]徐廣曰:「一作」蠉」。」 [索隱] 音休緣反,又休軟反。 蠉,休緣反。 戰國策云作「蝝」也。 正義 許緣

5

[三]集解除廣日:「滑,一作『涓』。」

. 29 ____ 也。注「一云内句章、昧之難」。案:戰國策云「納章句之難」。 (樂解)徐廣日:「一云『内句章昧之難』。」 [索隱] 謂召滑内心猜詐,外則佯章恩義,而卒包藏禍心,搆難於楚

一 至 二 | 集解 徐廣日:「一作『瀬湖』。」 正義]劉伯莊云:「厲門,度嶺南之要路。」

「八」[正義] 吴越之城皆爲楚之都邑。

甘茂有孫曰甘羅。

樗里子甘茂列傳第十一

甘羅者,甘茂孫也。 茂既死後,甘羅年十二,事秦相文信侯吕不韋。〔一〕

[一][索隱] 戰國策云甘羅事呂不韋爲庶子。

|燕而不肯行,臣不知卿所死處矣。」|張唐曰:「請因孺子行。」令裝治行。 之。」甘羅曰:「應侯欲攻趙,武安君難之,去咸陽七里而立死於杜郵。 文信侯專。」張卿曰:「應侯不如文信侯專。」甘羅曰:「卿明知其不如文信侯專與。」曰:「知 戰勝攻取,破城墮邑,不知其數,臣之功不如也。」 甘羅曰:「應侯 [四] 之用於 秦也, 乎。」於是甘羅見張卿曰:「卿之功孰與武安君。」卿曰:「武安君南挫彊楚,北威燕、趙, 之。「「一」 甘羅曰:「大項橐 「一」生七歲爲孔子師。今臣生十二歲於茲矣,君其試臣,何遽叱 相燕而不肯行。」 甘羅曰:「臣請行之。」 文信侯叱曰:「去!我身自請之而不肯,女焉能行 快之甚也。」文信侯曰:「吾令剛成君蔡澤事燕三年,燕太子丹已入質矣,吾自請張卿「一」 百里之地。』今之燕必經趙,臣不可以行。」文信侯不快,未有以彊也。甘羅曰:「君侯何不 與燕共伐趙以廣河閒之地。張唐謂文信侯曰:「臣嘗爲秦昭王伐趙,趙怨臣,曰:『得唐者與 秦始皇帝使剛成君蔡澤於燕,三年而燕王喜使太子丹人質於秦。 秦使張唐往相燕,欲 今文信侯自請卿相

索隱 即張唐也。 卿,字也。

[三][正義] 女音汝。 焉,乙連反。

■] [索隱] 音託。尊其道德,故云「大項囊」。

四] 索隱 范睢。

攻弱燕。」趙王立自割五城以廣河閒。 秦不相欺無異故,欲攻趙而廣河閒。 太子丹入秦者,燕不欺秦也。張唐相燕者,秦不欺燕也。燕、秦不相欺者,伐趙,危矣。燕、 趙王曰:「王聞燕太子丹入質秦歟?」曰:「聞之。」曰:「聞張唐相燕歟。」 曰:「聞之。」 「燕 說而行之。今願先報趙,請許遣之。」<u>始皇召見,使甘羅於趙。趙襄王郊迎甘羅。</u>甘羅說 日:「昔甘茂之孫甘羅,年少耳,然名家之子孫,諸侯皆聞之。今者張唐欲稱疾不肯行,甘羅 行有日,甘羅謂文信侯曰:「借臣車五乘,請爲張唐先報趙。」文信侯乃入言之於始皇 王不如齎臣五城(二)以廣河閒,請歸燕太子,與彊趙 秦歸燕太子。 趙攻燕,得上谷三十城、三令秦有十

[一][索隱]齎音側奚反,一音賷。 並謂割五城與臣也。 _ % _] _]

[三] 索隱] 戰國策云得三十六縣。 正義 上谷,今媽州也,在幽州西北。

三] |索隱] 謂以十一城與秦也

甘羅還報秦,乃封甘羅以爲上卿,復以始甘茂田宅賜之。

名諸侯、重彊齊楚。〔一〕甘羅年少、然出一奇計、聲稱後世。雖非篤行之君子,然亦戰國之 太史公曰:樗里子以骨肉重,固其理,而秦人稱其智,故頗采焉。 甘茂起下蔡閭閻,顯

策士也。方凑之彊時,天下尤趨謀詐哉。

[一][樂解]徐廣曰:「恐或疑此當云『見重彊齊』,誤脱一字。」 正義甘茂爲彊齊楚所重。

【索隱述贊】嚴君名疾,厥號「智囊」。既親且重,稱兵外攘。 甘茂並相,初佐魏章。 始推向壽,乃攻宜

陽。甘羅妙歲,卒起張唐。

史記卷七十二

穰侯列傳第十二

穰侯魏月者,秦昭王母宣太后弟也。[1]其先楚人,姓芈氏。[1]

[一] [索隱] 宣太后之異父長弟也,姓魏,名冄,封之穣。 地理志穣縣在南陽。宣太后者,惠王之妃,姓芈氏,曰芈八子 者是也

[三]正義] 芈,亡爾反。

威振秦國。昭王少,宣太后自治,任魏丹爲政。 位,以月爲將軍,衞咸陽。誅季君之亂,至而逐武王后出之魏,昭王諸兄弟不善者皆滅之, 侯,姓魏氏,名月,同父弟日芈戎,爲華陽君。[三]而昭王同母弟曰高陵君(三]涇陽君。[四] 而魏曰最賢,自惠王、武王時任職用事。武王卒,諸弟争立,唯魏曰力爲能立昭王。昭王卽 宣太后非武王母。武王母號日惠文后,先武王死。自己宣太后二弟:其異父長弟日穣 秦武王卒,無子,立其弟爲昭王。昭王母故號爲芈八子,及昭王卽位,芈八子號爲宣太

穰

[一] [索隱] 秦本紀云:「昭王二年,庶長壯與大臣公子爲逆,皆誅,及惠文后皆不得良死。」又按: 紀年云 [秦内亂,殺

[二] 索隱 華陽,韓地,後屬秦。 **华戎後又號新城君。** 正義司馬彪云:「華陽,亭名,

在洛州密縣。」又故華城在

其太后及公子雍、公子肚」是也。

三] 索隱 名顯。

鄭州管城縣南三十里,即此。

索隱名悝。

邽 良死」,蓋謂惠文后時黨公子壯,欲立之,及壯誅而太后憂死,故云「不得良死」,亦史諱之也。又逐武王后出之 立而號日季君。 [集解] 徐廣曰:「年表日季君爲亂,誅。 本紀日庶長壯與大臣公子謀反,伏誅。」 豫侯力能立昭王,爲將軍,衞威陽,誅季君及惠文后,故本紀言「伏誅」。 又云「及惠文后皆不得 索隱 按: 季君即公子壯,僧

魏,亦事勢然也。

子,事成,魏月故德公矣。」於是仇液從之。 樓緩日『請爲公毋急秦』。 秦,請以魏日爲秦相。 昭王七年,樗里子死,而使涇陽君質於齊。趙人樓緩來相秦, 仇液將行,其客宋公戶司謂液曰:「秦不聽公,樓緩必怨公。 秦王見趙請相魏日之不急,且不聽公。 而秦果免樓緩而魏月相秦。 公言而事不成,以德樓 趙不利,乃使仇液气之之 公不若謂

一] [索隱] 戰國策作「仇郝」,蓋是一人而記别也。 正義 音亦,姓名。

[二] 索隱 戰國策作「宋交」。

明年,燭免,復相目,乃封魏目於禳,復益封陶、日〕號日穰侯。 首二十四萬,虜魏將公孫喜。 明年,又取楚之宛、葉。 魏月謝病免相,以客卿壽燭爲相。 其 欲誅吕禮,禮出奔齊。 昭王十四年,魏月舉白起,使代向壽將而攻韓、魏,敗之伊闕,斬

【一〕[集解]徐廣曰:「一作『陰』。」 家,作「陰」,誤也。 [索隱] 陶卽定陶也。徐廣云作「陰」,陶陰字本易惑也。 王劭按:定陶見有魏冄

免。免二歲,復相秦。 十九年,秦稱西帝,齊稱東帝。月餘,吕禮來,而齊、秦各復歸帝爲王。 **穰侯之所任舉也,相善。於是穰侯之富,富於王室。** 穰侯封四歲,爲秦將攻魏。 四歲,而使白起拔楚之郢,秦置南郡。 魏獻河東方四百里。拔魏之河内,取城大小六十餘。昭王 乃封白起爲武安君。 魏日復相秦,六歲而 白起者,

兵勁而 賈説穰侯曰:「臣聞魏之長吏謂魏王曰:『昔梁惠王伐趙,戰勝三梁,、『〕拔邯鄲,趙氏不割, 而 ||邯鄲復歸。||齊人攻衞,拔故國,殺子良,〔四〕||衞人不割,||而故地復反。|衞、趙之所以國全 昭王三十二年,穰侯爲相國,將兵攻魏,走芒卯,仁己人北宅,仁己遂圍大梁。 地不并於諸侯者,以其能忍難而重出地也。宋、中山數伐割地,而國隨以亡。臣以 梁大夫須

爲衞 陶開 也。 攻梁也,且劫王以求多割地。 成!願君熟慮之而無行危。」[18]穰侯曰:「善。」乃罷梁圍。[18] 之,臣以爲自天地始分以至于今,未嘗有者也。 非計之工也,天幸爲多矣。今又走芒卯,人北宅,以攻大梁,是以天幸自爲常也,智者不然。 勝暴子,「宀」割八縣,地未畢人,兵復出矣。 散、二三而 方疑而得 臣以爲陽、武復生,不易攻也。夫輕背楚、趙之兵,陵七仞之城,戰三十萬之衆,而志必舉 臣聞魏氏 王若欲講,少割而有質,不然,必見欺。』「ヘ〕此臣之所聞於魏也,「ホ〕願君(エ)之以是慮事 争事秦, ·|兩道,<|□幾盡故宋,<|三衞必效單父。|秦兵可全, 、趙可法,而宋、中山可爲戒也。 周書日『惟命不于常』,此言幸之不可數也。 今魏氏方疑,可以少割收也。〔三〕願君逮楚、趙之兵未至於梁,亟以少割收魏。 |秦必受之。|秦挾楚´趙之兵以復攻梁,則國求無亡不可得也。願王之必無講也。 君後擇焉。 以少割爲利,必欲之,則君得所欲矣。 ·悉其百縣勝甲以上戍大梁,臣以爲不下三十萬。以三十萬之衆守梁七仞之城,CloJ 且君之得地豈必以兵哉!割晉國,秦兵不攻,而魏必效絳安邑。 王必勿聽也。 夫秦何厭之有哉!今又走芒卯,人北宅,此非敢 今王背楚、趙而講奏、「も」楚、趙怒而去王,與王 攻而不拔,秦兵必罷,陶邑必亡,〇二〕則前功 楚、趙怒於魏之先己也,必争事秦,從以此 夫戰勝暴子,割八縣,此非兵力之精也,又 而君制之, 何索而不得,何爲而不 又爲 魏

[一] 樂解 上莫卬反。下陌飽反。

〔三〕[集解]徐廣曰:「魏惠王五年,與韓會宅陽。」 [正義] 竹書云:「宅陽,一名北宅。」括地志云:「宅陽故城在鄭州

榮陽縣西南十七里。」

[集解]徐廣日:「田完世家云魏伐趙,趙不利,戰於南梁。」 索隱三梁即南梁也。

. 29 .../ [索隱] 衞之故國,蓋楚丘也。下文「故地」,亦同謂楚丘也。 戰國策「衞」字皆作「燕」,「子良」作「子之」,恐非也。

至」「索隱」河東、河西、河内並是魏地,卽故晉國。今言秦蠶食魏氏,盡晉國之地也。

[中] 索隱講,和也。

[八] [索隱] 謂與秦欲講,少割地而求秦質子;恐不然必被秦欺也。

[九] 索隱] 須賈説穰侯,言魏人謂梁王若少割地而求秦質,必是欺我,即聞魏見欺於秦也。

[10] [集解] 爾雅曰:「四尺謂之仞,倍仞謂之尋。」

索隱「陶」一作「魏」。 言秦前攻得魏之城邑,秦罷則亡而還於魏也。 正義」定陶近大梁,穰侯攻梁兵疲,定

陶必爲魏伐。

[三] [索隱] 賈引魏人之説不許王講于秦,是言魏氏方疑,可以少割地而收魏也。

[索隱] 楚、趙怒魏之與秦講,皆争事秦,是東方從國於是解散也,故云「從以此散」。 正義從,足松反。

[一四] [索隱] 穰侯封陶,魏效絳與安邑,是得河東地。 言從秦適陶,開河西、河東之兩道。 正義 穰故封定陶,故宋

及單父是陶之南道也,魏之安邑及絳是陶北道。

列

傳

第十二

□□ [索隱] 上音祈。此時|宋已滅,是秦將盡得|宋地也。

[|K] [索隱] 言莫行圍梁之危事。

[1七] [正義] 表云魏安釐王二年,秦軍大梁城,韓來救,與秦温以和也。

明年,魏背秦,與齊從親。秦使穰侯伐魏,斬首四萬,走魏將暴薦,得魏三縣。 穰侯益

圭

此五也。故得安邑以善事之,亦必無患矣。秦有安邑,韓氏必無上黨矣。取天下之腸胃, 之以兵,秦反受敵。此四也。是晉、楚以秦謀齊,以齊謀秦也,何晉、楚之智而秦、齊之愚? 出兵,則晉、楚爲制於秦。齊恐,不走秦,必走晉、楚。此三也。秦割齊以啖晉、楚,晉、楚案 齊,如以千鈞之弩決潰癕也,必死,安能獘晉、楚。此二也。 秦少出兵,則晉、楚不信也,多 此一也。秦之謀者,必曰『破齊,獎晉、楚,〔禹〕而後制晉、楚之勝』。夫齊,罷國也,以天下攻 也。百相背也,百相欺也,不爲不信,不爲無行。今破齊以肥趙。趙,秦之深讎,不利於秦。 熟於計,穰侯智而習於事,必不益趙甲四萬以伐齊』。是何也?夫三晉之相與也,秦之深讎 書曰:「臣聞往來者言曰『秦將益趙甲四萬以伐齊』,臣竊必之「『〕敝邑之王曰〔『〕『秦王明而 蔡陽、長社,趙氏觀津。且與趙觀津,益趙以兵,伐齊。「三齊襄王懼, 使蘇代爲齊陰遺穣侯 明年,穰侯與白起客卿胡陽復攻趙、韓、魏,破芒卯於華陽下,斬首十萬,取魏之卷、〔一〕

與出兵而懼其不反也,孰利?臣故曰秦王明而熟於計,穰侯智而習於事, 必不益趙甲四萬

以伐齊矣。」於是穰侯不行,引兵而歸。

[一] 集解] 丘權反。

[二] [索隱] 既得觀津,仍令趙伐齊,而秦又以兵益助趙也。

〔三〕[索隱] 告齊王,言秦必定不益兵以助趙。 正義 臣,蘇代也。 必知秦與趙甲四萬以伐齊。

〔四〕[正義] 謂齊王也。

[五] 正義] 今晉、楚伐齊,晉、楚之國亦獎敗。

昭王三十六年,相國穰侯言客卿竈,欲伐齊取剛、壽、「一」以廣其陶邑。於是魏人范睢

范睢言宣太后專制,穰侯擅權於諸侯,涇陽君、高陵君之屬太侈,富於王室。於是秦昭王 自謂張禄先生,譏穰侯之伐齊,乃越三晉以攻齊也,以此時奸説秦昭王。昭王於是用范睢。 悟,乃免相國,令涇陽之屬皆出關,就封邑。 穰侯出關,輜車千乘有餘。

[一][集解]徐廣日:「濟北有剛縣。」 正義。故剛城在兗州襲丘縣界。 壽張, 鄆州縣也。

穰侯卒於陶,而因葬焉。 秦復收陶爲郡。

太史公曰:穰侯,昭王親舅也。而秦所以東益地,弱諸侯,嘗稱帝於天下,天下皆西鄉

稽首者,穰侯之功也。及其貴極富溢,一夫開説,身折勢奪而以憂死,況於羈旅之臣乎? 【索隱述贊】穰侯智識,應變無方。内倚太后,外輔昭王。四登相位,再列封疆。摧齊撓楚,破魏圍梁。

夫開說,憂憤而亡。

史記卷七十三

白起王翦列傳第十三

拔之。後五年,白起攻趙,拔光狼城。「八〕後七年,白起攻楚,拔鄢、鄧五城。「九〕其明年,攻 斬首二十四萬,又虜其將公孫喜,拔五城。起遷爲國尉。〔閏〕涉河取韓安邑以東, 城。「三」是歲,穰侯相秦,舉任鄙以爲漢中守。其明年,白起爲左更,攻韓、魏於伊闕,「三」 城,自己拔五城,斬首五萬。 晉將,斬首十三萬。與趙將賈偃戰,沈其卒二萬人於河中。 武安君。 阿。C K J明年,白起爲大良造。攻魏,拔之,取城小大六十一。 白起者,郿人也。日〕善用兵,事秦昭王。昭王十三年,而白起爲左庶長,將而擊韓之新 武安君因取楚,定巫、黔中郡。昭王三十四年,白起攻魏,拔華陽,走芒卯,而虜三 四十四年,白起攻南陽太行道,絶之。日司 明年,起與客卿錯攻垣城,「も」 昭王四十三年, 白起攻韓四 白起遷爲 到乾气量

[一][正義] 郿音眉,岐州縣。

白起王翦列傳第十三

- 〔三〕 索隱 在河南也。 正義] 今洛州伊闕。
- 〔三〕[正義] 今洛州南十九里伊闕山,號曰龍門是也。
- 四」正義一言太尉。
- 〔五〕 集解]徐廣曰:「音干。」
- [六] [集解] 郭璞曰:「今河東 聞喜縣東北有乾河口,因名乾河里,但有故溝處,無復水也。」 索隱 魏以安邑入秦,然
- [4] 集解 徐廣曰:「河東垣縣。」

安邑以東至乾河皆韓故地,故云取韓安邑。

- [八][索隱] 地理志不載光狼城,蓋屬趙國。 正義一光狼故城在澤州高平縣西二十五里也。
- [t]||集||解||徐廣日:「昭王二十八年。」 正義。鄢鄧二邑在襄州。
- [10][正義] 夷陵,今峽州郭下縣。
- [一] [正義] 故城在郢州長壽縣南百五十里,今復州亦是其地也。
- [三] [正義] 陘庭故城在曲沃縣西北二十里,在絳州東北三十五里也。
- [一] [集解] 徐廣曰:「此南陽,河内脩武是也。」 [正義] 案:南陽屬韓,秦攻之,則韓太行羊腸道絶矣。

韓必不可得爲民。 秦兵日進,韓不能應,不如以上黨歸趙。 四十五年,伐韓之野王。〔〕野王降秦,上黨道絶。其守馮亭與民謀曰:「鄭道已絶,〔三〕 趙若受我,秦怒,必攻趙。 趙被

平陽君曰:「不如勿受。受之,禍大於所得。」平原君曰:「無故得一郡,受之便。」趙受之, 兵,必親韓。 韓趙爲一,則可以當秦。」因使人報趙。趙孝成王與平陽君、「『」平原君計之。

因封馮亭爲華陽君。「图」

[一] | 索隱] 地理志野王縣屬河内,在太行東南。 孟康曰「古邢國也」。

[三] [樂解] 徐廣曰:「河南新鄭,韓之國都是也。」 [索隱] 鄭國卽韓之都,在河南。秦伐野王,是上黨歸韓之道絶也。

[三][索隱] 平陽君未詳何人。

[四][正義]常山一名華陽,解在趙世家。

四十六年,秦攻韓鯸氏、藺、こ」拔之。

〔一〕集解 徐廣曰:「屬潁川。」 近,恐綸藺聲相似,字隨音而轉作「藺」。 云:「洛州嵩縣本夏之綸國也,在緱氏東南六十里。」地理志云:「綸氏屬潁川郡。」按: 既攻緱氏、藺,二邑合相 索隱一今其地闕。 西河别有藺縣也。 正義」按:檢諸地記,潁川無 藺。 括地志

六月,陷趙軍,取二鄣四尉。「六〕七月,趙軍築壘壁而守之。秦又攻其壘,取二尉,敗其陣,て引 黨民。「『」四月,戲因攻趙。趙使廉頗將。趙軍士卒犯秦斥兵,「『」秦斥兵斬趙裨將描。「『〕 奪西壘壁。「八〕廉頗堅壁以待秦,秦敷挑戰,「九〕趙兵不出。趙王數以爲讓。而秦相應侯又 四十七年,秦使左庶長王齕门攻韓,取上黨。上黨民走趙。趙軍長平,行以按據上四十七年,秦使左庶長王齕行以攻韓,取上黨。上黨民走趙。趙軍長平,行以按據上

使人行千金於趙爲反閒,[10]曰:「秦之所惡,獨畏馬服子趙括將耳,廉頗易與, 君將者斬。 道絶,王自之河内,自己賜民爵各一級,發年十五以上悉詣長平,自己遮絶趙救及糧食。 |秦壁。[1三壁堅拒不得人,而|秦奇兵二萬五千人絶趙軍後,又一軍五千騎絶趙壁閒, 王既怒廉頗軍多失亡,軍數敗,又反堅壁不敢戰,而又聞秦反閒之言,因使趙括代廉頗將以 而爲二,糧道絶。 秦聞馬服子將,乃陰使武安君白起爲上將軍,而王齕爲尉裨將,令軍中有敢泄武安 趙括至,則出兵擊秦軍。 而秦出輕兵擊之。 趙戰不利,因築壁堅守,自己以待救至。 秦軍詳敗而走,自己張二奇兵以劫之。 趙軍逐勝,追造 且降矣。」趙 秦王聞趙食 趙軍分

[一] 集解 音紇。

[三] 樂解 徐廣日:「在泫氏。」 [索隱] 地理志泫氏今在上黨郡也。 正義 長平故城在澤州高平縣西二十一

里也。

(三)[索隱]謂屯兵長平,以據援上黨。

[四][索隱]謂犯秦之斥候兵也。

[豆][索隱]音加,裨將名也。

索隱 又有故穀城。 鄣,堡城。尉,官也。 此二城卽二鄣也。」 正義 括地志云:「趙鄣故城一名都尉城,今名趙東城, 在澤州高平縣西二十五

[ゼ][集解]徐廣日:「一作『乘』。」

〈][正義] 趙西壘在澤州高平縣北六里是也。 即廉頗堅壁以待秦,王齕奪趙西壘壁者。

[九][正義] 數音朔。挑,田鳥反。

[10] [正義] 紀莧反。

(三)[正義] 詳音羊。

[三]正義]秦壁一名秦壘,今亦名秦長壘。

[一三] [正義] 趙壁今名趙東壘,亦名趙東長壘,在澤州高平縣北五里,即趙括築壁敗處。

[12][正義]時已屬秦,故發其兵。

[三][索隱]時已屬秦,故發其兵。

不能出。其將軍趙括出鋭卒自搏戰,秦軍射殺趙括。括軍敗,卒四十萬人降武安君。武安 至九月,趙卒不得食四十六日,皆内陰相殺食。來攻|秦壘,欲出。爲四隊,四五復之,

居計曰:「前秦已拔上黨,上黨民不樂爲秦而歸趙。趙卒反覆,非盡殺之,恐爲亂。」乃挾詐 而盡阬殺之,遺其小者二百四十人歸趙。前後斬首虜四十五萬人。趙人大震。

王王,則武安君必爲三公,君能爲之下乎。雖無欲爲之下,固不得已矣。 秦嘗攻韓,圍邢 十餘城,南定鄢、郢、漢中、〔閏〕北禽趙括之軍,雖周、召、吕望之功不益於此矣。今趙亡,秦 圍邯鄲乎。] 曰:「然。」「趙亡則秦王王矣,武安君爲三公。武安君所爲秦戰勝攻取者七 原。[三]韓、趙恐,使蘇代厚幣説秦相應侯曰:「武安君禽馬服子乎。]曰:「然。]又曰:「卽 四十八年十月,秦復定上黨郡。[一]秦分軍爲二:王齕攻皮牢,[一]拔之,司馬梗定太

白起王翦列傳第十三

確、[5]趙六城以和。正月,皆罷兵。武安君聞之,由是與應侯有隙。 於是應侯言於秦王曰:「秦兵勞,請許韓、趙之割地以和,且休士卒。」王聽之,割韓垣 齊,南地人韓、魏,則君之所得民亡幾何人。[к]故不如因而割之,[ч]無以爲武安君功也。」 丘,「馬」困上黨,上黨之民皆反爲趙,天下不樂爲**秦民之日**久矣。今亡趙,北地入燕,東地入

[一] [索隱] 秦前攻趙已破上黨,今迴兵復定其郡,其餘城猶屬趙也。

[三][正義] 故城在絳州龍門縣西一里。

〔三〕[正義] 太原,趙地,秦定取也。

[四][正義] 鄢在襄州率道縣南九里。
野在荆州江陵縣東六里。漢中,今梁州之地。

[五] 集解 徐廣日:「平皋有邢丘。」 正義一冊丘,今懷州武德縣東南二十里平皋縣城是也。

「、」集解 徐廣日 「亡音無也。」

[刊][正義] 因白起之攻,割取韓、趙之地。

[八][集解]徐廣曰:「卷縣有垣雍城。」 [正義]釋地名云:「卷縣所理垣雍城。」按:今在鄭州原武縣西北七里也。

武安君言曰:「邯鄲實未易攻也。且諸侯救日至,彼諸侯怨秦之日久矣。今秦雖破長平軍, 月,陵攻邯鄲,少利,秦益發兵佐陵。陵兵亡五校。武安君病愈,秦王欲使武安君代陵將。 其九月,秦復發兵,使五大夫王陵攻趙邯鄲。是時武安君病,不任行。「三四十九年正

可。」秦王自命,不行,乃使應侯請之,武安君終辭不肯行,遂稱病。 而秦卒死者過半,國内空。遠絶河山而争人國都,趙應其内,諸侯攻其外,破秦軍必矣。不

〔一〕[正義] 任,人針反,堪也。

此哉?」良久,曰:「我固當死。長平之戰,趙卒降者數十萬人,我詐而盡阬之,是足以 行。居三月,諸侯攻秦軍急,秦軍數卻,使者日至。秦王乃使人遣白起,不得留咸陽中。 武安君遂稱病篤。應侯請之,不起。於是免武安君爲士伍,遷之陰密。「二」武安君病,未能 軍,秦軍多失亡。武安君言曰:「秦不聽臣計,今如何矣」」秦王聞之,怒,彊起武安君、(こ) 祀焉。〔□〕 死。」遂自殺。武安君之死也,以秦昭王五十年十一月。死而非其罪,秦人憐之,鄉邑皆祭 不服,有餘言。」秦王乃使使者賜之劍,自裁。武安君引劍將自剄,曰:「我何罪于天而至 安君既行,出咸陽西門十里,至杜郵。〔刑〕秦昭王與應侯羣臣議曰:「白起之遷,其意尚怏怏 秦王使王齕代陵將,八九月圍邯鄲,不能拔。楚使春申君及魏公子將兵數十萬攻秦

- 〔一〕[正義] 彊,其兩反。
- [二] 集解]徐廣日:屬安定。」 [正義] 故城在涇州鶉觚縣,城西即古陰密國,密康公國也。
- 三] 索隱] 按:故咸陽城在渭北。 杜郵,今在咸陽城中。 [正義] 説文云「郵,境上行舍」,道路所經過。 今咸陽縣

城、本秦之郵也、在雍州西北三十五里。

四] [集解] 何晏曰:「白起之降趙卒,詐而阬其四十萬,豈徒酷暴之謂乎!後亦難以重得志矣。向使衆人皆豫知降之 降殺雖易,然降殺之爲害,禍大於劇戰也。」 [索屬]捲音拳。祖音濁莧反,字亦作「綻」。 捄音救。 哉!若後之役戍不豫其論者,則秦衆多矣,降者可致也;必不可致者,本自當戰殺,不當受降詐也。 也,況今皆使天下爲後日乎!其所以終不敢復加兵於邯鄲者,非但憂平原君之補袒,患諸侯之捄至也,徒諱之 戰,死當死耳,何衆肯服,何城肯下乎。是爲雖能裁四十萬之命而適足以彊天下之戰,欲以要一朝之功而乃更 必死,則張虛捲猶可畏也,況於四十萬被堅執鋭哉!天下見降秦之將頭顱似山,歸秦之衆骸積成丘,則後日之 堅諸侯之守,故兵進而自伐其勢,軍勝而還喪其計。何者?設使趙衆復合,馬服更生,則後日之戰必非前日之對 而不言耳。若不悟而不諱,則毋所以遠智也,可謂善戰而拙勝。長平之事,秦民之十五以上者皆荷戟而向趙矣, 秦王又親自賜民爵於河内。夫以秦之彊,而十五以上死傷過半者,此爲破趙之功小,傷秦之敗大,又何以稱奇 戰殺雖難,

之,拔九城。十八年,翦將攻趙。歲餘,遂拔趙,趙王降,盡定趙地爲郡。明年,燕使荆軻爲 兵敗。還擊魏,魏王降,遂定魏地。 賊於秦,秦王使王翦攻燕。燕王喜走遼東,翦遂定燕薊而還。〔三〕秦使廟子王賁擊荆,〔四〕荆 王翦者,頻陽東鄉人也。[1]少而好兵,事秦始皇。始皇十一年, 翦將攻趙閼與,[1]破

[一] [索隱] 地理志頻陽縣屬左馮翊,應劭曰「在頻水之陽也」。 正義」故城在雍州東同官縣界也。

(三) 正義 音預。

〔三〕正義 薊音計。

[E][樂解]徐廣日:「秦諱『楚』,故云|||也。」 [索隱] 賁音奔、

信軍,人兩壁,殺七都尉,秦軍走。 南伐荆。 皇曰:「王將軍老矣,何怯也!李將軍果勢壯勇,「」其言是也。」遂使李信及蒙恬將二十萬 丹至於衍水中,卒破得丹,始皇以爲賢勇。 何人而足?」李信曰:「不過用二十萬人。」始皇問王翦,王翦曰:「非六十萬人不可。」始 又攻鄢郢,破之,於是引兵而西,與蒙恬會城父。〔即〕荆人因隨之,三日三夜不頓舍,大破李 秦始皇既滅三晉,走燕王,而數破荆師。 王翦言不用,因謝病,歸老於頻陽。李信攻平與、「三」蒙恬攻寢、「三」大破開軍。 於是始皇問李信:「吾欲攻取荆, 秦將李信者,年少壯勇,嘗以兵數千逐燕太子 於將軍度用幾

[一][集解]徐廣曰:「勢,一作(新)『〔斷〕』。」

三] 集解 徐廣日「今固始寢丘。」 索隱徐廣云固始寢丘。 固始,縣,屬淮陽。 寢丘,地名也。

在汝南,即應鄉。 正義]言引兵而會城父,則是汝州郟城縣東父城者也。括地志云:「汝州郟城縣東四

白

起王翦列傳第十三

建所居城父,謂今亳州城父是也』。 此三家之説,是城父之名。 地理志云潁川父城縣,沛郡城父縣。 據縣屬郡, 也。此二城,父城之名耳,服虔城父是誤也。,左傳及注水經云『楚大城城父,使太子建居之』。十三州志云『太子 十里有父城故城,卽服虔云城父楚北境者也。又許州華縣東北四十五里亦有父城故城,卽杜預云襄城城父縣者

其名自分。古先儒多惑,故使其名錯亂。」

始皇日:「爲聽將軍計耳。」於是王翦將兵六十萬人,始皇自送至灞上。王翦行,請美田宅 將。」始皇謝曰:「已矣,將軍勿復言!」王翦曰:「大王必不得已用臣,非六十萬人不可。」 大王之嚮臣,臣亦及時以請園池爲子孫業耳。」始皇大笑。王翦既至關,使使還請善田者 |荆兵日進而西,將軍雖病,獨忍弃寡人乎']王翦謝曰:「老臣罷病悖亂, [一]唯大王更擇賢 空秦國甲士而專委於我,□□我不多請田宅爲子孫業以自堅,顧令秦王坐而疑我邪。」 五輩。〔三〕或曰:「將軍之乞貸,亦已甚矣。」王翦曰:「不然。 夫秦王怚〔1〕 而不信人。〔8〕 今 園池甚衆。 始皇聞之,大怒,自馳如頻陽,見謝王翦曰:「寡人以不用將軍計,李信果辱溱軍。 今聞 始皇曰:「將軍行矣,何憂貧乎。」王翦曰:「爲大王將,有功終不得封侯,故及

一二正義 罷音皮。悖音背。

[二][集解]徐廣曰:「善,一作『菑』。」 [索隱] 謂使者五度請也。

「三」集解]音麄。

[四]集解]徐廣曰:「怚,一作『粗』。」

〔≒〕[集解] 徐廣曰:「專亦作『摶』,又作『剸』。」

兵遂敗走。|秦因乘勝略定||地城邑。歲餘,虜|||王負燭,竟平||地爲郡縣。 之,王翦使人問軍中戲乎。對曰:「方投石超距。」〔一〕於是王翦曰:「士卒可用矣。」|荆數挑戰 君。而王翦子王賁,與李信破定燕、齊地。 而凑不出,乃引而東。以因舉兵追之,令壯士擊,大破|判軍。至|斬南,〔三〕殺其將軍項燕,則 不肯戰。|荆兵數出挑戰,終不出。|王翦日休士洗沐,而善飲食撫循之,親與士卒同食。 久 王翦果代李信擊荆。 | 荆聞王翦益軍而來,乃悉國中兵以拒凑。 王翦至,堅壁而守之, 因南征百越之

[一] [集解] 徐廣曰:「超,一作『拔』。 漢書云『甘延壽投石拔距,绝於等倫。』張晏曰『范蠡兵法飛石重十二斤,爲機發 行三百步。延壽有力,能以爭投之。拔距,超距也』。」 |索隱||超距猶跳躍也。

[二]正義 徐州縣也。

秦始皇二十六年,盡并天下,王氏、蒙氏功爲多,名施於後世。

必矣。」客曰:「不然。夫爲將三世者必敗。必敗者何也?必其所殺伐多矣,其後受其不 趙,圍趙王及張耳鉅鹿城。「一或曰:「王離,秦之名將也。今將彊秦之兵,攻新造之趙,舉之 秦二世之時,王翦及其子賁皆已死,而又滅蒙氏。陳勝之反秦,秦使王翦之孫王離擊

白起王翦列傳第十三

今王離已三世將矣。」居無何,項羽救趙,擊秦軍,果虜王離,王離軍遂降諸侯。

[一][正義] 今邢州平鄉縣城本秦鉅鹿郡城也。

能救患於應侯。王翦爲秦將,夷六國,當是時,翦爲宿將,始皇師之,然不能輔秦建德,固其 根本,偷合取容,以至坳身。[一]及孫王離爲項羽所虜,不亦宜乎!彼各有所短也。 太史公曰:鄙語云「尺有所短,寸有所長」。 白起料敵合變,出奇無窮,聲震天下,然不

[一] 樂解 徐廣曰:「物音没。」

【索隱述贊】白起、王翦,俱善用兵。 遞爲秦將,拔齊破荆。 趙任馬服,長平遂院。楚陷李信,霸上卒行。

賁、離繼出,三代無名。

史記卷七十四

孟子荀卿列傳第十四

|索隱||按:序傳孟嘗君第十四,而此傳爲第十五,蓋後人差降之矣。

誠亂之始也! 夫子罕言利者,常防其原也。故曰「放於利而行,多怨」。 自天子至於庶人, 好利之獘何以異哉! 太史公曰:余讀孟子書,至梁惠王問「何以利吾國」,未嘗不廢書而歎也。 曰:嗟乎,利

伐爲賢,而孟軻乃述唐、虞、三代之德,是以所如者不合。退而與萬章之徒「『〕序詩書,述 戰勝弱敵;齊威王、宣王用孫子、田忌之徒,而諸侯東面朝齊。 天下方務於合從連衡,以攻 仲尼之意,作孟子七篇。其後有騶子之屬。 王不果所言,則見以爲迂遠而闊於事情。當是之時,秦用商君,富國彊兵,楚、魏用吳起, 孟軻,騶人也。「」受業子思之門人。「」道既通,游事齊宣王,宣王不能用。 適梁,梁惠

索隱 | 軻音苦何反,又苦賀反。 娜,魯地名。 又云「邾」,邾人徙娜故也。 正義 軻字子輿,爲齊卿。鄒,兗州

[二] [索隱] 王劭以「人」爲衍字,則以|軻親受業孔伋之門也。 今言「門人」者,乃受業於子思之弟子也。

[三] [索隱] 孟子有萬章、公明高等,蓋並軻之門人也。萬,姓;章,名。

齊有三騶子。 其前騶忌,以鼓琴干威王,因及國政,封爲成侯而受相印,先孟子。

若兹。 大瀛 之施始也濫耳。「鬥王公大人初見其術,懼然顧化,「鬥其後不能行之。 也。 縣神州内自 所珍,因而推之,及海外人之所不能睹。 而遠之,至天地未生,窈冥不可考而原也。 乃深觀陰陽消息而作怪迂之變,終始、大聖之篇十餘萬言。 而大之,至於無垠。先序今以上至黃帝,學者所共術,大並世盛衰,仁己因載其機祥度制,推 海環其外,天地之際焉。其術皆此類也。 於是有裨海環之,「一」人民禽獸莫能相通者,如一區中者,乃爲一州。 其次騶衍,後孟子。 以爲儒者所謂中國者,於天下乃八十一分居其一分耳。〔三〕中國名曰赤縣神州。赤 ·有九州,禹之序九州是也,不得爲州數。 翳衍睹有國者益淫侈,不能尚德,若大雅整之於身,施及黎庶矣。 稱引天地剖判以來,五德轉移,治各有宜,而符應 先列中國名山大川,通谷禽獸,水土所殖,物類 然要其歸,必止乎仁義節儉,君臣上下六親 中國外如赤縣神州者九,乃所謂 其語閔大不經,必先驗小物,推 如此者九, 乃有 1九州

- [一][集解]並,蒲浪反。 [索隱]言其大體隨代盛衰,觀時而說事。
- [三] 索隱] 桓寬、王充並以衍之所言迂怪虚妄,干惑六國之君,因納其異說,所謂「匹夫而營惑諸侯」者是也。
- 索隱 裨音脾。 裨海,小海也。 九州之外,更有大瀛海,故知此裨是小海也。 且將有裨將,裨是小義也。
- | |254 |___/ 索隱 濫卽濫觴,是江源之初始,故此文意以濫爲初也。謂衍之術言君臣上下六親之際,行事之所施所始,皆可

爲後代之宗本,故云濫耳。

三 常聞而貴異術也。 索隱 懼音劬。 謂衍之術皆動人心,見者莫不懼然駐想,又内心留顧而已化之,謂欲從其術也。 按:化者,是易

乎?[<] 里奚飯牛車下而繆公用霸,作先合,然後引之大道。 意阿世俗苟合而已哉 夷餓不食周粟;衞靈公問陳,而孔子不答;梁惠王謀欲攻趙,孟軻稱大王去邠。[₭〕此豈有 見尊禮如此,豈與仲尼菜色陳蔡, |王擁彗先驅、「ニ〕請列弟子之座而受業,築碣石宮、「゚」身親往師之。作注運。「ピ〕其游諸侯 是以騶子重於齊。 ! 持方枘欲内圜鑿,其能人乎?[+]或日,伊尹負鼎而勉湯以王,百 適梁,惠王郊迎,執賓主之禮。 適趙,平原君側行撇席。[二]如燕,昭 孟軻困於齊梁同乎哉!「禹」故武王以仁義伐尉而王, 騶衍其言雖不軌,儻亦有牛鼎之意 伯

[索隱] 按:字林曰「襒音疋結反」。章昭曰「敷蔑反」。 敢正坐當賓主之禮也」。 張揖三蒼訓詁云「襒,拂也。 謂側而行,以衣撇席爲敬,不

孟子荀

卿列傳

第十四

- [二] [索隱] 按:彗,帚也。 謂爲之埽地,以衣袂擁帚而卻行,恐塵埃之及長者,所以爲敬也。
- [三][正義]碣石宮在幽州薊縣西三十里寧臺之東。
- [四][索隱]按:劉向别錄云鄉子書有主運篇。
- [\(\overline{\

太息哉。

- [六] [索隱] 今按::孟子 [太王去邠] 是軻對滕文公語,今云梁惠王謀攻趙,與孟子不同。
- [P] [索隱] 按:方枘是筍也,圓鑿是孔也。謂工人斲木,以方筍而内之園孔,不可人也。故楚詞云「以方枘而内園

鑿,吾固知其齟齬而不入」是也。謂戰國之時,仲尼、孟軻以仁義干世主,猶方枘圍鑿然。

云「觀太史公此論,是其愛奇之甚」。

徒、「馬」各著書言治亂之事,以干世主,豈可勝道哉! 自騶衍與齊之稷下先生、〔一〕如淳于髡、慎到、環淵、〔三〕接子、〔॥〕田駢、〔四〕

騶爽之

[一] [索隱] 稷下,齊之城門也。或云稷下,山名。謂齊之學士集於稷門之下。

- 〔三〕[索隱] 按:劉向别録「環」作姓也。
- 、コノ「京で記」してなっます。ノフロサもた。
- [三] 索隱] 古著書人之稱號。
- [B] 索隱] 步堅、步經反二音。
- 〔至〕[正義] 慎子十卷,在法家,則戰國時處士。接子二篇。田子二十五篇,齊人,游稷下,號「天口」。接、田二人,道

家。翳奭十二篇,陰陽家。

以謂髡。髡曰:「固也。吾前見王,王志在驅逐;後復見王,王志在音聲: 吾是以默然。」客 之稱淳于先生,管、晏不及,及見寡人,寡人未有得也。豈寡人不足爲言邪?何故哉。」客 務。客有見髡於梁惠王,惠王屏左右,獨坐而再見之,終無言也。惠王怪之,以讓客曰:「子 送以安車駕駟,束帛加璧,黄金百鎰。終身不仕。 彼,有之。」「一〕後淳于髡見,壹語連三日三夜無倦。惠王欲以卿相位待之,髡因謝去。於是 未及視,會先生至。後先生之來,人有獻謳者,未及試,亦會先生來。寡人雖屏人,然私心在 具以報王,王大駭,曰:「嗟乎,淳于先生誠聖人也!前淳于先生之來,人有獻善馬者,寡人 淳于髡,齊人也。博聞彊記,學無所主。其諫説,慕晏嬰之爲人也,然而承意觀色爲

〔一〕[索隠] 謂私心實在彼馬與謳也。有之,謂我實有此二事也。

故慎到著十二論、「二環淵著上下篇,而田駢、接子皆有所論焉。 慎到,趙人。田駢、接子,齊人。環淵,楚人。皆學黃老道德之術,因發明序其指意。

[一] 集解 徐廣曰:「今慎子,劉向所定,有四十一篇。」

騶奭者,齊諸騶子,亦頗采騶衍之術以紀文。

於是齊王嘉之,自如淳于髡以下,皆命曰列大夫,爲開第康莊之衢,〔〕高門大屋,尊寵

之。覽天下諸侯賓客,言齊能致天下賢士也。

[一] [樂解] 爾雅曰:「四達謂之衢,五達謂之康,六達謂之莊。」

莊周等又猾稽亂俗,於是推儒、墨、道德之行事興壞,序列著數萬言而卒。 齊襄王時,「四」而荀卿最爲老師。齊尚脩列大夫之缺,而荀卿三爲祭酒焉。「明〕齊人或讒荀 已而相秦。 卿,荀卿乃適楚,而春申君以爲蘭陵令。〔戊〕春申君死而荀卿廢,因家蘭陵。李斯嘗爲弟子, 久與處,時有得善言。故<u>齊人頌曰:「談天衙,雕龍</u>處,炙轂^[]]過髡。」「鬥]田駢之屬皆已死。 荀卿, 趙人。江三年五十始來游學於齊。關衍之術迂大而閎辯;奭也文具難施;淳于髡 荀卿嫉濁世之政,亡國亂君相屬,不遂大道而營於巫祝,信禨祥,鄙儒小拘,如 因葬蘭陵。

[一] [索隱] 名況。卿者,時人相尊而號爲卿也。仕齊爲祭酒,仕楚爲蘭陵令。後亦謂之孫卿子者,避漢宣帝諱改也。

〔三〕集解除廣曰:「一作『亂禍』。」

故曰『雕龍』。」別録曰「過」字作「輠」。輠者,車之盛膏器也。炙之雖盡,猶有餘流者。 也。」左思齊都賦注曰「言其多智難益,如炙膏過之有潤澤也」。 是器名,音如字讀,謂盛脂之器名過。「過」與「鍋」字相近,蓋卽脂器也。 劉向别録曰:「翳衍之所言五德終始,天地廣大,盡言天事,故曰『談天』。 炙之雖盡,猶有餘津,言<u></u>
是智不盡如炙輠也。 按:劉氏云「毅,衍字也」。 [索隱] 按:劉向別録「過」字作「輠」。 輠,車之 轂即車轂,過爲潤穀之物,則「轂」非衍 騶奭脩衍之文,飾若雕鏤龍文, 今按:文稱「炙轂過」, 言淳于髡智不盡如炙輠 則

- [四] [索隱] 按襄王名法章, 湣王子, 莒人所立者。
- [至][索隱]按·禮食必祭先,飲酒亦然,必以席中之尊者一人當祭耳,後因以爲官名,故吴王濞爲劉氏祭酒是也。而 卿三爲祭酒者,謂荀卿出入前後三度處列大夫康莊之位,而皆爲其所尊,故云「三爲祭酒」也。
- 「六」[正義] 蘭陵,縣,屬東海郡,今沂州承縣有蘭陵山

而趙亦有公孫龍〔〕爲堅白同異之辯,〔三劇子之言;〔三〕魏有李悝,盡地力之教;〔四〕

- **憷有尸子、長盧;ヒルコ阿之吁子焉。ヒメコ自如孟子至于吁子,世多有其書,故不論其傳云。**
- [一] [索隱] 按:即仲尼弟子名也。此云趙人,弟子傳作衞人,鄭玄云楚人,各不能知其真也。又下文云「並孔子同 時,或日在其後」,所以知非别人也。
- [三] <u>集解] 晉太康地記云:「汝南西平縣有龍淵水可用淬刀劍,特堅利,故有堅白之論,云『黄,所以爲堅也;白,所</u> 堅白之辯。按平原君傳,騶衍同時。括地志云「西平縣,豫州西北百四十里,有龍淵水」也。 以爲利也』。或辯之曰『白,所以爲不堅;黄,所以爲不利』。」 [正義] 藝文志公孫龍子十四篇,顏師古云卽爲
- []] (集解) 徐廣日:「按應砌氏姓注直云『處子』也。」 [索隱] 按:著書之人姓劇氏而稱子也,前史不記其名也,故

趙有劇孟及劇辛也。

至〕【集解】劉向别錄曰:「梵心尸子,疑謂其在蜀。今按尸子書,晉人也,名佼,秦相衞鞅客也。衞鞅商君謀事畫 計,立法理民,未嘗不與佼規之也。商君被刑,佼恐并誅,乃亡逃入蜀。自爲造此二十篇書,凡六萬餘言。卒,因 [索隱]按:尸子名佼、音絞、晉人、事具别録。 長盧、未詳。 正義長盧九篇,楚人。

三五〇

[六] (集解) 徐廣曰:「阿者,今之東阿。」 [索隱] 阿,齊之東阿也。 吁音芈。别録作「芈子」,今「吁」亦如字也。 [正義] 按··東齊州也。藥文志云「吁子十八篇,名嬰,齊人,七十子之後」。 顔師古云音弭。按:是齊人,阿又屬

齊、恐顏公誤也。

蓋墨翟,宋之大夫,善守禦,爲節用。「一或曰並孔子時,或曰在其後。「一」

[一] <u>樂</u> 屬子曰:「公輸般爲雲梯之械成,將以攻宋。 墨子聞之,至於郢,見公輸般。 墨子解帶爲城,以牒爲械。公 宋莫能守,可攻也。然臣之弟子禽滑釐等三百人已持臣守國之器在宋城上而待楚寇矣,雖殺臣,不能絕也。」楚 |王曰:『善哉,吾請無攻||宋城矣!』」 [潔隱]注「爲雲梯之械」者,按梯者,構木瞰高也;雲者,言其昇高人雲, 吾不言。』墨子亦曰:『吾知子之所以距我者,吾不言。』楚王問其故。墨子曰:『公輸子之意不過欲殺臣,殺臣, 爲械」者,按牒者,小木札也;械者,樓櫓等也。注「公輸般之攻械盡」者,劉氏云「械謂飛梯、撞車、飛石車弩之 故曰雲梯。械者,器也。謂攻城之樓櫓也。注「墨子解帶爲城」者,謂墨子爲術,解身上革帶以爲城也。注「以牒 輸般九設攻城之機變,墨子九距之。公輸般之攻械盡,墨子之守固有餘。公輸般詘,而言曰:『吾知所以距子矣,

[三][索隱]按"别錄云"今按墨子書有文子,文子即子夏之弟子,問於墨子」。如此,則墨子在七十子之後也。

【索隱述贊】六國之末,戰勝相雄。軻游齊、魏,其説不通。退而著述,稱吾道窮。蘭陵事楚,騶衍談

空。康莊雖列,莫見收功。

史記卷七十五

孟嘗君列傳第十五

明年, 張 年, 忌。 州 田嬰自威王 [4] 丑 而 相 説楚威王,威王乃止。 宣王二年,田忌與孫臏、田嬰俱伐魏,敗之馬陵,虜魏太子申而殺魏將龐涓。〔三〕宣王 田忌 田嬰使於韓、魏,韓、魏服於齊。 孟嘗君名文,姓田氏。文之父曰靖郭君田嬰。田嬰者,齊威王少子而 王也。「八」楚威王聞之,怒田嬰。 復與梁惠王會甄。「三」是歲,梁惠王卒。 懼,襲齊之邊邑,不勝,亡走。 時任職用事, 與成侯鄒忌及田忌將而救韓伐魏。 田嬰相齊十一年,宣王卒, 嬰與韓昭侯、魏惠王會齊宣王東阿南、見盟而去。 會威王卒,宣王立,知成侯賣田忌,乃復召田忌 明年,楚伐敗齊師於徐州 宣王九年,田嬰相齊。齊宣王與魏襄王會 湣王即位。 成侯與田忌争寵, 而使 即位三年, 人逐 齊宣 田嬰。 王庶弟也。二 而封田嬰於 成侯 田嬰使 賣 以 |徐 七 田

索隱 按:戰國策及諸書並無此言,蓋諸田之别子也,故戰國策每稱「嬰子」、「胎子」, 高誘注云「田胎」、「田嬰」

也。 王劭又按:戰國策云「齊貌辯謂宣王曰:『王方爲太子時,辯謂靖郭君,不若廢太子,更立郊師。 靖郭君不

忍。』宣王太息曰:『寡人少,殊不知。』」以此言之,嬰非宣王弟明也。

[二] [索隱] 紀年當梁惠王二十八年,至三十六年改爲後元也。

[三]正義 東阿,濟州縣也。

[|索隱]|紀年當惠王之後元十一年。彼文作「平阿」。又云「十三年會<u>齊威王于</u>鄄」,與此明年齊宣王與梁惠王會

|野文同。但||齊之||威宣二王,文舛互並不同。

[五][集解]音絹。

[在][正義]紀年云梁惠王三十年,下邳遷于薜,改名徐州。

中] [索隱] 紀年以爲梁惠王後元十三年四月,齊威王封田嬰于薜。十月,齊城薜。十四年,薜子嬰來朝。 十五年,齊

威王薨,嬰初封彭城。皆與此文異也。 正義 薛故城在今徐州滕縣南四十四里也。

受命於天,君何憂焉。 必受命於户,則可高其户耳,誰能至者!嬰曰:「子休矣。」 户齊,將不利其父母。」 〔三〕 文曰:「人生受命於天乎,將受命於户邪。」 嚶默然。 文曰:「必 其母竊舉生之。[〕及長,其母因兄弟而見其子文於田嬰。 田嬰怒其母曰:「吾令若去此子, 而敢生之,何也。〕」文頓首,因曰:「君所以不舉五月子者,何故。〕廛曰:「五月子者,長與 初,田嬰有子四十餘人,其賤妾有子名文,文以五月五日生。 嬰告其母曰:「勿舉也。」

[一] [索隱] 按:上「舉」謂初誕而舉之,下「舉」謂浴而乳之。 生謂長養之也。

[三] [索隱] 按:風俗通云「俗説五月五日生子,男害父,女害母」。

於諸侯。諸侯皆使人請醉公田嬰以文爲太子,嬰許之。嬰卒,謚爲靖郭君。〔四〕而文果代立 於薛,是爲孟嘗君。 孫。」「玄孫之孫爲何。」曰:「不能知也。」〔1〕」文曰:「君用事相齊,至今三王矣,齊不加廣 人,「『而忘公家之事日損,文竊怪之。」於是|嬰迺禮|文,使主家待賓客。 賓客日進,名聲聞 士不得(短)[裋]褐,〔三〕僕妾餘粱肉而士不厭糟糠。今君又尚厚積餘藏,欲以遺所不知何 而君私家富累萬金,門下不見一賢者。」文聞將門必有將,相門必有相。今君後宮蹈綺縠而 久之,)文承閒問其父嬰曰:「子之子爲何。」曰:「爲 孫。」 「孫 之 孫 爲 何。」曰:「爲 玄

[一] |索隠] 按:爾雅云「玄孫之子爲來孫,來孫之子爲昆孫,昆孫之子爲仍孫,仍孫之子爲雲孫」。 又有耳孫,亦是玄 孫之子,不同也。

[三][索隱](短)[桓]亦音豎。豎褐,謂褐衣而豎裁之,以其省而便事也。

〔三〕[索隱] 遺音唯季反。猶言不知欲遺與何人也。

「四」(集解) 皇覽曰:「靖郭君冢在魯國薛城中東南陬。」 故漢齊王舅父駟鈞封靖郭侯是也。陬音鄒,亦音緅。陬者,城隅也。 索隱 按:謂死後别號之曰「靖郭」耳,則「靖郭」或封邑號,

孟嘗君在薛,招致諸侯賓客及亡人有罪者,皆歸孟嘗君。 孟嘗君舍業厚遇之了了以故

孟

君所與客語,問親戚居處。客去,孟嘗君已使使存問,獻遺其親戚。孟嘗君曾待客夜食,有 多歸孟嘗君。 傾天下之士。 人蔽火光。 食客數千人,無貴賤一與文等。 孟嘗君待客坐語,而屏風後常有侍史,主記 客怒,以飯不等,輟食辭去。孟嘗君起,自持其飯比之。 孟嘗君客無所擇,皆善遇之。人人各自以爲孟嘗君親己。 客慙,自剄。 士以此

【一] [索隱] 按:含業者,拾弃其家産而厚事賓客也。 劉氏云「含音赦。謂爲之築舍立居業也」。

虎狼之國也,而君欲往,如有不得還,君得無爲土禺人所笑乎。」孟嘗君乃止。 子將敗矣。』土禺人曰:『我生於土,敗則歸土。今天雨,流子而行,未知所止息也。』今溱, 行,諫,不聽。|蘇代謂曰:「今旦代從外來,見木禺人與土禺人相與語。「二木禺人曰:『天雨, 秦昭王聞其賢,乃先使涇陽君爲質於齊,以求見孟嘗君。孟嘗君將人秦,賓客莫欲其

[一] [索隱] 音偶,又音寓。謂以土木爲之偶,類於人也。蘇代以土偶比涇陽君,木偶比孟嘗君也。

嘗君賢,而又齊族也,今相秦,必先齊而後秦,秦其危矣。」於是秦昭王乃止。囚孟嘗君,謀 欲殺之。孟嘗君使人抵昭王幸姬求解。[一]幸姬曰:「妾願得君狐白裘。」〔三〕此時孟嘗君有 狐白裘,直千金,天下無雙,人秦獻之昭王,更無他裘。」孟嘗君患之,徧問客,莫能對。 齊湣王二十五年,復卒使孟嘗君人秦,昭王卽以孟嘗君爲秦相。人或説秦昭王曰:「孟

嘗君有秦難,卒此二人拔之。自是之後,客皆服。 關,關法雞鳴而出客,孟嘗君恐追至,客之居下坐者有能爲雞鳴,而雞齊鳴,遂發傳出。 關。「鬥夜半至函谷關。「鬥秦昭王後悔出孟嘗君,求之已去,卽使人馳傳逐之。」孟嘗君至 以獻秦王幸姬。幸姬爲言昭王,昭王釋孟嘗君。孟嘗君得出,卽馳去,更封傳,變名姓以出 如食頃,秦追果至關,已後孟嘗君出,乃還。始孟嘗君列此二人於賓客,賓客盡羞之,及孟 下坐有能爲狗盜者,曰:「臣能得狐白裘。」乃夜爲狗,以入秦宫臧中、「己取所獻狐白裘至, 出

[一] [索隱] 抵音丁禮反。按:抵謂觸冒而求之也。

[二](集解]章昭曰:「以狐之白毛爲裘。謂集狐腋之毛,言美而難得者。」

[三]正義]藏,在浪反。

29 索隱更者,改也。 改前封傳而易姓名,不言是孟嘗之名。 封傳猶今之驛券。

(五) [正義] 關在陝州桃林縣西南十三里。

今視之,乃眇小丈夫耳。」」孟嘗君聞之,怒。客與俱者下,斫擊殺數百人,遂滅一縣以去。 孟嘗君過趙,趙平原君客之。 趙人聞孟嘗君賢,出觀之,皆笑曰:「始以薛公爲魁然也,

齊湣王不自得八二以其遣孟嘗君。 孟嘗君至,則以爲齊相,任政。

孟嘗君列傳第十五

〔一〕[索隱] 不自德。是愍王遣孟嘗君,自言已無德也。

敝邑以此惠秦,秦得無破而以東國自免也,秦必欲之。楚王得出,必德齊。 秦以彊韓、魏。 秦,使三國無攻,而不借兵食於西周矣。是時,楚懷王人秦,秦留之,故欲必出之。 而薛世世無患矣。 \<u>秦</u>,而君無攻,又無借兵食。君臨函谷而無攻,令敝邑以君之情謂秦昭王曰『薛公必不破 南無煙憂,西無癳患,則齊危矣。韓、魏必輕齊畏癳,臣爲君危之。君不如令敝邑深合於 謂曰:「三」「君以齊爲韓、魏攻楚九年,取宛、葉以北以彊韓、魏、「三」今復攻秦以益之。 孟嘗君怨秦,將以齊爲韓、魏攻楚,因與韓、魏攻秦,「一」而借兵食於西周。 其攻秦也,欲王之令楚王割東國以與齊,「四」而秦出楚懷王以爲和」。 秦不大弱,而處三晉之西,三晉必重齊。」薛公曰:「善。」因令韓、 齊得東國益彊, 蘇代爲西周 秦不果 |韓、魏 君令 魏賀

[一][樂解]徐廣曰:「年表日韓、魏、齊共擊秦軍於函谷。」

出楚懷王。

三][索隱] 戰國策作「韓慶爲西周謂薛公」。

. ||] || 正義|| 宛在鄧州,葉在許州。 二縣以北舊屬楚,二國共没以入韓、魏。

[四]正義]東國,齊、徐夷。

孟嘗君相齊,其舍人魏子「」爲孟嘗君收邑人,「三」三反而不致一人。 孟嘗君問之, 對

者聞之,乃上書言孟嘗君不作亂,請以身爲盟,遂自剄宫門以明孟嘗君。湣王乃驚,而蹤跡 驗問,孟嘗君果無反謀,乃復召孟嘗君。孟嘗君因謝病,歸老於嶭。湣王許之。 王曰:「孟嘗君將爲亂。」及田甲劫湣王,湣王意疑孟嘗君,孟嘗君迺奔。<!] 魏子所與粟賢 曰:「有賢者,竊假與之,以故不致人。」孟嘗君怒而退魏子。居數年,人或毀孟嘗君於齊湣

[一] [索隱] 舍人官微,記姓而略其名,故云魏子。

(三][索隱] 收其國之租税也。

〔三〕集解]徐廣曰:「湣王三十四年,田甲劫王,薛文走。

齊無秦,則天下集齊,親弗必走,則齊王孰與爲其國也」於是孟嘗君從其計,而吕禮嫉害 君。君不如急北兵,趨趙以和燽、魏,收周最以厚行,且反齊王之信,〔三〕又禁天下之變。〔四〕 逐之,而聽親弗[三]相吕禮者,欲取秦也。齊、秦合,則親弗與吕禮重矣。 有用,齊、秦必輕 於孟嘗君。 其後,秦亡將吕禮相齊,欲困蘇代。代乃謂孟嘗君曰:「周最於齊,至厚也,〔一〕而齊王

[一][正義] 周最,周之公子。

〔三〕[集解] 親弗,人姓名。 索隱親,姓;弗,名也。 戰國策作「祝弗」,蓋「祝」爲得之。

孟嘗君列傳第十五

三] [索隱] 周最本厚於齊,今欲逐之而相奏之亡將。蘇代謂孟嘗君,令齊收周最以自厚其行,又且得反齊王之有信,

[四] [索隱] 變謂齊、秦合則親弗、吕禮用,用則秦、齊輕孟嘗也。

封,秦、晉交重子。若齊不破,吕禮復用,子必大窮。」於是穰侯言於秦昭王伐齊,而吕禮 子必深矣。子不如勸秦王伐齊。齊破,吾請以所得封子。齊破,秦畏晉之彊,秦必重子以 齊秦相取以臨三晉,吕禮必并相矣,是子通齊以重吕禮也。若齊免於天下之兵,其讎 孟嘗君懼,乃遺秦相穰侯魏月書曰:「吾聞秦欲以吕禮收齊,齊,天下之彊國也,子必輕 晉國敝於齊而畏秦,晉必重子以取秦。是子破齊以爲功,挾晉以爲重,是子破齊定

與據共伐破齊。齊湣王亡在莒,遂死焉。齊襄王立,而孟嘗君中立於諸侯,無所屬。 王新立,畏孟嘗君,與連和,復親薜公。文卒, 諡爲孟嘗君。[]諸子争立,而齊魏共滅薛。 後齊湣王滅宋,益驕,欲去孟嘗君。 孟嘗君恐,迺如魏。魏昭王以爲相,西合於秦、趙,

| [樂解] 皇覽日:「孟嘗君冢在魯國薛城中向門東。向門,出北邊門也。」詩云「居常與許」,鄭玄曰「『常』或作『嘗』, 在薛之南」。孟嘗邑于薛城也。 索隱按:孟嘗襲父封薛,而號日孟嘗君,此云諡,非也。孟,字也;嘗,邑

孟嘗絶嗣無後也。

名。詩云「居常與許」,鄭箋云「『常』或作『嘗』,嘗邑在薛之旁」是也。

縣五十二里。卒在齊襄王之時也。」

正義 括地志云:「孟嘗君墓在徐州滕

驩曰:「聞君好士,以貧身歸於君。」孟嘗君置傳舍十日,〔□〕孟嘗君問傳舍長曰:「客何所 魚』。」孟嘗君遷之幸舍,食有魚矣。五日,又問傳舍長。答曰:「客復彈劍而歌曰 爲。」答曰:「馮先生甚貧,猶有一劍耳,又蒯緱。〔8〕彈其劍而歌曰『長鋏歸來乎, 歸來乎,出無輿』。」孟嘗君遷之代舍,出入乘輿車矣。五日,孟嘗君復問傳舍長。舍長答 初,馮驩「〕聞孟嘗君好客,躡蹻而見之。〔三〕孟嘗君曰:「先生遠辱,何以教文也。」馮 『長鋏 食無

曰:「先生又嘗彈劍而歌曰『長鋏歸來乎,無以爲家』。」孟嘗君不悦。 [一][集解]音歡。復作「煖」,音許袁反。 [索隱]音歡。字或作「諼」,音況遠反。

[二][索隱] 蹻音脚。字亦作「繑」,又作「屩」,亦作「彽」。

[]]][索隱] 傳音逐緣反。按:傳含、幸舍及代舍,並當上、中、下三等之客所舍之名耳。

[四][樂解] 蒯音苦怪反。茅之類,可爲繩。言其劍把無物可裝,以小繩纏之也。緱音侯,亦作「候」,謂把劍之處。

索屬」蒯,草名,音「蒯聵」之「蒯」。 緱音侯,字亦作「侯」,謂把劍之物。 言其劍無物可裝,但以蒯繩纏之,故云

「蒯緱」。

居春年, 孟 君 馮驩無所言。 列 傳 第 + ħ 孟嘗君時相齊,封萬户於薜。其食客三千人,邑人不足以奉

貸錢者,爲民之無者以爲本業也;所以求息者,爲無以奉客也。今富給者以要期,貧窮者 酣,乃持券如前合之,能與息者,與爲期;貧不能與息者,取其券而燒之。曰:「孟嘗君所以 不足以奉賓客,故出息錢於薛。一薛歲不入,民頗不與其息。今客食恐不給,願先生責之。」 能,宜可令收債。」孟嘗君乃進馮驩而請之曰:「賓客不知文不肖,幸臨文者三千餘人,邑人 燔券書以捐之。諸君彊飲食。 錢者,能與息者皆來,不能與息者亦來,皆持取錢之券書合之。齊爲會,日殺牛置酒。 馮驩曰:「諾。」 辭行,至 薜,召取 孟嘗君錢者皆會,得息錢十萬。 迺多釀酒,買肥牛,召諸取 左右:「何人可使收債於膵者。」傳舍長曰:「代舍客馮公形容狀貌甚辯,長者, 客,「一使人出錢於薛。 歲餘不人,貸錢者多不能與其息,行己客奉將不給。孟嘗君憂之,問 有君如此,豈可負哉」、坐者皆起,再拜。 無他伎(三) 酒

[一][正義]奉,符用反。

[三][索隱]按:與猶還也。息猶利也。

、三][集解]亦作「技」。

多具牛酒而燒券書,何。」馮驩曰:「然。不多具牛酒卽不能畢會, 文奉邑少、[]而民尚多不以時與其息,客食恐不足,故請先生收責之。 聞先生得錢,卽以 孟嘗君聞馮驩燒券書,怒而使使召驩。 靡至,孟嘗君曰:「文食客三千人,故貸錢於薜。 無以知其有餘不足。 有

券,捐不可得之虚計,令辟民親君而彰君之善聲也,君有何疑焉!」孟嘗君乃拊手而謝之。 上則爲君好利不愛士民,下則有離上抵負之名,非所以厲士民彰君聲也。焚無用虚債之 餘者,爲要期。不足者,雖守而責之十年,息愈多,急,卽以逃亡自捐之。若急,終無以償,

[一] [索隱] 言文之奉邑少,故令出息於薛。

雄雌之國,秦彊則齊弱矣,此勢不兩雄。今臣竊聞秦遣使車十乘載黄金百鎰以迎孟嘗君。 結靷東入齊者,無不欲彊齊而弱奏者;馮軾結靷西入奏者,無不欲彊奏而弱齊者。夫奏齊 悦,迺遣車十乘黄金百鎰以迎孟嘗君。 馮驩辭以先行,至齊,説齊王曰:「天下之游士馮軾 幣陰迎孟嘗君,不可失時也。如有齊覺悟,復用孟嘗君,則雌雄之所在未可知也。」秦王大 齊,背齊入秦,則齊國之情,人事之誠,盡委之秦,齊地可得也,豈直爲雄也!君急使使載 秦王曰:「聞之。」馮驩曰:「使齊重於天下者,孟嘗君也。今齊王以毀廢之,其心怨,必背 下矣。」秦王跽而問之曰:「何以使秦無爲雌而可?」馮驩曰:「王亦知齊之廢孟嘗君乎?」 弱齊,馮軾結靷東人齊者,無不欲彊齊而弱秦。此雄雌之國也,勢不兩立爲雄,雄者得天 君乃約車幣而遣之。馮驩乃西説秦王曰:「天下之游士馮軾結靷西入秦者,無不欲彊秦而 君廢,皆去。馮驩曰:「借臣車一乘,可以入秦者,必令君重於國而奉邑益廣,可乎。」孟嘗 齊王惑於秦、楚之毁,以爲孟嘗君名高其主而擅齊國之權,遂廢孟嘗君。諸客見孟嘗

相 秦使之未到,復孟嘗君,而益與之邑以謝之。孟嘗君必喜而受之。秦雖彊國,豈可以請人 孟嘗君不西則已,西人相秦則天下歸之,秦爲雄而齊爲雌,雖則臨淄、卽墨危矣。王何不先 聞孟嘗君復相齊,還車而去矣。 而迎之哉!折凑之謀,而絶其霸彊之略。」齊王曰:「善。」乃使人至境候秦使。 秦使車

明旦, 失。 驩結轡下拜。 死,物之必至也;富貴多士,貧賤寡友,事之固然也。君獨不見夫(朝)趣市[朝]者乎?[一] 好客,遇客無所敢失,食客三千有餘人,先生所知也。客見文一日廢,皆背文而去,莫顧文 曰:「敬從命矣。 今賴先生得復其位,客亦有何面目復見|文乎。如復見|文者,必唾其面而大辱之。」|馮 夫物有必至,事有固然, 君知之乎。」 孟嘗君曰: 「愚不知所謂也。」曰: 「生者必有 自齊王毀廢孟嘗君,諸客皆去。後召而復之,馮驩迎之。未到,孟嘗君太息歎曰:「文常 側肩争門而入,日暮之後,過市朝者掉臂而不顧。「三非好朝而惡暮,所期物忘其 孟嘗君下車接之,曰:「先生爲客謝乎。」馮驩曰:「非爲客謝也,爲君之言 聞先生之言,敢不奉教焉。」

[三][索隱]過音光卧反。朝音湖。謂市之行位有如朝列,因言市朝耳。

[三] [索隱] 按:期物謂入市心中所期之物利,故平明側肩争門而入,今日暮,所期忘其中。 忘者,無也。 其中,市朝

之中。言日暮物盡,故掉臂不顧也。

太史公曰:吾嘗過薛,其俗閭里率多暴桀子弟,與鄒、魯殊。問其故,曰:「孟嘗君招致

天下任俠,姦人入醉中蓋六萬餘家矣。」世之傳孟嘗君好客自喜,名不虚矣。

【索隱述贊】靖郭之子,威王之孫。既彊其國,實高其門。好客喜士,見重平原。雞鳴狗盜,魏子、馮

煖。如何承睫, 薛縣徒存!

史記卷七十六

平原君虞卿列傳第十六

原君相趙惠文王及孝成王,三去相,三復位,封於東武城。〔』〕 平原君趙勝者、「」趙之諸公子也。「」諸子中勝最賢,喜賓客,賓客蓋至者數千人。平

[二]正義 勝,式證反。

[二][樂解]徐廣曰:「魏公子傳曰趙惠文王弟。」

[]] (集解] 徐廣曰:「屬清河。」 [正義] 今貝州武城縣也。

賓客門下舍人稍稍引去者過半。 平原君怪之,曰:「勝所以待諸君者未嘗敢失禮,而去者何 者去,平原君笑曰:「觀此豎子,乃欲以一笑之故殺吾美人,不亦甚乎」終不殺。居歲餘, 臣不幸有罷癃之病、气气而君之後宫臨而笑臣,臣願得笑臣者頭。」平原君笑應曰:「諾。」躄 明日,躄者至平原君門,請曰:「臣聞君之喜士,士不遠千里而至者,以君能貴士而賤妾也。 平原君家樓臨民家。民家有躄者,槃散气之行汲。平原君美人居樓上,臨見,大笑之。

平

魏有信陵,楚有春申,故争相傾以待士。〔三〕 原君乃斬笑躄者美人頭,自造門進躄者,因謝焉。其後門下乃復稍稍來。是時齊有孟嘗, 多也?」門下一人前對曰:「以君之不殺笑躄者,以君爲愛色而賤士,士卽去耳。」於是平

[一] 樂解 亦作「跚」。 索隱」躄音壁。 散音先寒反,亦作「跚」,同音。 正義躄,跛也。

[三][樂解]徐廣曰:「癃音隆。癃,病也。」 **[紫隱] 罷音皮。癃音吕宫反。罷癃謂背疾,言腰曲而背隆高也。**

前,自贊於平原君曰:「遂聞君將合從於楚,約與食客門下二十人偕,不外索。今少一人,願 偕。平原君曰:「使文能取勝,則善矣。文不能取勝,則歃血於華屋之下,必得定從而還。 君卽以遂備員而行矣。」平原君曰:「先生處勝之門下幾年於此矣?」毛遂曰:「三年於此 士不外索,取於食客門下足矣。」得十九人,餘無可取者,無以滿二十人。

門下有

毛遂者, 矣。」平原君曰:「夫賢士之處世也,譬若錐之處囊中,其末立見。今先生處勝之門下三年 於此矣,左右未有所稱誦,勝未有所聞,是先生無所有也。先生不能,先生留。」毛遂曰: |秦之圍||邯鄲,<[]]|趙使平原君求救,合從於|楚,約與食客門下有勇力文武備具者二十人

「臣乃今日請處囊中耳。使遂蚤得處囊中,乃穎脱而出,〔三〕非特其末見而已。」平原君竟

與毛遂偕。十九人相與目笑之而未廢也。[引]

一〕正義趙惠文王九年,秦昭王十五年。

[三] |索隱] 按:鄭玄曰「類,環也」。 脱音吐活反。

[三][索隱]按:鄭玄曰「皆目視而輕笑之,未能卽廢弃之也」。

爲趙也。 之彊,天下弗能當。白起,小豎子耳,率數萬之衆,興師以與楚戰,一戰而舉鄢郢,再戰而 言而決耳。今日出而言從,日中不決,何也?」楚王謂平原君曰:「客何爲者也?」平原君 遂曰:「從定乎?」 楚王曰:「定矣。」 毛遂謂楚王之左右曰:「取雞狗馬之血來。」〔三〕 毛遂 燒夷陵,三戰而辱王之先人。此百世之怨而趙之所羞,而王弗知惡焉。〔〕合從者爲楚,非 其士卒衆多哉,誠能據其勢而奮其威。今楚地方五千里,持戟百萬,此霸王之資也。 手。吾君在前,叱者何也。且遂聞湯以七十里之地王天下,文王以百里之壤而臣諸侯,豈 曰::「王之所以叱|遂者,以|楚國之衆也。今十步之内,王不得恃|楚國之衆也,王之命縣於|遂 曰:「是勝之舍人也。」楚王叱曰:「胡不下!吾乃與而君言,汝何爲者也!」 毛遂按劍而前 日中不決。十九人謂毛遂曰:「先生上。」毛遂按劍歷階而上,謂平原君曰:「從之利害,兩 毛遂比至煙,與十九人論議,十九人皆服。平原君與楚合從,言其利害,日出而言之, 吾君在前,叱者何也?」楚王曰:「唯唯,誠若先生之言,謹奉社稷而以從。」毛 以楚

|遂左手持槃血而右手招十九人曰:「公相與歃此血於堂下。[『〕公等録録, [『〕所謂因人成事 奉銅槃[『〕而跪進之|楚王曰:「王當歃血而定從,次者吾君,次者|遂。」遂定從於殿上。|毛

一」[正義] 惡,烏故反。

者也。」

[|索屬]按:盟之所用性貴賤不同,天子用牛及馬,諸侯用犬及豭,大夫已下用雞。 今此總言盟之用血,故云「取

雞狗馬之血來」耳。

〔三〕[索隱]奉,敷奉反。若周禮則用珠盤也。

[四][索隱] 啑此血。音所甲反。

[五]集解]音禄。 [索隱] 音禄。按:王劭云「録、借字耳」。又説文云「録録、隨從之貌」。

爲不失天下之士,今乃於毛先生而失之也。毛先生一至楚,而使趙重於九鼎大吕。仁己毛先 平原君已定從而歸,歸至於趙,曰:「勝不敢復相士。勝相士多者千人,寡者百數,自以

[一] [索隱] 九鼎大吕,國之寶器。言毛遂至楚,使趙重於九鼎大吕,言爲天下所重也。 正義一大呂,周廟大鍾。

平原君既返趙,楚使春申君將兵赴救趙,魏信陵君亦矯奪晉鄙軍往救趙,皆未至。 秦

平原君虞卿列傳第十六

里。 能令夫人以下編於士卒之閒,分功而作, 急矣,而君之後宫以百數,婢妾被綺縠,餘粱肉,而民褐衣不完,糟糠不厭。 邪 ? 急圍 耳。」〔三〕於是平原君從之,得敢死之士三千人。 木爲矛矢,而君器物鍾磬自若。 使秦破趙,君安得有此。使趙得全, 亦會煙、魏救至,秦兵遂罷,邯鄲復存。 」平原君曰:「趙亡則勝爲虜,何爲不憂乎? 一邯鄲,邯鄲急,且降,平原君甚患之。 邯鄲傳舍吏子李同[二]説平原君曰:「君不憂趙亡 家之所有盡散以饗士,士方其危苦之時, 李同戰死,封其父爲李侯。「則 李同遂與三千人赴秦軍, 」李同曰:「邯鄲之民, 君何患無有。今君誠 炊骨易子而食, 秦軍爲之卻三十 民困兵盡,或剡 易德 可謂

一」正義 名談,太史公諱改也。

[二][正義] 言士方危苦之時,易有恩德。

三] 集解 徐廣曰「河内成皋有李城。」 [正義] 懷州温縣,本李城也,李同父所封。 隋煬帝從故温城移縣於此。

信陵君存邯鄲而 欲以信陵君之存邯鄲爲君請封, 無勳,乃以君爲親戚故也。 而相趙者,非以君之智能爲趙國無有也。 虞卿欲以信陵君之存邯鄲爲平原君請封。 .請封,是親戚受城而國人計功也。[二]此甚不可。 君受相印 有之乎? 不辭無能,割地不言無功者,亦自以爲親戚故 割東武城而封君者,非以君 」平原君曰:「然。」 公孫龍聞之, 龍曰:「此甚不可。 夜駕見平原君曰:「龍聞虞卿 且虞卿操其兩權, 爲 有功也,而以國人 且. 也。 王舉君

操右券以責、「三事不成,以虚名德君。君必勿聽也。」平原君遂不聽虞卿。

[一] [集解] 徐廣曰:「一本『是親戚受城而以國許人』。」

[三] [索隱] 言虞卿論平原君取封事成,則操其右券以責其報德也。

平原君以趙孝成王十五年卒。〔〕子孫代,後竟與趙俱亡。

〔一〕[索隱] 按::六國年表及世家並云十四年卒,與此不同。

平原君厚待公孫龍。 公孫龍善爲堅白之辯,及鄒衍過趙二言至道,乃絀公孫龍。〔三〕

[一] 索隱 過音戈。

[三] 集解] 劉向别録曰:「齊使鄒衍過趙,平原君見公孫龍及其徒綦毋子之屬,論『白馬非馬』之辯,以問鄒子。鄒子 辭以相惇,巧譬以相移,引人聲使不得及其意。如此,害大道。夫繳紛争言而競後息,不能無害君子。』坐皆稱 謂,使人與知焉,不務相迷也。故勝者不失其所守,不勝者得其所求。若是,故辯可爲也。及至煩文以相假,飾 曰:『不可。彼天下之辯有五勝三至,而辭正爲下。辯者,別殊類使不相害,序異端使不相亂,杼意通指,明其所 |索隱|| 杼音墅。杼者,舒也。繳音叫。 謂繳繞紛亂,争言而競後息,不能無害也。

虞卿者,游説之士也。躡蹻檐簦□〕説趙孝成王。一見,賜黄金百鎰,白璧一雙,再

「集解」徐廣曰:「蹻、草履也。簦、長柄笠、音登。笠有柄者謂之簦。」 |索隱| 蹻,亦作「繑」,音脚。徐廣云:「繑,

草履也。」

二」(集解)譙周曰:「食邑於虞。」 |索隱||趙之虞在河東大陽縣,今之虞鄉縣是也。

| 朱 矣, 貴人也,人秦,秦王與應侯必顯重以示天下。 鄲,爲天下笑。 必内吾使。 餘力矣,必且欲破趙軍。」虞卿曰:「王聽臣,發使出重寶以附楚、魏,楚、魏欲得王之重寶, 爲不媾軍必破也。 王,則媾不可得成也。」應侯果顯鄭朱以示天下賀戰勝者,終不肯媾。 與平陽君爲媾,發鄭朱人秦。 人使束甲而趨之,何如? 秦趙戰於長平,趙不勝,亡一都尉。趙王召樓昌與虞卿曰:「軍戰不勝, 卿以爲奚如?」 趙使入楚、魏,秦必疑天下之合從,且必恐。 而制媾者在秦。 虞卿對曰:「王不得媾,軍必破矣。 天下賀戰勝者皆在秦矣。 」樓昌曰:「無益也,不如發重使爲媾。」〔三]虞卿曰:「昌言媾者,以 秦内之。 且王之論秦也,欲破趙之軍乎,不邪。」王曰:「秦不遺 趙王召虞卿曰:「寡人使平陽君爲媾於秦,秦已内鄭 楚、 魏以趙爲媾, 如此,則媾乃可爲也。」趙王不聽, 必不救王。 長平大敗, 尉復死、「」寡 秦知天下不救 遂圍邯 鄭朱,

[一][集解]徐廣曰:「復,一作『係』。」

〔三〕集解] 古后反。 求和 日媾。 索隱]古候反。按:求和曰媾。 媾亦講,講亦和也。

平原君虞卿列傳第十六

其内而 攻王 能盡秦力之所至乎?誠知秦力之所不能進,此彈丸之地弗予,令秦來年復攻王,王得無割 韓、魏也。 臣之所敢任也。 必以倦而 王之所以事秦必在韓、魏之後也。 是助秦自攻也。 一也,倦而 秦既解邯鄲圍,而趙王入朝,使趙郝口之約事於秦,割六縣而媾。 滿媾乎? 歸也。」虞卿曰:「秦以其力攻其所不能取,倦而歸,王又以其力之所不能取以送 今臣爲足下解負親之攻、〔三〕開關通幣,齊交韓、魏,至來年而王獨取攻於秦,此 論歸乎? 他日三晉之交於秦,相善也。 王曰:「請聽子割矣,子能必使來年秦之不復攻我乎?」 王以其力尚能進,愛王而弗攻乎? 來年秦復攻王,王無救矣。」王以虞卿之言告趙郝。 此非臣之所敢任也。」 今秦善韓、魏而攻王, 」王曰:「秦之攻我也,不遺餘力矣, 王之所以事秦必不如 虞卿謂趙王曰:「秦之 趙郝對日:「此非 趙郝曰:「虞卿誠

[一][集解]音釋。徐廣曰:「一作『赦』。」[索隱]音釋。

[二] [索隱] 言爲足下解其負擔,而親自攻之也。

此自 郝又以不能 兵必罷。 盡之術 王以告虞卿。 我以六城收天下以攻罷秦,是我失之於天下而取償於秦也。 也,不如無媾。 必秦之不復攻也。 虞卿對曰:「郝言『不媾,來年秦復攻王,王得無割其内而媾乎』。 今媾, 秦雖善攻,不能取六縣;趙雖不能守,終不失六城。秦倦而歸, 今雖割六城,何益!來年復攻,又割其力之所不能取而媾, 吾國尚利,孰與坐而

平原君處卿列傳第十六

止矣。 乎? 之事凑不如韓、魏也」,是使王歲以六城事凑也,即坐而城盡。來年凑復求割地,王將與之 今坐而聽秦,秦兵不獘而多得地,是彊秦而弱趙也。 割地,自弱以彊奏哉?今郝曰『奏善韓、魏而攻趙者,必(以爲韓魏不救趙也而王之軍必孤有以)王 弗與,是弃前功而挑凑禍也;與之,則無地而給之。語曰『彊者善攻,弱者不能守』。 且王之地有盡而秦之求無已,以有盡之地而給無已之求,其勢必無趙矣。」 以益彊之秦而割愈弱之趙, 其計故不

婦人爲之自殺者二人,若是者必其於長者薄而於婦人厚也。』故從母言之,是爲賢母,從 非計也,言予之,恐王以臣爲爲痿也:故不敢對。使臣得爲大王計,不如予之。」王曰: 妻言之,是必不免爲妒妻。故其言一也,言者異則人心變矣。今臣新從秦來而言勿予,則 母乎。〔三〕公甫文伯仕於魯,病死,女子爲自殺於房中者二人。其母聞之,弗哭也。 曰:「『『焉有子死而弗哭者乎?』其母曰:『孔子,賢人也,逐於魯,而是人不隨也。今死而 曰:「此非臣之所能知也。」王曰:「雖然,試言公之私。」〔一〕 樓緩對曰:「王亦聞夫公甫文伯 趙王計未定,樓緩從秦來,趙王與樓緩計之,曰:「予秦地(何)如毋予,孰吉?」緩辭讓 其相室

.一] 索隱] 按:私謂私心也。

[三][正義] 季康子從祖母。文伯名歌,康子從父昆弟。

[三]正義]謂傅姆之類也。

和,以疑天下而慰秦之心。不然,天下將因秦之(彊)怒,乘趙之獘,瓜分之。趙且亡,何秦之 言告樓緩。樓緩對日:「不然。虞卿得其一,不得其二。夫秦趙構難而天下皆說,何也?日 圖乎。故曰虞卿得其一,不得其二。願王以此決之,勿復計也。」 『吾且因彊而乘弱矣』。今趙兵困於〉秦,天下之賀戰勝者則必盡在於秦矣。故不如亟割地爲 虞卿聞之,人見王曰:「此飾説也,王眘〔〕勿予!」樓緩聞之,往見王。 王又以虞卿之

〔一〕[集解]徐廣曰:「音慎。」

齊,秦之深讎也,得王之六城,并力西擊秦,齊之聽王,不待辭之畢也。則是王失之於齊而 言其示天下弱乎。且臣言勿予者,非固勿予而已也。 秦索六城於王,而王以 六 城 賂齊。 之謀秦。虞卿未返,秦使者已在趙矣。 王。則是王一舉而結三國之親,而與秦易道也。」〔〕趙王曰:「善。」則使虞卿東見齊王,與 見秦之重賂至趙而反媾於王也。從秦爲媾,韓、魏聞之,必盡重王;重王,必出重寶以先於 取償於癳也。而齊、趙之深讎可以報矣,而示天下有能爲也。王以此發聲,兵未窺於境,臣 虞卿聞之,往見王曰:「危哉樓子之所以爲秦者,是愈疑天下,而何慰秦之心哉。獨不 樓緩聞之,亡去。趙於是封虞卿以一城。

[一][正義]前取秦攻,今得賂,是易道也。易音亦。

之與大國從事也,有利則大國受其福,有敗則小國受其禍。今魏以小國請其禍,而王以大 |虞卿人見王。王曰:「魏請爲從。」對曰:「魏過。」〔三〕王曰:「寡人固未之許。」 對曰:「王過。」 國辭其福,臣故曰王過,魏亦過。竊以爲從便。」王曰:「善。」乃合魏爲從。 王曰:「魏請從,卿曰魏過,寡人未之許,又曰寡人過,然則從終不可乎。」對曰:「臣聞小國 居頃之,而魏請爲從。趙孝成王召虞卿謀。過平原君,己平原君曰:「願卿之論從也。」

[一] 索隱 過音戈。

[三]集解]光卧反。

得失,世傳之日虞氏春秋。[三] 不得意,乃著書,「二上採養秋,下觀近世,曰節義、稱號、揣摩、政謀,凡八篇。 虞卿既以魏齊之故,不重萬户侯卿相之印,與魏齊閒行,卒去趙,困於梁。 以刺譏國家 魏齊已死,

一〕[索隱]魏齊,魏相,與應侯有仇,秦求之急,乃抵虞卿。卿弃相印,乃與齊閒行亡歸梁,以託信陵君。 決,齊自殺。故虞卿失相,乃窮愁而著書也。 信陵君疑未

二 正義 藝文志云十五篇。

平原君虞卿列傳第十六

馮亭邪說,使趙陷長平兵四十餘萬衆,邯鄲幾亡。[二]虞卿料事揣情,爲趙畫策,何其工也! 太史公曰:平原君,翩翩濁世之佳公子也,然未睹大體。 鄙語曰「利令智昏」,平原君貪

及不忍魏齊,卒困於大梁,庸夫且知其不可,況賢人乎。然虞卿非窮愁,亦不能著書以自見

於後世云。

[一] (集解) 譙周曰:「長平之陷,乃趙王信閒易將之咎,何怨平原受馮亭哉?」

【索隱述贊】翩翩公子,天下奇器。 笑姬從戮,義士增氣。 兵解|李同,盟定|毛遂。 虞卿躡蹻,受賞料事。

及困魏齊,著書見意。

史記卷七十七

魏公子列傳第十七

陵君。[1]是時范睢亡魏相秦,以怨魏齊故,秦兵圍大梁,破魏華陽下軍,走芒卯。 魏王及公 |魏公子無忌者,魏昭王少子而魏安釐王異母弟也。||昭王薨,安釐王卽位,封公子爲信

[一] 索隱] 按:地理志無信陵,或是鄉邑名也。

子患之。

争往歸之,致食客三千人。當是時,諸侯以公子賢,多客,不敢加兵謀魏十餘年。 公子爲人仁而下士,士無賢不肖皆謙而禮交之,不敢以其富貴驕士。 士以此方數千里

趙王陰事「『〕者,趙王所爲,客輒以報臣,臣以此知之。」是後魏王畏公子之賢能,不敢任公 曰:「趙王獵耳,非爲寇也。」魏王大驚,曰:「公子何以知之。」公子曰:「臣之客有能深得 止王曰:「趙王田獵耳,非爲寇也。」〔三〕復博如故。 王恐,心不在博。 居頃,復從北方來傳言 公子與魏王博,而北境傳舉烽,言「趙寇至,且人界」。〔〕魏王釋博,欲召大臣謀。公子

子以國政

〔一〕[集解] | 文穎曰:「作高木櫓,櫓上作桔槔,桔槔頭兜零,以薪置其中,謂之烽。 常低之,有寇即火然舉之以相告。」

[二] 正義 爲,于僞反。

〔三〕索隱]按:譙周作「探得趙王陰事」。

子。公子執轡愈恭。侯生又謂公子曰:「臣有客在市屠中,願枉車騎過之。」公子引車入市, 公子車騎市中,過客以觀公子,公子愈恭。市人皆以嬴爲小人,而以公子爲長者能下士 枉車騎,自迎處於衆人廣坐之中,不宜有所過,今公子故過之。然處欲就公子之名,故久立 壽侯生前。侯生因謂公子曰:「今日<u>嬴之爲公子亦足矣。〔□〕嬴乃夷門抱關者也,而公子親</u> 不變,乃謝客就車。至家,公子引侯生坐上坐,徧贊賓客、「見賓客皆驚。酒酣,公子起,爲 相宗室賓客滿堂,待公子舉酒。市人皆觀公子執轡。從騎皆竊罵侯生。侯生視公子色終 侯生下見其客朱亥,俾倪,〔三〕故久立與其客語,微察公子。 公子顔色愈和。 當是時,魏將 肯受,曰:「臣脩身絜行數十年,終不以監門困故而受公子財。」公子於是乃置酒大會賓客。 坐定,公子從車騎,虚左,自迎夷門侯生。侯生攝敝衣冠,直上載公子上坐,不讓,欲以觀公 魏有隱士曰侯嬴、〇〇年七十,家貧,爲大梁夷門監者。 公子聞之,往請,欲厚遺之。 不

也。」於是罷酒,侯生遂爲上客。

[一][索隱]音盈。又曹植音「羸痩」之「羸」。

[一][索隱]上音浦計反,下音五計反。
鄒誕云又上音疋未反,下音五弟反。

正義不正視也。

[三][索隱] 徧音遍。贊者,告也。謂以侯生遍告賓客。

[四][集解]徐廣曰:「爲,一作『羞』。」

侯生謂公子曰:「臣所過屠者朱亥,此子賢者,世莫能知,故隱屠閒耳。」公子往數請

之,朱亥故不復謝,公子怪之。

夫人,數遺魏王及公子書,請救於魏。魏王使將軍晉鄙□判將十萬衆救趙。秦王使使者告 辯士説王萬端。 急人之困也!且公子縱輕勝,弃之降凑,獨不憐公子姊邪。]公子患之,數請魏王,及賓客 留軍壁鄴,名爲救趙,實持兩端以觀望。平原君使者冠蓋相屬於魏,讓魏公子曰:「勝所以 魏王曰:「吾攻趙旦暮且下,而諸侯敢救者,已拔趙,必移兵先擊之。」魏王恐, 使人止晉鄙, 乃請賓客,約車騎百餘乘,欲以客往赴秦軍,與趙俱死。 自附爲婚姻者,以公子之高義,爲能急人之困。今|邯||即旦暮降|秦而魏救不至,安在公子能 魏安釐王二十年,秦昭王已破趙長平軍,又進兵圍邯鄲。公子姊爲趙惠文王弟平原君 魏王畏凑,終不聽公子。公子自度終不能得之於王, 計不獨生而令趙亡,

[一] 索隱] 魏將姓名也。

能從。」公子行數里,心不快,曰:「吾所以待侯生者備矣,天下莫不聞,今吾且死而侯生曾 泣,公子使客斬其仇頭,敬進如姬。 如姬之欲爲公子死,無所辭,顧未有路耳。 公子誠一開 嬴聞如姬父爲人所殺,如姬資之三年,(三)自王以下欲求報其父仇,莫能得。 如姬爲公子 生乃屏人閒語,<[1]曰:「嬴聞晉鄙之兵符常在王卧内,而如姬最幸,出入王卧内,力能竊之。 計,請如姬。 口請如姬,如姬必許諾,則得虎符奪晉鄙軍,北救趙而西卻秦,此五霸之伐也。」公子從其 安事客。然公子遇臣厚,公子往而臣不送,以是知公子恨之復返也。」公子再拜,因問。侯 曰:「公子喜士,名聞天下。今有難,無他端而欲赴|秦軍,譬若以肉投餒虎,何功之有哉? 尚 無一言半辭送我,我豈有所失哉?」復引車還,問侯生。侯生笑曰:「臣固知公子之還也。」 行過夷門,見侯庄,具告所以欲死秦軍狀。辭決而行,侯庄曰:「公子勉之矣,老臣不 如姬果盗晉鄙兵符與公子。

【一〕 [索隠] 閒音閑。 〔閒〕語謂静語也。

[二] [索隱] 舊解資之三年謂服齊衰也。今案:資者,畜也。謂欲爲父復讎之資畜於心已得三年矣。

而復請之,事必危矣。臣客屠者朱亥可與俱,此人力士。晉鄙聽,大善,不聽,可使擊之。」 公子行,侯生曰:「將在外,主令有所不受,以便國家。公子卽合符,而晉鄙不授公子兵

鄉自剄,以送公子。」公子遂行。 公子俱。公子過謝侯生。侯生曰:「臣宜從,老不能。請數公子行日,以至晉鄙軍之日,北 公子親數存之,所以不報謝者,以爲小禮無所用。今公子有急,此乃臣效命之秋也。」遂與 必當殺之,是以泣耳,豈畏死哉。」於是公子請朱亥。朱亥笑曰:「臣迺市井鼓刀屠者,而 於是公子泣。|侯|生日:「公子畏死邪。何泣也。」公子曰:「晉鄙嚄唶〔〕宿將,往恐不聽,

[一] 集解] 上音鳥百反,下音莊白反。 大笑。唶,大呼。」 [索隱] 上鳥白反,下争格反。案:嚄唶謂多詞句也。 正義聲類云:一度,

時,平原君不敢自比於人。公子與侯生決,至軍,侯生果北鄉自剄。 於界,平原君負韉矢气之爲公子先引。趙王再拜曰:「自古賢人未有及公子者也。」當此之 歸養。」得選兵八萬人,進兵擊秦軍。秦軍解去,遂救邯鄲,存趙。趙王及平原君自迎公子 將晉鄙軍。勒兵下令軍中曰:「父子俱在軍中,父歸,兄弟俱在軍中,兄歸,獨子無兄弟, 上,國之重任,今單車來代之,何如哉。」欲無聽。朱亥袖四十斤鐵椎,椎殺晉鄙,公子遂 至鄴,矯魏王令代晉鄙。晉鄙合符,疑之,舉手視公子曰:「今吾擁十萬之衆,屯於境

一」 集解 吕忱曰:「糟盛弩矢。」 [索隱] 韉音蘭。謂以盛矢,如今之胡簏而短也。 吕姓,忧名,作字林者。 言韉盛 竟留趙。趙王以鄗「□〕爲公子湯沐邑,魏亦復以信陵奉公子。公子留趙。 似若無所容者。趙王埽除自迎,執主人之禮,引公子就西階。公子側行辭讓,從東階上。〔一〕 自言辠過,以負於魏,自三無功於趙。趙王侍酒至暮,口不忍獻五城,以公子退讓也。公子 則有功矣,於魏則未爲忠臣也。公子乃自驕而功之,竊爲公子不取也。」於是公子立自責, 公子,公子不可忘也,公子有德於人,願公子忘之也。且矯魏王令,奪晉鄙兵以救趙,於趙 公子聞之,意驕矜而有自功之色。客有説公子曰:「物有不可忘,或有不可不忘。夫人有德於 公子獨與客留趙。趙孝成王德公子之矯奪晉鄙兵而存趙,乃與平原君計,以五城封公子。 魏王怒公子之盗其兵符,矯殺晉鄙,公子亦自知也。已卻秦存趙,使將將其軍歸魏,而

[一] [樂解] 禮記曰:「主人就東階,客就西階。客若降等,則就主人之階。」

[三] 索隱] 負音佩。

〔三〕[索隱] 音臛,趙邑名,屬常山。

弟公子天下無雙,今吾聞之,乃妄從博徒賣漿者游,公子妄人耳。」 夫人以告公子。 公子乃 公子。公子聞所在,乃閒步往從此兩人游,甚歡。平原君聞之,謂其夫人曰:「始吾聞夫人 公子聞趙有處士毛公藏於博徒,薛公藏於賣漿家,二二公子欲見兩人,兩人自匿不肯見

乃免冠謝,固留公子。平原君門下聞之,半去平原君歸公子,天下士復往歸公子,公子傾平 耳、自己不求士也。無忌自在大梁時,常聞此兩人賢,至趙,恐不得見。以無忌從之游,尚恐 謝夫人去,曰:「始吾聞平原君賢,故負魏王而救趙,以稱平原君。平原君之游,徒豪舉 其不我欲也,今平原君乃以爲羞,其不足從游。」乃裝爲去。夫人具以語平原君。平原君

[一] 集解] 徐廣曰:「漿,一作『醪』。」 [索隱] 按:别録云「漿,或作『醪』字」。

〔三〕[索隱] 謂豪者舉之。舉亦音據也。

急而公子不恤,使孱破大梁而夷先王之宗廟,公子當何面目立天下乎『語未及卒,公子 立變色,告車趣駕歸救魏。 子恐其怒之,乃誡門下:「有敢爲魏王使通者,死。」賓客皆背魏之趙,莫敢勸公子歸。 公、薛公[1]兩人往見公子曰:「公子所以重於趙,名聞諸侯者,徒以有魏也。今秦攻魏,魏 公子留趙十年不歸。|秦聞公子在趙,日夜出兵東伐魏。|魏王患之,使使往請公子。

[一] | 索隱] 史不記其名。

魏王見公子,相與泣,而以上將軍印授公子,公子遂將。魏安釐王三十年,公子使使遍

告諸侯。諸侯聞公子將,各遣將將兵救魏。公子率五國之兵破秦軍於河外,走蒙驁。

勝逐秦軍至函谷關,抑秦兵,自己秦兵不敢出。當是時,公子威振天下,諸侯之客進兵法,公

子皆名之,「三故世俗稱魏公子兵法。「三」

[一] | 索隱] 抑音憶。按: 抑謂以兵蹙之。

[二] [索隱] 言公子所得進兵法而必稱其名,以言其恕也。

[三][樂解]劉歆七略有魏公子兵法二十一篇,圖七卷。

後果使人代公子將。公子自知再以毀廢,乃謝病不朝,與賓客爲長夜飲,飲醇酒,多近婦 魏將,諸侯將皆屬,諸侯徒聞魏公子,不聞魏王。 公子亦欲因此時定南面而王,諸侯畏公子 女。日夜爲樂飲者四歲,竟病酒而卒。其歲,魏安釐王亦薨。 之威,方欲共立之。」秦數使反閒,僞賀公子得立爲魏王未也。 秦王患之,乃行金萬斤於魏,求晉鄙客,令毁公子於魏王曰:「公子亡在外十年矣,今爲 魏王日聞其毁,不能不信,

秦聞公子死,使蒙驁攻魏,拔二十城, 初置東郡。其後秦稍蠶食魏,十八歲而虜魏

(一) 索隱 魏王名假。

王、「一居大梁。

高祖始微少時,數聞公子賢。及卽天子位,每過大梁,常祠公子。高祖十二年,從擊黥

市還,爲公子置守冢五家,世世歲以四時奉祠公子。

喜士者矣,然信陵君之接巖穴隱者,不恥下交,有以也。名冠諸侯,不虚耳。高祖每過之而 太史公曰:吾過大梁之墟,求問其所謂夷門。夷門者,城之東門也。天下諸公子亦有

令民奉祠不絶也。

【索隱述贊】信陵下士,鄰國相傾。以公子故,不敢加兵。頗知朱亥,盡禮侯嬴。 遂卻晉鄙,終辭趙城。

毛、薜見重,萬古希**聲**。

史記卷七十八

春申君列傳第十八

所誘而入朝,遂見欺,留死於秦。頃襄王,其子也,秦輕之,恐壹舉兵而滅楚。歐乃上書説 取巫、黔中之郡,拔鄢郢,東至竟陵,〔三〕楚頃襄王東徙治於陳縣。〔三〕 黄歇見楚懷王之爲秦 與韓、魏共伐楚,未行,而楚使黃歇適至於秦,聞秦之計。當是之時,秦已前使白起攻楚, 秦昭王使白起攻韓、魏,敗之於華陽,禽魏將芒卯,韓、 春申君者,楚人也,名歇,姓黄氏。游學博聞,事楚頃襄王。〇〇頃襄王以歇爲辯,使於 魏服而事秦。 秦昭王方令白起

秦昭王曰:

[一] 索隱] 名横,考烈王完之父。

[二][正義]竟陵屬江夏郡也。

[三]正義]今陳州也。

天下莫彊於秦、楚。 今聞大王欲伐楚,此猶兩虎相與鬭。 兩虎相與鬭而駑犬受其

聚而不敢救。王之威亦單矣。[三] 嬰城与一而魏氏服,王又割濮曆之北,自己注齊秦之要,絶楚趙之脊,自己天下五合六 多矣。王休甲息衆,二年而後復之,又并庸、衙、首、垣、[10]以臨仁、平丘、[1]黄、濟陽 以其地入凑,是王不用甲,不信威,〔十〕而得百里之地。王可謂能矣。王又舉甲而攻魏, 杜大梁之門,舉河内,拔燕、酸棗、虚、〔<〕桃,人郉、〔去〕魏之兵雲翔而不敢拔。王之功亦 王、莊王之身,三世不妄接地於齊,以絶從親之要。[#]今王使盛橋守事於韓,[k]盛橋 是也。今大國之地,徧天下有其二垂,「图〕此從生民已來,萬乘之地未嘗有也。先帝」文 獘,[]不如善楚。臣請言其説:臣聞物至則反,冬夏是也;[i] 致至則危,[ii] 累棊

[一] 索隱] 按:謂兩虎鬭乃受獘於駑犬也。劉氏云受猶承也。

[三][正義]至,極也,極則反也。冬至,陰之極;夏至,陽之極。

[] [集解]徐廣曰:「致,或作『安』。」

[四][正義]言極東西。

「五」「索隱」 音腰。以言山東從、韓、魏是其腰。

《〕[索隱]按:秦使盛橋守事於韓,亦如楚使召滑相趙然也,並内行章義之難。

[七]索隱]信音申。

[八] 樂解] 徐廣曰:「秦始皇五年,取酸棗、燕、虚。 蘇代曰『決宿胥之口,魏無虚、頓丘』。」

九]集解]徐廣曰:「燕縣有桃城、平皋有邢丘。」 正義一邢丘在懷州武德縣東南二十里。

[10] 樂解 徐廣曰:「蘇秦云『北有河外、卷、衍』。 長垣縣有蒲鄉。」 索隱此蒲在衞之長垣蒲鄉也。 術在河南,與

卷相近。首蓋牛首,垣即長垣,非河東之垣也。垣音圓

[二] [集解] 徐廣曰:「屬陳留。」 [索隱] 仁及平丘二縣名。謂以兵臨此二縣,則黄及濟陽等自嬰城而守也。 (地

理志平丘屬陳留,今不知所在。

[三][樂解]徐廣曰:「蘇代云『決白馬之口,魏無黄、濟陽』。」 正義」故黄城在曹州考城縣東。濟陽故城在曹州宛句

[一三] (樂解] 徐廣曰:「濮水北於與野人濟。」 [索隱] 地名,蓋地近濮也。

縣西南。

嬰城、未詳。

[三][正義]劉伯莊云:「言秦得魏地,楚趙之(絶)從「絶」。」 |索隱| 單音丹。單者,盡也。

[三][集解]徐廣曰:「單,亦作『殫』。」

王若能持功守威,絀攻取之心而肥仁義之地,使無後患,三王不足四,五伯不足

言王之威盡行矣。

難也。 患也。 六也。 伐齊,「『〕既勝齊人於艾陵,「よ〕還爲越王禽三渚之浦。「も〕智氏之信韓、 |干隧之敗。[『〕此二國者,非無大功也,沒利於前而易患於後也。[『〕]吴之信越也, 王若負人徒之衆,仗兵革之彊,乘毁魏之威,而欲以力臣天下之主,臣恐其有後 詩曰「靡不有初,鮮克有終」。。易曰「狐涉水,濡其尾」。〔一〕此言始之易,終之 何以知其然也?昔智氏見伐趙之利而不知榆次之禍,八三吴見伐齊之便而不知 魏也, 從而伐 從而

趙,攻晉陽城、「台」勝有日矣,韓、魏叛之,殺智伯瑶於鑿臺之下。「台」今王妒楚之不毀

也,而忘毀楚之彊韓、魏也,臣爲王慮而不取也。

□□Ⅲ義] 言狐惜其尾,毎渉水,舉尾不令濕,比至極困,則濡之。譬不可力臣之。

[二] [索隱] 智伯敗於榆次也。地理志屬太原,有梗陽鄉。 [正義] 榆次,并州縣也。注水經云:「榆次縣南洞渦水側

三] |索隱] 干隧,吴之敗處,地名。 干,水邊也。 隧,道路也。 [正義] 干隧,吴地名也。出萬安山西南一里太湖,即

[四] [索隱] 謂智伯及吴王没伐趙及伐齊之利於前,而自易其患於後。後卽榆次、干隧之難也。 吴王夫差自剄處,在蘇州西北四十里

五五二

|索隱||從音絶用反。劉氏云:「從猶領也。」

人] 正義 艾山在兗州博縣南六十里也。

[七][集解]戰國策曰「三江之浦」。 祭子胥,杯動酒盡,乃開渠曰示浦,人破吴王於姑蘇,敗干隧也。」 [正義] 吴俗傳云:「越軍得子胥夢,從東人伐吴,越王卽從三江北岸立壇,殺白馬

[八]正義]并州城。

[九]集解]徐廣曰:「鑿臺在榆次。」

毚兔,遇犬獲之。[三]他人有心,余忖度之」。今王中道而信韓、魏之善王也,此正吴之 詩曰「大武遠宅而不涉」。〔一〕從此觀之,楚國,援也,鄰國,敵也。詩云「趯趯

則 ? 澤,頭顱僵仆,相望於境,父子老弱係脰束手爲羣虜者相及於路。鬼神孤傷,無所血 將十世矣。 信越也。 憂也,今王資之與攻楚,不亦過乎! 食。 王無重世之德四於韓、魏,而有累世之怨焉。夫韓、魏父子兄弟接踵而 人民不聊生,族類離散,流亡爲僕妾者,盈滿海内矣。 臣聞之,敵不可假,時不可失。臣恐韓、 本國殘,社稷壞,宗廟毁。 刳腹絶腸,折頸摺頤,「馬」首身分離,暴骸骨於草 魏卑辭除患而實欲欺大國也。[1]何 故韓、魏之不亡,秦社稷之 死 於秦者

[二][正義] 言大軍不遠跋涉攻伐。

[二] 集解] 韓嬰章句曰:「趯趯,往來貌。 曰:「毚冤,狡兔也。」鄭玄曰:「遇犬,犬之馴者,謂田犬。」 獲,得也。 言趯趯之毚兔。 [索隱]「趯」作「躍」。 躍,天歷反。 謂狡兔數往來逃匿其跡,有時遇犬得之。」、毛傳 **発音讒。**

(三) 索隱 大國謂秦也。

[四]索隱]重世猶累世也。

[五][集解]徐廣曰:「一作『顛』。」 [索隱]上音拉,下音夷。

右壤,此皆廣川大水,山林谿谷,不食之地也,气三」王雖有之,不爲得地。 也,是王以兵資於仇讎之韓、魏也。 且王攻楚將惡出兵?〔〕王將借路於仇讎之韓、魏乎。兵出之日而王憂其不返 王若不借路於仇讎之韓、魏,必攻隨水右壤。 是王有毁楚之 隨水

申

=

名而無得地之實也。

[一] 正義 惡音鳥。

[三] [索隱] 楚都陳,隨水之右壤蓋在隨之西,即今鄧州之西,其地多山林者矣。

膏腴之地,而使獨攻。〔』〕王破楚以肥韓、魏於中國而勁齊。韓、魏之彊,足以校於 方與、經、湖陵、陽、蕭、相,故宋必盡。〔〕齊人南面攻楚,泗上必舉。〔三〕此皆平原四達, 地葆利而詳事下吏,一年之後,爲帝未能,其於禁王之爲帝有餘矣。〔五〕 秦。〔『〕齊南以泗水爲境,東負海,北倚河,而無後患,天下之國莫彊於齊、魏,齊、魏得 且王攻楚之日,四國必悉起兵以應王。 秦、楚之兵構而不離,魏氏將出而攻留、

[一] [正義] 徐州西,宋州東,兗州南,並故宋地。

〔三〕正義] 此時徐、泗屬齊也。

[]] [索隱] 若秦楚構兵不休,則魏盡故宋,齊取泗上,是使齊魏獨攻伐而得其利也。

〔四〕 [索隱] 校音教。謂足以與秦爲敵也。一云校者,報也,言力能報秦。

[五] [索隱] 言齊一年之後,未卽能爲帝,而能禁奏爲帝有餘力矣。然「禁」字作「楚」者,誤也。

重於齊,是王失計也。〔三〕臣爲王慮,莫若善楚。 溱、楚合而爲一以臨韓,韓必斂手。 夫以王壤土之博,人徒之衆,兵革之彊,壹舉事而樹怨於楚,遲今口韓、魏歸帝

燕、趙無齊、楚,齊、楚無燕、趙也。 然後危動燕、趙,直搖齊、楚,此四國者不待痛而服 許、鄢陵嬰城,而上蔡、召陵不往來也,如此而魏亦關内侯矣。王壹善楚,而關内兩萬 乘之主注地於齊,「『」齊右壤可拱手而取也。「『」王之地一經兩海,「『」要約天下,是 施以東山之險,帶以曲河之利,韓必爲關内之侯。若是而王以十萬戍鄭,梁氏寒心,

[一] 集解 徐廣曰:「遲,一作『還』。」 索隱 遲音值。 值猶乃也。令音力呈反。

[三] | 索隱| 謂韓、魏重齊、令歸帝號,此秦之計失。

[三] | 索隱| 注謂以兵裁之也。

四][正義] 右壤謂濟州之南北也。

五 謂西海至東海皆是秦地。

[正義] 廣言横度中國東西也。

昭王曰:「善。」於是乃止白起而謝韓、魏。發使賂楚,約爲與國。

曰:「今楚王恐不起疾,秦不如歸其太子。太子得立,其事秦必重而德相國無窮,是親與國 而楚太子與秦相應侯善,於是黃歇乃説應侯曰:「相國誠善楚太子乎。」應侯曰:「然。」歇 黄歇受約歸煙, 楚使歇與太子完入質於秦,秦留之數年。 楚頃襄王病,太子不得歸。

出關,而黃歇守舍,常爲謝病。 得奉宗廟矣。不如亡秦,與使者俱出,臣請止,以死當之。」楚太子因變衣服爲楚使者御以 和 主,太子立,必用歇,故不如無罪而歸之,以親楚。」秦因遣黃歇。 也,歇憂之甚。 而後圖之。」 而得儲萬乘也。 ,非計也。 歇當死,願賜死。」昭王大怒,欲聽其自殺也。 |黄歇爲||楚太子計曰:「秦之留太子也,欲以求利也。今太子力未能 有 願 而陽文君子二人在中,王若卒大命,太子不在,陽文君子必立爲後, 相國孰慮之。」應侯以聞秦王。 若不歸,則咸陽一布衣耳,楚更立太子,必不事凑。 度太子已遠,秦不能追,歐乃自言秦昭王曰:「楚太子已歸, 秦王曰:「令楚太子之傅先往問楚王之疾,返 應侯曰:「歇爲人臣, 夫失與國而絶萬乘之 出身以徇其 以利秦 太子不

春申君、三場准北地十二縣。後十五歲,黃歇言之楚王曰:「淮北地邊齊,其事急,請以爲 郡便。」因并獻淮北十二縣,請封於江東。 歇至楚三月,楚頃襄王卒,口太子完立,是爲考烈王。 考烈王許之。 春申君因城故吴墟、八一以自爲都 考烈王元年,以黄歇爲相,封爲

[一][集解]徐廣曰:「三十六年。」

邑。

- (三) 正義 然四君封邑檢皆不獲,唯平原有地,又非趙境,並蓋號諡,而孟嘗是諡。
-]正義] 墟音虚。 (闔閭) 今蘇州也。 [闔閭]於城内小城西北别築城居之,今圮毁也。 又大内北濱,四從五横,至

春申君既相楚,是時齊有孟嘗君,趙有平原君,魏有信陵君,方争下士,招致賓客,以相

傾奪,輔國持權。

春申君將兵往救之,秦兵亦去,春申君歸。春申君相楚八年,爲楚北伐滅魯、八一以荀卿爲 春申君爲楚相四年,秦破趙之長平軍四十餘萬。五年,圍邯鄲。邯鄲告急於楚,楚使

蘭陵令。當是時,楚復彊。

[一][索隱]按:年表云八年取魯,封魯君於莒,十四年而滅也。

趙平原君使人於春申君,春申君舍之於上舍。趙使欲夸楚,爲瑇瑁簪,刀劍室以珠玉

飾之,請命春申君客。春申君客三千餘人,其上客皆躡珠履以見趙使,趙使大慙。

春申君相十四年,秦莊襄王立,以吕不韋爲相,封爲文信侯。取東周。

申君用事。至函谷關,秦出兵攻,諸侯兵皆敗走。楚考烈王以咎春申君,春申君以此益疏。 春申君相二十二年,諸侯患秦攻伐無已時,乃相與合從,西伐秦,〔〕而楚王爲從長,春

[一][集解]徐廣曰:「始皇六年。」

客有觀津人朱英、「己謂春申君曰:「人皆以楚爲彊而君用之弱,其於英不然。 先君時

臣之所觀者,見秦、楚之日鬭也。」楚於是去陳徙壽春; 楚,不可。 善秦二十年而不攻楚,何也。秦踰黽隘之塞而攻楚,气己不便;假道於兩周, 君由此就封於吴,行相事。 今則不然,魏旦暮亡,不能愛許、鄢陵,其許魏割以與秦。 而秦徙衞野王, |秦兵去||陳百六十里, 「『」 作置東郡。「四」春申 背韓、 魏而 攻

正義 觀音館。 今魏州觀城縣也。

(三)[正義 **黽隘之塞在申州。** 黽音盲也。

= 集解 徐廣曰:「在許東南

ZS 正義 濮、滑州兼河北置東郡。

濮州本衛都、而徙野王也。

如也。 君。 對曰:「未也。」 春申君問之狀,對曰:「齊王使使求臣之女弟,與其使者飲, 欲進之楚王,聞其不宜子,恐久毋寵。 知其有身,李園乃與其女弟謀。 楚考烈王無子,春申君患之,求婦人宜子者進之,甚衆,卒無子。 今君相楚二十餘年,而王無子,卽百歲後將更立兄弟,則楚更立君後,亦各貴其故所 春申君 曰:「可得見乎。」曰:「可。」於是李園乃進其女弟,即幸於春申 園女弟承閒以説春申君曰:「楚王之貴幸君,雖兄弟不 李園求事春申君爲舍人,已而謁歸, 故失期。」春申君曰:「娉人乎。」 趙人李園持其女弟, 故失期。 還謁,

春申君列傳第十八

春申君大然之,乃出李園女弟謹舍,而言之楚王。楚王召入幸之,遂生子男,立爲太子,以 以保相印江東之封乎?今妾自知有身矣,而人莫知。妾幸君未久,誠以君之重而進妾於楚 親,君又安得長有寵乎?非徒然也,君貴用事久,多失禮於王兄弟,兄弟誠立,禍且及身,何 三、王必幸妾,妾賴天有子男,則是君之子爲王也,楚國盡可得,孰與身臨不測之罪乎。」

李園女弟爲王后。楚王貴李園,園用事。

李園既入其女弟,立爲王后,子爲太子,恐春申君語泄而益驕,陰養死士,欲殺春申君

以滅口,而國人頗有知之者。

毋望之福?]日:「君相憷二十餘年矣,雖名相國,實楚王也。今楚王病,旦暮且卒,而君相 禍。〔三今君處毋望之世,〔貳〕事毋望之主,〔〖〕安可以無毋望之人乎。〕〔貳〕春申君曰:「何謂 謂毋望之人。〕對曰:「君置臣郎中,楚王卒,李園必先入,臣爲君殺李園。此所謂毋望之 之日久矣,楚王卒,李園必先入據權而殺君以滅口。此所謂毋望之禍也。」春申君曰:「何 之福也。」春申君曰:「何謂毋望之禍。」曰:「李園不治國而君之仇也,「к〕不爲兵而養死士 人也。」春申君曰:「足下置之。|李園,弱人也,僕又善之,且又何至此!」 朱英[ヤ] 知言不 少主,因而代立當國,如伊尹、周公,王長而反政,不卽遂南面稱孤而有楚國?此所謂毋望 春申君相二十五年,楚考烈王病。朱英謂春申君曰:「世有毋望之福,「二又有毋望之

用,恐禍及身,乃亡去。

[一][正義]無望謂不望而忽至也。

[三][索隱] 周易有无妄卦,其義殊也。

[三]正義 謂生死無常。

[四][正義]謂喜怒不節也。

[五][正義]謂吉凶忽(爲)[焉]。

[K] [索 隱] 言園是春申之仇也。戰國策作「君之舅也」,謂爲王之舅,意異也。

[+] [索隱] 朱亥。即上之朱英也。作「亥」者,史因趙有朱亥誤也。

刺春申君,斬其頭,投之棘門外。〔三〕於是遂使吏盡滅春申君之家。而李園女弟初幸春申君 有身而人之王所生子者遂立,是爲楚幽王。〔三〕 後十七日,楚考烈王卒,李園果先人,伏死士於棘門之内。「二春申君人棘門,園死士俠

(二) 正義 壽州城門。

[二][正義] 楚考烈王二十五年,秦始皇九年。

是歲也,秦始皇帝立九年矣。

[三][索隱]按:楚捍有母弟猶,猶有庶兄負芻及昌平君,是楚君完非無子,而上文云考烈王無子,誤也。

嫪毐亦爲亂於秦,覺,夷其三族,而呂不韋廢。

二三九八

太史公曰:吾適楚,觀春申君故城,宫室盛矣哉!初,春申君之説秦昭王,及出身遺楚

太子歸,何其智之明也!後制於李園,旄矣。〔〕語曰:「當斷不斷,反受其亂。」春申君失

朱英之謂邪?

[一][集解]徐廣日:「旄音耄。」

【索隱述贊】黄歇辯智,權略秦、楚。 太子獲歸,身作宰輔。珠炫趙客, 邑開吳士。烈王寡胤, 李園獻

女。無妄成災,朱英徒語。

史記卷七十九

范睢蔡澤列傳第十九

范睢者、魏人也、字叔。游説諸侯、欲事魏王、 家貧無以自資,乃先事魏中大夫口須

買ってこう

[一][索隱]按:漢書百官表中大夫,秦官。此魏有中大夫,蓋古官也。

[二] [索隱] 須,姓;賈,名也。須氏蓋密須之後。

中死人。 雕受其牛酒,還其金。 雕金十斤及牛酒、雕辭謝不敢受。 辱以懲後, 舍人笞擊睢,折脅摺齒。〔三〕睢詳死,卽卷以實、〔四〕置廁中。 須賈爲魏昭王口使於齊,范睢從。 魏齊醉,曰:「可矣。」范雕得出。 令無妄言者。 既歸,心怒睢,以告魏相。魏相,魏之諸公子,曰魏齊。 雕從簀中謂守者曰:「公能出我,我必厚謝公。」守者乃請出弃簀 須賈知之,大怒,以爲睢持魏國陰事告濟,故得此饋,令 留數月,未得報。 後魏齊悔,復召求之。 齊襄王气己聞睢辯口,乃使人賜 賓客飲者醉,更溺雕,「馬」故僇 魏人鄭安平聞之, 魏齊大怒,使

范

范睢亡,伏匿,更名姓曰張禄。

|索隱|按:系本昭王名遠,襄王之子也。

[二] 索隱 名法章。

『] [索隱] 摺音力答反。謂打折其脅而又拉折其齒也。

四][索隱] 簣謂葦荻之薄也,用之以裹屍也。

五] [索隱] 更音羹。溺卽溲也。溺音年弔反。溲音所留反。

正義溺,古「尿」字。

當此時,秦昭王使謁者王稽於魏。鄭安平詐爲卒,侍王稽。〔〕王稽問:「魏有賢人可與

王稽曰:「夜與俱來。」鄭安平夜與張禄見王稽。語未究,王稽知范睢賢,謂曰:「先生待我 俱西游者乎。」鄭安平曰:「臣里中有張禄先生,欲見君,言天下事。 其人有仇,不敢晝見。」

於三亭之南。」「三與私約而去。

(一) 正義 卒,祖律反。

] [索隱] 按:三亭,亭名,在|魏境之邊,道亭也,今無其處。 一云|魏之郊境,總有三亭,皆祖餞之處。 與期三亭之 南,蓋送餞已畢,無人處。 [正義] 括地志云:「三亭岡在汴州尉氏縣西南三十七里。」按:三亭岡在山部中名

也,蓋「岡」字誤爲「南」。

王稽辭魏去,過載范睢入秦。至湖,〔一〕望見車騎從西來。范睢曰:「彼來者爲誰。」王

必悔之。」行十餘里,果使騎還索車中,無客,乃已。三雅遂與范睢人咸陽。 曰:「吾聞穰侯智士也,其見事遲,鄉者疑車中有人,忘索之。」〔三〕於是范睢下車走,曰:「此 曰:「謁君得無與諸侯客子俱來乎?無益,徒亂人國耳。」王稽曰:「不敢。」即別去。 且匿車中。」有頃,穰侯果至,勞王稽,因立車而語曰:「關東有何變。」曰:「無有。」又謂王稽 **階曰:「秦相穰侯東行縣邑。」范睢曰:「吾聞穰侯專秦權,惡内諸侯客,〔三〕此恐辱我,我寧** 范睢

〔一〕 [索隱] 按:地理志京兆有湖縣,本名胡,武帝更名湖,即今湖城縣也。 [正義] 今號州湖城縣也。

[三][索隱]索猶搜也。音栅,又先格反。

〔三〕[索隱] 内音納,亦如字。 内者亦猶人也。

已報使,因言曰:「魏有張禄先生,天下辯士也。曰『秦王之國危於累卵,二〕得臣則安。

然不可以書傳也』。臣故載來。」秦王弗信,使舍食草具。「三」待命歲餘。

一][正義]按:說苑云「晉靈公造九層之臺,費用千金,謂左右曰:『敢有諫者斬。』荀息聞之,上書求見。靈公張弩 滅,君欲何望?』靈公曰:『寡人之過也乃至於此!』即壞九層臺也。」 危於此者。』公曰:『願見之。』荀息曰:『九層之臺三年不成,男不耕,女不織,國用空虚,鄰國謀議將興,社稷亡 意,以棊子置下,加九雞子其上。左右懼慴息,靈公氣息不續。公曰:『危哉,危哉』』荀息曰:『此殆不危也,復有 持矢見之。曰:『臣不敢諫也。臣能累十二博棊,加九雞子其上。』公曰:『子爲寡人作之。』荀息正顔 色,定志

〔三〕[索隱] 謂亦舍之,而食以下客之具。 然草具謂麄食草萊之饌具。

范

睢蔡澤列傳第十九

帝,後去之。 當是時,昭王已立三十六年。南拔楚之鄢郢,楚懷王幽死於秦。 數困三晉。厭天下辯士,無所信。 秦東破齊。 湣王嘗稱

相,三人者更將,有封邑,以太后故,私家富重於王室。 穰侯, 華陽君、「己昭王母宣太后之弟也,而涇陽君、高陵君皆昭王同母弟也。 及穰侯爲秦將,且欲越韓、魏而伐齊 穰侯

[二][樂解]徐廣曰:"華,一作『葉』。」 [索隱]綱壽,欲以廣其陶封。 范睢乃上書曰:

后之同父弟,亦號爲新城君是也。

[索隱] 穰侯謂魏冄,宣太后之異父弟。穰,縣,在南陽。華陽君,芈戎,宜太

爵尊, 可, 復於王邪? 不足以待斧鉞,豈敢以疑事嘗試於王哉!雖以臣爲賤人而輕辱,獨不重任臣者之無反 惡,明主則不然,賞必加於有功,而刑必斷於有罪。」今臣之胸不足以當椹質,〔三〕而要 願行而益利其道, 以臣之言爲不可, 臣聞明主立政,自己有功者不得不賞,有能者不得不官,勞大者其禄厚,功多者其 能治衆者其官大。故無能者不敢當職焉,有能者亦不得蔽隱。使以臣之言爲 **久留臣無爲也。語曰:「庸主賞所愛而罰所**

〔三〕 索隱] 椹音陟林反。按:椹者,莝椹也。 質者,剉刃也。腰斬者當椹質也

良工之所失也,而爲天下名器。然則聖王之所弃者,獨不足以厚國家乎? 且臣聞周有砥砨,宋有結緑,梁有縣藜、二一楚有和朴、三二此四寶者,土之所生,

[二][集解] 薛綜日:縣藜一日美玉。」

〔三〕[正義] 縣音玄。劉伯莊云珍玉朴也。

之,疑則少嘗之,雖舜禹復生,弗能改已。語之至者,臣不敢載之於書,其淺者又不足 願得少賜游觀之閒,望見顔色。一語無效,請伏斧質。 聽也。意者臣愚而不概与立於王心邪?亡其言与己臣者賤而不可用乎?自非然者,臣 何也。爲其割榮也。[一]良醫知病人之死生,而聖主明於成敗之事,利則行之,害則舍 臣聞善厚家者取之於國,善厚國者取之於諸侯。天下有明主則諸侯不得擅厚者,

[一] [索隱] 割榮即上之擅厚,謂擅權也。

〔三〕[集解]徐廣曰:「一作『概』,音同。」

[三] 索隱] 亡猶輕蔑也。

於是秦昭王大説,乃謝王稽,使以傳車二己召范睢。

[二] 集解]徐廣曰:「一云『使持車』。」 [索隱]「使持車」,戰國策之文也。

[渠之事已,寡人乃得受命。 竊閔然不敏,〔■〕敬執賓主之禮。」 范睢辭讓。 宦者争言,遂延迎,謝曰:「寡人宜以身受命久矣,會義渠之事急,寡人旦暮自請太后,今義 者,羣臣莫不洒然「鬥變色易容者。 至」范睢繆爲曰:「秦安得王?秦獨有太后、穰侯耳。」欲以感怒昭王。昭王至,聞其與 於是范睢乃得見於離宫、自己詳爲不知永巷而入其中。自己王來而宦者怒,逐之,曰:「王 是日觀范睢之見

[一][正義]長安故城本秦離宫,在雍州長安北十三里也。

[三][正義]永巷,宫中獄也。

〔三〕[索隱] 鄒誕本作「惽然」,音昬。又云一作「閔」,音敏。閔猶昬闍也。

「四」 集解 徐廣曰:「洒,先典反。」 「索隱」鄭玄曰「灑然,肅敬之貌」也。

收功於吕尚而卒王天下。鄉使文王疏吕尚而不與深言,是周無天子之德,而文武無與成其 父而釣於渭濱耳。若是者,交疏也。已説而立爲太師,載與俱歸者,其言深也。故文王遂 跽曰:「先生卒不幸教寡人邪。」范睢曰:「非敢然也。臣聞昔者吕尚之遇文王也,身爲漁 唯。」有閒,秦王復跽而請曰:「先生何以幸教寡人?」范睢曰:「唯唯。」若是者三。秦王 王業也。今臣羈旅之臣也,交疏於王,而所願陳者皆匡君之事,處人骨肉之閒,願效愚忠 |秦王屏左右,宫中虚無人。|秦王跽[1]||而請曰:「先生何以幸教寡人。」||范睢曰:「唯

是!事無小大,上及太后,下至大臣,願先生悉以教寡人,無疑寡人也。」 恐耳。若夫窮辱之事,死亡之患,臣不敢畏也。臣死而溱治,是臣死賢於生。」秦王跽曰: 宫之中,不離阿保之手,終身迷惑,無與昭姦。[10]大者宗廟滅覆,小者身以孤危,此臣之所 以有補於所賢之主,是臣之大榮也,臣有何恥?臣之所恐者,獨恐臣死之後,天下見臣之盡 說行也,臣又何憂。箕子、接輿漆身爲厲,被髮爲狂,無益於主。 載而 忠而身死,因以是杜口裹足,莫肯鄉秦耳。 足下上畏太后之嚴, 食於吳市,卒興吳國,闔閭爲伯。 使臣得盡謀如伍子胥,加之以幽囚,終身不復見,是臣之 之所必不免也。 身爲厲⊆〕被髮爲狂不足以爲臣恥。 而明日伏誅於後,然臣不敢避也。 而未知王之心也。 存先王之宗廟也。 而死,烏獲、任鄙之力焉而死,成荆、〔三〕孟賁、〔四〕王慶忌、〔四〕夏育之勇焉而死。〔六〕死者,人 先生是何言也!夫秦國辟遠,寡人愚不肖,先生乃幸辱至於此,是天以寡人慁先生三三而 出昭關,夜行晝伏,至於陵水、〔十〕無以餬其口,鄰行蒲伏,稽首肉袒,鼓腹吹篪,〔六〕乞 處必然之勢,可以少有補於秦,此臣之所大願也,臣又何患哉 寡人得受命於先生,是天所以幸先王,而不弃其孤也。 此所以王三問而不敢對者也。臣非有畏而不敢言也。臣知今日言之於前 大王信行臣之言,死不足以爲臣患,亡不足以爲臣憂,漆 且以五帝之聖焉而死,三王之仁焉而死,五伯之賢焉 下惑於姦臣之態、「九」居深 假使臣得同行於箕子, 范睢拜, 先生柰何而言若 !伍子胥橐 秦王亦 可

[一] [索隱] 音其紀反。跽者,長跪,兩膝枝地。

[三][索隱]音賴,癩病也。言漆塗身,生瘡如病癩。

〔三〕[集解]徐廣曰:「一作『羌』。」

[四][集解]許慎曰:「成荆,古勇士。 孟賁,衞人。」

〔五〕[樂解] 吳越春秋日:「吳王僚子慶忌。」

[六][樂解]漢書音義曰:「或云夏育,衞人,力舉千鈞。」

〔4〕[索隱]劉氏云:「陵水即栗水也。」按:陵栗聲相近,故惑也。

[八] 集解]徐廣曰:「一作『簫』。」

「カ」「索隱」按:態謂姦臣諂詐之志也。

[10] [正義] 昭,明也。 無與明其姦惡。

[二][集解]徐廣曰:「亂先生也。音溷。」 [索隱] 慁及注「溷」字並胡困反。 恩猶汨亂之意。

王者之民也。王并此二者而有之。夫以秦卒之勇,車騎之衆,以治諸侯,譬若施韓盧而搏 奮擊百萬,戰車千乘,利則出攻,不利則入守,此王者之地也。 民怯於私鬭而勇於公戰, 此 范睢曰:「大王之國,四塞以爲固,北有甘泉、谷口、「〕南帶涇、渭,右隴、閩,左關、阪,

蹇兔也,行司霸王之業可致也,而羣臣莫當其位。至今閉關十五年,不敢窺兵於山東者,是

[一][正義]括地志云:「甘泉山一名鼓原,俗名磨石嶺,在雍州雲陽縣西北九十里。 關中記云。甘泉宮在甘泉山上,年 口也。按:九嵏山西謂之谷口,卽古寒門也。在雍州醴泉縣東北四十里。」 代永久,無復甘泉之名,失其實也。宮北云有連山,土人爲磨石嶺」。郊祀志公孫卿言黃帝得仙寒門,寒門者,谷

(三] [索隱] 戰國策云:「韓盧者,天下之壯犬也。」是韓呼盧爲犬,謂施韓盧而搏蹇兔,以喻奏彊,言取諸侯之易。

親中國以爲天下樞,以威楚、趙。」楚彊則附趙,趙彊則附楚,楚、趙皆附,齊必懼矣。 功成名立而利附焉,天下莫之能害也。今夫韓、魏,中國之處而天下之樞也,王其欲霸,必 也,得尺亦王之尺也。今釋此而遠攻,不亦繆乎!且昔者中山之國地方五百里,趙獨吞之, 伐楚而肥韓、魏也。此所謂借賊兵「三一一齎盜糧者也。〔四〕王不如遠交而近攻,得寸則王之寸 且昔齊湣王南攻楚,破軍殺將,再辟地千里、门一而齊尺寸之地無得焉者,豈不欲得地哉,形 障、魏而攻齊綱、濤,非計也。少出師則不足以傷<u>齊</u>,多出師則害於秦。 曰:『誰爲此計者乎?』王曰:『文子爲之。』〔三〕大臣作亂,文子出走。故齊所以大破者,以其 勢不能有也。諸侯見齊之罷獘,君臣之不和也,興兵而伐齊,大破之。士辱兵頓,皆咎其王, 師而悉韓、魏之兵也,則不義矣。今見與國之不親也,越人之國而攻,可乎?其於計疏矣。 然左右多竊聽者,范睢恐,未敢言內,先言外事,以觀秦王之俯仰。因進曰「夫穰侯越 臣意王之計,欲少出 齊懼,

范睢蔡

寡人不能親。請問親|魏柰何?」對曰:「王卑詞重幣以事之,不可,則割地而賂之;不可, 必卑辭重幣以事凑。齊附而韓、魏因可虜也。」昭王曰:「吾欲親魏久矣,而魏多變之國也,

因舉兵而伐之。」王曰:「寡人敬聞命矣。」乃拜范睢爲客卿,謀兵事。卒聽范睢謀,使五大

夫綰伐魏,拔懷。〔五〕後二歲,拔邢丘。

[一][正義]辟、(尺)[疋]亦反。

[三] [索隱] 謂田文,即孟嘗君也。猶戰國策謂田朌、田嬰爲朌子、嬰子然也。

(三) | 索隱| 借音子夜反。一作「籍」,音亦同。

[四][索隱]齎音側奚反。言爲盜齎糧也。

客卿范睢復説昭王曰:「秦韓之地形,相錯如繡。秦之有韓也,譬如木之有蠹也, [二]

昭王曰:「吾固欲收韓,韓不聽,爲之柰何。」對曰:「韓安得無聽乎?王下兵而攻滎陽,則 人之有心腹之病也。天下無變則已,天下有變,其爲秦患者孰大於韓乎?王不如收韓。」

鞏、成皋之道不通,<a>に<a>見、<a>し、<a>以<a>見、<a>し、<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し。<a>し 而爲三。〔四〕夫韓見必亡,安得不聽乎。若韓聽,而霸事因可慮矣。」王曰:「善。」且欲發使 則其國斷

於韓。

[一][正義]音妬、(石)[蝕]柱蟲。

[三][正義] 言宜陽、陝、號之師不得下相救。

[三][正義]言澤、潞之師不得下太行相教。

[四][正義]新鄭已南一,宜陽二,澤、潞三。

涇陽佐之,卒無秦王,此亦淖齒、李兑之類也。且夫三代所以亡國者,君專授政,縱酒馳騁 者危其國,尊其臣者卑其主』。崔杼、淖齒管齊,〔六〕射王股,擢王筋,〔十〕縣之於廟梁,宿昔 戰敗則結怨於百姓,而禍歸於社稷。詩曰『木實繁者披其枝,〔『〕披其枝者傷其心,大其都 於諸侯,剖符於天下,政適〔三〕伐國,莫敢不聽。戰勝攻取則利歸於陶,國獘御於諸侯;〔四〕 傾,令安得從王出乎? 臣聞善治國者,乃内固其威而外重其權。 進退不請。四貴備而國不危者,未之有也。爲此四貴者下,乃所謂無王也。 王,制殺生之威之謂王。今太后擅行不顧,穰侯出使不報,華陽、涇陽等擊斷無諱、三高陵 王也;聞秦之有太后、穰侯、華陽、高陵、涇陽,不聞其有王也。夫擅國之謂王,能利害之謂 范睢日益親,復説用數年矣,因請閒説曰:「二」臣居山東時,聞齊之有田文,不聞其有 李兑管趙,囚主父於沙丘,「〈」百日而餓死。今臣聞秦太后、穰侯用事,高陵、華陽、 穰侯使者操王之重,決制 然則權安得不

徙,千乘有餘。 陵、華陽、涇陽君於關外。 秦王乃拜范睢爲相。 收穰侯之印, 使歸陶, 因使縣官給車牛以 恐,萬世之後,有秦國者非王子孫也。」昭王聞之大懼,曰:「善。」於是廢太后,逐穰侯、 **其國。今自有秩以上至諸大吏,下及王左右,無非相國之人者。見王獨立於朝,臣竊爲王** 弋獵,不聽政事。 到關,關閱其寶器,實器珍怪多於王室。 其所授者,妒賢嫉能,御下蔽上,以成其私,不爲主計,而主不覺悟,故失 高

(二)正義] 別音閑。

〔三〕[樂解] 諱,畏也。 [索隱] 無諱猶無畏也。

[三][集解]徐廣曰:「音征敵。」

[四][索隗]按:獘者,斷也。御,制也。言穰侯執權,以制御主斷於諸侯也。

〔三〕[正義] 披音片被反。

[六][索隱] 淖,姓也,音泥教反,漢有淖姬是也。 高誘曰「管,典也」。言二人典齊權而行弑逆也。 正義海齒,楚

人,齊湣王臣。

[七][索隱]按:言「射王股」,誤也。 崔杼射莊公之股,淖齒擢湣王之筋,是説二君事也

[八][正義]沙丘臺在邢州平鄉縣東北三十里。

<u>秦封范睢以應,<

「〕號爲應侯。當是時,秦昭王四十一年也。</u>

[一] 索隱 封范睢於應。 案: 劉氏云「河東臨晉縣有應亭」,則秦地有應也。又案:本紀以應爲太后養地,解者云

逃至此,安敢説乎!須賈曰:「今叔何事。」范睢曰:「臣爲人庸賃。」須賈意哀之,留與 車軸折、非大車駟馬、吾固不出。」范睢曰:「願爲君借大車駟馬於主人翁。」 君者哉。」范睢曰:「主人翁習知之。唯雕亦得謁,睢請爲見君於張君。」須賈曰:「吾馬病, 之乎。吾聞幸於王,天下之事皆決於相君。今吾事之去留在張君。孺子「刑〕豈有客習於相 坐飲食,曰:「范叔一寒如此哉」乃取其一綈袍以賜之。〔三須賈因問曰:「秦相張君,公知 乎」范睢曰:「然。」須賈笑曰:「范叔有説於秦邪。」 曰:「不也。 睢前日得過於魏相,故亡 <u>須賈於秦。范睢聞之,爲微行,敝衣閒步之邸,〔〕見須賈。須賈見之而驚曰:「范叔固無恙</u> 范睢既相秦,秦號曰張禄,而魏不知,以爲范睢已死久矣。魏聞秦且東伐韓、魏,魏使

[一][正義]劉云「諸國客館」。

∠三〕[索隱] 按:綈,厚繒也,音啼,蓋今之絁也。 [正義] 今之麤袍。

(三) | 索隱| 劉氏云:「蓋謂睢爲小子也。」

至相舍門,謂須賈曰:「待我,我爲君先入通於相君。」須賈待門下,持車良久,問門下曰:「范 范睢 歸取大車駟馬,爲須賈御之,人秦相府。府中望見,有識者皆避匿。須賈怪之。

范

之。 釋公。」乃謝罷。入言之昭王,罷歸須賈。 前以睢爲有外心於齊而惡睢於魏齊,公之罪一也。 吳軍,楚王封之以荆五千户,包胥辭不受,爲丘墓之寄於荆也。今雕之先人丘墓亦在魏,公 居也。」須賈大驚,自知見賣,乃肉袒鄰行,因門下人謝罪。 叔不出, 更醉而溺我,公其何忍乎?罪三矣。然公之所以得無死者,以綈袍戀戀,有故人之意,故 「擢賈之髪以續賈之罪,尚未足。」范睢曰:「汝罪有三耳。 天下之事。賈有湯鑊之罪,請自屏於胡貉之地,唯君死生之!范睢曰:「汝罪有幾?」 須賈 **【頓首言死罪,曰:「賈不意君能自致於青雲之上,賈不敢復讀天下之書,不敢復與** 何也。」門下曰:「無范叔。」 須賈曰:「鄉者與我載而人者。」 當魏齊辱我於廁中, 於是范睢盛帷帳,侍者甚衆,見 昔者楚昭王時而申包胥爲楚卻 門下曰:「乃吾相張 公不止,罪二也。

梁。」須賈歸,以告魏齊。 莝豆其前,令兩黥徒夾而馬食之。 數曰:「爲我告魏王,急持魏齊頭來!不然者,我且屠大 須賈辭於范睢,范睢大供具,盡請諸侯使,與坐堂上,食飲甚設。 魏齊恐,亡走趙,匿平原君所。 而坐須賈於堂下,置

是事之不可知者一也。君卒然捐館舍,是事之不可知者二也。使臣卒然填溝壑,是事之不 可知者三也。宫車一日晏駕,君雖恨於臣,無可柰何。 范睢 既相,王稽謂范睢曰:「事有不可知者三,有不可柰何者亦三。 宫車一日晏駕,〔一〕 君卒然捐館舍,君雖恨於臣,亦無可

王以爲將軍。 柰何。 止於謁者,非其內臣之意也。」昭王召王稽,拜爲河東守,三歲不上計。〔三〕又任鄭安平,昭 忠,莫能内臣於函谷關;非大王之賢聖,莫能貴臣。今臣官至於相,爵在列侯,王稽之官尚 使臣卒然填溝壑,君雖恨於臣,亦無可柰何。」范睢不懌,乃入言於王曰:「非王稽之 范睢於是散家財物,盡以報所嘗困戹者。 '一飯之德必償,睚眦之怨必報。〔三〕

[三][集解]司馬彪曰:「凡郡掌治民,進賢,勸功,決訟,檢姦。常以春行所至縣,勸民農桑,振救乏絶;秋冬遣無害吏

一〕[集解] 應劭曰:「天子當晨起早作,如方崩殞,故稱晏駕。」 韋昭曰:「凡初崩爲 「晏駕」者,臣子之心猶謂宫車當駕

〔三〕[索隱] 睚音崖賣反,眦音土賣反。又音崖僨二音。睚眦謂相嗔而怒目切齒。 范睢相秦二年,秦昭王之四十二年,東伐韓少曲、「己高平,拔之。「三

案訊問諸囚,平其罪法,論課殿最;歲盡遣吏上計。」

[一] 集解] 徐廣曰:「蘇代曰『起少曲,一日而斷大行』。」 [索隱] 按:蘇云「起少曲,一日而斷太行」,故劉氏以爲蓋

在太行西南。

[三][正義]括地志云:「南韓王故城在懷州河陽縣西北四十里。俗謂之韓王城、非也。春秋時周桓王以與鄭。紀年 云『鄭侯使辰歸晉陽向,更名高平,拔之』。則少曲當與高平相近。」

高義,願與君爲布衣之友,君幸過寡人,寡人願與君爲十日之飲。」平原君畏溱,且以爲然, 秦昭王聞魏齊在平原君所,欲爲范睢必報其仇,乃詳爲好書遺平原君曰:「寡人聞君之

范睢

夫<u>虞卿</u>躡屬檐簦,一見<u>趙王,賜白璧一雙,黄金百鎰,再見,拜爲上卿,三見,卒受相印,封</u> 畏秦,猶豫未肯見,曰:「虞卿何如人也。」 時侯嬴在旁,曰:「人固未易知, 印,與魏齊亡,閒行,念諸侯莫可以急抵者,乃復走大梁,欲因信陵居以走楚。 者,勝之友也,在,固不出也,今又不在臣所。」 公得管夷吾以爲仲父,今范君亦寡人之叔父也。 君大慙,駕如野迎之。 户侯而 萬户侯。 孝成王乃發卒圍平原君家,急,魏齊夜亡出,見趙相虞卿。 魏齊在平原君之家。 不然,吾不出君於關。」平原君曰:「貴而爲交者,爲賤也; 而 人秦見昭王。 閒行。 當此之時,天下争知之。 急士之窮而歸公子,公子日 昭王與平原君飲數日,昭王謂平原君曰:「昔周文王得吕尚以爲太公,齊桓 王使人疾持其頭來,不然,吾舉兵而伐趙, 魏齊聞信陵君之初難見之,怒而自剄。 夫魏齊窮困過虞卿,虞卿不敢重爵禄之尊,解相 『何如人』。 昭王乃遺趙王書曰:「王之弟在秦,范君之仇 范君之仇在君之家, 人固不易知,知人亦未易也! 富而爲交者,爲貧也。[二]夫魏齊 虞卿度趙王終不可說,乃解其相 趙王聞之,卒取其頭予溱 又不出王之弟於關。」趙 願使人歸取其頭來; 知 人亦未易也。 信陵君聞之, 印,捐萬 信陵

秦昭王

万出

平原君歸趙。

昭王四十三年,秦攻韓汾陘,〔〕拔之,因城河上〔〕廣武。

[索隱] 劉氏云:「此河上蓋近河之地,本屬韓,今秦得而城。」

索隱脛音刑。

脛蓋在韓之西界,與汾相近也。

正義]按: 脛庭故城在絳州曲沃縣西北二十里汾水之陽。

坐法誅。〔四〕而應侯日益以不懌。 罪罪之。」而加賜相國應侯食物日益厚,以順適其意。後二歲,王稽爲河東守, 趙所圍,急,以兵二萬人降趙。 於長平,遂圍邯鄲。 於是應侯罪當收三族。 後五年,昭王用應侯謀,縱反閒賣趙,趙以其故,令馬服子〔一〕代廉頗〔三〕將。 已而與武安君白起有隙,言而殺之。「三」任鄭安平,使擊趙。 秦昭王恐傷應侯之意,乃下令國中:「有敢言鄭安平事者,以其 應侯席稟請罪。 秦之法,任人而所任不善者,各以其罪罪 與諸侯通, 鄭安平爲 秦大破趙

[三] 索隱 鄒氏音匹波反。

索隱

趙括之號也。

故虞喜志林云「馬,兵之首也。

號曰『馬服』者,言能服馬也

三] 樂解] 徐廣曰:「在五十年。」 ||索隱||注徐云五十年,據秦本紀及年表而知之也。

一集解 徐廣日:「五十二年」

昭王臨朝歎息,應侯進曰:「臣聞『主憂臣辱,主辱臣死』。今大王中朝而憂, 臣敢請其

范 睢 蔡 濢 列 傳 第 --九

畔,内無良將而外多敵國,吾是以憂。」欲以激勵應侯。〔三〕應侯懼,不知所出。蔡澤聞之, 往人秦也。 罪。」昭王曰:「吾聞楚之鐵劍利而倡優拙。「一〕夫鐵劍利則士勇,倡優拙則思慮遠。 夫以遠 思慮而御勇士,吾恐陸之圖凑也。夫物不素具,不可以應卒,今武安君既死,而鄭安平等

(一)[正義]論士能善卒不戰。

〔三〕 索隱 激音擊。

紫綬於要,揖讓人主之前,食肉富貴,四十三年足矣。」去之趙,見逐。之「八」韓、魏,遇奪釜 鬲[f]於塗。聞應侯任鄭安平、王稽皆負重罪於秦,應侯内慙,蔡澤乃西入秦。 者四十三歲。」臺澤笑謝而去,謂其御者曰:「吾持粱刺齒肥、「も」躍馬疾驅,懷黄金之印,結 李兑,曰『百日之内持國秉』,有之乎。」〔『〕曰:「有之。」曰:「若臣者何如。」 唐舉孰視而 唐舉戲之,乃曰:「富貴吾所自有,吾所不知者壽也,願聞之。」唐舉曰:「先生之壽,從今以往 笑曰:「先生曷鼻,巨肩,〔E〕魋顔,蹙齃,〔E〕膝攣。〔E〕吾聞聖人不相,殆先生乎。」<u>蔡</u>澤知 蔡澤者,燕人也。游學干諸侯[二]小大甚衆,不遇。而從唐舉相,[三日:「吾聞先生相

(二)正義 不待禮日干。

- [三][樂解] 荀卿曰:「梁有唐舉。」 [索隱] 荀卿書作「唐莒」。
- 〔三〕 [索隱] 按:左傳「國子實執齊秉」,服虔曰「秉,權柄也」。
- 〔四〕[集解] 徐廣曰:「曷,一作『偈』。 偈,一作『仰』。 巨,一作『渠』。」 [索隱] 曷鼻謂鼻如蝎蟲也;巨肩謂肩巨於項
- 也:蓋項低而肩豎。偈音其例反。
- [五] [索隱] (上) 魋音徒回反。魋顔謂顔貌魋回,若魋梧然也。齃音鳥曷反。蹙齃謂鼻蹙眉。
- [六][集][編]、兩膝曲也。 徐廣 曰:「一作『率』。」 索隱謂兩膝又孿曲也。
- [型] [集解] 持粱,作飯也。 刺齒二字當作「齧」,又作「齕」也。 [索隱] 持粱謂作粱米飯而持其器以食也。 按:刺齒

「八」集解之,一作「人」。

二字字誤,當爲「齧」字也。

齧肥謂食肥肉也。

[t] [集解] 爾雅曰:「款足者謂之鬲。」郭璞曰:「鼎曲脚。」 郭氏云「鼎曲脚」也。按:以款訓曲,故云「曲脚」也。 空足是曲足,云見爾雅。

説。」蔡澤曰:「吁,君何見之晚也!夫四時之序,成功者去。 夫人生百體堅彊, 之,又倨,應侯因讓之曰:「子嘗宣言欲代我相秦, 吾皆摧之,是惡能困我而奪我位乎。」使人召蔡澤。蔡澤人,則揖應侯。 秦王必困君而奪君之位。」應侯聞,曰:「五帝三代之事,百家之説,吾既知之,衆口之辯, 將見昭王,使人宣言以感怒應侯曰:「燕客蔡澤,天下雄俊弘辯智士也。彼一見秦王, 寧有之乎。」對曰:「然。」應侯曰:「請聞其 應侯固不快,及見 手足便利,

范睢蔡澤列

傳第十九

業,傳之無窮;名實純粹,澤流千里,「一世一稱之而無絶,與天地終始: 豈道德之符而聖人 天下,天下懷樂敬愛而尊慕之,皆願以爲君王,豈不辯智之期與。]應侯曰:「然。」蔡澤復 所謂吉祥善事者與『應侯曰:「然。」 耳目聰明而心聖智,豈非士之願與。」應侯曰:「然。」蔡澤曰:「質仁秉義,行道施德,得志於 曰:「富貴顯榮,成理萬物,使各得其所,性命壽長,終其天年而不夭傷,天下繼其統,守其

[一] 集解]徐廣曰:「一本無此字。」

若此三子者, 固義之至也, 忠之節也。是故君子以義死難, 視死如歸, 生而辱不如死而榮。 設刀鋸以禁姦邪,信賞罰以致治,披腹心,示情素,蒙怨咎,欺舊友,奪魏公子卬,安秦社 稷,利百姓,卒爲秦禽將破敵,攘地千里。吴起之事悼王也,使私不得害公,讒不得蔽忠,言 士固有殺身以成名,唯義之所在,雖死無所恨。 何爲不可哉。] 事越王也,主雖困辱,悉忠而不解,主雖絶亡,盡能而弗離,成功而弗矜,貴富而不驕怠。 不取苟合,行不取苟容,不爲危易行,行義不辟難,〔三〕然爲霸主强國,不辭禍凶。 大夫種之 欲困己以說, [一]復謬曰:「何爲不可。夫公孫鞅之事孝公也, 極身無貳慮, 盡公而不顧私, |蔡澤曰:「若夫秦之商君,楚之吴起,|越之大夫種,其卒然亦可願與。] 應侯知蔡澤之

[二] 樂解 式絀反。

「三」集解 徐廣日:「一云『不困毀訾』。」

福也。 於是應侯稱善。 於成全邪?身與名俱全者,上也。名可法而身死者,其次也。名在僇辱而身全者,下也。」 待死而後可以立忠成名,是微子不足仁,孔子不足聖,管仲不足大也。夫人之立功,豈不期 起、大夫種之爲人臣,是也;其君,非也。 家滅亂者,何也?無明君賢父以聽之,故天下以其君父爲僇辱而憐其臣子。〔〕今商君、 蔡澤曰:「主聖臣賢,天下之盛福也;君明臣直,國之福也;父慈子孝, 夫信妻貞, 家之 故比干忠而不能存殷,子胥智而不能完吴,申生孝而晉國亂。是皆有忠臣孝子,而國 故世稱三子致功而不見德,豈慕不遇世死乎?夫 吴

[一] [索隱] 言以比干、子胥、申生皆以至忠孝而見誅放,故天下言爲其君父之所僇而憐其臣子也。

亂彊兵,批患折難、「〕廣地殖穀,富國足家,彊主,尊社稷,顯宗廟,天下莫敢欺犯其主,主 如也。」蔡澤曰:「今主親忠臣,不過秦孝公、楚悼王、越王,君之設智,能爲主安危修政,治 其賢智與有道之士爲膠漆,義不倍功臣,孰與秦孝公、楚悼王、越王乎。」應侯曰:「未知何 哉。]應侯曰:「商君、吳起、大夫種弗若也。」 蔡澤曰:「然則君之主慈仁任忠,惇厚舊故, 周公輔成王也,豈不亦忠聖乎。以君臣論之,商君、吴起、大夫種其可願孰與閔夭、周公 蔡澤少得閒,因曰:「夫商君、吴起、大夫種,其爲人臣盡忠致功則可願矣,閔天事文王,

罪必罰,平權衡,正度量,調輕重,決裂阡陌,以静生民之業而一其俗,勸民耕農利土,一室 之有止,故志不溢,行不驕,常與道俱而不失,故天下承而不絶。昔者齊桓公九合諸侯, 辟辱遠死也,而所以死者,惑於貪利不止也。是以聖人制禮節欲,取於民有度,使之以時,用 且夫翠、鵠、犀、象,其處勢非不遠死也,而所以死者,惑於餌也。蘇秦、智伯之智,非不足以 義而富且貴,於我如浮雲』。今君之怨已讎而德已報,意欲至矣,而無變計,竊爲君不取也。 時變化,聖人之常道也。故『國有道則仕,國無道則隱』。聖人曰『飛龍在天,利見大人』。『不 「不若。」蔡澤曰:「今主之親忠臣不忘舊故不若孝公、悼王、句踐,而君之功績愛信親幸又 之威蓋震海内,功彰萬里之外,聲名光輝傳於千世,君孰與商君、吴起、大夫種。」應侯曰: 侯,成秦國之業。功已成矣,而遂以車裂。楚地方數千里,持戟百萬,白起率數萬之師以與 至盛而不返道理,不居卑退處儉約之患也。夫商君爲秦孝公明法令,禁姦本,尊爵必賞,有 陵齊晉,故遂以殺身亡國。夏育、太史噭[三]叱呼[三]駭三軍,然而身死於庸夫。[四]此皆乘 三子,竊爲君危之。語曰『日中則移,月滿則虧』。物盛則衰,天地之常數也。進退盈縮,與 不若商君、吴起、大夫種,然而君之禄位貴盛,私家之富過於三子,而身不退者,恐患之甚於 無二事,力田稸積,習戰陳之事,是以兵動而地廣,兵休而國富,故秦無敵於天下,立威諸 匡天下,至於||葵丘之會,有驕矜之志,畔者九國。||吳王夫差兵無敵於天下,勇彊以輕諸侯,

萬之衆,盡之于長平之下,流血成川,沸聲若靁,遂人圍邯鄲,使秦有帝業。煙、趙天下之彊 散從,使馳說之士無所開其口,禁朋黨以勵百姓,定整國之政,兵震天下,威服諸侯。功已 |楚戰,一戰舉||鄢||\$|以燒||夷陵,再戰南并圖漢。又越韓、魏而攻彊趙,北阬||馬服,誅屠四十餘 『成功之下,不可久處』。四子之禍,君何居焉。君何不以此時歸相印,讓賢者而授之,退而 蜀漢,使天下皆畏秦,秦之欲得矣,君之功極矣,此亦秦之分功之時也。如是而不退,則商 辟地殖穀,率四方之士,專上下之力,輔句踐之賢,報夫差之讎,卒擒勁吳,令越成霸。功已 成矣,而卒枝解。大夫種爲越王深謀遠計,免會稽之危,以亡爲存,因辱爲榮,墾草人邑,〔五〕 不急之官,塞私門之請,一楚國之俗,禁游客之民,精耕戰之士,南收楊越,北并陳、蔡,破横 居、白公、「允〕吴起、大夫種是也。吾聞之,『鑒於水者見面之容,鑒於人者知吉與凶』。書曰 實宜陽,「八一)決一一勝之險,塞太行之道,又斬范、中行之塗,六國不得合從,棧道千里,通於 分功、「智」此皆君之所明知也。今君相秦,計不下席,謀不出廊廟,坐制諸侯,利施三川,以 而 彰而信矣,何踐終負而殺之。此四子者,功成不去,禍至於此。此所謂信而不能詘,[k] 往 功已成矣,而遂賜劍死於杜郵。吴起爲楚悼王立法,卑減大臣之威重,罷無能,廢無用,損 國而秦之仇敵也,自是之後,楚、趙皆懾伏不敢攻秦者,白起之勢也。身所服者七十餘城, 不能返者也。 范蠡知之,超然辟世,長爲陶朱公。君獨不觀夫博者乎?或欲大投,或欲

『欲而不知(止)[足],失其所以欲,有而不知(足)[止],失其所以有』。先生幸教,雕敬受 此言上而不能下,信而不能詘,往而不能自返者也。願君孰計之」應侯曰:「善。 以禍終哉?卽君何居焉?忍不能自離,疑不能自決,必有四子之禍矣。。揚曰『亢龍有悔』, 巖居川觀,必有伯夷之廉,長爲應侯,世世稱孤,而有許由、延陵季子之讓,僑松之壽,孰與 吾聞

命。」於是乃延入坐,爲上客。 〔一〕[索隱] 批,白結反,又音豐雞反。 批恵謂擊而卻之。 折音之列反。

[三] 索隱] 二人勇者,夏育、賁育也。 噭音皎。

三川の際ニノリオ・夏で、黄で七・吹音的

〔三〕[集解] 徐廣曰:「呼,一作『喑』。」 [正義] 呼,火故反。

[四] [索隱] 按:高誘云「夏育爲田搏所殺」。 然太史囐未知爲誰所殺,恐非齊襄王時太史也。

〔五〕 [索隱] 劉氏云:「人猶充也。謂招攜離散,充滿城邑也。」

〔六〕[索隱] 信音申。詘音屈。謂志已展而不退。

[中] <u>樂解</u>班固弈指曰:「博縣於投,不必在行。」駰謂投,投瓊也。 分功者,謂觀其勢弱,則投地而分功以遠救也,事具小爾雅也。按:方言云「所以投博謂之枰」。 [索隱] 言夫博弈,或欲大投其瓊以致勝,或欲 音平,局也。

[八][正義] 施猶展也,言伐得三川之地。以實宜陽,言展開三川,實宜陽。

「九」(樂解)徐廣日:「白起。」

後數日,人朝,言於秦昭王曰:「客新有從山東來者曰蔡澤,其人辯士,明於三王之事,

昭王召見,與語,大説之,拜爲客卿。應侯因謝病請歸相印。 五伯之業,世俗之變,足以寄<u>秦</u>國之政。 臣之見人甚衆, 莫及, 臣不如也。 臣敢以聞。」 秦 昭王彊起應侯,應侯遂稱病

范睢免相,昭王新説蔡澤計畫,遂拜爲秦相,東收周室。

文王、莊襄王。卒事始皇帝,爲秦使於燕,三年而燕使太子丹入質於秦。 蔡澤相秦數月,人或惡之,懼誅,乃謝病歸相印,號爲綱成君。 居秦十餘年,事昭王、孝

哉!然二子不困戹,惡能激乎。[1] 然游說諸侯至白首無所遇者,非計策之拙,所爲説力少也。及二人羈旅入秦,繼踵取卿相, 垂功於天下者,固彊弱之勢異也。然士亦有偶合,賢者多如此二子,不得盡意,豈可勝道 太史公曰:韓子稱「長袖善舞,多錢善賈」,信哉是言也!范睢、蔡澤世所謂一切辯士,

【索隱述贊】應侯始困,託載而西。 [一] [索隱] 二子,范睢、蔡澤也。 睢厄於魏齊,折脅摺齒; 澤困於趙,被逐弃鬲是也。 説行計立,貴平寵曆。倚秦市趙,卒報魏齊。 惡音鳥,激音擊也 綱成辯智,范睢招攜。

勢利傾奪,一言成蹊。

記卷八十

樂 毅列 傳第二十

羊死,葬於靈壽,其後子孫因家焉。中山復國,至趙武靈王時復滅中山,「『〕而樂氏後有樂 樂毅者,其先祖曰樂羊。樂羊爲魏文侯將,伐取中山,〔一〕魏文侯封樂羊以靈壽。〔一〕樂

毅。

[二] 正義 今定州。

集解 徐廣曰:屬常山。」

[索隱] 地理志常山有鹽壽縣,中山桓公所都也。

正義一今鎮州靈壽。

[三] [索隱] 中山,魏雖滅之,尚不絶祀,故後更復國,至趙武靈王又滅之也。

質爲臣,燕昭王以爲亞卿,久之。 士,先禮郭隗[三]以招賢者。 樂毅於是爲魏昭王使於燕,燕王以客禮待之。 亂而齊大敗燕,燕昭王怨齊,未嘗一日而忘報齊也。 樂毅賢,好兵,趙人舉之。及武靈王有沙丘之亂,「一乃去趙適魏。聞燕昭王以子之之 燕國小,辟遠,力不能制,於是屈身下 樂毅辭讓,遂委

[一] (樂解) 徐廣曰:「趙有沙丘宫,近鉅鹿。」

[二][正義] 説苑云:「燕昭王問於隗曰:『寡人地狹民寡,齊人取薊八城,匈奴驅馳樓煩之下。 傅之才至矣。 誠欲與王霸同道,隗請爲天下之士開路。』於是常置隗爲上客。」 揖讓之理以求臣,則人臣之才至矣;北面等禮,不乘之以勢以求臣,則朋友之才至矣;西面逡巡以求臣,則師 臣,其實僕;危困國之臣,其名臣,其實虜。今王將自東面目指氣使以求臣,則厮役之才至矣;南面聽朝,不失 廟,恐社稷危,存之有道乎?』隗曰:『帝者之臣,其名臣,其實師;王者之臣,其名臣,其實友;霸者之臣,其名 以孤之不肖,得承宗

齊。湣王自矜,百姓弗堪。於是燕昭王問伐齊之事。樂毅對曰:「齊,霸國之餘業也,地大 西,亡走,保於莒。樂毅獨留徇齊,齊皆城守。樂毅攻入臨菑,盡取齊寶財物祭器輸之燕。 魏、燕之兵以伐齊,破之濟西。諸侯兵罷歸,而燕軍樂毅獨追,至于臨菑。齊湣王之敗濟 昭王悉起兵,使樂毅爲上將軍,趙惠文王以相國印授樂毅。樂毅於是并護「順」趙、楚、韓、 魏,令趙嚪説素「即以伐齊之利。諸侯害齊湣王之驕暴,皆争合從與燕伐齊。樂毅還報,燕 人衆,未易獨攻也。王必欲伐之,莫如與趙及楚、魏。」於是使樂毅約趙惠文王,別使連楚、 助趙滅中山,破宋,廣地千餘里。與秦昭王争重爲帝,已而復歸之。諸侯皆欲背秦而服於 當是時,齊湣王彊,南敗楚相唐昧「一〕於重丘、「一〕西摧三一晉於觀津、「一〕遂與三晉擊秦,

燕昭王大説,親至濟上勞軍,行賞饗士,封樂毅於昌國,「私」號爲昌國君。 於是燕昭王收齊

鹵獲以歸,而使樂毅復以兵平齊城之不下者。

[一] 索隱] 莫葛反。

〔三〕 索隱 地理志縣名,屬平原。 [正義] 在冀州城武縣界。

索隱 |地理志觀津,縣名,屬信都,漢初屬清河也。 正義。在冀州武邑縣東南二十五里。

四〕集解除廣田:「嚪,進説之意。」 [索隱] 嚪音田濫反,字與「啗」字同也。

[五] 索隱] 護謂總領之也。

[K][集解]徐廣曰:「屬齊。」 [索隱]地理志縣名,屬齊郡。 [正義

埋志縣名,屬齊郡。 [正義] 故昌城在淄州淄川縣東北四十里也。

君。〔三〕尊寵樂毅以警動於燕、齊。 將,而召樂毅。樂毅知燕惠王之不善代之,畏誅,遂西降趙。 |燕,日:「齊城不下者兩城耳。 然所以不早拔者,聞樂毅與燕新王有隙,欲連兵且留齊,南面 死,子立爲燕惠王。 而王齊。齊之所患,唯恐他將之來。」於是燕惠王固已疑樂毅,得齊反閒,乃使騎劫〔三〕代 樂毅留徇齊五歲,下齊七十餘城,皆爲郡縣以屬燕,唯獨莒、卽墨未服。仁己會燕昭王 惠王自爲太子時嘗不快於樂毅,及卽位,齊之田單聞之,乃縱反閒於 趙封樂毅於觀津,號日望諸

一」正義 即墨今萊州。

毅

二四三

[二] |索隱| 燕將姓名也。

[三][索隱]望諸,澤名,在齊。蓋趙有之,故號焉。戰國策「望」作「藍」也。

復得齊城,而迎襄王於莒,人于臨菑。 齊田單後與騎劫戰,果設詐誑燕軍,遂破騎劫於卽墨下,而轉戰逐燕,北至河上,〔〕盡

[二][正義] 滄德二州之北河。

誤寡人。寡人之使騎劫代將軍,爲將軍久暴露於外,故召將軍且休,計事。 寡人有隙,遂捐燕歸趙。 王之讎,天下莫不震動,寡人豈敢一日而忘將軍之功哉!會先王弃羣臣,寡人新卽位,左右 之獘以伐燕。燕惠王乃使人讓樂毅,且謝之曰:「先王舉國而委將軍,將軍爲燕破齊, 燕惠王後悔使騎劫代樂毅,以故破軍亡將失齊,又怨樂毅之降趙,恐趙用樂毅而乘燕 將軍自爲計則可矣,而亦何以報先王之所以遇將軍之意乎。」樂 將軍過聽,以與 報先

毅報遺燕惠王書曰:

趙。今足下使人數之以罪,臣恐侍御者不察先王之所以畜幸臣之理,又不白臣之所以 臣不佞,不能奉承王命,以順左右之心,恐傷先王之明,有害足下之義,故遁逃走

事先王之心,故敢以書對。

爲亞卿。臣竊不自知,自以爲奉令承教,可幸無罪,故受令而不辭。 假節於魏,以身得察於燕。先王過舉,廁之賓客之中,立之羣臣之上,不謀父兄,「三以 功之君也;論行而結交者,立名之士也。臣竊觀先王之舉也,見有高世主之心,「己故 臣聞賢聖之君不以禄私親,其功多者賞之,其能當者處之。故察能而授官者,成

□□[正義] 樂毅見燕昭王有自高尊世上人主之心,故假魏節使燕。

[三][正義]杜預云:「父兄,同姓羣臣也。」

先王者也。先王以爲慊於志、「尽〕故裂地而封之,使得比小國諸侯。臣竊不自知,自以 大吕陳於元英,「『」故鼎反乎磿室,「『」薊丘之植植於汶篁,「『」自五伯已來,功未有及 河北之地隨先王而舉之濟上。「「」濟上之軍受命擊齊,大敗齊人。輕卒鋭兵,長驅至 爲奉命承教,可幸無罪,是以受命不辭。 下圖之,莫若結於趙。且又淮北、宋地,楚魏之所欲也,趙若許而約,四國攻之,齊可大 國之餘業而最勝之遺事也。練於兵甲,習於戰攻。王若欲伐之,必與天下圖之。與天 國。齊王遁而走莒,僅以身免,珠玉財寶車甲珍器盡收入于燕。齊器設於寧臺,[三] 破也。」先王以爲然,具符節南使臣於趙。顧反命,起兵擊齊。以天之道,先王之靈, 先王命之曰:「我有積怨深怒於齊,不量輕弱,而欲以齊爲事。」臣曰:「夫齊,霸

[二][正義]濟上在濟水之上。

〔三〕索隱 燕臺也。 [正義] 括地志云:「燕元英、磨室二宫、皆燕宫、在幽州薊縣西四里寧臺之下。」

【□□|索隱|大吕,齊鍾名。 元英,燕宫殿名也。

·四]集解]徐廣曰:「磨,歷也。」 [索隱] 燕鼎前輸於齊,今反入於曆室。 歷室亦宫名,戰國策作「歷室」也。

括地志云:「歷室,燕宫名也。」高誘云:「燕噲亂,齊伐燕,殺噲,得鼎,今反歸燕故鼎。」

][集解]徐廣曰:「竹田曰篁。謂燕之疆界移於齊之汶水。」 齊王汶上之竹也。徐注非也。 [正義] 幽州薊地西北隅有薊丘。又汶水源出兗州博城縣東北原山,西南人 [索隱] 薊丘,燕所都之地也。言燕之薊丘所植,皆植

12

[六][索隱]按:慊音苦簟反。作「嗛」,嗛者,常慊然而不愜其志也。

若先王之報怨雪恥,夷萬乘之彊國,收八百歲之蓄積,及至弃羣臣之日, 政任事之臣,脩法令,慎庶孼,施及乎萌隸,皆可以教後世。 臣聞賢聖之君,功立而不廢,故著於春秋,蚤知之士,名成而不毁, 餘教未衰,執 故稱於後世。

悔,子胥不蚤見主之不同量,是以至於人江而不化。「」 至郢,夫差弗是也,賜之鴟夷而浮之江。吴王不寤先論之可以立功,故沈子胥而不 臣聞之,善作者不必善成,善始者不必善終。昔伍子胥説聽於闔閭,而吴王遠迹

[一] 索隱] 言子胥懷恨,故雖投江而神不化,猶爲波濤之神也

夫免身立功,以明先王之迹,臣之上計也。離毁辱之誹謗,
「〕墮先王之名,
「〕臣

之所大恐也。臨不測之罪,以幸爲利,義之所不敢出也。〔三〕

- [一] 索隱] 誹音方味反。
- [二] 索隱] 墮音許規反。
- []] [索隱] 謂既臨不測之罪,以幸免爲利,今我仍義先王之恩,雖身託外國,而心亦不敢出也。

臣聞古之君子,交絶不出惡聲、八一忠臣去國,不絜其名。八一臣雖不佞、八一數奉

教於君子矣。「图〕恐侍御者之親左右之説,不察疏遠之行,故敢獻書以聞,唯君王之留

意焉。

- [一][正義] 言君子之人,交絶不説已長而談彼短。
- 〔三〕[索隱] 言忠臣去離本國,不自絜其名,云己無罪,故禮曰「大夫去其國,不説人以無罪」是也。 名行而咎於君,若箕子不忍言殷惡是也。 正義言不絜己
- [三] [索隱] 不佞猶不才也。
- 四〕[索隱]上「數」音朔。言我已數經奉教令於君子。君子卽識禮之人。謂己在外,猶云己罪,不説王之有非,故下

云「不察疏遠之行」,斯亦忠臣之節也。

五][樂解] 夏侯玄曰:「觀樂生遺燕惠王書,其殆庶乎知機合道,以禮始終者與! 又其喻昭王曰: 『伊尹放太甲而不 疑,太甲受放而不怨,是存大業於至公而以天下爲心者也。」夫欲極道德之量,務以天下爲心者,必致其主於盛

路,以待田單之徒;長容善之風,以申齊士之志。使夫忠者遂節,勇者義著,昭之東海,屬之華裔,我澤如春,民 利,心無近事,不求小成,斯意兼天下者也。則舉齊之事,所以運其機而動四海也。 隆,合其趣於先王,苟君臣同符,則大業定矣。于斯時也,樂生之志,千載一遇。夫千載一遇之世,亦將行千載一 墮稱兵之義,而喪濟溺之仁,且虧齊士之節,廢廉善之風,掩宏通之度,弃王德之隆,雖二城幾於可拔,霸王之事 邑,乃致速於天下也。不幸之變,世所不圖,敗於垂成,時運固然。若乃逼之以威,劫之以兵,攻取之事,求欲速之 應如草,道光宇宙,賢智託心,鄰國傾慕,四海延頸,思戴燕主,仰望風聲,二城必從,則王業隆矣。雖淹留於兩 願釋干戈賴我,猶親善守之,智無所施之。然則求仁得仁,卽墨大夫之義;仕窮則徙,微子適周之道。開彌廣之 邁全德以率列國,則幾於湯武之事矣。 不興於爲利矣。圍城而害不加於百姓,此仁心著於遐邇矣。舉國不謀其功,除暴不以威力,此至德全於天下矣。 隆之道,豈其局迹當時,止於兼并而已哉「夫兼并者,非樂生之所屑;彊燕而廢道,又非樂生之所求。 乖也。豈不慮不速之致變哉,顧業乖與變同。繇是觀之,樂生之不屠二城,未可量也。」 逝其遠矣。然則燕雖兼齊,其與世主何以殊哉?其與鄰國何以相傾?樂生豈不知拔二城之速了哉,顧城拔而業 功,使燕齊之士流血於二城之下,奓殺傷之殘以示四海之人,是縱暴易亂以成其私,鄰國望之,其猶豺虎。 既大 樂生方恢大綱以縱二城,收民明信以待其獘,將使卽墨、莒人顧仇其上, 夫討齊以明燕王之義,此兵 不屑苟

於是燕王復以樂毅子樂閒口了爲昌國君,而樂毅往來復通燕,燕、趙以爲客卿。 樂毅

卒於趙。[三]

[二] 索隱] 音紀閑反,樂毅之子也。

〔二〕[樂解] 張華曰:「望諸君冢在邯鄲西數里。」

樂閒居燕三十餘年,燕王喜用其相栗腹之計、〇一欲攻趙,而問昌國君樂閒。 樂閒日:

之軍於鄗,禽栗腹、樂乘。 「趙,四戰之國也,〔三〕其民習兵,伐之不可。」燕王不聽,遂伐趙。 樂乘者,樂閒之宗也。於是樂閒奔趙,趙遂圍燕。 趙使廉頗擊之,大破栗腹 燕重割地以與

趙和,趙乃解而去。

[一][索隱] 栗,姓;腹,名也。漢有栗姬。

[三][索隱]言趙數距四方之敵,故云「四戰之國」。 [正義] 東鄰燕、齊、西邊秦、樓煩、南界韓、魏、北迫匈奴。

燕王恨不用樂閒,樂閒既在趙,乃遺樂閒書曰:「紂之時,箕子不用,犯諫不怠,以冀其

雖亂,不若限民之甚也。 室有語,不相盡以告鄰里。[三]二者,寡人不爲君取也。 [〔三] 桀暴之累,二子不失忠聖之名。何者?其憂患之盡矣。今寡人雖愚,不若尉之暴也, 聽;商容不達,身祇辱焉,以冀其變。及民志不人,獄囚自出,「己然後二子退隱。 故紂負 燕民

[一] [索隱] 民志不人謂國亂而人離心向外,故云「不人」。 又獄囚自出,是政亂而士師不爲守法也。

[二][正義] 言家室有忿争不決,必告鄰里,今故以書相告也。

三][正義]二者,謂燕君未如紂,燕民未如殷民。復相告子反燕以疑君民之惡,是寡人不爲君取之。

樂閒、樂乘怨燕不聽其計,二人卒留趙。趙封樂乘爲武襄君。〔一〕

毅列傳第二十

[一] 索隱 樂乘,樂毅之宗人也。

代廉頗。 其明年,樂乘、廉頗爲趙圍燕,燕重禮以和,乃解。 廉頗攻樂乘,樂乘走,廉頗亡人魏。其後十六年而孱滅趙。 後五歲, 趙孝成王卒。 襄王使樂乘

號日華成君。華成君,樂毅之孫也。而樂氏之族有樂瑕公、樂臣公、「三」趙且爲秦所滅,亡 其後二十餘年,高帝過趙,問:「樂毅有後世乎。」對曰:「有樂叔。」高帝封之樂卿,(二 樂臣公善修黄帝、老子之言,顯聞於齊,稱賢師。

[一] 集解]徐廣曰:「在北新城。」 正義地理志云信都有樂卿縣。

[二] 集解] 一作「巨公」。

公教樂瑕公,樂瑕公教樂臣公,「一〕樂臣公教蓋公。「一〕蓋公教於齊高密、膠西,爲曹相國師。 帝、老子,其本師號日河上丈人,不知其所出。 河上丈人教安期生,安期生教毛翕公, 太史公曰:始齊之蒯通及主父偃讀樂毅之報燕王書,未嘗不廢書而泣也。樂臣公學黃 毛翕

[一] 索隱] 本亦作「巨公」也

[三] ||索隱||蓋音古闔反。||蓋公,史不記名。

閒、乘繼將,芳規不渝。

